







HIERONYMI  
MERCVRIALIS

*De Morbis Muliebribus*

Prælectiones. 68. 11. 19

Iam dudum à Gaspare Bauhino exceptæ, ac paulo  
antea incscio autore editæ:

POSTREMO VERO PER  
*MICHAELEM COLVMBVM*

*Ex collatione plurium exemplarium consensu auctoris  
locupletiores, & emendatiores factæ.*

TERTIA VERO HAC EDITIONE  
& auctiores, & castigatiores adhuc redditæ.

*Cum Indice Capitum, & rerum locupletissimo.*



VENETIIS, APVD IVNTAS.

M. D. XCI.

*ib. 2. a*



1810

THE NEW YORK

LIBRARY

1810

THE NEW YORK LIBRARY

1810

THE NEW YORK LIBRARY

THE NEW YORK LIBRARY

1810

THE NEW YORK LIBRARY

THE NEW YORK LIBRARY

1810

I MO  
PERILL ET REVER.  
A B B A T I

D. IO. ANGELO ARCIMBOLDO  
Domino suo Colendissimo.

MICHAEL COLVMBVS. S. D.



*T* nemo est in hac vrbe Vir perillustris, neque in alijs totius Italiae propè omnibus, cui nominis tui splendor ob oculos non effulserit; quique animi tui, omni virtutum genere exornatissimi magnitudinem perspectam non habeat, idemque non summo studio obseruet, admireturque, sic rudi illiberalique ingenio ij mihi semper visi sunt, qui non aliquo officij, aut pietatis genere, suam in te obseruantiam, testatam esse contenderint. Horum in numero (etsi pudet fateri) hactenus me detinuit pudor quidam penè subrusticus; is inhumanum, is officij oblitum videri effecit. Tandem vero vicit pudorem pietas, atque ita vicit, vt oblatam occasionem, leuem quidem illam, dantisque animo accipientis loco longè inferiorem, non sim passus mihi ex manibus elabi, huiusce nimirum operis, industria nostra emendationis in lucem editi, amplissimo nomini tuo consecrandi. Quod sanè plerisque ineptum atque indecè visum iri, illudque vulgo tritissimè in nos vnumquemque iactaturum non ignoramus τὸ κοινὸν καὶ βαλανεῖον? quòd inter Bartolos, Alexandros, Iasones, librum de re medica, toto cèlo alium, reponi, summiq; Antistitis, longè grauissimarum rerum studijs occupati manibus contrectari velimus. Hi si consilij nostri, rationem intelligant, haud fortassis imprudenter, inconsulteque nobiscum agi animaduertent. Inprimis enim sciant, pleraque ex Medicis fontibus atque recessibus esse depromenda ijs, quibus non summis tantum labijs animus est ab Imperatoribus sancitus leges attingere, atque imperitorum

plerumque interpretum deliramentis acquiescere, sed qui vera solidaq; doctrina inhiantes, abditas penitusq; repositas rerum causas, indefesso labore ac vigilijs perquirunt, quò apprime legislatorum mentes rataq; ipsorum decreta asscquantur. Inter hac autem quot, quæso, passim de Vteri gestatione, de Mēstruis, de Partu legitimo, illegitimo, de Cōceptionis tēpore, alijsq; huiusmodi quāplurimis apud Iuriscōsultos quaestiones argumētaq; agitantur? Quot, per Deos, in dies euenta, quot casus ut ipsi vocant, in foro decidendi ad hæc pertinentes occurrunt? Quis rectè Titulum illum Codicis lib. 10. examinet, in quo de morbis in ius vocatum excusantibus agitur, nisi multa ex Medicorum placitis eruat? Ne dicam de lege Diuus, in Pandec. Tit. de extraord. crimin. quæ mihi aliud agenti, forte fortuna sese obtulit, dum Iurisperitum, diebus proximè clapsis, morbo decumbentem inuiserem. In ea, de muliere agitur consultè abortum faciente, quæ sætu animato existente, pœna temporalis exilij mulēbatur, licebat enim antiquitus, secus quam hodie apud Christianos, inanimatum sætum impunè interficere, sicq; Hippocrates sapientissimus, ancillam quondam edocuit, quæ posset ratione sætum perdere. Huc pertinet summi Imperatoris Iustiniani Decretum, quo ille ex Medicis edoctus, cū apud eum lis eiusmodi agigaretur, partum post decem menses editum, illegitimum pronuntiauit. Haud secus quoque Ulpianus in l. intestato post decem menses. ff. de suis & l. hæredio. post decem menses natum, à legitima hæreditate exclusit. Sunt ni fallor, & alia id genus complura, de quibus, ei qui in numeris omnibus absolutum Iuriconsultum sit euasurus, consulendi veniunt, artis nostræ proceres, atque de his potissimum, quæ ad vteri gestationes, ad Partus, ad Abortus pertinent; quæ omnia vsque adeo dilucidè, ornatè, atque eloquenter, à HIERONTMO MERCVRIALI, hisce prælectionibus quondam in hoc Gymnasio publicè habitis, tradita inuenies, vir perillustis, ut si quando contingat aliqua ex his, studiorum causa depromere, satis superq; animo tuo, qui ad apicem omnis doctrinæ concitatus fertur, satisfactum iri non dubitem. Hæc fuit consilij nostri ratio, dum

rio, dum eas nomini tuo nuncupandas duxi, ne meum erga te studiū  
tāciturū, obscurūq; diutius continerem, duplici potissimum nomine,  
tibi nō vsquequaque ingratus fore arbitratus: Tum quōd eius au-  
toris partus sint, qui v̄t paucos omnino habet in te amando atque ob-  
seruando pares, sic generis nobilissimi, humanitatis, animi magnitudi-  
nis, eruditionis, omniumq; virtutum tuarum, quibus te omnibus &  
summopere amandum, & suspiciendum præbes, maximus est præ-  
dicator, quamuis minimè,

Ei facundi eloquentiam Nestoris  
Antenorisq; Phrigij, Deus si daret,

Quod inquit Sapientissimus Euripides, idoneus quis vnquam so-  
ret laudum tuarum preco: Tum quōd ipsemet huiusce mei consilij  
suasor mihi atque hortator extitit. Hoc igitur qualecunque est, bene-  
uolentissimi animi, & gratissima voluntatis in te mea, argumentū,  
serena exporrectaq; fronte accipito. Ipse Deum Opt. Max. precabor,  
v̄t te quā diutissimè seruet incolumem. Vale:

Pataniij Quarto Calendas Decembris 1591.

I liber & Domino, vigiles vbi pectore cura  
Diffugient, humilis flexo dic poplite χαῖρ,  
Talibus atque illum supplex affare precando:  
O Decus eximium Phœbi, Decus atque furentis  
Palladis, en summi exiguum me pignus Amoris:  
Me facilis placido, atque hilari precor excipe vultu,  
Sim licet exiguus, sunt Dijs gratissima parua,  
Parua Iouem pacat nonnunquam mica, nec illi  
Semper inaurati, diues cadit hostia, Tauri.  
Sic veluti Aiakis clypeo septemplex tectus,  
Improba contemnes mordacis iurgia lingue,  
Atque omnes hominum manibus tractabere in annos.

# MICHAEL COLVMBVS

## MEDICINAE STUDIO SIS. S.




Ecimus quartus, ni fallor, iam annus agitur, ex quo HIERONYMVS MERCVRIALIS, summo cum omnium applausu, atque admiratione, auditores suos, quos solet habere frequētissimos publicè in hocce Gymnasio, muliebres morbos curandi rationem edocuit, nullo prorsus, vt dictata vnquam ederentur consilio; Sed cū Germani, inter lectissimę iuuentutis cohortes, ea excepissent, de eorundem postea editione cogitarunt, ex auctoris exultimatione, cuius sunt studiosissimi, id futurum existimantes. Sic cō tandem res deuenit ( tanta eos cæperat editionis cupiditas ) vt Mercurialis nondum de impressione admonitus, sua typis Germanicis excussa viderit. Quod sanè officium prima facie non satis arrisit, cum antea plurimis & Venetis, & Patauinis, atque exteris typographis, illud tantoperè efflagitantibus, denegasset. Postea verò vt animo est leni, summeq; in Germanos beneuolo, atque propenso, cepit boni æquiq; consulere id, quidquid fuit Germanorum in seipsum studij ac propensionis. Cum vero postea Iuntæ viri, de re literaria optimè semper meriti, easdem prælectiones typis suis excudere in animum induxissent, quo illarum copia cunctis suppeteret, obtinuerunt tandē; neq; enim tā iustę petitioni, deesse potuit; aut debuit, vir humanissimus. Quare id mihi oneris ( quę sua est in me humanitas ) demandauit, vt collatis optimis exemplaribus, si quę minus accuratè ex trāscentiū manibus,

bus, quæ quidem fuerunt quamplurima, excidissent, suæ,  
qua tunc dictauerat puritati, quam fieri posset, diligēter,  
restituerem; quod qua potui indu stria ac fide præstiti, etsi  
minimè inficias eo, nonnulla etiam & mihi, & typogra-  
pho excidere potuisse; Sed ea vsque adeo leuia & pauca  
sunt, vt vestros animos, ne tantillum quidem remorari  
possint. Quare id quidquid est laboris nostri, boni con-  
sulite. Interea consultationes Medicas, ab eodem Mercu-  
riali pro summis & Principibus viris, prudentissime di-  
sertissimeque conscriptas, quas apud me plurimas ac  
paratissimas habeo, in vestram gratiam excudendas,  
propediem expectate. Valeat:

Patauij, quarto Calendas Decembris. 1586.







# INDEX RERVM, ET VERBORVM NOTABILIVM

IN QVO NVMERORVM RATIONE  
fideliter subducta, singula paginis suis connotata:  
Candide lector reperies.

<b>A</b>		<i>Aetate mulieres venerem magis appetunt.</i>	12
	<i>Aetate lac minus abundat.</i>		90.
	<i>Aetius defenditur.</i>		135
	<i>Aetij sententia explicata.</i>		49.
	<i>Aetij sententia reprobata.</i>		131
	<i>Aetij locus explicatus.</i>		182.
	<i>A'γαλακτρία.</i>		78
	<i>Agaricus praefocatus excitat.</i>		134.
	<i>A'γωρία.</i>		4
	<i>Agnus castus lac generat.</i>		80
	<i>Agni casti semen lac consumit.</i>		91
	<i>Agrippae qui dicantur.</i>		3
	<i>Allatarum Auicenna quid.</i>		193
	<i>Alvaticum Albucasi quid.</i>		194
	<i>Alexandri duplex erratum.</i>		228
	<i>Alimarus dormitat.</i>		176
	<i>Altomari error.</i>		98
	<i>Altomari sententia consultata.</i>		98
	<i>Altomari sententia reprobata.</i>		209.
	<i>Altomari sententia reprobata.</i>		135
	<i>Altomari error.</i>		173.
	<i>Amazones mammas sibi abscindunt.</i>		112
	<i>A'μφλωρις.</i>		41
	<i>ἀράβωρις.</i>		144
	<i>ἀρασμορις.</i>		144
	<i>Angustia uteri an possit facere abortum.</i>		45
	<i>Angustia uteri prohibet augmentum nō vitam fetus.</i>		45
	<i>Angustia uteri facit difficile partus.</i>		61
	<i>Angustia uteri causa suppressionis mēstruorum.</i>		130
		**	Ani-
<i>ABORTVS quid.</i>	42		
<i>Abortus qui propriè dicantur.</i>	43		
<i>Abortus causa.</i>	43		
<i>Abortus causa est suppress. mensium.</i>	130.		
<i>Abortus signa.</i>	46		
<i>Abortus prognostica.</i>	48		
<i>Abortus curatio in quo posita.</i>	49		
<i>Abortus curatio à flatibus.</i>	49		
<i>Abortus ab humoribus curatio.</i>	49		
<i>Aetum mulieri inimicum.</i>	20		
<i>Acetum cur non noceat stomacho.</i>	20		
<i>Acetum acerrimum ac lactis abundantiam.</i>	91		
<i>ἀγροσάπινα.</i>	71		
<i>Adstringens ab autore visitatum.</i>	76		
<i>Adstringentium in usu tria semper observanda.</i>	176		
<i>Adstringentibus non vitendum antea totius purgationem.</i>	176		
<i>Aer satius facit abortum.</i>	43		
<i>Aer inconstans causa abortus.</i>	43		
<i>Aer inclemens causa abortus.</i>	43		
<i>ἀγροσάπινα.</i>	194		
<i>Aegritudo caudata quid.</i>	193		
<i>Aegritudines a Christo curatae incurabiles erant.</i>	148		
<i>Aegypti mulieres libidinosae.</i>	186		
<i>Aenigma Hipp. est &amp; non est, octimestris partus.</i>	41		



<i>Animal noui orbis duplici vtero prae-</i> <i>tum.</i> 216	<i>Aromata menses prouocant.</i> 133
<i>Animalia cur exeant capite ab vtero.</i> 35	<i>Aromata petunt caput.</i> 228
<i>Animi operationes in viris illustri-</i> <i>res.</i> 1	<i>Ascensus vteri signa.</i> 219
<i>Animi motus menstrua supprimunt.</i> 129	<i>Ascensus vteri, &amp; praefocationis cura-</i> <i>tio eadem.</i> 223
<i>Anseris pinguedo cum lacte castigat</i> <i>mammæ grandes.</i> 115	<i>Astrologorum opinio de octimestri par-</i> <i>itu.</i> 41
<i>ἀπρως.</i> 224	<i>Ἀτρυγέα.</i> 5
<i>Α'φογία.</i> 4	<i>Athenienses sacerdotes cicuta libidinem</i> <i>extinguebant.</i> 189
<i>Apium famineum facit sterilitatem.</i> 14	<i>ἄτρονον ἄτρονιαν.</i> 5
<i>Apium prouocat urinam, &amp; menses.</i> 176	<i>Auenzoar factus secundus ex febre.</i> 184
<i>Aponenses Therma viles in praefoca-</i> <i>tione vteri.</i> 236	<i>Auerroes negauit vim discretiuam vte-</i> <i>ri.</i> 217
<i>Apoplexia impedit respirationem.</i> 224	<i>Auerroes non erat perfectus medicus.</i> 218
<i>Aqua frigida sterilitatem facit.</i> 19	<i>Auerrois excusatio.</i> 218
<i>Aqua fabrorum sterilitatem facit.</i> 19	<i>Auerrois sententia reprobata.</i> 6
<i>Aqua Nili conceptum inuat.</i> 19	<i>Auerrois de mola opinio.</i> 29
<i>Aqua rosarum ad pruritus.</i> 182	<i>Auerrois sententia confutata.</i> 33
<i>Aqua tepida sedat pruritus.</i> 182	<i>Auicennæ sententia de mola.</i> 29
<i>Aqua in vtero vbi colligatur.</i> 202	<i>Auicennæ sententia explicata.</i> 47
<i>Aqua potus facit sterilitatem.</i> 13	<i>Auicennæ error.</i> 172
<i>Aquæ potus sepe menstrua tollit.</i> 127	<i>Austrinus aer inimicus grauidis.</i> 35
<i>Aquilonares constitutiones conceptui</i> <i>aptæ.</i> 19	<i>Austrina constitutiones conceptui in-</i> <i>eptæ.</i> 19
<i>Arietis nigri lana vterum in locum suum</i> <i>restituit.</i> 222	<b>B</b>
<i>Aristotel. malè feminas monstra appel-</i> <i>lat.</i> 1	<i>Bitinea refrigerantia ad vterinum</i> <i>furorem apta.</i> 190
<i>Arist. ingratus versus Hipp.</i> 55	<i>Brassica frequens vsus parit cancrum.</i> 214
<i>Aristotelis error.</i> 94	<i>Benevolentia navibus adhibita cur indu-</i> <i>cant praefocationem vteri.</i> 228
<i>Arist. de causis sterilitatis opinio.</i> 8	<i>Biliofis mulieribus menses tenuiores.</i> 128
<i>Aristot. sententia confutatur.</i> 100	<i>Bituminosa luta emolliunt.</i> 213
<i>Aristotelis sententia de tempore partus.</i> 40	<i>Bruta non habent caput magnum.</i> 61
<i>Arist. &amp; Hippo. conciliatio.</i> 54	<i>Bruta habent constitutum parienti tem-</i> <i>pus.</i> 40
<i>Aristotelis error.</i> 103	
<i>Arist. de lacte sententia.</i> 63	
<i>Aristolochia rotunda facit partus facili-</i> <i>tatem.</i> 75	

133			Clausura uteri causa	198
128			Clausura uteri signa.	198
119			Clausura uteri prognostica.	196
1074-			Clausura uteri curatio.	197
223			Crasse cur non concipiant.	10
1074-			Cedra impedit conceptum.	24
41			Ceratum retinens vterum.	122
5			Cervix vteri carnosior.	207
1074-			Cleopatra Regina mors.	100
189			Cibi acidi faciunt sterilitatem.	14
5			Cibi qui sterilit. faciunt.	14
1074-			Cibi moderantia confert sanitati.	
			89	
1074-			Cicatrices vteri causa sunt suppressionis	
217			menstruorum.	
1074-			Cinara lac coagulat.	98
			Cuminum tollit lactis abundantiam.	
118			92	
6			Clyster vchemens.	233
29			Chrysalis pulvis excitat praefocatas.	
33			234	
29			Cnycum lac coagulat.	99
47			Coagulum habet igneam vim.	99
172			Coagulum duplex.	100
			Coagulum leporinum ad Abortum.	
			53	
1074-			Coagulum externum quid.	100
19			Coagulum internum quid.	101
			Coagulum omne adstringit.	106
			Coagulum leporinum dissolvit sanguine.	
			106	
			Coagulum leporinum optime adstringit.	
			176	
			Coagulationis causa externa.	102
			Coagulationis lactis signa.	102
			Coagulationis lactis curatio.	103
			Coctum quod semel est non amplius recru	
			descit.	74
			Coctum recrudesceit duobus modis.	
			75	
			Coctionis perfectae quae sunt, corrupta de-	
			teriora evadunt.	232
			Coitus multens facit abortum.	45
			Coitus faciliat partum.	73
			Coitus vilis ad furorem vterinum.	
			188	
			66 2	
			Colica	



165	Dubitatio circa Arist. dicta.	123
abor-	Dubitatio in Galeno.	144
53	Durities quomodo differat a Scirrho.	7
93	210	
180		
nitat	E	
enstru.	Ebriosi infæcundi.	14
180	Educio Secundina.	60
127	Elephas parit secundo anno.	40
r. 74	Emotam fieri Hipp. quid.	217
90	Empedocles a calumnijs Aristotel. defen-	67
conue	ditur.	67
233	Empedocles vocavit vinum aquam in li-	64
	gno putrefactam.	118
	Empedoclis solertia.	91
	Emplastrum ad laetis abundantiam.	182
ia. 91	Emplastrum ad suppressos menses.	207
ramus.)	Emplastrum ad prurium.	210
	Emplastrum ad inflationem vteri.	234
210	Emplastrum suppurans.	229
78	Emplastra excitantia.	230
131	Epileptici cur ob pranos odores sympto-	40
om mu	mata incurant.	193
158	Epileptica pulsus habet magnum.	44
117	Equa parit mense 9. aut 10.	180
175	Erysipelas vteri.	167
144	Exercitat corporis faciunt abortum.	44
187	Excoriationis vteri curatio.	19
itio.	Externa remedia quomodo conferant in-	83
	gonorrhæa.	187
144	Euacuatio immodica causa abortus.	43
138		214

F

144	Faba sterilis facit.	19
138	Faba impleri vbera pecorum.	83
missione	Facilis est virginitatem, quam castita-	187
208	tem seruare.	43
173	Flatus in vtero faciunt abortum.	214
196	Flatulosa refrigeratio Sorano quid.	102
enjes.	Francisci Pedemontani error.	81
	Femina cur maiorem dolorem inferat in-	42
	exitu ab vtero.	24
ve mulie	Femina in vtero tardius perfici.	65
176	Fetus cur in vtero laborat octavo men-	24
9		
ur indicat		
179		
103		
Du-		

se.

42	Fætus mortuus ut exeat eget particula-	30
	ribus remedijs.	46
	Fætus in vtero sius quis.	74
	Fætus qua figura exeant in lucem.	67
	Fætus plures faciunt diff. partus.	234
	Fætida sunt natura inimica.	53
	Figura exitus fætus naturalis.	77
	Frigida intemp. facit abortum.	130
	Frigida intemperies cur menstrua suppli-	104
	mat.	183
	Frigido, que congregant, soluntur ca-	233
	lido.	44
	Fricatrices mulieres qua.	213
	Friciones in prefocatione conueniunt.	183
	Foroliuiensis mulier statis diebus abor-	22
	tiens.	171
	Fumus Pyritidis dissipat scirrhus.	144
	Furor vterinus.	145
	Fluxus alui facit abortum.	147
	Fluxus muliebris.	148
	Fluxus menstrui immodici cause.	171
	Fluxus menstrui signa.	174
	Fluxus menstrui prognostica.	175
	Fluxus menstrui curatio.	174
	Fluxum quis deterior.	174
	Fluoris muliebris signa.	174
	Fluoris muliebris prognostica.	174
	Fluoris muliebris curatio.	175
	Fluoris rubri curatio.	175
	Fluoris biliiosi curatio.	46
	Fructus quomodo parui seruentur.	

G

56	Galeni locus emendatus.	30
	Galeni locus explicatus.	46
	Galeni locus emendatus.	74
	Galeni sententia explicata.	79
	Galeni error detectus.	210
	Gallia moschata ad diff. partus.	65
	Gazæ erratum.	24
	Gazæ	

Gaze error.	124	ὑπερκαθάρσις.	143
Glandis uehementis exemplum.	233	ἡσθόσις.	192
Gracilis habitus facit abortum.	43	Hystericæ spumam non edunt.	230
Grauida non prestabantur sana.	17	Hystericis facies non rubet.	241
Grauidæ cur semper ægrotent.	35	Homo solus cur plura habeat parienti	
Grauidarum cura.	35	tempora.	40
Genuum frigiditas signum vteri inflam-		Homo habet totam capitis magnitudinē	
mationis.	202	in vtero.	60
Gonorrhæa muliebris.	157	Humida intemperies quæ faciat sterilita-	
Gonorrhæa virorum differt a muliebri.		tem.	9
157		Humida intemperies facit abortum.	44
Gonorrhææ causæ.	165	Humiditas duplex.	125
Gonorrhææ signa.	166	Humiditas mulierum adiposa.	120
Gonorrhææ prognostica.	168	Humores qui præfocationē faciunt.	226
Gonorrhææ curatio.	168		
Cuttur gallinæ lac coagulat.	98		
Grumefactio lactis quid.	97		
Grumi sanguinis in vtero.	191		

H

<b>H</b> αιμορροΐσις.	143	<b>I</b> modici fluxus menstrui caracter.	143
Hæmorrhoidalis fluxus menstruo		Inedia libidinem compescit.	236
rum.	153	Inflationis vteri causæ.	199
Hæmorrhoides Aristoteli quæ.	196	Inflationis vteri signa.	199
Hæmorrhoides secandi modus.	154	Ioflationis vteri curatio.	200
Hæmorrhoidalis fluxus curatio.	155	Inflammatio quomodo a lacte fiat.	107
Hæmorrhoida Haly quid.	193	Inflammationis vteri causæ.	205
Heraclides Ponticus integrum librum		Inflammationis vteri curatio.	207
scripsit de præfocatione vteri.	193	Inflammationes internæ augentur a fom	
Hermaphrodite quando fiant.	163	no.	207
Heroum filij noxæ.	18	Inflammationes lacte demulcentur.	65
Hydrops quomodo faciat sterilitatem.	10	Inflammationum remedium præcipuum.	
Hydrops vteri.	202	109	
Hydropis vteri causæ.	202	Inseffus ad suppressos menses.	143
Hydropis vteri signa.	203	Inseffus ad fluxum menstruorum.	150
Hydropis vteri curatio.	203	Internæ causæ sterilitatis.	8
Hiera expurgat vterum.	140	Inter cerebrum, & vterum magnus est	
Hippocratis sententia reprobata.	28	consensus.	228
Hipp. sententia de tempore partus.	40	Intemperierum vteri causæ.	184
Hippoc. sententia explicata.	53	Intemperierum vteri curatio.	185
Hippocratis locorum conciliatio.	23	Inunctio in abortu.	51
Hippoc. sententia de generatione lactis.	77	Iuuenilis mens uaga.	227
Hippoc. sententia explicata.	132		
Hippoc. locus emendatus.	158		
Hispansæ cur infæundæ.	18		

K

<b>K</b> αταμίνιον.	117
κίρκος, & κίρκος.	193
κλυτορίς.	193

L

**L**ac quid. 61  
 Lac est sanguis coctus. 64  
 Lac aequè fit in viris ac feminis. 61  
 Lac quod apparet in viris non est verum lac. 61  
 Lac muliebri lenit dolorem. 215  
 Lac & semen ex eadem fiunt materia. 64  
 Lac an fiat ex sanguine puro. ibid.  
 Lac an fiat per coctionem. ibid.  
 Lac fit ex sanguine dulcissimo. ibid.  
 Lac fit ex sanguine menstruo. ibid.  
 Lac quomodo generetur. 66  
 Lac fit per minimam sanguinis mutationem. ibi.  
 Lac quot modis ledatur. 4  
 Lac sanguis dealbatus. 107  
 Lac quando deficiat. 78  
 Lac generatur ex sanguine menstruo. 79  
 Lac non reddit imagines. 80  
 Lac picuis osium quomodo dignoscatur. 81  
 Lac melancholicum, ut dignoscatur. ibi.  
 Lac optimum albissimum. ibi.  
 Lac quæ per se generent. 79  
 Lac quæ per accidens generent. ibi.  
 Lac multum è mammis effluens signum abortus. 47  
 Lac consumitur esu salitorum. 83  
 Lac copiosum, an eadem ratione noceat qua & semen. 88  
 Lac dulce est. 80  
 Lac autumnum minus abundat. 90  
 Lac fluidum fit ex sanguine ichoroso. 96  
 Lac merum capellas dementat. 88  
 Lac ficulneum succus condensat. 69  
 Lac dissipans medicamentum. 92  
 Lac an possit grumescere a causa calida. 98  
 Lac fit ob suppressa menstrua. 107  
 Lactis natura aquæ, & terrea. 83  
 Lactis vitia. 60  
 Lactis defectus. ibi.  
 Lactis coctio in mammis quomodo fiat. 65  
 Lactis definitio. 66

Lactis defectus quem morbus sequatur. 78  
 Lactis defectus cause. ibi.  
 Lactis dulcedo, & mellis diuersa. 80  
 Lactis candor, & aliorum diuersus. ibi.  
 Lactis defectus signa. ibid.  
 Lactis boni conditiones duæ. ibi.  
 Lactis defectus prognosticum. 81  
 Lactis defectus curatio. ibi.  
 Lactis abundantia. 88  
 Lactis abundantie cause. 89  
 Lactis abundantie prognostica. 89  
 Lactis abundantie curatio. 90  
 Lactis mutatio in qualitate. 94  
 Lactis conditiones quatuor. ibi.  
 Lactis factor vino emendatur. 95  
 Lactis fluiditas. 96  
 Lactis fluiditas quomodo cognoscat. ibi.  
 Lactis caseatio, & grumescitio. 97  
 Lactis partes tres. ibi.  
 Lactis grumescitio fit à calido, & frigido. 98  
 Lactis caseationis cause. ibi.  
 Lactis caseatio an possit fieri a calido. ibi.  
 Lactatio apud æthiops citius fit. 90  
 Lactuca lac generat. 79  
 Lagana lac incrassant. 96  
 Lana arietis nigri refliuit vterum. 122  
 Lapis sardonius contra abortum. 53  
 Lapis Iaspis ad fluxum menstruum. 153  
 Lapides an fiant in vtero. 190  
 Lastenses aquæ accommodatæ in præfocatione vteri. 135  
 Lepus Marinus facit abortum. 44  
 Leporis coagulum inefficax. 98  
 Letitia mulieres exanimatæ. 44  
 Libido vnde. 14  
 Linimentum ad difficultatem partus. 66  
 Linimentum ad fluxum menstruum. 151  
 Linimentum ad vlcera vteri. 180  
 Loxææ. 127  
 Locus affectus in vlcere vteri. 178  
 Locus affectus in vterino furore. 186  
 Lucenses aquæ curant sterilitatem. 10  
 Lucenses Thermae menses cient. 141  
 Lucretij de sterilitate sententia. 9  
 Lugdunenses mulieres sese in fluuios præcipitant. 186



Lumbrici vteri.	190	Medicamentum ad excitandam vim ex-	
Lumbrici fiunt in vtero.	191	pultricem.	59
Lumbricorum vteri signa.	191	Medicamentum satum corrumpens.	
Lumbricorum vteri curatio.	191	59	
Luna frigidum non agit positive.	124	Medicamenta secundum eduentia.	
Lutum S. Barthol. emollit.	213	60	
Lata emollientia.	213	Medicamenta menses prouocantia.	
		141	
M		Medicamenta a proprietate ad fluxum	
		menstruorum.	153
Malum pili quid.	102	Medicamenta ad abortum a proprietate	
Mammae corpora frigida.	65	occulta.	53
Mammae corpora glandulosa.	80	Mel crudum acrius est.	75
Mamma alterius vsus, & natura, in ma-		Melancholiam quae educant.	182
ribus, quam feminis.	2	Melancholicis mulieribus menses sunt	
Mamma facile ob cordis tutelam.	109	crassiores.	127
Mamma ubi dolent an sit exugendum		Menses quae prouocant, calida sunt.	
lac.	93	138	
Mammarum vsus quis.	2	Menses quibus aperiantur.	235
Mammarum gracilitas, quomodo indicet		Menses mouentur luna decresciente.	
abortum.	47	123	
Mammarum inflammatio quid.	106	Mensium defectus cause.	128
Mammarum inflammationis cause.		Menstruus sanguis cur expellatur.	117
107		Menstruus sanguis an per resudationem	
Mammarum inflammatarum signa.		excludatur in vterum.	118
107		Menstruus sanguis sua natura benignus	
Mammarum inflammat. prognosticum.		est.	121
108		Menstruus sanguis cur tot prauos effe-	
Mammarum inflammat. curatio.	108	ctus edat.	121
Mammarum inflammatarum remedia.		Menstruus sanguis an nutriat vterum.	
110		126	
Mammarum caro spongiosa.	112	Menstruus fluxus, non est prae. natu.	
Mammarum magnitudo.	112	117	
Mammarum magnitudinis cause.	112	Menstruus fluxus cur non fiat in viris.	
Mammarum magnitudinis curatio.		118	
114		Menstruum sanguinem cum natura non	
Mammis inflammatis an repercutientia		excernat quotidie.	121
conueniant.	109	Menstruum quid.	117
Marci varronis sententia de situ fetus.		Menstrua quae prouocant, destruunt lac.	
54		83	
Marmor affectus quis.	198	Menstrua per reserationem vasorum	
Medea.	178	excluduntur in vterum.	121
Medicamentum optimum ad difficulta-		Menstrua in quibus fiant.	122
tem partus.	66	Menstrua cur desinant post 50. annum.	
Medicam. ad duritiem mammarum.		123	
112		Menstrua ad quem finem fiant in mu-	
		lieribus.	

licibus.	126	Mulier parva aprior conceptui.	10
Menstrua quæ naturalia.	128	Mulier ebria non debet coire.	19
Menstruorum natura quæ.	105	Mulier peperit in decimoquarto mense.	
Menstruorum defectus.	105	40	
Menstruorum generationis modus.	118	Mulier foroliensis flatis diebus abor-	
Menstruorum perniciosi effectus.	121	tens.	45
Menstruorum tempus quod.	122	Mulier phlebotomata abortit.	51
Menstruorum quantitas.	126	Mulier sola cur laboret partus difficul-	
Menstruorum tempora.	ibi.	tate.	60
Menstruorum qualitas.	ibid.	Mulier emittit semen in vterum.	158
Menstruorum executum quantitas.	127	Mulier an semen habeat.	ibi.
Menstruorum defectus quod symptoma		Mulieres steriles morbose.	18
fit.	128	Mulieres densiores viris.	118
Menstruorum defectus prognostica.	129	Mulieres frigidiore viris.	ibi.
Menstruorum suppressio, quos pariat		Mulieres cur frigidiore viris.	119
morbo.	130	Mulieres cur pinguiore viris.	ibi.
Menstruorum defectus curatio.	131	Mulieres concipiunt inchoantibus, vel	
Menstruorum fluxus immodicus.	143	desinentibus menstruis.	121
Menstruorum stillicidium.	155	Mulieres cur maxime animalium men-	
Mentha facit sterilitatem.	14	strua habeant.	122
Messalina imperatrix libidinosa.	15	Mulieres ex retentis mensibus virilem ha-	
Milesia virgines sese suspendebant.	186	bitum acquirunt.	133
Minos statutum nefandum.	23	Mulieres felicissime per uenas inferio-	
Missionis sanguinis administrande ratio		res purgantur.	134
in mensium suppressione.	136	Mulieres non perforata quæ.	194
Metrenchita.	176	Mulieres ubi menstrua erumpunt præso-	
Modus secandi venas inferiores.	137	cari solent.	127
Mola quid.	26	Mulieres in præfocatione uteri mente ca-	
Mola vnde dicta.	ibid.	piuntur.	ibid.
Mola quomodo extrescat.	31	Muliebris fluor.	171
Mola viginti annorum.	32	Muliebres morbi qui.	21
Mola in vtero non mouetur.	31	Mutationis situs uteri cause.	25
Mole causa.	28	Mutationis situs uteri prognostica.	210
Mole signa.	31	Mutati situs uteri signa.	119
Mole prognostica.	32	Mutati uteri situs curatio.	221
Mole curatio.	33		
Molam cur sola mulier concipiat.	27		
Moniales frequenter præfocantur.	228		
Morbi uteri a solutione unitatis.	176		
Morbi uteri in magnitudine.	195		
Mortui fatui signa.	47		
Moschionis sententia.	58		
Mule cur steriles.	10		
Mulier quando concipiat.	6		
Mulier vterum temperatum habens fa-			
cunda est.	7		

N

Nemesia mulier barbata.	132
Natura cur fecerit lac.	67
Natura cur fecerit mamillas in pectore.	68
Naturam quæ excitant trium sunt generum.	235
Nepeta ciet menses.	138
Nicolai Florentini experimentum.	222

Nym-



# I N D E X.

Nympha.	4	Oves in Ponto faciunt lac nigrum.	80
Nympha.	192	Oxymel in curatione sterilitatis vitan-	
Nympha, & caudæ causæ.	193	— dum.	10
Nympha curatio.	ibid.		
Non perforatarum signa.	196		
Nutriti vbertas non destruit for-			
mationem sætus.	27		

## O

**O** Ctimestres sætus, cur non vitales.

41  
Otimestres partus, an sit abortus. ibi.  
Otimestres partus non est vitalis. ibi.  
Otimestres partus in Agypto vitales.  
ibidem.

Otimestres partus illegitimus. ibi.  
Otimestres partus in Hispania vitales.

43  
Oculus Hyemæ curat sterilitatem. 18  
Odor obiectum odoratus. 128

Odor extinctæ lucernæ pregnantibus in-  
festus. 35  
Odores granes insensu gravidis. ibi.

Odores boni cur præfocationem vteri in-  
ducant. 228  
Odores pravi fundantur in humoribus  
crudis. ibid.

Odores pravi cur excitent præfocatio-  
nem uteri. 230  
Oedema vteri. 191

Oleum cedrinum impedit conceptum. 24  
Oleum vitelli ouorum sedat dolorem.

180  
Oleum rosaceum sedat dolorem. 210  
Oleum vitelli ouorum lenit dolorem.

215  
Opiata vtero infusa faciunt sterilitatem  
non mortem. 180

Opiatarum rerum in sætu signa vnde.

35  
Optici nervi oriuntur a radice spinalis me-  
dullæ. 197

Os de corde cervi ad abortum. 53  
Otiū nimium facit difficultatem partus. 66

Ouum antiquum restituit vterum. 212

**P** Apauers semen quomodo faciat  
lac. 83

Partus difficilis. 59  
Partus quotupliciter ledatur. 2

Partus vitiosus quis. 53  
Partus vitia. 44

Partus vitiosi cause. 57  
Partus male exeuntis signa. 57

Partus vitiosæ exeuntis curatio. 58  
Partus difficilis cause. 60

Partus difficilis signa. 63  
Partus difficilis prognosticum. ibi.

Partus difficilis curatio. 64  
Pariendi tempus quodnam. 40

Pasticia lac incrassant. 96  
Pastinacæ semen curat sterilitatem. 17

Patauina aqua Thermales cient menses. 141

Patauina aqua Thermales curant steri-  
litem. 21

Pauli locus explicatus. 141  
Platonis de vtero sententia. 187

Pecora esu fabarum implent vbera. 83  
Perdiciis ouum illiūm coerces mam-  
mas. 114

Perditæ amantes non concipiunt. 13  
Pessi ad fluxum menstruorum. 153

Pessarum ad difficultatem partus. 65  
Pessarum sætum corrumpens. 59

Pessarij forma. 21  
Pessaria in Abortu. 51

Pessi. 141  
Phelusa mulier barbata. 132

Plenilunio humida eliquescent. 126  
Præcipitatio vteri. 217

Præfocatio uteri quid. ibid.  
Præfocatio cur non fiat ab inanitione.

141  
Præfocatio uteri quomodo fiat a sicca-  
te. 127

Præso-

Præfocatio vteri quomodo distinguatur a syncope.	230	Potentia actiua non eget actiuante.	162
Præfocatio ex retento semine grauior est.	231	Potio ad menses suppressos.	141
Præfocationis vteri cause.	226	Potus nimis causa sterilitatis.	14
Præfocationis vteri signa.	229	Potus vini frigidioris facit abortum.	14
Præfocationis futura signa.	230	Procidencia vteri.	217
Præfocationis declinantis signa.	230	Proprium vteri quid.	ibi.
Præfocationis causarum signa.	229	Prophosia vteri.	ibi.
Præfocationis vteri prognostica.	229	Prosa Dea que.	56
Præfocationis vteri curatio.	231	Pueri omnes nani.	61
Præfocationis curatio extra paroxysmum.	235	Pueri lacte nutriti vesica lapide tentantur.	94
Præfocatio vteri omnes actiones laeduntur.	225	Puerorum nervi debiles.	81
Præfocata mulieri si sternutatio superueniat, bonum.	241	Pueris conuulsiones fiunt ob lactis copiam.	81
Præfocata, quomodo dignoscantur a mortuis.	230	Puerperium.	127
Præfocata quomodo dicantur esse sine præfocatione.	230	Puerperij purgationis quantitas.	127
Præfocatas que exsistent.	234	Puerpera in quiete detinenda.	219
Præfocatis cor refrigeratur.	230	Pulegium menses prouocat.	138
Prægnantibus nunquam mittendus sanguis a saphena.	51	Pulsus ad inflationem vteri.	201
Præseruatio abortus duplex.	49	Pumilliones qui.	60
Picus Mirand. contra Astrologos.	14	Purgans accommodatum in vteri præfocatione.	236
Pici Mirand. erratum.	42	Purgantia auocant sanguinem a mammis.	96
Quousij Quous.	192	Plutarchi sententia de mola.	30
Ringua corpora infecunda.	167	Pruritus matricis.	181
Piscium salitorum capita faciunt lac.	83	Pruritus cause.	ibi.
Pituita minus alba quam lac.	82	Pruritus signa.	ibi.
Pituita educit Agaricum.	181	Pruritus prognostica.	ibi.
πικρία.	99	Pruritus curatio.	ibi.
Plinij historia.	7		
Plinij sententia improbata.	81	Q Vadrupeda cur in utero extensa.	32
Plinij locus emendatus.	83	Quare fetus periclitetur octauo mense.	48
πυρίσκη.	214	Que minus in abortu ledantur.	48
Priapismus Arabum quid.	185	Que coquuntur fiunt calidiora.	65
Pisana ex milio mirè siccata.	176	Quies immodica facit sterilitatem.	13
Pollutio nocturna, quomodo a gonorrhæa differat.	156		
Porrum curat sterilitatem.	18		
Posca dolorem sedat.	200		
Postuenda dea que.	57		

Q

R

<b>R</b> Habarbarum purgat bilem.	181
Racta Rhasis quid.	294
Recorporatrix victus ratio.	49
Remedium ad mammarum magnitudinem.	114
Remedia duo præstantissima in præfocatione utri.	235
Repercutientia duplicia.	109
Retentrix in fluxu quomodo offendatur.	171
Risus facit abortum.	43
ῥῶν γυναι κῶν.	171
Romani veteres superstitiosi.	56
Rustica urbanis steriliores.	13
Ruta absomit genituram.	190
Ruta semen, lac & semen consumit.	90

S

<b>S</b> Abina menses ciet.	138
Salita an concuciant lactis gignendo.	118
Salitorum usu efficitur fetus sine vngui- bus.	38
Saltus cordis in gravidis.	38
Saltatrices non habent menstrua.	128
Sanguis menstruus duas habet partes.	64
Sanguis calidior lacte.	66
Sanguis in mammis collectus insaniam significat.	103
Sanguis unde mittendus in uteri inflam- matione.	209
Sanguinis missio optimum remedium a- bundantiæ lactis.	90
Sanguinis missio an conveniat in inflatio- ne uteri.	201
Sanguinis multitudo an possit esse causa suppressionis mensium.	131
Sanguinem ad mammæ quæ prouocent.	84
Satyrasis Actio quid.	185
Scammoneum purgat bilem.	181

Scarificandi modus uterum.	138
σκαρῖκῳ.	88
Strangulatio uteri.	225
Seclio uenarum inferiorum derivat ab utero.	137
Secundina quomodo educenda.	69
Semen spumosum.	6
Semen a toto secedit.	15
Semen natura frigidum.	66
Semen circa lac destruit.	79
Semen retentum cur noceat.	88
Semen uiri diuersum est a semine mulie- ris.	158
Semen non fit album in testibus.	166
Seminis conseruatio confert sanitati.	89
Seminis, & menstrui discrimen.	117
Serum lactis commendatum in affecti- bus uteri.	180
Serum fugiendum in affectibus lienosis.	175
Serosa pars lactis ut crassecat.	97
Septentrionales unde fiant steriles.	14
Sexus a quibus discernantur.	1
Sperma est sanguis permutatus.	50
Sperma ubi retinetur abundat sanguis.	236
σπῆμα.	14
Sterilitas quid.	5
Sterilitas quando curabilis, & quando in- curabilis.	16
Sterilitas utrum sit in uiro an femina, cognoscendi ratio.	16
Sterilitas fere a muliere oritur.	16
Sterilitatis signa unde sumantur.	14
Sterilitatis a calore signa.	15
Sterilitatis ab alijs causis signa.	15
Sterilitatis prognostica.	16
Sterilitatis curatio.	17
Sterilitatē facere medico quādo liceat.	22
Steriles tardius senescunt.	17
Stercus caninum ad duritiem mamma- rum.	110
Sternutatio excitat facultatem expultri- cem.	59
Sicca intemperies facit abortum.	43
στυχῶς.	124

138	Symptoma turpitudinis quod.	192	Thermarum usus utilis in praefocatione.	
88	Scyrrhus uteri.	194	136	
225	Scyrrhus duplex.	211	Terra arenosa nihil profert.	9
nat ab	Scyrrhus uteri solet finire in hydropem		Testes animalium curant sterilitatem.	18
137	uteri.	207	τρεπός.	97
69	Scyrrhus uteri.	210	Tribades mulieres quae.	188
6	Scyrrhus, & scyrrhosis differunt.	210	Tristitia facit abortum.	44
15	Scyrrhus legitimus indolens.	211	Torpedinis corium restituit uterum.	222
66	Ξιφίφος uteri.	206	Tortuositas colli uteri menstrua suppri-	
79	Scyrrhi causa.	212	mit.	130
88	Scyrrhi signa.	212	Trocisci de mirtha expurgant uterum.	
mulie-	Scyrrhi prognostica.	212	215	
158	Scyrrhi curatio.	213	Τροχισκοί.	97
166	Stillicidium menstruum.	155	Trocula medicus semina.	38
i. 89	Stillicidij menstruum causa.	155		
117	Stillicidij menstruum curatio.	155		
fecti-	Ξήρος.	5		
180	Solus homo plura habet pariedi tpa.	40		
nos.	Solida animalia sterilia.	14		
	Somnus super agnum castum, uenerem			
97	compefecit.	235		
14	Somnus lac prouocat.	82		
t	Sororientes mammae quae Plinio.	88		
10	Scolymo furente mulier libidinosa.	186		
nis.	Scopus curatius grauidarum abortien-			
	tiuum.	51		
14	Stoicis fetus non est animal.	45		
5	Succus quid Hippocrati.	98		
do in	Suffocatio mulierum.	224		
16	Suffitus ad sterilitatem.	21		
na	Suffimigium ad educendam secundinam.	60		
16	Sulphur uiuum ad fluxum menstr.	153		
16	Susprium Abortum facit.	44		
4	Spiritus cur sunt prauis moribus.	19		
5				
5				
16				
17				
22				
17				
na				
10				
ultri				
59				
43				
14				

T

Tempus generationis lactis quod.	76
Tempus pariendi quod sit.	40
Tempore frigidissimo mulier sterilior est.	11
Tennes cur non concipiant.	11
Tenuitas uteri conceptum prohibet.	11
Tentigo unde fiat.	14
Tentito Albuchasi quid.	193
Theodori Gazae error.	101

**V**alida medicamenta minuunt lac. 85  
 Vbertas nutrimenti non destruit  
 formationem fetus. 27  
 Vbera cocta animalium faciunt lac. 85  
 Vbi adstringendum est, materia semper  
 alio diuertenda. 176  
 Vlcus matricis sit ex fluore. 178  
 Vlcera cum inflammatione quomodo di-  
 gnoscantur. 178  
 Vlcera sunt post gonorrhoeam. ibi.  
 Vlcera differentiae. ibi.  
 Vlcera uteri prognostica. 179  
 Vlcera uteri curatio. ibi.  
 Vlcera matricis causa. 178  
 Vlcera matricis signa. ibi.  
 Vnctio emolliens. 177  
 Vnguentum comitisse pro abortu. 53  
 Urinam, quae prouocant, prouocant &  
 menstrua. 85  
 Urinae nigrae indicant defectum menstru-  
 rum. 131  
 Urina quomodo pariat molam. 26  
 Uterinus furor quid. 185  
 Uterinus furor quomodo distinguatur a  
 praefocatione. 185  
 Uterini furoris causa. 186  
 Uterini furoris signa. 187  
 Uterini furoris prognostica. ibi.  
 Uterini furoris curatio. ibi.

Vte-

# I N D E X.

<i>Vterus intemperatus non concipit .</i>	9	<i>Ver conceptui accommodatum.</i>	18
<i>Vterus quando fiat toruosus .</i>	9	<i>Venus lac consumit.</i>	83
<i>Vterus asylum malorum .</i>	183	<i>Velatæ mulieres quæ.</i>	198
<i>Vterus veluti cloaca quædam est.</i>	122	<i>Venæ sectio, an conveniat in accessione</i>	
<i>Vterus subiicitur omni morbo.</i>	183	<i>præfocacionis vteri.</i>	233
<i>Vterus cloaca humorum.</i>	227	<i>Venæ sectio, an conveniat in præfocatio-</i>	
<i>Vterus totus necruens .</i>	179	<i>ne a semine retento.</i>	236
<i>Vterus cur sit intra corpus.</i>	216	<i>Venæ sectio abortum facit.</i>	44
<i>Vterus oniparis, cur sit in anteriori par-</i>		<i>Venter putrescens.</i>	61
<i>te .</i>	ibi.	<i>Vermes terra generant lac .</i>	85
<i>Vterus quomodo locum mutet .</i>	217	<i>Vetulus menses sunt crassiores.</i>	127
<i>Vteri mala conformatio, causa sterilita-</i>		<i>Vitæ tenui utendum in abortu.</i>	52
<i>tis .</i>	9	<i>Vidua nequeunt dici steriles .</i>	5
<i>Vteri intemperies.</i>	183	<i>Vidua frequenter præfocantur.</i>	228
<i>Vteri usus duplex.</i>	3	<i>Via fluxus menstrui duæ.</i>	143
<i>Vteri status vitia .</i>	116	<i>Vigiliæ nimis faciunt abortum.</i>	76
<i>Vteri inflatio .</i>	195	<i>Vigiliæ lac consumunt .</i>	83
<i>Vteri inflatio quid .</i>	ibi.	<i>Vigiliæ menses supprimunt.</i>	129
<i>Vteri præfocatio.</i>	223	<i>Vinum trecentium facit sterilitatem.</i>	14
<i>Vteri in prolapsu, an purgantia conue-</i>		<i>Vinum coctum minus inebriat.</i>	75
<i>niant.</i>	222	<i>Vinum generosum nutrici inimicum.</i>	83
<i>Vteri morbi in compositione.</i>	190	<i>Vini natura aquea,</i>	83
<i>Vteri intemperierum signa.</i>	184	<i>Vino non fit lac.</i>	71
<i>Vteri intemperierum prognostica.</i>	164	<i>Viperæ partus.</i>	60
<i>Vteri inflammatio .</i>	205	<i>Viri cur lac non producant .</i>	61
<i>Vteri inflammationis signa .</i>	205	<i>Virga Auicenna quid.</i>	192
<i>Vteri inflammationis prognostica .</i>	207	<i>Virgines non possunt dici steriles.</i>	5
<i>Vteri inflammati curatio.</i>	207	<i>Virgines cum afficiantur uterino furore.</i>	
<i>Vteri morbi in situ.</i>	215		186
<i>Vteri positio.</i>	216	<i>Virginibus menses sunt subtiliores.</i>	127
<i>Vtere genus an coire debeat .</i>	36	<i>Voluptas in coitu a spiritibus.</i>	163
<i>Vtero exsiccat cerebrum patitur .</i>	227	<i>Vopisci qui dicantur.</i>	3

Index Finis .

# INDEX OMNIUM CAPITUM, quibus libri hi quatuor inscribuntur.



A



**B**ORTV, partuue, qui  
non fit debito tempore. li  
bro 2. c. 1. pag. 40.

C

**C**Ancro vteri, libro 4. cap. 20. pa-  
gina 113.

D

**D**Efectu lactis, libro 3. cap. 1. pa-  
gina 72.

F

**F**Vrore vterino, lib. 4. cap. 10. pagi-  
na 185.

Fluore muliebri, libro 4. cap. 6. pagi-  
na 171.

Fluxu menstuurum immodico, li. 4.  
c. 2. pag. 143.

Fluxu menstuurum hæmorrhoidali,  
lib. 4. cap. 3. pag. 153.

G

**G**Rauidarum cura, libro 1. cap. 4.  
pag. 35.

Gonorrhæa, libro 4. cap. 5. pag. 157.

Grumescatione, & calefactione lactis,  
lib. 3. c. 5. pag. 97.

H

**H**Ydrope uteri, libro 4. capit. 17.  
pag. 202.

I

**I**Nflamnatione uteri, li. 4. c. 16. pa-  
gina 199.

Instrumentis ad conceptum, & eius-  
dem nutritionem necessarijs, dein  
qui & quot sint morbi muliebres,  
lib. 1. c. 1. pag. 1.

L

**L**ACTIS abundantia, lib. 3. c. 2. p. 88.

Lactis fluiditate, lib. 3. c. 4. p. 96.

Lumbricis vteri, libro 4. c. 12. p. 191.

M

**M**AMMARUM inflammatione, li-  
bro 3. c. 6. p. 106.

Mammaram magnitudine, lib. 3. cap.  
7. pag. 112.

Mala uteri temperie, lib. 4. c. 6. p. 183.

Menstuurorum illicidio, lib. 4. cap. 4.  
pag. 155.

Mola, lib. 1. c. 3. pag. 25.

Morbis qui circa vterum contingunt,  
lib. 2. pag. 40.

Morbis vteri a solutione vnitatis, lib.  
4. cap. 7. pag. 177.

Morbis qui fiunt in compositione ip-  
sius vteri, & de lapide, vel sangui-  
ne grumoso in vtero contento, lib.  
4. cap. 11. pag. 190.

Morbis uteri in magnitudine, lib. 4.  
c. 15. pag. 198.

Morbis in situ, lib. 4. c. 21. pag. 215.

Mutatione lactis secundum qualita-  
tem, lib. 3. c. 3. pag. 93.

## N

**N**ympha, & cauda libro 4. c. 13.  
pag. 192.

## P

**P**artu uitioso. lib. 2. c. 2. pag. 53.  
Partu difficili. lib. 2. c. 3. pag. 59.  
Pruritu matricis. lib. 4. c. 8. pag. 181.

## S

**S**ecundinae educatione. lib. 2. cap. 4.  
pag. 70.

Sterilitate. lib. 1. cap. 2. pag. 4.  
Scyrrho vteri. lib. 4. c. 19. pag. 211.

## V

**V**teri clausura. lib. 4. c. 54. p. 194.  
Vteri inflammatione. li. 4. c. 18.  
pag. 205.  
Vteri praefocatione. lib. 4. c. 22. pagina 224.  
Vitijs quae circa nutritionem foetus contingunt. lib. 3. pag. 71.  
Vitijs quae statum uniuersi vteri respi-  
ciunt. lib. 4. pag. 116.  
Vitijs menstruum in defectu. lib. 4.  
cap. 1. pag. 117.

*Indicis Caputum finis.*





# HIERONYMI MERCVRIALIS

DE MORBIS MVLIEBRIBVS.

Liber Primus.

DE INSTRVMENTIS AD

*Conceptum, & eiusdem Nutritionem necessarijs:*

*dein qui, & quot sint Muliebres morbi.*

*Caput Primum.*



VLTA quidem sunt animalibus à natura tributa signa, vt sexus inter se discerni possint, sed ea potissimum tradita fuerunt, quæ à Conceptu, Partu, & Educatione capiuntur. Neque enim robore, aut ferocitate possunt fœminæ, & mares dignosci, quandoquidem multa inveniuntur animalium genera, in quibus vel mas, & fœmina æquè valent, vel fœminæ sunt robustiores, vt de Vrso dicebat Aristoteles, quod etiam constat de omni-  
us rapacibus auibus. Neque tantum animi operationes sunt effica-  
a, ad distinguendos sexus, argumenta. Quia licet in humano gene-  
Aristoteles, & Peripatetici dixerint: animi operationes in viris il-  
striores esse, Plato tamen in 7. de Leg. & Platonici omnes, existi-  
t, & rectè, ad eadè animi studia, & easdem operationes, æquè mu-  
res, atque viros natos esse. Accedit autem & ratio, quoniam in-  
umenta, quæ animi operationibus inseruiunt, neque plura, neque  
uciora in mulieribus reperiuntur, quàm in viris. Ex quo non satis  
rari possum Aristotelem, qui mulieres, & fœminas omnes, mōstra

*Hier. Mer. de Morb. Mul.*

A

quædam



quædam esse dixit : quoniam siue fœminarum vim in propaganda sobole, quam natura spectat, intueamur, siue vtilitatem mulierum, ad bene beatèq; vitam gerendam spectemus : siue copiam ipsarum consideremus, proculdubio non monstrum, vt dicebat Aristoteles, sed potius primò à natura spectatam fœminam, intelligemus. Itaque cum nihil sit, quo magis fœmina à viro discerni possit, quam Conceptus, Partus, & Educatione partus, non ob aliud hoc est, quàm quod natura mulieri largita est quædam instrumenta ad Conceptum, & Partum necessaria, quibus vel solis, vel maximè omnium fœmina à mare distinguitur. Hæc verò instrumenta, cum operationes proprias, & peculiare habeant, non profectò aliundè habent, quàm ex temperatura particulari, & constitutione, quæ vbi se secundum naturam habet, iam hæc instrumenta propria sanitate, & propria vita fruuntur. Vbi verò temperatura, aut hæc constitutio instrumentorum fuerit vitiosa, necessariò decidunt à propria sanitate, atq; ita morbi fiunt, qui ab Hippocrate, & recentioribus omnibus, vocantur *Muliebres*, eo quod contingunt circa ea instrumenta, quæ propria sunt Mulierum, non autem communia Viris, scilicet circa instrumenta Conceptus, Partus, & Nutritionis partus. Hactenus habetis, qui sint propriè Muliebres morbi secundum veteres. Quot verò sint horum genera, iam ex arte, & methodo inueniendum est. Duo autem sunt hæc instrumenta, Vterus, & Mammæ : vterus, vt Conceptui, & Partui deferuiat : Mammæ, vt nutritioni Partus, nam etsi Mammæ omnibus sint hominibus à natura tributæ, nihilominus vt sunt alterius finis gratia in Mulieribus, sic quoque videntur alterius esse naturæ. In viris autem sunt factæ Mammæ, vt tueantur Cor : in Fœminis verò, nō ob id solum, sed potissimum, vt debeant ministrare fœtui, aut partui nutrimentum. Vteri, quemadmodum & Mammarum, duplicia debent esse officia : alia quidem propria, & peculiaria : alia verò communia. Propria appello tria, videlicet, Conceptum, Partum, & Mēstruorum purgationes. Cōia nō officia, Nutritionē, quæ fit alteratrice, attrahente, retentrice, & expultrice, & tandem alia, quæ naturæ opera dicuntur. Primò ergo contingunt morbi circa vterum, si lædatur Conceptus : deinde si etiam lædatur Partus : Postremò si lædantur Menstruæ purgationes, quæ omnia dicuntur propria vteri opera. Conceptus læditur, vel quia nunquam concipitur, vel quia rarissimè, & appellatur hic morbus *Sterilitas* : vel læditur, quia concipitur id quod non deberet, & est, quando *Mola* vocata, in vtero concipitur : nam si multum concipitur, non est morbus, sed potius fœcunditas, quanquam, vt suo loco dicetur, Medici interdum cogantur hæc fœcunditatem retardare. Partus, læditur vel quia fit ceterius quam deberet, & dicitur *Abortus*, siue abortus : vel fit tardius, & est quādo fœtus

foetus in vtero mortui non exeunt, quos Medici coguntur extrahere. Quo in loco notandum, interdum Medicos solum extrahere foetus mortuos, nihil præterea curare: interdum verò laborare, vt mortuum conceptum extrahant, & simul conceptum alium in vtero uiuentem conseruent. Licet enim rarò contingat, vt ex Gemellis uno mortuo, alter supersit in vtero, tamen hoc potest fieri, & fit, sic habet Plin. lib. 7. cap. 10. eos conceptus, qui altero Gemello mortuo supersunt, ac seruantur, vocatos esse *Vopiscos*. Vel partus non fit, vt deberet, & tunc fit, aut cum dolore, & labore. & dicitur *Dysfidelis partus*: aut fit, vt non deberet, veluti cum foetus exeunt pedibus, non capite, qui partus in lib. citato Plinij, dicti sunt à veteribus Agrippæ, eo quod egre pariantur, aut non exit partus totus, vt deberet, quemadmodum cum secundina relicta est, in qua educenda plurimum laborant Medici. Impediuntur autem operationes Menstruorum, aut quia menses non fluunt, & dicuntur à Medicis *Menses suppressi*: aut non fluunt, vt deberent fluere & vocantur *Menses diminuti*: aut nō fluunt, quales deberēt fluere, vt est *Fluxus muliebri*, οὗτος γυναικείος à Græcis vocatus, aut quemadmodum est *Gonorrhæa* in Mulieribus, quam inter fluxiones menstruas connumero, quia mulieres hoc genus appellant *Menses albos*. Quod si opera communia lædantur, vel est, ob similes morbos, vel ob instrumentarios. Ob similes, quando Vterus laborat aliqua intemperie, quæ aut nuda est, aut cum aliqua materia. Instrumentarij morbi sunt, vel in Continui solutione, vel in Mala conformatione: in Continui solutione, sunt Ulcera, & vulnera omnia. In mala conformatione sunt, vel quando moles vteri tota augetur: augetur autē, aut ob humores, vt in *Hydrose vteri*: aut ob flatū, vt in *vteri distentione*. Vel augetur non in tota mole vteri, sed in parte, quod contingit, cum tumores præter naturam efficiuntur in aliqua vteri parte, aut cum Nympha vocata excrescit, & *Canda* à Paulo vocata, vel cū Columella, aut membrana illa quæ genituram à vulua arcet, gignitur, de quibus Hipp. in lib. de natura mulierum. Aut fiunt denique morbi in conformatione, quando videlicet situs vteri permutatur: permutatur autem, quando vel sursum inclinat, vel deorsum, uel ad latera: si sursum, dicitur *vteri ascensus*: si deorsum, dicitur *vteri procidentia*. Sed hoc loco notandum, tametsi diuinus Plato in Timæo ratione permutationis situs, dixerit vterum animal esse, eo quod mouetur de loco ad locum, tamen non propriè dicitur mutatio loci, sed est veluti quædam extensio, & compressio. Præter dictos affectus est alter ferè communissimus omnium, qui *vteri præfocatio* dicitur, quem morbum non reposui in his iam dictis generibus, quoniam videtur varia morbum genera cōsequi. Sic itaque habetis omnia vteri affectuum genera, ex arte, & methodo in-

uenta. Morbi qui contingunt circa aliud instrumentum, *Nutritionis*, videlicet *fetus*, & circa *Mammas*, hi quoque, vel offendunt primo, & per se opera mammarum communia, vel propria, & pecuaria: offendunt inquam primò, & per se, quia sepe fit, vt non possit alteri, neque in Mammis, neque in utero offendi, nili simul & alterum offendatur. Quæ impediunt opera communia primò, & per se, sunt *Tumores* omnes, *Ulceræ*, *Intemperies*, quæ omnes affectiones, tametsi communes sint cum uiris, frequentius tamen apparent, & gignuntur in mulieribus. Qui autem morbi offendunt operationes Mammarum proprias, sunt illi, qui nutrimentum lædunt partus, quod quia Lac est, ea propter, vt diuersimodè læditur lac ipsum, ita quoque diuersi fiunt morbi. Læditur autem Lac, vel quia non fit quantum deberet, & dicitur, *Lactis inopia*: vel fit plus quam deberet, ita ut copia vehementer lædat, & *Lactis abundantia* vocatur: vel non fit quale deberet, sed vel nimis subtile, aut nimis crassum, aut in grumos concretum: quod genus lactis crassioris, & grumosi appellatur à Medicis *Colostrum*, vnde colostrati vocantur pueri, qui hoc lacte vescuntur, quâquam reperietis interdum, (vt apud Pli lib. 28.) vocatos esse Colostratos, qui nutriuntur lacte mulieris prægnantis: vel Lac fit nimis acre, aut acidum. Atque tot sunt affectus omnes muliebres, de quibus (si me Deus seruauerit) polliceor amplissimè tractaturum esse, si non explicitè, saltem implicitè, id est, si non separatim ex toto, saltè coniunctim, quia multi sunt ex his, qui simul copulantur, & vnam, atque coniunctam curationem expostulant. In his autem tractandis, non alium seruabo ordinem, quam mihi, & probatis autoribus familiarem: vt primò, tradam uniuscuiusque affectionis nomen: secundò, naturam & essentiam affectus: tertio, causas: quarto, signa: quintò, & vltimò Curationem. itaque diligentes estote.

### De Sterilitate. Cap. II.



**P**RINCIPIUM capiam à Sterilitate, tribus rationibus vna est, quia Sterilitas mihi primò in methodo inuenta est: deinde, quia hic morbus omnium morborum muliebriū est maximè, & cognitu, & curatu necessarius: eo quod per conceptum conseruat vita humana, per sterilitatem propago nostra destruitur. Vnde Theodorus Priscianus dicebat, inter mysteria, quæ medici circa mulieres faciunt, omnium maximè necessarium, & gloriosum esse, illud studium, quod impenditur circa Conceptum. Vocatur hic morbus ab Hippocrate, & Platone, *Ασπείρα*, ab Aristotele, *ἀστερία*: ab alijs interdum *αἰσθησία*, & *στένωσις*, Galenus modò prædictis nominibus inuenitur usus, modo Muliebrem

Muliebrem sterilitatem ἀτοκον, siue ἀτοκίαν appellat, & medicamentum quod Sterilitatem facit, ἀτόκον. Latini omnes, & Arabes nuncupant cōi noīe Sterilitatem hanc affectionem. Quare, *Sterilitas*, nihil aliud est, quàm quædam impotentia, & difficultas mulieris, viro utētis, ad concipiendum sub debito tempore. Impotentia, & difficultas dicitur, quoniam etiam si mulier semel tantum concipiat, nihilominus appellatur sterilis, eo quod à natura comparatum est mulieri, ut ob conseruationem, & propagationem humanæ speciei, non semel aut iterum, sed sæpius pariat. Et aduertendum, ad conseruationem, & propagationem speciei, non tam referre, ut conceptus numerosi fiant, ita ut plures vno tempore concipiantur, quantum refert, ut vnus conceptus pluries efficiatur, & ratio est: quia conceptus, qui fiunt singulatim, sunt magis vitales, quàm illi, qui sunt numerosi, & hoc declarare possunt plurima bruta, ut sunt Vulpes, Canes, & Lupi, quæ licet numerosam prole edant vno conceptu, ipsorum tamē species minimè propagantur, eo quod ratione numeri conceptuum, partus fiunt imbecilliores: ex aduerso equæ, & alia bruta vno conceptu vitales fetus magis edunt, quemadmodum, & homo. In descriptione Sterilitatis, inter alias partes hanc particulam posui, *Mulieris*, eo quod Sterilitas, non minus contingere solet propter viros, quàm propter Mulieres: verum nos solum de Mulieris Sterilitate tractare institui mus; eo quod hæc sola est morbus muliebris. Dictum est (*viro utentis*,) propterea quod Virgines, Viduæ, & quæ non utuntur viro, non possunt verè Steriles nuncupari, quia non utuntur viro: quod autē possit Mulier sine viro concipere, planè præter naturam est, nisi singulari Dei omnipotentis voluntate fiat. Nam scriptores, & Medici naturales, qui post Christum nati de re medica tractarunt, si dixerint, nunquam virginem concepisse, nunquam mulierem sine viro, ducti solo lumine naturali id dixerunt, eo quod, vel non audierant miraculum Beatæ Virginis, vel non crediderant. Vnus Auerroes, 2. Collect. 10. videtur credidisse, mulierem sine viro posse concipere, hoc enim refert sibi relatum esse à vicina sua, quæ in balneo conceperat sine viri concubitu, in quod balneum viri sperma proiectum fuerat: sed quod magis deridendum est in eo Philosopho, eo infantia venit, ut dixerit, se inuenisse in quodam libro, hoc fieri posse, per facultatem vteri erga sperma attractricem: imò adde & aliam infaniam, hanc rationem sibi mirificè placuisse. Auerroi videtur adstipulari Plinius, qui in fine lib. 36. haud absimilem historiam narrat hisce verbis: Tarquinio Prisco regnante. tradunt repente in foc. eius apparuisse genitale è cinere Masculini Sexus, eamq; quæ infederat ibi Tanaquilis reginæ ancillam Ocrisiam captiuam, consurrexisse gravidam. Sed quia multi Auerrois auctoritati sunt addicti, & ipsi vel

iniurato credunt, ne possit hęc falsitas alicuius animo insidere, confodiamus ipsum armis, & Philosophi, & ipsiusmet proprijs. Aristoteles tert. de generatione animalium 5. & 6. damnat Herodotum, & alios, qui existimabant pisces, & Ibim auem ad inuicem ore coire, & concipere: damnans hos, duabus vitur rationibus: Prima, quod ab ore ad utrum non est via, propterea non potest semen ex ore deriuari in vuluam. Secunda, quod si semen a piscibus primo ore comprehendere, tunc alteraretur, alteratum generationi ineptum fieret. Accipio item hanc rationem aduersus Auerroem, si semen in ore ita primum alteratur, vt reddatur ineptum generationi, eò quod concoquatur à calore natiuo, quanto magis semen proiectum in aquam alterabitur, & ineptum reddetur, cum in aqua non sit calor naturalis? Ergo videtur omnino absurdum, posse semen in aqua ad concipitum efficax conferuari. Sed hoc testimonium forsan videtur debile, illud verò multò efficacius est quod sumitur ex ipsomet Aristotele 2. de generat. animal. 2. quo in loco scribit, seminis naturam spumam esse, & ideo albicare, hoc probat: quia si semen vel tantillum sub aere permaneat, statim liquefcit, & consumitur spuma, spiritus exeunt, ita vt omnino ineptum, & quasi semen aquosum, euadat. Si igitur ab aere alteratum semen, ita inefficax euadit, quanto magis, o Auerroes, alterabitur in aqua? Imo ipsomet Auerroes eodem cap. in fine, quasi sui immemor scribit: si semen vel tantillum ab aere tangatur, corrumpi: ergo magis corrumpetur, si tãgatur ab aqua. Sed video fautores Auerrois statim dicturos, semen proiectum in balneo, nò tactum fuisse ab aere, sed statim attractum à matrice. Sed hęc rationes nihil valent. Nam semen, vt ab Aristotele dictum est, natura spumofum est: spuma verò semper supernatat, ergo necessum fuit, vt tangeretur ab aere. Præterea non est dubitandum, quin ingresa sit Balneum post aliquod tempus, vnde tantum tempus adfuit, vt debuerit necessariò corrumpi semen. Postremò Aristotel. 1. de Generatione animalium 6. scribit: animalia quæ habeant penem longum, esse infœcunda, adfert rationem, quia in longo illo ductu, semē refrigeratur, refrigeratum autem fit inefficax, quod si verū est, miror Auerroem, quo modo potuerit eò dementiæ venire, vt crediderit, semen per longum aquæ ductum, ingredi matricem, & adhuc esse aptum generationi. Quare cessent hęc nugæ, neque vnquam Auerroï hoc in loco fides habeatur. Dictum est *ad concipiendum*, quoniam Moschio autor Græcus, & Cleopatra, qui de morbis Muliebribus scripserunt, videtur sub nomine Sterilitatis, completi & Aborsum, sed hoc valdè improprium est. & Sterilitas dicitur tantum de ijs, quæ nò concipiunt, quoniam, vt habet Hippocrates libro de Sterilibus, inueniuntur mulieres, quæ concipiunt, & semper abortiunt, quæ tamen



verè nunquam Steriles appellâtur. Addidi postremò loco, *sub debito tempore*, quoniam naturaliter Mulieres, ante 12. annum, & post 50. non concipiunt, ita vt ante 12. & post 40. annum, nō appellentur Steriles, eo quod hæc tempora non sunt debita conceptui. Dixi naturaliter, quoniam miraculo diuino factum fuit, vt Elisabeth Septuagenaria, conceperit, haud secus atque de Sara, quæ Deo prolem promittētī, quasi irridebat, cum & nonagenaria, & menstruis priuata esset. Sed quis obstabit, producens auctoritatem Agatharchidis, & Plinij lib. 7. cap. 2. qui referunt, apud Indos esse quosdam populos, qui Mādri, & Calingæ vocantur, quarum fœminæ, apud illos quinto anno, & septimo concipiunt, & pariunt. Sauonarola autor fide dignus, narrat se vidisse puellam 9. annorum, quæ conceperit. Respondeo, hoc aut fabulosum esse; aut non peruenisse ad cognitionem Philosophorum, & Medicorum, quemadmodum nugas esse, uereor quod scribit Plinius lib. 7. ca. 14. Volusium quēdam esse natum ex matre iam sexagesimum secundum annum excedente: quod quoq; in alijs confirmatum reperitur a Valeriola, Nicolao Massa, & Valelio viris alio, qui doctis, nec quicquam suffragatur historia ab Hipp. relata 2. Sect. 2. Epid. de vxore coriarij, quæ annosa, & menstruis carens concepit, & peperit, quoniam eam non est necesse quinquagesimum annum excessisse.

### *Causa Sterilitatis.*



**I**N causæ Sterilitatis aggrediendæ sunt, circa quas multæ, & variæ fuerunt scriptorum lites. Stoici, vt memorat Galenus in Historia Philosophica, fuerunt huius opinionis, omnem causam Sterilitatis, esse attribuendā discōuenientiæ Mulieris cum Viro, ita vt dicantur aliquę mulieres Steriles, propterea, quòd non rectè conueniant cum hoc, vel illo viro. Quam sentētiā videtur secutus Lucretius 4 de natura, vbi improbens vulgi opinionem, quòd sterilitatem Deo attribuant, post multas causas relatas sterilitatis virorum, inquit, fieri mulieres steriles, quòd non cōueniant viris. Probat exemplo, quoniam si Mulier copuletur vni viro, & non cōcipiat, si alteri copuletur, concipiet: cuius causa est, quia conuenit cum hoc, & non cum illo.

Ait enim.

*Nam multum harmoniæ Veneris differre videntur*

*Atque alias alij complent magis, ex alijsq;*

*Insipiunt alia pondus magis, inq; grane scunt*

*Ei multa steriles hymenais ante fuerunt*

*Pluribus,*

*Pluribus, & natæ post sunt tamen unde puellæ  
 Suscipere, & partu possent discedere dulci.  
 Et quibus ante domi fecunda sepe nequissent  
 Vxores parere, inuenta est illis quoq. compar  
 Natura, vt possent natis munire senectam.  
 Vsq. adeo magni id refert, vt semina possint  
 Seminibus commisceri genitaliter apta,  
 Crassaq. conueniant liquidis, & liquida crassis.*

Aristoteles & eius sequaces, vt habetis ex Alberto Magno, 16. de Animantibus. 1. videtur so'ummodo duas causas agnouisse sterilitatis in Muliere, scilicet, *Qualitates vteri. & Situm.* Hoc dixit Aristoteles, & Peripatetici, quia fuerunt in hac opinione, Mulierem non emittere semen utile conceptui, vt videre est, 2. de Generatione animalium 4. At nos, qui medici sumus, per aliam uiam incedamus ad inueniendas causas, cum Hippocrate lib. de Sterilibus: cum Galeno lib. de Semine: cum Auicenna, duodecimo tertij, & 10. de animantibus. Etenim sterilitatis causæ, aliæ sunt *Internæ*, aliæ verò *Externæ*. *Internæ* sunt, vel ex parte vteri, vel ex parte Seminis, & Menstruorum, vel ex parte corporis. Quæ omnes causæ, & possunt esse à natura, & à Morbo. Rhases tertio Continentis, & alij Arabes, addiderunt hinc & aliam, scilicet proprietatem occultam. Putarunt quidem isti, interdum mulieres nulla euidenti causa, sed occulta solum non concipere: quod veteres, vt etiam multi populi hodie, Dijs ipsis (nec immerito) adscribunt. *Externæ* autem, aut sunt ex Aere, aut ex Motu, & Quiete, aut ex Animi passionibus, vel ex vsu veneris, vel ex Potu, & Cibis. Hi sunt omnes loci, & fontes, à quibus per methodum possunt comparari causæ Sterilitatis: Sed uideamus causas *Internas*, quæ quidem ex parte vteri sunt, vt dicit Auetroes 6. Collecta. aut mala complexio nuda, aut cum materia, aut mala formatio, aut continui solutio. De intemperie, habetis oraculum Hippocratis 5. Aphorism. sexagesim. secundum. Vbi diligentissimè Galenus omnia ferè quæ ad hanc partem pertinent, rimatus est, quo in loco dicebat Galenus, quod ubi Mulier uterum temperatum habet, fecunda est: ubi verò intemperatum, vel est multum intemperatum, vel modicè. Si multum, nunquam fit conceptio: si verò modicè, fit conceptio, sed difficulter. Et exemplum adfert de terra quæ si nimis ferueat, proculdubio nihil producit: quod videre est in terris prope fornaces, & apud Thermas, in quibus locis ob insignem calorem nihil producit. Terra quoque lutosa, & nimis humida nihil producit. Terra arida, & arenosa, & faxa, nihil producit: sic uterus, si vel nimis caleat, vel nimis frigidus sit, vel nimis siccus, aut humidus, nihil concipit. Sed hoc loco notandum, quod

monuit Auenzoar, lib. 2. Tracta. 5. cap. 1. vbi dicebat, non omnes humidas intemperies vteri prohibere conceptionem, sed solum eam, quæ fluxa est, vt aqua, id est, non nudam intemperiem humidam, Sterilitatem facere, sed intemperiem humidam cum materia. Obijcies, si verum est, cur ergo Galenus loco citato scribit, Mulierem, quæ uterum frigidum habet, si viro calido iungatur, fieri fecundam: non ergo semper intemperies vteri producit Sterilitatem. Respondeo dupliciter: primò, quando Galenus scribit, habentes vterum frigidum, si viro iungantur calido, fieri fecundas, loquitur de ijs, non quæ valde frigidum habent, sed de ijs, quæ modicè habent frigidum uterum, quas difficulter quidem concipere diximus, non esse tamen perfectè Steriles. Vel responderi potest, mulieres intemperatas, vtpote frigidiores, si viro calido iungantur, calore viri fieri temperatas, ita vt antequàm concipiant, vterus fiat temperatus; & propterea concipit, quia deposuit illam intemperiem, & potestis videre circa hanc rem locum Galeni ibid. lib. 1. variarum lectionum nostrarum correctum. De mala conformatione vteri, clarum est, hanc quoque producere Sterilitatem, siue sit propter Morbum, siue propter naturam: quia, vt docet Aristot. 2. de Generatione animalium, cap. 4. reperiuntur nonnullæ Mulieres, quæ à natura ita partes genitales oblasas habent, vt omnino concipere non possint; hæc verò lesio, siue morbosa, siue naturalis est, vel quia vterus sit angustior, vt habetur apud Hippocratem lib. de Superfoetatione, præsertim angustior secundum os, vel quia omnem asperitatem amisit, læuior est, vel quia tortuosus, vel quia profundus, vt notat Auicenna, de Animalibus 10. Fit verò tortuosus, vt docet Hippocrates 1. de Morbis Muliebribus, non modò quādo angustus est vterus, verum etiam, quando ceruix vteri posita est vltra pudendum: vel quando Mulier raro cum viro consuetudinem habet: vel quando venter magis quàm opus sit, exinanitur. Fit etiā hæc ob læsio, ut scribit Aetius lib. vlto 26. quando matrici, siue foramini obducta est membrana, atque hæc licet sint à natura, sunt tamen & interdum à morbo. Rursus, à morbo fit læsio multipliciter, in conformatione vteri, pro Sterilitate. Exempli gratia, si vterus decidat à proprio loco ad sinistrum, aut dextrum, ita vt naturalem non seruet situm; similiter, si tumeat vterus, de qua re loquens Auicēna, scribit, aliquas mulieres esse, quibus ob quandam propriam conditionem, vterus faciliè tumet, propter quod etiam os strictissimè clauditor, ob constrictionem fit ineptus vterus ad concipiendum. Sic tumores omnes vteri, vt Schirrus, Oedema, & alij tumores, sunt causæ impediētes conceptum, præsertim tumor ex Hydrope: Nam dicit Auicenna, ex ægritudinibus Matricis, quæ conceptum impediunt; potissimum esse Hydropem. Vlcera similiter, Plagæ item vtero illatæ,



Sterilitatem efficiunt. Sed summatim Hippocrates secundo Prorrheticorum scribit: vterus qui conceptui aptus futurus est, has habeat conditiones, vt neque retractsus sit, neque pronus, neq; os etiā auersum sit, neque contusum, neque euersum. Circa has causas, est dubitatio, quomodo Hydrops ex Auicenna faciat Sterilitatem: causa dubitandi est, quia Hippoc. 1. de Morbis scribit, si mulier in vtero habeat, & fiat Hydrops, corrumpitur fœtus. Vnde etiam in Hydropico vtero posse fieri conceptum, quotidiana etiam experientia probatur, mulierem uidelicet non solum conceptum & Hydropem simul habere in vtero, sed etiam cum Hydrole, partum ad maturitatem perducere. Nam Hippoc. lib. de aere, aquis & locis, dicit: apud Scythas mulieres sepe decipi, eò quòd existimant se in vtero habere fœtum, & Hydopicæ sunt: Immo anno elapso, Venetijs fuere nobiles Mulieres, quas medici putabant solum Hydropicas esse, & tamen inuenta sunt, vnà cum aqua conceptum habuisse. Pro dubitatione, sciendum est, aliud esse conceptum fieri in vtero Hydrole laborante, aliud uerò, quòd post conceptum fiat Hydrops. In vtero Hydrole laborante, impossibile est, quòd fiat conceptus, quia ut in terra luto-sa, & aquosa non gignitur, neque alitur planta: sic neq; in vtero aquoso fieri partus potest. post conceptum potest Hydrops gigni in vtero, & hoc est, quod Hippoc. dixit, & experientia comprobatur. Causa internæ ex parte seminis, & menstruorum sunt, secundum Medicos, variæ. Dico secundum Medicos, quia Aristoteles, & Peripatetici non cognouerunt semen mulieris: sunt uerò, quia vel menstrua nimis fluunt, vel nō fluunt, qualia deberēt. si nō fluunt, vt hēt Aristo. 4. de Gñratione aīal. rarissimè fit cōceptus. Ratio est, quia cū mēstrua sint materia gñrationis, si nō fluunt, deest materia gñrationis, & idcirco, fieri haud quaquam potest conceptio. Si uerò nimis fluunt, est: quia debilis redditur vis, & facultas vteri, propter quam debilitatem non attrahitur semen, neque, si attrahitur, potest ad matricem perducī: propter quam causam (vt ego existimo,) vt & propter alias, vetitum fuit Legibus antiquitus, vt non haberetur consuetudo cū muliere laborante menstruis, eò quòd tunc temporis debilis est, & perturbata uis vteri. Sed dixi hoc quā rarissimè contingere, vt in fluentibus mensibus fiat conceptio, quia, vt meminit Aristoteles, interdum etiā concipiunt laborantes menstruis: immo uero Galenus lib. de sect. vul. cap. vltimo, imitatus Hipp. lib. 1. de morb. mulieb. ad concipiendum laudauit, vt vel cessantibus, vel inchoantibus menstruis uis exerceatur. Si fluant menses, sed non quales deberent fluere, ut si fluant aquosiores: si albi, rarissimè fit conceptio, Steriles esse solent, eò quòd vterus sit malè affectus: eo enim laborante, proculdubio generatrix uis læditur. læditur autem vterus, vel vt pars similis quā intemperie

intemperie aliqua laborat, vel ut instrumentalis, quādo tumore aliquo afficitur, vel debita figura, ac situ non potitur: nā in primo de morb. mul. scribit Hipp. vbi os vteri distortum est, non recipi semen, sed statim immissum reijci, & consequenter sterilitatem induci. Causæ ex parte Seminis, sunt eadem in muliere, quæ etiam in viro, quia semen fit, aut nimis calidum, frigidum, aridum, fluxum, aut quia in pauca quantitate mituitur: aut quia aliena, & inimica conceptui qualitate præditum est. Dico hæc, quia nullam video rationem, quæ mihi satisfaciat, ob quam possimus dicere mulas steriles: nisi quia semen mularum est qualitate inimica præditum. Scio Aristotelem, & alios veteres, in tradenda hac causa laborasse, sed nullam inuenerunt, quæ satisfaciatur. Causæ ex parte habitus corporis, sunt, vt docet Hippoc. lib. de sterilitate, lib. de superfoet. & 5. Aphorif. 46. quia vel nimis crassæ sunt mulieres, vel nimis tenues. Cur mulieres crassæ non concipiant, adferunt ferè omnes hanc rationem, quia præ crassitie, & pinguedine, os vteri clauditur, ita quod ineptum quodammodo reddatur semini trahendo: Sed est & altera ratio, nō inferior, quam sumo ex Aristot. 1. de Generatione animal. & 2. de partibus animal. cap. 5. scribente, corpora pingua, & crassā, vt plurimum esse infœcunda, eo quod tota facultas, & ferè maior pars materiæ seminis absimitur in pinguedinem, & crassitiem. Sed aduertendum, hoc etiam non esse perpetuum, præsertim in ijs, quæ sunt à primo ortu pingues, & & crassæ: sed solum esse verum in illis, quæ præter naturam, & per accidens, euaserunt pinguiore & crassiores. Ita namque scriptum est ab Hippoc. lib. de Aere, aquis & locis, mulieres Scytharum ob magnā pinguedinē, sæpè steriles fieri, eo quod os vteri pinguedine repletū, ita clauditur, vt geniturā non admittat. Cur verò mulieres tenuiores sint conceptioni inutiles, non clarè expressit Hippoc. Auicenna videtur commentus hanc causam, quod propter tenuitatem os vteri perpetuo hiat, propter quam continuam hiationem, semen effluit, neque potest contineri in vtero, & euadere in conceptum. Sed puto aliam esse causam, quia vteri constitutio, sequitur constitutionem totius corporis, si corpus est tenue, vteri substantia tenuis est. Tenuitas vteri prohibet conceptum, duabus rationibus. Vna, quia minus tenuitate fouetur, & conseruatur calor natiuus, ad hæc substantia vteri rarior est in tenuitate, & propter raritatem non adhæret semē, sed veluti transsudat, & perspirat eius vis. Aetius lib. vltimo, his causis pertinentibus ad habitum corporis, addidit & alias quinque: si mulier nimis procera sit, si nimis parua, si lumbos, & superiorem ventrē angustum habeat, si mamillas tenues & angustas. Sed possunt addi ex Hippocrate 2. Proretheticorum, quod mulier parua, magis apta est conceptui quā procera, eo quod in proceritate consumitur mater.

ria generationis, in paruitate nō ita, quia potest esse paruum corpus, in quo tamen sit materia seminis sufficiens generationi. Sic quoque dicebat Hippocrates, tenues aptiores esse conceptui, quā crassas: albas, quā rubicundas. Tot sunt causę internę sterilitatis. Externę, quę non sunt inutiliores cognitu, etiam referendę sunt, inter quas, primò Aer sese offert, sub quo comprehendes constitutiones Tēporum, & Regiones. Nemini enim dubium est, quosdam esse Aeres, & quosdam Cēlos, sub quibus non ita mulieres concipiunt, quemadmodum sub alijs, id quod testatur Hippocrates, de Scytharum populis, & ferē omnibus Septentrionalibus, quod quanquam Astronomi aliquando ascripserint sideribus, est tamen vera causa, in Aeris constitutionem referenda. Constitutiones quoque temporum & temperaturę, multū pręstant ad conceptum: quia tamen si vnus homo quolibet tempore concipere videatur, secus quā bruti, quę certum tēpus conceptionis habent: tamen etiam in humano genere non nihil discriminis habetur, quia tpe frigidissimo, ut media hyeme, mulieres steriliores sunt, q̃ sint in æstate, de qua re habetis præclarissimā apud Hesiodum sententiam in libro Operis, & diei, relatam etiam ab Aristotele, in problemat. Aestate mulieres venerem magis appetere, quā Hyeme. Motus etiam & Quies, non parum conferunt ad conceptum prohibendum, eò quod nimius motus consumit humores, & sanguinem, quibus consumptis, deficit materia conceptus: nam propter hanc rationem, existimo Rusticas mulieres Vrbanis esse steriliores: quia ob continuos motus, & labores, consumitur in eis materia apta conceptui, & necessaria. Quod quoque dicendum de Mulieribus Barbarorum, quos dicebat Aristoteles in ōeconomicis, uti mulieribus, pro seruis & bobus. Quies pariter immōdica sterilitatē inducit, & ratio est, quia ex consumato otio, vt habet Aristoteles libro 1. de Generatione animalium, vteri replentur pituita, & muco, quod duo facit, refrigerat vterum, & semen attractum suffocat, & cor rumpit prorsus. Passiones animi, quòd mirificē sterilitatem inducant, certum est: Memini me legere apud quendam, mulierum si in coitu ploret, non posse concipere, sic etiam faciunt nimius Timor, Mœror, & Ira immōdica: Et quanquam Aristoteles lib. 1. de Generatione animalium scribit, mulierem sæpe concipere sine coitus voluntate, tamen hoc apud Medicos non est receptum: quia Aristoteles, qui voluit, Mulieres solū vas, & locum præstare generationi, hoc asseruisse videtur. Medici verò nequaquam, qui volunt paulominus concurrere foeminam ad generationem, quā virum: & hoc est, qđ Aetius libro vltimo, capite vigesimo sexto prudenter dixit: Coitus inuitos Mulierum, steriles esse & inanes, amorem verò conciliare generationem & conceptus. Sed est & in amore mensura in concipiendo, propterea

propterea quod Rhafes, auctor grauiſſimus, nono Continentis dicebat, mulieres, ſi nimis ardeant amore, non concipere, quia effunditur ſemen in coitu, antequam fit opus. Coitus ſimiliter immodicus, maxime conſert ad ſterilitatem introducendam, quia ſi frequenter mulieres vrantur concubitu, fiunt Steriles, propter quod ſcorta inſœcunda ſunt. Cur verò ſcorta inſœcunda ſint, & mulieres etiam frequenter coitu vrentes, variæ à ſcriptoribus ſunt allatæ rationes.

Diocles Medicus habuit hanc opinionem, idè eſſe ſteriles has mulieres, quia in coitu frequenti non effundunt ſemen, propter quod Meſſalina illa imperatrix, mulier proſtitutæ libidinis dicebat: etſi à viro centies in die calcaretur, ſe quidem laſſari, non autem ſatiari, eò quod ſemen non emittebat. Attulit & aliam cauſam, quia ex frequenti coitu, vulua callum contrahit, & aſperitates amittit, vnde ſemen non poteſt contineri, vel etiam quia vterus ipſe reſoluitur, & vteri ſubſtantia. Sic quoque raritas coitus, vt dicebat Rhafes, facit ſterilitatem. Ratio eſt, quia ſi rarius concumbant Mulieres, os nimis ſtrictum euadit, ita vt non poſſit ſemen niſi magno labore trahi intrò. Eſt & aliud, quod peto, audiatis ſine riſu, ſcilicet forma, & ratio concubitus: quia ſi Mulieres in concubitu retractent clunes, & frequenter agitent, non concipiunt. Rationem adfert Lucretius Philoſophus, 4. de natura, his duobus verſibus.

*Ejcit enim ſulci media regione viaq;  
Venerem, atque locis auertit ſeminis iſtus.*

Hac ratione dicebat Lucretius, doctas meretrices frequenter clunes agitare, non vt deleſcentur, ſed vt non fiant grauidæ. Sic quoque ex potu Aquarum, fit ſæpe ſterilitas: quia ſi aquæ ſunt gelidæ, valdè faciunt homines ſteriles, vt dicebat Ariſtoteles, 4. de Generat. animal. vnde mulieres Septentrionales, vt dicebat Hippoc. libro de Acre & Aquis, propter frigus aquarum, fiunt ſteriles: quem locum dum interpretatur Galenus, vt recitat Rhafis, 9. Continentium, dicebat, tempore ſuo, Romæ fuiſſe multas mulieres ſteriles ob nimium potum. Plinius lib. decimoquarto cap. decimo octauo ſcribit, vini genus quoddam eſſe, vt Trecentium, quod ſi bibatur, ſterilitatem inducit: ſed non ſolum vinum quadam qualitate poteſt facere ſterilitatem, ſed etiam copia: quoniam, vt dicit Ariſtoteles tertio problematum: viri ebrioſi ſemen inſœcundum reddunt: ſic etiam mulieres ebrioſæ, & potulentæ ſteriles plerumque ſunt. Sunt etiam aliqui cibi, qui propria natura faciunt ſterilitatem, vt ſunt, ex Ariſtotelis ſententia, cibi multum frigidi, multum calidi, multum ſicci, multum humidi. Habetis ſententiam Hippocratis libro ſecundo de Diætâ, relatam ab Ariſtotele libro vigefimo problematum, quod ſcilicet Mentha omnino facit ſterilitatem, ſi frequenter edatur, eò quod vi ſiccatoria

toria absumit genituram. Idem dicebat Auicēna, de Cibis nimis acidis. Apium scēmineum vocatum, multa alia etiam medicamenta, quæ referre nolo, apud Medicos parata, facere sterilitatem putantur. Atque hæ sunt causæ tum internæ, tum externæ, facientes Sterilitatem.

### *Signa Sterilitatis.*



**S**IGNA generica, quæ Sterilitatem declarant, multa nõ egēt inuestigatione, qñ quidē satis conspicua sint, sicuti ēt quæ externas causas significāt, cōparātur partim relatione Mulieris, partim ex cōtēplatione indispōsitionis. Verbi gratia, si disquiratis oēs Mulieris indisposiōnes, uideatisq; nullam intrinsecā esse, quæ possit sterilitatē facere, & sit aliqua ex externis, vel coitus frequēs, vel vsus frigidarum rerū, vel quid simile, argumētum esse potest, externas causas facere sterilitatem. Quæ verò indicant internas causas, paulò maiori indigent diligentia. Et primò si fiat sterilitas ab intemperie vteri frigida, aderunt hæc signa: Menstruorum paucitas, pallor vultus, sensuum torpor, & frigus circa pubem, præteritus frigidorum vsus, Veneris abominatio. Sed hoc in loco, non inutilis occurrit dubitatio, quomodo dicitur Veneris abominationem consequi sterilitatem, quoniam Aristoteles libro 1. de Generatione animalium 5. scribit: Mulieres, quibus retinentur menses, esse libidinosiores, affert rationem, quia mulieri menstruum est pro semine: semen retentum facit homines libidinosos, ita quoque menses retenti.

Addit ibidem Aristoteles, animalia *scilicet* esse libidinosiora: Hanc uocem *scilicet* Aspasius, Ioannes Grammaticus, & Gaza interpretati sunt. Solida. Nicolaus Leonicens, Quæstionum naturalium sexagesimo, transferens hunc Aristotelis locum, dixit: scēminas steriles esse libidinosiores. Cuius yri sententiā mihi probatur, quia apud Aristotelem, Solida animalia, dicuntur sterilia, & vulgus hodie appellat beluas Solidas, quando non concipiunt.

Respondeo verum esse, sterilitatem ex se annexam habere libidinem nisi adsit quod repugnet: sed ubi sterilitas est à frigida intemperie, adeū causā quæ repugnat libidini, scilicet frigiditas, si quidem Tentigo, & Libido sit à spiritibus in vtero, at in corpore frigido sūt pauci spiritus, & consequenter aufertur occasio Tentiginis, & Libidinis. Si verò fiat Sterilitas ex immodico calore, (quod tamen rarissimè contingit) habebitis hæc signa: calorem videlicet & siccitatem totius corporis, paucitatem Menstruorum, quæ etiam dolorifica erunt, ad hæc Salacitas muliebris maxima erit. Si fiat ex humiditate,

cogno-



cognoscetis ex multitudine Menstruorum, & humiditate, atque fluxibilitate eorundem, ex humiditate muliebrium locorum. Si a siccitate, è conuerso parui erunt Menfes, aridum corpus, aridi etiam loci muliebres. Signa factæ sterilitatis ex mala conformatione, comparantur diuersis modis. Etenim si fiat sterilitas ex oclusione & angustia vteri, obstructione vasorum uteri, & locorum muliebrium, Hippocrates & Aristoteles docuerunt signum, vt si fiat suffitus Aromatum, vel Pessum, & supponatur pannis, vt non possit fumus exire: si odor Suffumigij penetret ad nares aut odor Pessi, Sterilitas non nascitur ex oclusione, neque angustia vteri: si verò odor non penetret ad nares, signum est, inquit Hippocrates lib. de Sterilitate, Sterilitatē oriri ex oclusione vasorum vteri. Si fiat sterilitas a Tumoribus, vel Vlceribus, cognoscetis ex indicijs vlcerū, & tumorū vteri, si ex mutatione situs fiat, cognoscetis ex dolore & pondere: quia si ad latus dextrū vergat Vterus, dolor erit in coxēdice dextro & grauitas. Si ad sinistrū, in sinistro: si sursū vergat, dolor erit propē vmbilicū. Hip. 1. de mor. mul. p̄clarū modū proponit cognoscēdi, an vteri os distortū sit, quia si a muliere eijciat semē statim post coitū, vteri os contortū est: si post tertiam diem loci humidiores sunt, si sexta uel septima. semen intus corrumpitur. Quando autem sterilitas fit ex habitu corporis, oculis euidens erit, quoniam videbuntur Mulieres, modò tenuiores, modò crassiores, modò proceriores, modò parua statura: Pectus erit latum, & amplum, Mamme breues, Clunes demissi, Lumbi adstricti. Hæc omnia sunt indicia, quæ indicabunt, Sterilitatem ortum ducere a malo corporis habitu. Quod si fiat sterilitas ob vitium Mēstruorū, habebitis signa, partim ex relatu, partim ēt ex Visu: Ex Relatu, quia mulieres dicent, aut non fluere Menfes, aut magis fluere, quàm deceret: Ex visu etiam, si videatis Menfes pallidos, fluidos. Si vitio Seminis, non est aliud argumentum cognoscendi, nisi ex cognitione temperaturæ totius corporis: quia, est sententia Hippocratis libro de Aere, Aquis, & locis; libro item de Genitura, & alibi, Semen a toto corpore secedere, itaque qualis est corporis temperatura, tale est semen: & idē, quibus indicijs cognoscetur intemperies corporis, ipsi isdem cognoscetur intemperies, & ineptitudo spermatis. Dicetis, hætenus habuisse signa cognoscendi sterilitatem mulierum: sed sēpe contingere vt ignoretur an sterilitas fiat vitio feminae, an vitio maris, ob id optare cognoscere signa horum. Rhasis 9. Contin. vt traderet hoc signum, dixit debere accipi drach. j. Spermatis viri. & infundi in aquam, quod si supernatet, signum est, secundum esse, & sterilitatem oriri a femina: sed si non supernatet, sed subsideat, sterilitatem oriri a viro. Idem signum, tradidit Democritus libro de Antipathia: sed hoc signum est apud me inefficax.

inefficacissimum, quia Sperma semper propria natura supernatat. & raro fit, ut Sperma non supernatet. Alij verò voluerunt accipi vrinam uiri, similiter & Mulieris, & inspergi super varias Lactuce partes: cuius vrina Lactuca arefcit, dicunt corpus illud sterile esse: cuius non arefcit, dicunt fecundum esse. Alij vero voluerunt utriusq; Vrinas accipiendas esse, & inspergendas grani Lentis, aut Hordei: dein de reponenda illa grana, cuius vrinæ (inquiunt) grana renascuntur, corpus illud fecundum esse: cuius verò non pululant, dicunt sterile esse. Et hoc signum positum est libro de Facile parabilibus, si tamen sit Galeni: Auicenna autem, & iure, irridet hæc signa, quia quæ admodum videntur fabulosa, ita quoque sunt incertissima. Propterea nulla uia hac melior cognoscendi, quam ut diligenter examinetur Mulier, an in illa vlla sit causa, vel interna, vel externa, quia frequentissimè sterilitas oritur ex Muliere. Et duæ apud me sunt rationes, una est, quia sterilitas in viro, vna tantum ratione euenit, videlicet Spermatidis: in Muliere verò innumeræ sunt causæ sterilitatis, videlicet Vterus, Sperma, Menstrua: vteri verò multæ sunt indispositiones. Alia ratio est, quia mulieres semper frigidiores sunt, imò quilibet Vir, quantumcunque frigidus, semper est calidior, etiam calidissima Muliere, vt meminit Albertus de Mulierum secretis. Ita vt his duabus rationibus verè dictum sit: Sterilitatem ferè semper à Muliere oriri. Si igitur appareat aliqua causæ in Muliere, iam certi estis: si uerò nullæ appareant, adhuc erunt omnia experienda: Suffitus scilicet ille Hippoc. & Pessus, quandoquidem causæ sterilitatis mulieris ex angustia, & occlusionè vasorum, solent esse sæpe latentes, sed hæc experimento fiunt manifestæ.

### *Prognostica Sterilitatis.*

**P**ROGNOSTICA sunt, quod ut dicebat Hippocrates, 2. Prognos. 3. Sterilitas ex vlcerebus difficilè curatur. Auicenna dixit, non modò difficulter curari hanc sterilitatem, verum etiam prorsus incurabilem. Sed conciliantur hæc dicta, quia si vlcus in vtero, sit magnum & amplum, aut quòd possideat plures vteri partes, etiam si curetur, tamen non potest fieri conceptio. Ratio est, quia ex cicatrice fit vterus ineptus semini retinendo. Si autem vlcus fuerit in sola aliqua vteri parte, & rectè curetur, potest fieri conceptus: quia altera pars vteri est apta, licet altera sit inepta. Sterilitas ex defectu naturali etià difficulter curabilis est. Immodò, Aristoteles videt innuere, 2. de Generatione animal. 4. naturalem omnè sterilitatem incurabilem esse. Quod men minimè verum est, quia sæpe videbitis etiam sterilitates naturales



turales coerceri. Itaque conciliantur hæc ex Gal. 5. Aphorif. 62. ubi dicebat, causas naturales sterilitatis, aut magnas esse, aut paruas. Si magnæ sunt (inquit) sterilitatis causæ, prorsus incurabiles sunt, & de his loquebatur Auenzoar, lib. 2. tract. 5. cap. 1. quando dicebat, sterilitatem naturalem homini incurabilem, soli Deo esse curatu possibilem. Si verò causæ hæc naturales sunt paruæ, sterilitas potest curari, de qua loquebatur Aristoteles 4. de Generat. animal. quando dixit, foramen utri oclusum à natura, interdum sponte curari, interdum auxilio Medici: De hac loquebatur etiam Serenus Medicus, quando dixit, naturam potente medicamine euictam sæpè foetum dare. Causæ accidentales, si faciant sterilitatem, ut plurimum sunt curabiles; ut plurimum (inquam) quia interdum curari nequeunt, ut vlcera, quæ si omnes uteri partes depascantur, inducunt sterilitatem prorsus incurabilem. Illud hoc loco non est silentio prætereundum, quod scribit Hipp. 1. de morb. mulieb. & Auicenna: Mulieres, quæ sunt steriles, ut plurimum morbosas viuere, verum ad senectutem tardè properare, & quasi semper iuuenes esse. Ratio, cur morbosæ sint, est, quæ ex puerperijs, id est purgationibus Mulierum, quæ pepererunt, expurgantur multa excrementa, quæ faciunt ut Mulieres fecundæ minus agrotet: in sterilibus verò hæc excrementa retenta, morbos faciunt. Atque hæc est causa, cur steriles sint morbosæ, quæ etiam est, cur steriles habeant carnes asperiores, quàm fecundæ, quia cum retinentur hæc excrementa, faciunt totius corporis asperitates, sicuti cum in fecundis eijciuntur, carnes redduntur molliores. Cur autem dixit steriles minus ad senectutem properare? Causa est, quia non sustinet steriles difficultates utri gestati, neque difficultates Partus. Nam quæ uterum gerunt, dicit Aristoteles, libro 4. de Generatione animalium sexto, si bruta sint, tempore quo uterum gerunt, incolumia, & valida esse, si verò sunt Mulieres, magna ex parte, dum uterum gerunt sunt morbosæ. Et hoc est, quod dicebat Vitruuius libro 2. capite 9. quod quando vendebantur mulieres grauidæ, non præstabantur sanæ. Tempore uerò partus, quod etiam magnas difficultates habeant Mulieres, clarum est: ut verè dixerit Medea apud Euripidem, semalle ter sub clypeo in acie dimicare, quàm semel parere. Ex tot igitur laboribus, & difficultatibus, rugæ in corpore fiunt, in facie, deteruntur carnes, ex quibus omnibus comparatur senectus. Cum his itaque careant Mulieres steriles, verè dictum est ab Auicenna, eas serè semper iuuenes esse, & tardiùs, quàm fecundas, senescere.

*Curatio Sterilitatis.*

OSTQVAM ea, quæ ad speculationem sterilitatis pertinebant, exposuimus: sequitur vt Curationem cuius gratia omnia instituuntur, aggrediar, in qua instituenda, debet Medicus semper ante alia cogitare, nunquid sterilitas sit curabilis, nec ne. Si incurabilis sit, proculdubio dimittenda, quia hoc Medico dedecus parere solet: immo 21. dist. de edicto ædilit. habetur apud veteres legislatores, eas quæ a natura essent steriles, pro sanis habitas esse. Quod si non prorsus incurabilis iudicetur, curatio consultis Medicis, & prudenter est aggredienda, cum prædictione, & cum ijs, quæ à proprietate conceptum curare putantur: quemadmodum sunt multa apud scriptores, ut apud Dioscoridem passinacæ semen, Porrum: Apud alios, Radix Lapathi maioris Coagulum leporinum, Testes omnium animalium. A Plinio lib. 28 capite 8. commendatur Oculus Hyenæ, & tandem multa alia apud scriptores. Quod si sterilitas iudicetur curabilis, magno & forti animo aggredienda est, quia si quid est, quod Medicos possit gloriosos & diuites reddere, profectò est conceptum adiuuare, sterilitatemq; curare. Itaque primò studendum est auferre causas efficientes sterilitatem: deinde corroborandus & viuificandus est vterus ijs Medicamentis, quæ fœcunditatem facere existimantur. Vtriusque his scopis implendis, præ cæteris magnoperè auxiliatur uictus ratio rectè instituta Vnde Aer statim temperatus eligendus est, aut efficiendus: propterea Hippocrates libro de Superfœtatione dicebat, verum tempus conceptui accommodatissimum esse, scilicet propter Aeris temperiem Habenda quoque ratio est ventorum, vnde Aristoteles libro 7. Politicorum capite decimosexto, ex sententia Physicorum, dicebat, Aquilonares constitutiones conceptibus Mulierum maximè esse aptas. Austrinas verò incommodas, & graues. Quod etiam confirmatum habetur experimento Empedoclis: refert enim Clemens Alexandrinus libro sexto Stromaton: interdum ventum quandam Austrinum, per agrum Agrigentinorum peruagasse, qui sterilitatem Mulieribus inferebat: quod cum animaduertisset Empedocles, obstruendo ductu, per quem ventus ille manabat, statim restituta est fœcunditas mulieribus Agrigentinorum: quod dixi, vt intelligatis, magnoperè conferre ventos ad conceptionem. Somni & Vigiliæ moderati esse debent, moderatus quoq; Motus & Quies. Omnes animi passiones sunt auertendæ, præsertim hora, qua Coitus fieri debet, quoniam non modò confert animum tràquillum esse ad cõcipiendum, immò ad bonos conceptus edendos: Hinc Spurij magna ex parte sunt prauis moribus, quia concipiuntur à parentibus,

vel timentibus, vel malè animo affectis. Ita quoque existimo, nō sine ratione Adagium fuisse apud veteres, Heroum filij noxæ: quia viri docti & sapientes, dum concumbunt, vt plurimū, magnas curas aſſerunt, nō sunt tranquillo animo: vnde vel non concipiunt Mulieres, vel conceptus stolidos, & prauos edunt. Modus quoque Coitus, maxime huc refertur. habetis auctoritatem Hippocratis libro de Superfætatione, qui scribit, Mulierem non debere Ebriam, neque Saturam copulari viro: quod quoque à Moschione animaduersum est. Aneenna omnium diligentissimè docuit, omnes conditiones necessarias in hoc casu. Sed nolo præterire quod scriptum est à Lucrétio libro 4. de Natura: confirmatum ab Aegineta libro tertio, capite 74. Scilicet, quòd si Coitus exerceatur more beluarum à tergo, magis nocere confert ad concipiendum, immo vero si res ipsa expendatur, vt aliqui Anatomici perhibent, hic solus cocundi modus est naturalis, qui uero fit a parte antica, potius voluptuosus est. Circa Cibum, & Potum non est minor cura gerenda, præsertim circa potum, de quo dicebat Hippoc. fugiendum esse uinum album, potandum autem uinum meracissimum & grossum, quod ego quoque laudo; modo tamē moderatè fiat. Aqua autem potata, mirificè confert ad utrumque. Sic habetis aquam fabrorum, in qua extinguunt ferra ignita, si poterit frequentius sterilitatem facere, itaque vitanda est. Aqua et frigida nimis pota sterilitatem facit. Vnde Mulieres apud Hispanos, quæ plurimum temporis bibunt Niuem, & Aquas gelidas, solent esse valde infecundæ. Sunt etiam quædam Aquæ, quæ proprietate quadam dicuntur facere fecunditatem, vt est aqua Nili, quæ sua uis nitrosa (dicebat Seneca 3. naturalium quæstionum) sæpe uteros perpetua sterilitate oclusos, adaperuit & conceptum fecit. Vnde Mulieres Aegyptiorum (ut scribit Aristot. perinque in locis lib. de Animalibus) quinos & quaternos fœtus edunt frequenter. Ratio non alteri causæ attribuenda est, nisi aquæ Nili, quam potant. De cibis non minor sollicitudo habenda, vt scilicet Mulieres utantur cibis optimi succi, facilibus concoctu, minimè excrementitijs copia mediocribus, & tandem prouidendum est, vt omnibus cruditatibus occasio præripiatur. Cleopatra in libro suo de morbis muliebribus phibuit acris omnia, omnia acida, omnia salsa. Sunt & quidam cibi, qui sunt fugiendi, quòd a proprietate sua sterilitatem faciant. Vt est, Faba, quam ait Clemens Alexandrinus 3. Stromaton, idcirco prohibuisse Pithagoricos, quoniam sterilitatem Mulieribus facit, & Viris. Idque etiam probatum est auctoritate Theophrasti, libro de causis Plātaram, ubi dicebat putamina Fabarum, si serantur prope radices arborum, ipsas arbores sterilefcere. Itaque fugiendi sunt omnes cibi, qui possunt sterilitatem facere. Instituto victu, cogitandum est, quæ sit causa fa-

ciens sterilitatem, an scilicet frigida sit, an calida, Si frigida sit, an à frigida intemperie, an à frigidis humoribus, qualem causam scribit Auenzoar plerunque sterilitatem facere, quam primum deueniendum est ad præparandos humores, & demum ad expurgandos. Nisi enim prius expurgetis humores, intemperiem corrigere non poteritis. Modus verò præparandi humores in his casibus est.

℞. Fol. Melissæ, Betonicæ, Arthemisæ, Pulegij, Maiorana ana M.j. Radicis Enulæ, Cyperi Fœniculi, Calamenti ana drach. ij. s. Fiat decoctio secundum artem: Deinde ℞. Dictæ decoctionis vnc. iij. Syrupi de Arthemi. Mellis Rosati ana vnc. j.

Misce. fiat potus. Postquam præparati sunt, attendendum est, vt expurgentur. Multa autem sunt, quæ hoc in casu laudantur: sed præcipue huiusmodi Medicamentis vti soleo: ℞. Electu. Indi vnc. s. Trochisco. de Myrrha drach. j. s. Diacatholiconis vnc. j.

Misce fiat Bolus. Capiatur mane, vt alia medicamenta. Auicenna laudabat Hieras magnas, ut illam Archigenis, Hieram Russi, Logadij Pachij: quibus omnibus, cum consilio Auicennæ vti poteritis. Aduertendum tamen in hoc loco quantum fieri potest, in præparandis humoribus cauendum esse Oximellitis usum & Aceti. Dicebat enim Auenzoar, se consueuisse in medicamentis parum, aut nihil Aceti, commiscere. Ratio accepta est ab auctoritate Hippocratis, qui docebat tertio Acutorum, acetum inimicū esse mulieribus: propter vterum, eò quod acetū vtero, qui neruosus est, valde nocet. Sed hic oritur non inutile dubium, quomodo acetum, vtero nocere possit, propter neruositatem. Clarum est, quod ventriculus est magis neruosus, & magis sensibilis, quàm vterus: ad hæc acetum magis immediatè tangit stomachum, quàm vterum: quomodo ergo ab Hippocrate, & alijs dicitur, quod acetum noceat vtero? & nūquam videtur quod noceat stomacho? Auenzoar lib. 2. Tract. 5. ca. 1. scribit, videns hæc difficultatem, propter tres causas ventriculum non offendi ab aceto, & offendi vterum: Vna est, propter astrictionem, eò quod ventriculus longo tempore & longa ciborum assuetudine, contrahit quasi callum quendam, propter quem non est mirum si non offendatur. Secunda, quia licet stomachus sit neruosus & sensibilis, est tamen magis carnosus, quàm vterus, propter ciborum cōcoctionem, vnde fit, ut propter huiusmodi carnositatem, magis resistat acrimoniæ aceti, quàm vterus. Tertia, quia in vetriculo semper adsunt humores crassissimi, & phlegmatici qui retundunt valdè acrimoniam aceti, ita vt nullam possit inferre noxam. Postquam purgati fuerint humores, deueniendum est ad ea medicamenta, quæ exsiccent vterum, quæ calefaciant, quæ simul a proprietate fecunditatem faciunt. Hæc autem sunt duorū generum: alia quidem, quæ per os assumuntur: alia, quæ

extrin-

extrinsecus adhibentur. Quæ sumuntur per os, sunt Confectiones multæ, Diamoscus, Diasaluia, Theriaca mirificæ ab Auenzoar laudatur, et à Galen. Ego aut habeo Confectionem qua feliciter uti soleo.

℞. Zedoaria, Doronici, Galangæ ana drach. j. s. Ligni aloes, Cina momi Caryophyllorū, ana drach. j. s. Spicæ, Piperis longi ana drach. j. Satirij drach. ij. Castorij drach. j. Moschi, Ambra ana grana vj. Sacchari vel Mellis quantum satis. Fiat secundum artem Mixture. Vfus huius mixturæ est, tribus vel quatuor diebus, antequam mulier debeat concumbere viro, manè ad drach. iij. cum vino odorato, & generoso. Medicamenta verò quæ extrinsecus administrantur in hoc casu, sunt quatuor generum, aut suffumigia, aut Infusiones, aut pessive Collyria, aut Inunctiones. Suffumigia, fiunt hoc modo: habetur vas angusto ore, quod repletur Carbonibus, & super eos insperguntur Pulueres, & panno circumdatum vas, supponitur oculis muliebribus, ita ut fumus qui emanat ingreditur oculos. Forma autem Suffumigiorum est.

℞. Bdellij, Mirrhæ ana drach. j. Arthemisig, Matricariæ ana vnc. s. Testiculorum vulpis assatorum vnc. j. Gallia Moschata Mesues Scop. j. Contundantur omnia & inspergatur pulvis, ut dictum est. Infusiones autem fiunt potissimum ex Aquis medicatis, ut Thermarum, Nitrosarum, aut sulphurearum, quales sunt Parauinæ, Lucenses aliq̃. & alię apud Italos, quæ putantur mulieres grauidas reddere. Fiunt & aquæ ex Matricaria, Arthemisia, Melissa, sed istæ nõ adeo profunt, ut medicatæ. Modus verò administrandi est, quod mulieres nudæ ponuntur in vase ligneo, vsque ad umbilicum, & deinde vas repletur aquis, ita ut corpus mulieris immergatur vsque ad umbilicum in aquis, in quo balneo trahitur mora per horam saltem, quia sic maximè corrigitur intemperies vteri, maximè si humores frigidi sunt, qui sterilitatem faciunt inhibentur enim & exsiccantur. Pessaria uerò siue Collyria, sunt quoque variorum generum, sed fermè eundem scopum habent, quem admodum suffumigia. Sunt uerò Pessaria medicamenta, quæ instar caudarum mittuntur in uterum. Forma verò huiusmodi est.

℞. Castorei, Opopanax ana drach. j. Coaguli leporini drach. ij. Croci, Amoniaci, Nardini ana drach. ij. s. Foliorum citri pulverizatorum drach. iij. Testiculorum vulpis pulueri. vnc. s. Teratur omnia diligentissimè & cum Melle secundum artem, fiant Collyria plura: quorum vñus est, ut detineatur dies atq; etiam nocte, qñ non est exercendus Coitus. Sunt postremò Inunctiones, quę quoq; non paruum præstant vñum in efficienda fecunditate, & vñus est circa totum pectinem, & etiam circa ipsos oculos, & ut fiant antequam Coitus exercetur, ut etiam ijs ipsis temporibus. Forma talis est.

℞. Zibetti



℞. Zibetti drach. s. Croci, Spicæ, Styracis ana drach. j. Folij, seu Malabathri scrop. ij. Olei de spica Aromatica vnc. s. Vini optimi drach. iij. Cera parum. Misce, fiat Linimētū. Quæ omnia, vt efficaciora sint, debet mulier ante omnia amare: quoniam nisi Mulier volens hæc faciat, parum omnia proficiunt: quia sunt quædam Mulieres, quæ nolunt grauidæ fieri, etiam si viri optent: & propterea, quantum medicamenta profunt, tantum ipsarum volūtas nocet, & repugnat. Quod si fiat sterilitas a causa calida, quod non ita frequens est, ante alia instituentus victus, qui vim refrigerandi possideat. Aer sit refrigerans: Quies deligatur: Somnus, & tandem omnia quæ refrigerare possunt. Post institutum victum, videndum est an sectio venæ sit necessaria, quoniam si corporis adsit plenitudo, procul dubio statim venæ esse secanda, & primo secanda est Basilica, deinde vena Saphœna, eo quod hæc vena magis vterum refrigerare soleat. Secta vena, præparandi sunt humores calidi. Modus erit.

℞. Foliorum endiuix, Hepaticæ, Rostri porcini, Feniculi ana M. j. Radicis Imperatoriæ drach. j. s. Buglossæ, Nenupharis ana M. s. Fiat decoctio secundum artem: deinde.

℞. Dictæ decoctionis vnc. iij. Syrupi de succo Endiuix, Syrupi Capilli veneris ana vnc. j. Misce. Quod si non solum fuerint humores biliosi, sed & adusti: sic præparari possunt.

℞. Foliorum Lupuli, Cuscutæ, Boraginis, Fumariæ ana M. j. Fiat decoctio secundum artem: deinde.

℞. Dictæ decoctionis vnc. iij. Syrupi de succo Borag. de Lupulis ana vnc. j. Misce. Postquam præparati sunt humores, erunt euacuandi, & si fuerint biliosi, sic poterunt expurgari.

℞. Myrobulani Citrini drach. j. s. Thamarindorum vnc. s. Florū Boraginis. Violatum ana P. j. Fiat decoctio in sero caprino: deinde.

℞. Dictæ decoctionis vnc. iij. Rhabbarbari electi scrop. iij. Spicæ gran. iij. Fiat infusio secundum artem. Deinde facta iterum diligenti expressione, adde Syrupi violati solutiui vnc. ij. Diaphenici drach. ij. s. Misce. Quod si humores fuerint Melancholici, poterunt sic expurgari.

℞. Confect. Hamech. vnc. s. Trochis. de Rhabarb. drach. j. s. Electuar. de Sena solutiui drach. iij. Misce cum Saccharo, fiat Bolus. capiatur hora matutina.

Quod dixi de modo curandi sterilitatem in his intemperiebus, idem putate faciendum in alijs. Quod si oriatur sterilitas ob Mēstruum vitium, curatio ea instituenda, quam docebimus cum de Menstruis tractabimus. Similiter si ab alio morbo procedat, petenda est sterilitatis curatio, ex curatione illorum morborum, quos ne ingenia vestra confundamus, suo loco tractabimus. Dixi in principio, Medi-

cos interdū cōsulere medicamēta, vt vel Conceptū inhibeat, vel Cōceptū internecent, non q̃e conceptum vnquam prohibendū velint vt phibuit Minos Cretēsis, sed alio modo. Minos enim, vt refert Aristoteles 2. Polit. 8. timens ne populi Cretenses nimīū excrescerent, statuit, vt quando Mulieres ad certum numerum proles habuissent, vterentur nefando coitu qui quidem abominandus omnino est, & miror, Aristotelem non fuisse hanc legem conuitijs persecutum. Medici uerō quando loquuntur de prohibendo conceptu, omnino hūc modum reiiciunt. Videndum verō hoc loco est, vt possitis artem prudenter exercere, an vnquam liceat Médico sterilitatem facere, an liceat prohibere Conceptum, aut interimere: Et si liceat, quando liceat, & quibus id agendum. Ex vna parte est auctoritas religiosissimi Hippocratis, qui in lureiurando legem statuit, ne Medicus Abortiuū medicamentū propinet. Quod si verū est, paulo minus differt Conceptum impedire, & factum auferre ē medio: si nō liceat factum conceptum interimere, ergo non licebit impedire ne fiat: dicebat enim Tertullianus in Apologet. festinationem homicidij esse prohibere nō nasci. Ex altera parte est auctoritas eiusdem Hippocratis, qui libro de natura pueri, scribit: se consuluisse quandoque saltatrici, quæ dubitabat vterum ferre, & dedecus timebat, ut conceptum eijceret saltando. Ex quo loco videtur clarē Hippoc. concessisse medicamēta, vt possint quandoque conceptum tollere. Hippocratis verō librum illum esse, est Galeni testimonium, qui libro de Foetus formatione, & primo de semine, citat hunc locum, tanquam Hippocraticum. Sed videndum est Actij testimonium, qui lib. 6. cap. 16. clarē monstrat, interdum licere Medicis impedire Conceptum, & ipsum enecare. Eiusdem mentis videtur fuisse Auicenna tertia 3. trac. 2. cap. 17. quo in loco monstrat, licere Medicis partim inhibere partim interimere Conceptum in tribus casibus. Vnus est, quando mulier quæ vterum gerit, ita tenella est, vt timeatur, ne sub partu occumbat. Et enim refert Aristot. 7. Polit. 16. Mulieres Træzenorum sæpe occubuisse sub partu, quod tenellæ nimis conceperant. Alter casus est, quando in vtero morbus aliquis est, qui parit timorem, ne in partu mulier supprimatur. Tertius est, quando debilis est vesica, ita vt timeatur, ne ponderositate foetus, disrumpatur vesica, & ipsa disrupta mulier intereat. Sed quia casus isti ab Auicenna positi, sunt admodū futiles, & vani: dicam ego liberē quid sentiam nobis Christianis esse agendum. Primum quomodo loca Hippocratis intelligenda sint, demonstrepo, vt docuit Aristot. 7. Polit. 16. perspectum esse potest, ueteres hanc legem habuisse, quod quoties aliquis Conceptus nondū animatus erat, licebat ipsum corrumpere. Vbi uerō animatus erat, nefas erat tangere. Qualege posita, possunt conciliari loci Hippocratis,



tis, qui dum in lureiurando prohibet dari corruptoria Medicamēta,  
 loquitur de Fētū animato, quasi voluerit Hippoc dicere, non licere  
 Fētū animatū vnquā interimere. In libro de natura pueri, locutus  
 est de Fētū nondum uiuo & inanimato, eò quòdliceret Fētū dum  
 nondum animatus esset, quandoque corrumpere. Quod autem hæc  
 fuerit mēs Hippocratis, inde intelligi potest, quia dixit, se consuluif  
 se vt saltaret ante septimum à coitu diem. Iam verò sentētia est Hip  
 poc. lib. de Genitura, libro de Natura pueri, quam mutuatus est Ari  
 stoteles 7. de Historia animalium 3. quod Fētus ante septimum diē  
 nunquā animatus est. Sed ad Aetium, Democritum, & Auicennā,  
 qui omnes uoluerunt Conceptum animatū interimere licere: dico,  
 quòd si verē isti uiri intellexerint de Conceptu animato, proculdu  
 bio toto cēlo errarūt, nam vt dimittamus religionem, peto ab ipsis;  
 nunquid vnquam Medicus possit certus esse, dum tradit corruptiua  
 fētus, quòd etiā non interimat mulierem? Hoc certē polliceri nō  
 posset. quia corruptiua fētus, sunt venena, & inimica mulieri: ad  
 hæc, in Abortu clarum est, mulierem subire multa mortis pericula;  
 ita quod non video, quomodo Medicus possit tutus esse, de non cor  
 rumpenda similiter muliere. Itaque non sunt agēda mala, vt eueniāt  
 bona, eò quòd magis sperandum est, Deum qui Conceptum fecit;  
 posse citra spem nostram ipsum seruare. Quare ne vnquam Medicus  
 cogatur pericula subire, neve mulieres ipsæ de uita periclitentur;  
 duæ sunt viæ meliores traditæ ab Auicenna. Vna monstrata ab ora  
 culo Trœzeno, ne puellæ videlicet immaturæ nubāt. Altera, vt quæ  
 curq; videntur ineptæ conceptui, consulatur, vt sese dedant virgini  
 tati. Sed dicetis interdum contingere, vt virgines interdum nubant;  
 quæ in partu periculum subeunt, quid agendum his? Scio veteres  
 Medicos, & Philosophos, tres vias habuisse: vnam ante coitum: al  
 teram, in coitu: tertiam, pōst coitum: quæ omnes viæ poterunt in  
 his casibus, si timeatur virgines concipientes ne subeant pericula, de  
 seruire, ne fiant cōceptus. Ante coitum erit consulendum, vt teneāt  
 etiā rationem vitæ contrariam illi, quæ monstrata est pro sterilita  
 te vitanda. In coitu sunt etiā aliqua, præsertim Linimentum, quo  
 utebantur veteres, demonstratum ab Aristotele 7. de Histor. anima  
 lium cap. 8. vbi Gaza malè transtulit, oleum luniperum, quia debet  
 esse oleum Cedrinum, id est Cedrea ipsa, quam dicunt omnes impe  
 dire conceptum. Est etiā alter modus, demonstratus ab Auicē  
 na 4. de animalibus, qui dicebat, mulieres, vt non concipiant, debere  
 frudere vt diuerso tempore semen emittant à viro, quia nunquā fiet  
 conceptus, nisi vno eodemque tempore & vir & mulier sperma emit  
 tant. Est & modus monstratus à Lucretio, quo vtūtur Scorta, & me  
 retrices, quando clunes retractant, & concutiunt sæpe, ne concipiāt.

Tertius

Tertius modus post coitum, est monstratus ab Hippocrate, scilicet, ut mulieres postquam coitum fecerunt, vel sternutationem uehemēter excitent, vel saltem, ut semen à vulua exeat. Quod si Conceptus iam sit grandiusculus, & mulier lethaliter ægrotet: dico, nunquam licere Medico, ut prima intentione foetus interimat, licet sanè curare mulierem medicamentis necessarijs, & inimicis foetui, sed non licet vnquam hoc animo mederi, ut interimatur fetus: cuius ratio supra adducta est: sed licet interdum consulere Mulieribus, ut non concipiant, & aduertendum ne conscientie perdantur uestre, quoniam nūquam licet hoc consilium dare, nisi ubi maximum uitæ discrimen videatis. Et si sæpe mulieres inhonestè huiusmodi remedia a Medico requirant, ut satisfaciant libidini, & vituperia fugiant, quæ omnes re frenandæ sunt: hæc tamen omnia subijcio sacrosanctæ fidei. Sed dubitatio est ex dictis, quia dictum est, Actium, & Auicennam consulere, ut interimantur fetus, si sit morbus aliquis in Matrice: Ergo videtur mulierem posse concipere etiam tunc, quando morbus sit in utero. Contrarium tamen statutum est, scilicet non fieri Conceptū, ubi uterus aliquo graui morbo laborat. Dico pro resolutione, primò Actium, & alios, locutos esse de morbis uteri, qui fiunt post conceptū, non autem qui fiunt ante conceptum. Secundò, utrum posse laborare graui morbo, vel secundum collum, vel secundum corpus: primo modo, potest fieri Conceptus, etiam si morbus sit grauior: secundo modo nequaquam, quia ubi Uterus graui morbo laborat, impossibile est, ut fiat Conceptus.

### De Mola. Cap. III.



**E**QUITUR ut de Conceptu vitioso tractemus, qui quidem efficitur, ubi non concipitur quod deberet concipi. Cōparatum. n. à natura est, ut concipiatur Animal, & Homini: itaque si quod conceptū est, neque Animal, neque Homini est: proculdubio cōceptus vitiosus vocandus est. Hic verò conceptus, est à Græcis Μύλη, à Latinis Mola, appellatus. Sed statim oritur cōsiderandū, cur Medici de partu vitioso tractantes, non tractant de mōstris, nā perspectū est & mōstra esse conceptus vitiosos, de quibus lex est apud Platonē 5. de legibus, esse ipsa monstra clam enutrienda. Aristoteles autem 7. Politico. 16. voluit, neque alenda esse monstra, ut hinc clarum cuique esse possit, monstra verè partus vitiosos, & cōceptus existere. Verum enimverò puto duas ob causas, Medicos præterisse hanc tractationem. Vna est, quia monstra in utero non sunt morbi, eò quod non lædant operationes vllas. Altera est, quia tametsi ponamus morbos esse hæc monstra in utero, non tamē

nota sunt non sunt indicia vlla, quibus cognoscere valeamus, monstra existentia in vtero, quod quidem non est de mola. Vocatus est hic affectus *Mola*, vtrefert Moschio, & Aetius. à grauitate, & pondere, eò quòd tanquam moles quædam, & instar ponderis grauissimi grauat prægnantes. Et hic affectus, ut habetur primo de Morbis Muliebribus, apud Hippocratem, & libro de sterilitate, nec non apud Aristotelem 4 de Generatione animalium cap. 7. est caro quædã inutilis, informis, inarticulata, dura in vtero mulieris genita, instar ueri conceptus & uariarum figurarum. Hæc descriptio colligi videtur ex descriptionibus Medicis, præsertim ex Hippoc. & Arist. sententia, quos secutus est Galenus 14. Metho. & 14. de Vsu Partium. Nec nõ Auicenna 21. lib. tertij tract. 2. cap. 19. Circa quam descriptionẽ, primò aduertendum, me dixisse *Carnem*, non autem carnes, quia plerunque est vna caro: tamen vt colligitur ex Hippoc. fiunt interdum & plures carnes. Albertus Magnus 18. de animal. histor. 16. narrat se vidisse duas molas uno partu excretas. Nicolaus autem Florentinus retulit se vidisse, quasi carnes excretas enormis figuræ. Dixi inutilis, informis, & inarticulata, ad differentiam monstrorũ, quæ sunt formata, sunt articulata, sed perperam. Dices ergo, quid de partu ursæ? vrsæ dicitur à multis, quod parit molam, & hæc habet Arist. 6. de Histor. anim. 30. Item 4. de Gen. animal. 6. quem imitati sunt Pli. Aelianus. Solinus & multi alij, & dixerunt vrsam quoque parere molam informem, & tandem lingua expolire eam, & conformare. Nec etiam verendum, quin ita nõ sit putandũ, nã & Gal. lib. de Theriaca ad Pisonem cap. 11. scribit. Vrsam lingua tanquã manu figurare molam quam parit. Ita vt ex auctoritate horum scriptorũ, videatur clarum esse, quod etiam vrsæ pariat molam, quæ tamen reddatur vitalis. Respondeo ad hoc, falsissimam esse illam sententiam, quòd vrsæ pariat molam informem: & quanquã hoc dixerit Aristot. dixit tamen, quòd propè informem parit, non verè informem, sed solummodo rudem, & obscuram. Quod verò hoc falsissimum sit, clarum hinc esse potest. quia articulare, & cõformare fœtus dicebat Hipp. lib. de natura pueri, & Gal. de fœtus formatione, opus est solius naturæ, vel solius Dei, vel solius aîæ, vt Platon. putarũt, mûdi. Nõ est igit, vt quis cõfingat posse extra uterũ conformari, & articulari fœtũ vllũ. Sed dices, cur ergo vrsæ sola hæc molâ parit? Dico hoc euenire, quia vrsæ medi oanni tpe, tota. s. hyeme latet, aîal est multa sēp p pituita oppletũ, ita ut cum vterus vrsæ sit oppletus pituita, hac totus fœtus obducitur, atque ita obductus, obscuratur, ut nulla forma appareat. Postquã autem in lucem editus est, à matre lambendo auferitur hæc pituita & hic mucus, quo sublato, apparet deinde fœtus conformatus, & articulatus. Hanc falsitatem multorum, inter cæteros etiam agnouit Albertus

bertus Magnus 7. de animal. 16. Tract. 3. cap. 3. Dixi etiam esse Carnem duram : quia ut est apud Arist. 4. de Gene. anim. 7. & apud Plin. lib. 7. cap. 15. vsque adeò durefcit hæc mola , ut sæpe nec ferro possit frangi aut pertundi. Dixi *in Mulieris utero* , eò quòd hæc mola solum in mulieribus cõcipitur : nullum aliud animal est, ut scribit Arist. & Plin. locis citatis, quod huic passioni sit obnoxium . Cur verò sola mulier molam concipiat, Albertus Magnus 14. de animal 6. conatus est reddere rationem, vbi scribit, q̃ in muliere multus sanguis abundat, qui cum concoqui & digeri non possit, à conceptu non potest cõueri in nutrimentum , & ideò superabundans adeò tandem excrescit, vt ex conceptu molam faciat. Addit quoq; matricem & vterum mulieris, esse contrarium vteris aliorum animalium. Sed hæc Alberti opinio, mihi planè non satisfacit. Ratio est, quia supponitur primò fieri conceptum, deinde nutrirì, & ratione nutritiuenti fieri molam, q̃ quidem falsissimum est: quoniam à principio fit mola eo s. tempore, quo debet fieri conceptus verus. Præterea vbertas nutrimenti, minime potest formationem fœtus destruere, eò quòd si hoc esset, plerumque destrueretur fœtus in principio, eò quia tunc temporis plurimū abundat nutrimenti in vtero , ex qua vbertate fiunt infinita, & magna in prægnantibus accidentia: quare non est ea ratio, quàm adfert Albertus. Dicendum igitur ut dicit Arist. & Auerroes commentario super 4. Gen. anim. cap. 6. in sola muliere fieri molam , eò q̃ ipsa sola abundat copia menstruorum. Id quod habet Arist. 6. de Hist. animal. 18. Quomodo verò ex abundantia sanguinis menstrui in muliere sola, fiat mola, posterius intelligetis. Dixi *instar conceptus vteri* , vt exploderem errorem Aetii & Pauli: nam Actius lib. 16. cap. 80 & Paulus lib. 3. ca. 69. sequuti Moschionem & Cleopatram, qui de mulieribus scripserunt, habuerunt hanc opinionem , quòd mola sit tumor vteri, genitus uel ex inflammatione, vel ex vlcere, quæ sententia falsissima est, & ideo addidi, instar conceptus vteri. Dixi postremò *variarum figurarum*, eò quod licet mola sit figuræ sphericæ, est tamen interdum figuræ complanatæ, nō autem perfectè sphericæ , & potest habere varias figuras, sed omnes sphericam æmulantes. Vnde in casu Antigonis vxoris relato ab Hippoc. 12. sect. 2. Epid. semper putauimus eum fœtum fuisse molam, licet uocetur ab Hippoc. filius, quia erat carnosus ex magnitudine quatuor digitorum sine ossibus, crassus, & rotundus. Ex dictis hætenus patet, molam esse morbum in via, siue in numero. In numero, quia abundat res quæ non deberet : In via, quoniam vterus impeditus est, qui non deberet.

*Causa Mola.*

**I**RCA causas huius affectus, magnam inuenio scriptorum varietatem. Hippoc. 1. de Morbis Mulieb. & lib. de sterilitate, habuit hanc sententiam, quod mola fiat quotiescunque multus sanguis menstruus, & paucum semen & morbosum concipitur. Vel, vt dicebat 2. de morbis: quando semen crassum est. Hęc sentētia tametsi fuerit Hippoc. tamen mihi planē non satisfacit, duabus rationibus. Vna est, quia vnumquodque semper operatur secundum gradum suum: si gradus debilis, debiliter operatur: si gradus uehemens & fortis, valdē operatur. Itaque si fieret mola à semine morbofo, proculdubio fieret aliqua forma, & forma esset morbosa, eo p̄sertim, quod ipsemet Hippoc. lib. de Aere, aquis & locis, ab infirmis scribit fieri infirmos foetus, eò quod semen inhrmum est. Ergo deberet potius, si semen esset morbosum, fieri fetus morbosus, quàm fieri mola. Præterea non videtur, crassitiem posse hoc facere, quia crassities seminis facit sterilitatem, non autem molam. Ergo hæc sententia non uidetur vsquequaque firma esse. Arist. qui omnia ferē pertinentia ad cōceptum, mutuatus est ab Hippoc. 4. de Gen. animal. 7. quem est securus Albertus Magnus, lib. 18. cap. 6. videtur habuisse sententiam paulò diuersam, vbi scribit fieri molam propter caloris matricis imbecillitatem, nam inde fit, vt materia maneat indigesta & incocta, & loco conceptus fiat moles rudis, & indigesta. Qm̄ verò Aristoteli potuisset quis obijcere, Cur ergo hæc materia cruda, & indigesta statim non expellitur, sed diu retinetur in vtero? Respondet Arist. id eo id euentre, quia natura tentat semper hanc molem perficere, & ad aptam formam reducere, sed cum non possit, permanet, quia materia non est prorsus inutilis, nec uis expultrix est adeò fortis, vt possit expellere. Et quia poterat adhuc aliquis Arist. obijcere, cur saltem non corrumpatur materia hæc cruda & indigesta? dicit Albertus, non corrumpi, quia est quidam proprius, & peculiaris indigestionis modus. Hęc sententia Arist. mihi etiam probari omnino non potest, ob tres causas. Vna, quia si debilitas caloris natiui hoc efficeret, deberet potissimum fieri mola in habentibus vterum frigidum, in habentibus calorem natiuum imbecillum: sed hoc non contingit, quia videbitis frigidas, vel non concipere, vel concipere fetus formatos. Altera causa est, quia, ut ipsemet Aristot. testatur ex Hippoc. 7. de Histor. animalium, fit conceptus intra septimum diem, formatur verò, ad summum intra quadragesimum, vel quinquagesimum, quod si uerum est, p̄to ab Aristotele: Tu dicis, semper naturam laborare circa hanc molem, vt perficiat & conformet. Ergo sequitur, quod natura laborabit



rabit frustra, quia vltra quadagesimum, vel quinquagesimum diem, non fit amplius formatio. Si hoc, cur ergo natura semper laborat (vt dicis) circa ipsam, quo eam perficiat, & conformat? Tertia aduersum Albertum, quia non video quis fit modus digestionis, qui possit res indigestas à corruptione longo tempore conseruare, quoniam vt habet Aristot. 4. Meteo. omnia quæ sunt indigesta, non possunt ita diu permanere, sed corrumpuntur, eò quòd à calore natiuo deseruntur, qui calor est conseruator rerum, ita quòd non possumus assignare modum, quo conseruatur tanto tempore hæc materia cruda, & in digesta, quoniam sæpe ad multos annos perdurat mola. Auicenna 10. de animalibus, & 21. tertij, tractatu secundo, cap. 19. habet ab his aliam sententiam, vbi scribit fieri molam, quãdo in vterum mulieris ingreditur semen mulieris, & non semen viri: tunc enim inquit, si temperatura uteri fuerit optima, semen istud concipitur & coagulatur, sicque deinceps instar glandularum nutritur, & connutritum tandem in molam euadit. Si verò, inquit Auicennas, fuerit vterus frigidus, semen mulieris frigidæ coagulatur, coagulatum non in fætum, sed in molam conuertitur. Verùm hæc sententia Auicennæ, etiam aliquas difficultates subire videtur. Primò, quia vt colligere est ex Galeno 14. de vsu partium 17. fieri non potest, ut conceptus fiat in animalibus viuiparis, absque concursu & semina & masculi. Dico in animalibus viuiparis, vt excludam ouipara, quæ concipiunt absque concursu maris, vt sunt, oua subuentanea. Nec uos moueat auctoritas Varronis, qui lib. 1. de re rustica ca. 1. conatus est pro uero affirmare, quòd in Lusitania apud Vlyssibonam, circa montem quendam sunt equæ, quæ concipiunt vento, quod quidem falsissimum est. Altera, quia si sententia Auicennæ vera esset, posset fieri (vt dicit ipse) vt virgines etiam non vrentes coitu conciperent molam: quia potest ex pollutione nocturna, ingredi semen muliebri in vterum, atque ita confirmari in molam. Quod quidem experientia falsum esse constat, nam solæ mulieres molam concipere possunt, quæ cum viro consuetudinem habent: Plutarchus in præceptis cōnubialibus videtur habuisse hanc sententiam, quòd mola fiat à vitiatis humoribus coeuntibus simul in utero. Sed hæc sententia facile exploditur, nec mirum, quia non fuit Medicus, quia à corrupto nil nisi corruptum fieri potest: præterea si esset ex corruptis humoribus, proculdubio humores illi vitiiati, antequam conformarentur in niolam, mirificè offenderent, atque læderent, neque etiam posset sustineri hic morbus tanto tempore, quanto sustinetur. Auerrões 3. Collec. 29. circa molæ generationem, diuersam ab alijs videtur habuisse sententiam, vbi scribit eam fieri ob defectum formatricis facultatis: defectum verò fieri, vel propter corruptionem seminis,

minis, vel membri. Ita opinio eius fuit : ob defectum formatricis gigni molam, & cum defectu nasci, vel propter vteri aliquod vitium, vel feminis ipsius. Sed hæc sententia primò patitur eandem difficultatē, quam sententia Plutarchi, quod scilicet à corrupto nil nisi corruptū fieri potest. Præterea si ex mala vteri intemperie sola, posset fieri mola, proculdubio fieret sæpe, eo quia vterus sæpe intemperatus est. Possimò vbi semen vitiatum est, vel vterus ipse, ut dictum est, fit sterilitas, non autem mola. Itaque sententia mea est, molam cum sit caro, ut dictum est, non aliam habere generationem, quam habeat ipsa caro. Quo modo verò gignitur caro? Constat gigni ex sanguine, qui apponitur parti quæ nutritur, vel substantialiter, vel per vapores. Quod enim apponatur per vapores, clara est Gal. sententia 3. de symp. causis. 3. quanquam eo in loco interpretæ Latinus deceptus est, & forsan non ἀποειδὼς, id est in halitus specie, sed ἀποσειδὼς, id est in roris speciem, legendum est. Vbi ergo affluit ad vterum sanguis multus, neque adest vis formatrix ipsius seminis, tunc calore ipsius vteri, sanguis iste conglobatur, & deinceps addito alio sanguine pedetentim fit nutritio, fit accretio, & augmentum, ita ut excrescat ea mola, ut excrescunt alię carnes. Sed dices, quomodo & per quas vias fit augmentum quo excrescit mola? Fit per vasa & per acetabula, instar foetus vteri, ita ut sicut per vasa nutritur foetus, ita per vasa demandatur sanguis, & fit augmentum & generatio carnis. Fit etiam per vapores, quando scilicet attenuatus sanguis vertitur in vapores. Vapores autem appositi molæ, ipsam accrescere faciunt. Hanc sententiam videtur etiam significasse Auicenna, qui 2. tert. Tract. 2. c. 19. duas generationes molæ tradens dixit: fieri molam, quando multum sanguinis confluit ad vterum, ut à multo vteri calore conglobetur. Cur verò ita duretur caro, ut acie ferri non incidatur, eadem est ratio, quæ in alijs humoribus carnofis, nimirum sanguinis crassities. Puto vos uidisse interdum tumores carnosos usque adeo duros, ut etiam malleo resistent. Sed duo hic quæri possunt: vnum est, quomodo differat hæc sententia à sententia Hippocratis & Aristotelis. Alterum, cur si est caro & si fit ut caro, solum in vteribus coitu fiat. Ad primum respondo, hanc sententiam meam differre ab Hippocrate, quia putauit Hippoc. ex semine morbofo fieri. Ego verò nihil minus, puto enim fieri ex sanguine crasso, sed ex cocto, & in formam carnis redacto, à calore natuo. Differt etiam à sententia Aristotelis, quia is putauit fieri per indigestionem, ex caloris scilicet imbecillitate. Auicenna autem & ego, ex magno calore, ex coctione, quæ si fieri debet caro, proculdubio necesse est, ut coquat sanguis, & in formam carnis redigatur. Ad secundam verò respondeo, molam, fieri solummodo in mulieribus viro vteribus, quia ex concubitu incalescunt loca muliebria, quæ vbi



in caluerunt, duo præstant: efficiunt ut attrahatur sanguis, præterea efficiunt, ut calor vteri coaugmentatus, concoquat sanguinem, & in formam carnis redigat. Nam fieri etiam molam ex superfœtatione videtur colligi posse ex Historia quinta lib. Epidem. narrata illius vxoris Gorgiæ, quæ post Menses quatuor annis suppressos, concepit & peperit foemellam, deinde post quadraginta dies carnem superfoetaram.

### *Signa Mola.*

**S**IGNA quibus dignoscatur Mola, multa traduntur à Medicis, sed pleraque horum, quia sunt communia verè prægnantibus, & molam gerentibus, puto nullum efficacius haberi signum, quàm si post decimum mensem prætergressum venter adhuc tumeat, nec adsint hydropis indicia. Vbi ergo videbitur decimo, vel vndecimo mense transacto, adhuc mulierem vterum habere, corpore coloratam esse, & suspicionem abesse hydropis, tunc formidandum est, ne sit mola. Dixi decimo mense, quia hic est verus terminus partus humani. Dicebat Hipp. indicium haberi molæ, si post nonum mensem cōceptio nis, non moueatur quidquam in vtero. Morus est Hippoc. hac ratione, quia mas tertio mense incipit moueri, foemina verò quarto. At uerò hoc argumentum incertum est, quia allocutus sum multas mulieres, quæ etiam sexto mense non percipiebant motum infantis. Moschio, & Cleopatra tradiderunt quædam signa, quibus valeamus distinguere verè prægnantes à gestante molam, & hanc ab hydropica. Signa verò sunt, quòd, quæ gerit molam tempore quo solent fluere menses, percipiunt dolores & punctiones, neque motum vllum infantis habent. Post decimum mensem emaceratur corpus, venter augetur, & interfeminia crescunt. Ex aduerso, in verè prægnante, non adsunt hæc indicia secundum Cleopatram. Rursus cognoscuntur gestantes molam ab hydropicis, quoniam si digito pulsetis corpus hydropicæ, sonat: si corpus habentis molam, nihil sonat, eò quòd siccus est venter, & ut saxa non reddit sonum. Est hoc in loco cōtradictio inter Hippoc. & eius sequaces: nec non inter Auic. & Hipp. 2. de Morb. Muliebribus, & lib. de sterilibus. (Nam ille lib. totus captus est, & descriptus ex lib. de Morbis Muliebribus) scribit enim in habente molam, nullum motum in ventre vnquam persentiri. Auic. autem 2. tertij, Tract. 2. cap. de mola, duo dicit: vnum est, quòd habens molam in vtero, sentit motum similem motui Embryonis. Alterum quòd in ventre habetis molam, hora quadam sentitur motus, & post horam illam nullus sentitur. Ex quibus verbis, manifesta habetur

Contra.

Contradictio inter Hipp.& Auicennam. Pro hac contradictione tollenda, sunt tres expositiones. Vnam elicio ex verbis Alberti Magni 10. de animalibus, Tract. 1. cap. 4. Et tract. 2. cap. 2. scilicet molam in utero nunquam ex se moueri, sed solum moueri, quando comprimitur, vel tractatur uterus, quemadmodum Atheromata, & Steatomata, si comprimantur, videntur huc atque illuc moueri: Sic ex Alberto Magno si comprimatur mola, & tractetur, uidetur huc atque illuc moueri. Altera expositio est, quod molam moueri, potest intelligi dupliciter: vel quod moueatur per se, vel quod moueatur ad motum alterius: Quod moueatur per se falsum est, sicque intelligendus est Hipp. Quod moueatur ad motum matris, verum est, sicque intelligenda est sententia Auic. Tertia est, quod duplex est motus, uidelicet animalis & naturalis. Mola non mouetur motu animali, sicut foetus: sicque dixit Hipp. non moueri. Mouetur vero motu Naturali, eo pacto scilicet, quia ubi vertitur mulier in latus, pondere suo decurrit mola ad id latus, & in quocunque situm moueatur mulier, semper ad eundem mouetur mola.

### *Signa Prognostica Mola.*



**S**IGNA prognostica sunt, ut docet Hipp. quod mola perduret interdum usque ad duos aut tres annos. Aristoteles 4. de Gener. animalium 7. addidit sententiae Hippocratis, quod etiam ad quartum annum duret, immo vero dicit quod perdurat usque ad finem uitae, & consensescit. Sed pace Arist. puto fieri non posse, ut mola non acceleret mortem. Quia licet ego concefferim perdurare multos annos, tamen nunquam ita perdurat, quin efficiat, ut mulier celerius intereat, quam alioquin fecisset. Dixi perdurare ad multos annos, quia Nicolaus Florentinus refert, se uidisse mulierem, quae viginti annis gestarit molam. Antuerpia scriptum est ad me a viris doctissimis, fuisse mulierem, quae duodecim annos gestauit in utero cadauer emortui fetus. Rescripsi (habeo epistolas) quibus ego probaui, non potuisse esse cadauer fetus emortui, sed fuisse molam ita figuratam, quia fit mola variarum figurarum. Addidit Hippocrates unum, quod pertinet ad prognostica. Quod si mulier pariat molam, una perit: Si vero pariat plures, sanguis multus erumpit, qui si immoderate erumpit, dicitur quod moritur: Si vero non immoderate, superstes viuit. Moschio, & Cleopatira, putarunt omnem molam esse curabilem, sed decepti sunt, quoniam existimarunt molam esse tumorem vteri, quod supra falsum esse diximus. Albertus libro citato scribit, in Aquilonaribus regionibus, mulieres, quae pariunt molam, perire. Solet hic morbus interdum terminari in Hydropem. Sed volo uos comonefacere erroris Auer. qui

qui 3. Collec. loco citato putauit, molam ipsam conuerti in aquā, & flatum, & ita fieri Hydropem. Quam sententiam, omnino falsissimā existimo: quia non video, vbi facta est mola dura & magna, vt dictū est, quomodo possit eliquari in aquam, aut conuerti in flatum, quia si conuerteretur in humorem, id fieret ob immodicum feruorem, quia non aliter carnes cōuertuntur in humorem, quā per immodicum calorem eliquantem, vt apparet in febribus ardentibus, in quibus vrinarum multitudo excernitur, ob calorem eliquātem carnes. Qd si adesset tantus feruor in vtero, vt eliquaret in humores molam, prōculdubio mulier interiret, nec locus esset generationi Hydropis. Præterea, si conuertatur in flatum caro, scimus quod ex pauca quantitate carnis, maxima flatuū copia fieret, vnde non posset contineri ab vtero. Accedit, quod ex carne nunquam potest fieri status, quia status sit ex debili calore. Iam verò paucus, & languidus calor nihil agit in carnem, cō minus in duram, qualis est caro molæ.

### Curatio Molæ.



QVONIAM docuit Hipp. molæ curationem difficilem esse, aggredienda quidem est, sed semper cum prædictione, & protestatione, nec alius scopus habendus in hac affectione depellēda, nisi vt molam ex vtero quā primū tollatis. Non potest autem tolli, nisi duo præstentur: Vnum ut præparetur ipsa, quod possit expelli: Alterum ut excitetur expultrix virtus, quæ excitata, tandem expellat id, quod grauat. Sed quoniam hæc etiam non possunt præstari, nisi corpus uniuersum expurgetur, ante alia necessarium erit corpus expurgare, atq; propterea operæ pretium erit, rationem aliquam uictus instituere. Dicebat Paulus, continendam esse ægram in Aere subobscurō, in cubili immobili, ita ut pedes elatiore, & quieti maneant: Exercitatio inhibenda est corpori, præsertim in feriorum partium. Aluus emolliēda: animus addendus mulieri, quia sub hac miseria solent mulieres despondere animos. Utendum est vino moderato, tenui, generoso: Cibus optimi sit nutrimenti, quique emolliat, & attenuet. Vfus Maluæ, Lapathi, Petroselinī, Carnium agnellorum, brodiorum pinguiū, conuenit maximē in patiente molam. Postea statim emollienda aluus hoc modo.

℞. Florum Cassiæ, Electuæ. Lenitiui ana drach. vj. Misce, fiat Bolus. Lenita aluo, præparandi humores totius corporis, vt expurgentur: semperq; habenda est ratio uteri, idcirco conuenit huiusmodi serapium, pro præparandis humoribus.

℞. Fol. Beton. matricariæ, arthemī, mentastri, pulegij ana M. j. Fol.

Hier. Acr. de Morb. Mulieb.

E fabina

fabinæ, Meū. Cyperi ana vnc.j. Fiat decoctio secundum artem : deinde.

℞. Decocti unc. v. syrupi de Arthem. de quinque radicibus, de Betonica ana vnc.j. Misce. Quo tempore præparantur humores, videndum an corpus plenum sit, an sanguis exuberet. Quod si ita sit, proculdubio mittendus est sanguis, & quidem a vena Saphena, eò quod studium Medici hoc in casu esse debet, vt fluxus ad inferna prouocetur. Postquam præparati erunt humores sunt deinde expurgandi. Laudant Arabes Hieras magnas, & Logodionis, Archigenis, Hieram Colocynthidis. Potest ita parari medicamentum.

℞. Electu. Indi. vnc.s. Trochis. de mirrha drach.j.s. Specierum Hieræ, Trochisco. Viola. Colocynthidis ana scrup.s. Misce. Cum melle rosato solutiuo fiat Bolus. Verum corpore vacuato, studendum est duos alios scopos implere, scilicet: primò, parare molam ad expulsionem, Emollire Locos dilatare, præterea virtutem expultricem excitare. Pro primo scopo, sunt medicamenta, quæ potu exhibentur, sunt & quæ extrinsecus adhibentur. Interius poterit accipi huiusmodi potio.

℞. Sebesten num. 12. Passularū vnc.s. Caricas num.viij. Dactylos num.vj. Seminis Althææ, Maluæ ana vnc.s. Contundantur omnia diligenter, & bulliant in brodio parui pulli, ad consumptionem tertij. Et capiatur disti brodij, singulo mane lib.s. hoc etenim emollit, nec non locos lubricos, & faciles ad transmittendam molam, reddi Et. x. terius autem, adhibentur Fomenta, Balnea, Inunctiones quoque. Fomentum sit tale.

℞. Radicum Althææ vnc. ij. Lapathi vnc. j. Fol. Branchæ vrsinæ M.j. Sem. Fœnugræ. Lini, scsami ana vnc. j. Fiat decoctio in aqua communi.

Deinde hoc decocto foueatur pecten, & locus muliebris. Post hanc fomentationem, illinantur loci ipsi, ut.

℞. Butyri vnc. ij. adipis gallinæ vnc. j. s. succi maluæ vnc. j. Mirrhæ, Galbani ana vnc.s. Misce ad ignem, & fiat Linimentum, Linimento hoc largè inungendæ sunt partes illæ, & postquam erit emollita materia & loci hi, nihil superest, nisi ut virtus expultrix excitetur. Quomodo verò id præstandum, ne omnia confundatur, docebo vos mox, vbi tractabo de extrahendo fœtu mortuo. Nam eadem remedia, quæ ibi conueniunt, etiam molæ extrahendæ conueniunt, vbi præparata est, & loca emollita.

*Degrauidarum cura. Cap. IIII.*

**S**ed quia non sat est uos cognoscere, quomodo debeant mulieres grauidæ reddi medicamentis, nisi etiā noueritis, quomodo sint Conceptus seruandi: idcirco necessarium est docere id ipsum hoc loco, quomodo scilicet debeant mulieres grauidæ, quæ conceperunt, seruari. Hoc autem fit duobus modis: vno: Recta uictus institutione: altero medicamentis, quæ succurrunt accidentibus superuenientibus ipsis grauidis: quæ accidentia plurima sunt: Vomitus, Inappetentia, Appetitus prauus, Saltus cordis, Flatus, Tumor pedum, & multa alia. Scriptum enim est ab Arist. 4. de Generat. animal. 6. Animalia bruta, quo tempore gerunt uterum, semper sana viuere, propter corporis exercitationes: mulieres verò semper ægrotare, dum uterum gerunt. Rationem reddit, quia vitam solitariam agant, otiosè degant, & hac ratione cumulatur excrementa, quæ ipsos Morbos inducunt, propter quæ dicebat Hippocrates libro 1. de Morb. Mul. grauidas semper pallefcere. Et Vitruuius capit. 9 lib. 2. scribit: Mulieres grauidas nunquam præstari sanas, & integras, neque etiam in venalibus integras exhiberi. Videndum igitur, quæ debeat esse uictus ratio, in qua grauidæ sunt continendæ. Aer debet esse temperatus, non admodum frigidus, vel calidus: Austrinus maximè inimicus, quoniam ut est 3. Aphorism. ab Hippoc. scriptum: sub Austro solent frequenter mulieres abortire. Debet locus mali odoris esse expers, unde sunt auertendæ cloacæ, sentinæ, & tandem quidquid tetrum mittit odorem. Inter odores graues, inimicus grauidis est odor extinctæ lucernæ. Dicit Aristot. 8. de Histor. animal. cap. 24. Mulieres grauidas, atque etiam Equas, ad odorem extinctæ lucernæ, abortire. Dices cur fieri possit, ut solum mali odores ita officiât. Dico hoc perpetuū esse, ubi mali sunt odores, ibi malā esse substantiā, quia foetor perpetuo sequitur corruptionē. Ergo ubi foetor, ibi corruptio, & substantia mala. Iam verò scimus, etiam odores cum corpusculis quibusdam ingredi corpora nostra, fetus imbecillis est, patitur & a quolibet alteratur, propter quæ omnia cum odores mali ingrediantur corpus grauidæ, & cum ipsis vapores corrupti, spiritus inficiuntur, fetus uero attrahit spiritus maternos, & cum sint infecti, inficitur ab ipsis: unde non patitur mater, sed fetus propriè, quia caro fetus tenera est, flexibilis ad omnia, & ob id obnoxia omnibus etiam minimis passionibus. Prouidendum itaque, ut grauidæ semper læto animo sint, omnes mœiores remoueantur, ab ira retrahant, & ab omni appetitu: nā nihil est quæquē ip

lis noceat, atque si aliquid optent uehementer, & ipsarum desideria annihilentur: propterea scriptum est Xystum Philosophum Pythagoricum, & Trotulam Medicum antiquum cauiffe, ne gravidæ frequentarent hortos, quia hæc optant fructus, herbas, quæ si concedantur, nocent: si desiderio frustentur, exanimantur interdum. Terrores omnes etiam ablegandi, unde habetis apud Galenum lib. de Theriaca ad Pisonem, nonnullas gravidas, solo tonitru fuisse exanimatas. Est hoc in loco contemplatio non inutilis, an ubi gruida uehementer appetit aliqua, cõsueuerit signari fætus, nam videbitis plurimos, qui habent signa, ueluti stygmata appetitus materni: circa quam cõtemplationem, multi laborarunt, ut causas ueras adinuenirent, sed certè res est difficilis, neque meliorem rationem ullam uideo, quàm quæ ab Auicenna de animalibus 5. adfertur. Quod ubi mulier aliqua uehementer appetit, illud semper animo uoluit, quo fit, ut spiritus ipsos, rei desideratæ forma figuret. Spiritus uero formati figura rei desideratæ, dum miscentur sanguini, quo nutritur fætus, imprimitur ei eandem figuram, ex sanguine uero cum caro gignatur, necessario & eadem figurata remanet. Cur potius in una parte, quàm in alia signum desiderati remaneat: dicunt multi esse, quoniam ubi appetit, manu tangit illam partem. Sed has nugas esse existimo, & puto hoc fieri uel casu quodam, uel ob dispositionem illius partis, quæ sit apta magis figurari, quàm alia. Cauendum gravidis a gestationibus in curribus, & fuit quandoq; lex apud Romanos, ne mulier curru ueheretur, & propter hoc, cauendum a cursu, saltu, tripudijs: ab omni hominum frequentia, moderatè quidem corpora earum exercenda, in medijs præsertim mensibus. Circa uestitum quoque ipsarum, habendus est delectus, ne uidelicet se nimis arctè induant, cognoui quæ ex hoc solo abortierunt. Tandem id agendum, quod statuit Plato 5. de legibus, ut mulieres voluptates omnes magnas, omnes dolores intensos animi, vitent, & tranquillam, quietamque vitam degant. Est consideratione dignum, an mulier quo tempore uterum gerit, debeat habere consuetudinem cum viro? Ex una parte, uidetur omnino ipsas esse continendas: Primò, quia est periculum superfætationis, hæc autem periculosa, & mulieri & fætui: præterea, etiam ex coitu prouocatur mensis, quam autem damnosum id sit in gravidis, omnes vos scitis. Ex aduerso, statutum est nobis, mulieri non esse p-mittendum quidquam optare. Gruida libidinosa est, imò dicebat Arist. 7. de Histor. animal. & 4. de Gener. animal. Mulierem solam, & Equam gravidas, pati masculos quanquam etiam sint alia animalia, quæ videntur hoc pati, Dasipodes uidelicet, & Lepores. Pro resolutione huius dubij, mulier dum gruida est, uel appetit, uel non appetit: Si non appetat, clarum est, quantum est ex ipsa, omnino continendam



dam esse ab usu Veneris. Si uero appetat, & vehementer, aut est in primis mensibus, vel medijs, aut postremis. In medijs mensibus, potest quidem mulier impunè uti viro suo; In primis, nequaquam, quia periculum est: quoniam ut dicebat Galenus, sunt foetus eo tempore perinde ac fructus recentes, qui quolibet vel minimo vento, decutiuntur. Si uero sit in postremis mensibus omnino abstinendum est: & ratio est, quoniam ut scribit Aristot. 7. de Histor. animalium 4. foetus solent exire mucro oppleti, ubi mulier in ipsis postremis mensibus vitur coitu. Sed quaeres, cur sola mulier, potissimum dum grauida est, virum admittat, cetera uero bruta, aut omnia, aut plurima nunquam patiantur dum grauida sunt, marem? Popia siue Populia M. Agrippæ filia interrogata fuit, cur bestiae non cocant, nisi quando volunt concipere, mulier uero licet conceperit, utatur viro. Respondit, hæc bona foemina: causam huius esse, quoniam illæ bestiae sunt. Lactantius libro de vero cultu, cap. 23. duas causas retulit huius euentus. Prima quam adfert, est, Deum immortalem hoc dedisse humano generi, ut foeminae sine noxa grauida sustinerent uirum, ne scilicet uiri alienas Mulieres cogantur calcare. Altera causa est, hoc factum a Deo, ut mulier grauida renuens virum possit mereri nomen pudicitiae. Etenim beluae non possunt dici pudicae, ex hoc actu, quia hoc faciunt propterea, quod nocet ipsis coitus: Mulieres uero, electione agunt, quæ agunt, non autem propter molestiam, quoniam nullam inde percipiunt. Hæ causæ allatæ a Lactantio, morales sunt & Christianæ. Verum causa naturalis, qua puto id contingere, est, quia Matrix & vulua in brutis, dum gerunt, utrum extuberant ualde, & maximè sunt propinque foramini exteriori: unde bruta, quæ alioqui genitalia magna habent, faciliè hinc genitalibus impellunt utrum plenum, & percutiunt, quæ percussiones dum molestæ sunt, foeminae brutorum sustinere nequeunt, ideo resistunt. Unde, si quæ sunt animalia inter bestias, quæ habent genitale breuius, laxius, & paruui, seminarum utri dum pleni sunt, non extuberant: ista etiam animalia plena sustinent coitum, ut Dasipodes. Mulier uero, primo habet locos ante uterum valdè crassos, ita ut uterus plenus ipsis non extuberet, adhæc genitale humanum non adeo longum, vel durum est, & idcirco dum mulier utitur uiro, non tangitur ipsius uterus a genitali uiri, & si tangatur, non adeo percutitur, ut molestiam ullam notabilem sustineat, propter quod dicebat filia illa Augusti, Iulia, se plena naue, consueuisse libenter vectorem tolerare. Cibi mulieris, quæ in utero habet, debent esse, neque multi, neque pauci. potius tamen si quid peccandum est, in multitudine peccare debet, quam in paucitate. Aquæ frigida potus mirifice fugiendus est



& aquæ crudæ: quoniam ex Hippocratis libro de Aere, aquis, & locis, & Aristotelis 4. de Generat. animal. 2. huiusmodi aqua valdè inutilis, & noxia est grauidis. Fructuum usus uitandus, quoniam scimus multas mulieres, & foetus interiisse ex esu immodico fructuum. Res quæ statum gignunt, aduersissimæ sunt grauidis sed præ cæteris, aduersissimus est frequens rerum salutarum vsus. Aristoteles septimo de Histor. animalium quarto scribit. Quod si grauidæ utantur nimio sale, foetus oriuntur sine vnguibus. Hippocrates autem de superfoetat. scribit, ubi infans oritur sine unguibus, minimè uitalis est. Dices, Cur salitorum vsus efficiat, ut fœtus exeat sine unguibus? Dico hanc causam esse, propterea quòd, ut habet Hippoc. libro de carnibus, vngues fiunt ex parte glutinosa, & viscida: Vfus salitorum adimit omnem viscositatem, attenuat ita, ut deficiente materia vnguium, necessario frustetur ipsorum ortus. Iam verò contra vomitum, conueniunt constrictiones manuum & pedum, præsertim a cibo. Frictiones moderatæ, inunctiones etiam, quæ retinent: veluti essent huiusmodi ventriculo factæ.

R. Olei Cidonio. Mastichini, Succi Labruscæ ana. vnc. j. Pulue. Coral. rub. Myrtillo. ana drach. j. Cera parum. Misce, fiat Limentum. Vfus Diacydonij sine speciebus conuenit. Conueniunt, vt docet Auicenna, Grana punica in ore retenta. Si cadat appetitus, aut si laborent appetitu prauo, quemadmodum sæpe solent mulieres in primis mensibus, succurrendum vt dictum est alias. Laudat Ægineta, vsum vini vetusti, & odorati, aquam virgæ pastoris potatam, & præsertim post cibos: Anethum etiam uino maceratum. Sed aduertendum, in appetitu corrupto, prudenter agendum esse cum grauidis, quoniam, ut dictum est, si denegentur res optatæ, grauissimè offenduntur, offenduntur quoque si concedantur. Propterea inter alia in his casibus studendum, vt persuadeatur blande grauidis, ne uelint sumere res prauas, ne optent noxia. Trotula Medicus, quem mulierem fuisse putant, laudauit in his casibus Fabas Saccharo conditas, quasi eæ adimant omnes prauos appetitus mulieribus. Si status fuerint in uentriculo, & toto grauidæ utero, prouidendum, cum discutientibus status, cum facculis, inunctionibus, ne tamen exhibeantur intus, quæ mulieri discutiant status, vt Anethum, Feniculum, eo quòd vsus horum immodicus, prouocet menses: & in grauidis, nihil perniciosius habetur, quàm prouocare menses. Pro saltu cordis, siue palpitatione, quæ solèr grauidæ exceri, laudantur Paulus, & Auicenna, potum aquæ calidæ, exercitium blandum, frictiones, & præsertim partium supernarum: quod aduertendum, vt quando in vsum veniunt frictiones, in grauidis

dis nunquam fricentur inferna, sed semper superna, eò quod ex partium infernarum frictione, prouocentur menses, quod periculosissimum est. Ad tumorem pedum, inter alia procuranda est optima coctio, dicebat enim Aristoteles primo proble. v. ijs qui uitioso vtuntur cibo, quive patiuntur famem, pedes intumescere, post in vsu habendę lotiones pedum, ex aqua marina, uel sal-

sa, vel aqua in qua sit coctum Chamomillum, Ane-

thum, Oleum Chamomelinum cum sale, fo-

mentationes etiam ex sale, quę omnia

blandē tollunt tumorem pedum si-

ne noxa, & summatim in gra-

uidis, vbi consilium est

occurrere sympto-

matibus, de-

bent om-

nia

blandissime agi, nec uti illis remedijs

grauibus licet, quę solent

in alijs similibus acci-

dentibus admi-

nistrari.



# HIERONYMI MERCVRIALIS DE MORBIS MULIEBRIBVS

## Liber Secundus.

DE MORBIS QUI CIRCA  
Partum contingunt.

DE ABORTV, PARTVVE QUI  
*non fit tempore debito. Cap. I.*



EQVITVR, vt de uitijis quæ in partu contingunt agamus: quæ duobus modis contingunt, uel quia partus non fit debito tempore, uel, quia nõ fit debito modo. Primò agendum de uitijis quæ contingunt in Partu, qui non fit debito tempore: si enim non fit debito tempore, est quia antecedit, fit enim citius & maturius, quã conueniat. Nam nunquam dicetur abortus, si excedatur tempus pariendi, sicuti, si uerum esset, quod dicit Auicenna, & Petrus Aponensis, quandoque decimoquarto, mense mulierem peperisse, nunquam appellaretur abortus, quia non est uitium. Vt uerò sciatis quænam sint non debita partus tempora, sciendum quodnam sit tempus pariendi a natura mulieri constitutum. Aristot. 7. de Histor. animal. 4. sed ante ipsum etiam, Hippoc. lib. de septimestri, & octimestri partu, fuerunt in hac sententia, quod tempus pariendi sit septimus mensis, octauus, nonus, & decimus. Et Aristoteles, qui omnia considerauit, addit sententiæ Hippocratis, uni homini data esse a natura pariendi uaria tempora. Bruta uero (inquit) hoc non habent, quia quodlibet genus brutorum, constitutum aliquod habet tempus, nec ullum aliud præterea. Vnde Canis semper quarto mense, Equi nono aut decimo, Elephas semper secundo anno: solus homo plura tempora habet. Cur uerò hoc habuerit, a nullo inuenio explicatum, puto tamen naturam sollicitam propagationis humanæ, & conseruationis foetus humani, uoluisse, ut non unum tempus haberet, ut scilicet, uel si maturius, uel si tardius exiret, posset uiuere. Itaq;

cùm

cum hæc tempora homini sint constituta, sequitur ut quotiescunque oritur infans ante septimum mensem, ortus ille sit ante debitum tempus, & eiuscemodi ortus, dictus est ab Atticis ἀμβλίωνος, siue ἀμβλίωνος, Primo in 6. Epid. 2. & alibi ex Gal. appellatus est: ab Hipp. ἰκθόροσμος, ἰκθόροσμος, interdum locis citatis. Latini omnes modò abortum appellant, modò abortum. Sed hic occurrit dubitatio, an videlicet octimestris partus debeat uocari abortus. Ex una parte videtur quòd sic, quia ut meminit Aristoteles locis citatis, & Hip. lib. de octimestri partu, siue, sius fuerit, siue Polybi, (nam Clemēs Alexandrinus 6. Strom. citat hūc, tanq̃ Polybi, non Hip.) dixerunt, octimestre partum non esse vitalem, imò etiam grauidæ periclitantur in hoc mense, ut hac ratione non videatur esse partus legitimus, sed potius abortus, siue abortus. Ex alia parte est auctor Arist. locis citatis, ubi numerat octauum mensem inter tempora constituta à natura pariendi in hominibus. Accedit, quòd idem scribit, viuere in Aegypto octimestres partus: Auic. item de Hispania affirmavit. Pro solutione, sum huius sententiæ, quod octimestris nequaquam debet dici abortus, neque partus illegitimus. Et propterea veteres omnes videntur quodam peculiari titulo appellasse hunc partum octimestrem: non est dicendus abortus, quia hic est propriè imperfectus fœtus: Iam uerò octimestris est totus consumatus: non est etiam legitimus partus, quia ex centum qui ita nascuntur, uix unus aut alter superstes uiuit, præsertim in nostris regionibus: Est itaq; partus nō legitimus, atque hoc est oraculum illud, siue Ænigma, quod Hipp. reliquit in lib. de Alim. sub ijs uerbis: Est, & non est octimestris generatio, de quo plura in quarto uariarum lectionum nostrarum. Dices, cur fœtus uiuunt septimo mense, octauo uiuere non possunt? Præterea, quæ estratio, cur in Aegypto uiuant octimestres partus? Astrologi, ut redderent huius rei rationem, dixerunt, quemlibet mensem conceptionis gubernari à proprio quodam Planeta, octauum gubernari à Saturno, qui quoniam frigidus, & siccus Planeta est, frigiditas uerò & siccitas inimica est uitæ, hinc dicunt, partus natos sub hoc mense non esse vitales. Sed Picus Mirandula tert. cōtra Astrologos, refutauit hanc opinionem, & rectè, quia imaginarium hoc est, quod menses deputati sint singulo Planetæ, quia cum maximè & infinito modo variant menses, ita ut reperiatur vna grauida in septimo, altera in octauo & quarto: est ueluti confusio dicere, quod huiusmodi mulieri in hoc mense hic Planeta, & illi alter præsideat. Polybus siue Hipp. lib. de Septimestri partu, attulit aliam rationem & meliorem, scilicet, quòd partus in utero, semper octauo mense laborat, non admodum ualet, unde, si eo tempore quo laborat, exeat in lucem, atq; experiatur hanc mutationem, proculdubio succumbit, & moritur;

quia, cum sit naturaliter infirmus, eo tempore vt permutetur ab aere & loco valdè diuerso ab eo, in quo erat, proculdubio non potest sustinere huiusmodi perturbationes. Quomodo uerò laboret in vtero octauo mense, explicat Auic. 2. 1. tertij, Tractatu de abortu, & Albertus Magnus 10. de animal. tract. 2. cap. vltimo, qui omnes, quasi explicantes Hippoc. sententiam, dixerunt, idcirco laborare foetum in vtero octauo mense, quia septimo mense, cum foetus sit grandior & consumatior, opus habet multo nutrimento, & multo aere, quæ omnia, cum sibi delint, quærit exitum & incipit moueri. Quod si exeat eo tempore, superstes viuut, quia iam consumatus est, si non exeat, sed retineatur in vtero, ob labores quos sustinet septimo mense, dū nitebatur exire, in octauo debilis est. languidus, infirmus, ita ut necessarium sit ipsum adhuc in utero permanere vsque in nonum mensem, vt recreetur & reficiatur, quoniam in nono mense, cum postmodum sit refectus, & languorem omnem & infirmitatem deposuerit, dum egreditur, egrediū ualens & incolumis, & propterea vitalis est. Quare de re Picus Mirandulanus loco citato maximè errauit, qui existimās sententiam Hippoc. & Auic. diuersam esse, tradidit tanquam diuersas, cum tamen non sint diuersæ. Sed Auicem. & Albertus explicarūt sententiam Hippoc. Cur porro in Aegypto, & Hispania, octimestres partus sint vitales, Aristoteles attulit rationem, vnā. scilicet fertilitatē mulierū, & facilitatē pariendi, inquit. n. q. cum istæ mulieres faciliè pariant, sint robustæ, robusti quoque sunt eo tpe foetus, eo quod dum exeunt, non ita offenduntur à loco sibi assueto. Sed addatur & altera ratio, quia aer Aegypti calidus est, aer verò calidus, magis est simili loco vteri, in quo permanebat foetus. Et propterea, licet foetus octauo mense exeat imbecillis eo in loco, non tamen ita offenditur, in cœlo sibi assueto, quia non multum est dissimile à loco pristino. Itaq; abortus propriè dicitur partus omnis, qui exit ante septimum mensem, vnde manifestum est errasse Conciliatorem, qui dicit, quandoque visum esse foetum in sexto mense vixisse. Est enim, vt dicit Aristoteles, quia sæpe errat mulier in numerandis mensibus conceptus, vt accipiat sextum, pro septimo. Verum quidem est, quod interdum exeat foetus decimo mense, & præsertim scēminæ, quoniam ex Hippocratis locis citatis, & Aristotelis, scēminæ tardius in vtero perficiuntur: Viri verò celerius, ob caliditatem. Extra vterum verò, scēminæ citius perficiuntur, non solum secundum corpus, sed etiam secundum animam: eo quod fiunt citius prudentiores, quam viri. Quamquam Aristoteles, qui locum hunc Hippocratis accipit, dicat, solum perfici citius scēminas extra vterum quo ad corpus solum, quod dixit, quoniam loquitur de omnibus animalibus, non solum de homine. Est ergo abortus, foetus imperfecti emissio ante debitum tempus.

Quod

Quod symptoma est in genere actionis naturalis lesæ, scilicet facultatis contentricis vteri, quia facultas contentiua vteri debet foetum continere vsque ad tempus debitum, vbi verò non detinet, dicitur omnino deprauata esse & uitiata. Vitiatur verò multis de causis: nã morbi, quos sequitur abortus, sunt omnes ferè morbi & uteri & corporis, malæ intemperies, solutiones continui, & malæ compositiones. Omnia hæc morborum genera possunt etiam separatim, & coniunctim offendere virtutem contentiuam, ita vt non contineat fætũ.

*Causa.*



**C**AUSARVM quæ ad abortum efficiendum concurrunt, aliæ sunt Internæ, aliæ Externæ. Internarum, aliæ pertinent ad animum, aliæ ad corpus. Quæ pertinent ad corpus, sunt hi morbi, qui exercent corpora hominum, scilicet, Malæ intemperies, solutiones continui, & malæ compositiones. Calidam intemperiem clarum est abortum facere posse, hac ratione, quia calor depopulatur humorem, quo destitutus foetus necessario corrumpitur. Similiter frigida intemperies abortum facit, duabus de causis, quia frigus est uitæ aduersissimum, ad hæc in frigida intemperie prauum nutrimentum suggeritur fætui, & consequenter foetus priuatus hoc nutrimento bono, necessario interimitur. Dicebat Gal. 2. de Locis affectis ultimo, frigidas mulieres esse pigras, somniculosas & pueritiosas, ex quo fit vitiosum alimentum. Hipp. lib. de veteri medicina scriptum reliquit, quod temperatũ accedit frigido a calido, & rursus accedit tẽperatũ calido a frigido, q̃ si utrunque separetur, affligit, inquit: sicut enim uidemus fructus hyberno tpe minimè maturare, ita cõtingit foetus in vtero frigido minimè maturari posse. Humida similiter intẽperies facit abortũ, eo q̃ primo ligamenta nõ consolidescunt. Secundo, semp acetabula vteri multo sunt plena, propter qđ foetus facilè ab hac humiditate quasi suffocatur. Tertiò, ex humida intemperie retentrix uteri fit infirma, & cõsequenter vsque ad tempus debitum minimè foetum continere potest. De his scribit Hippoc. 5. Aphorism 45. quæcunque medicenter corpora habentes, abortiunt secundo, aut tertio mense sine occasione manifesta, his acetabula vteri plena mucoris sunt, id namque contingit, quod in terra lutosa & aquosa, in qua non possunt Plantæ coalescere, neque perdurare. Sicca intemperies efficit & ipsa abortum, eò quod ligamenta, veluti cordæ exsiccatae disrumpuntur. Præterea fætus facilè priuatur nutrimento, & facilè hac ratione corrumpitur, quemadmodum uidemus plantas citò corrumpi in terra arida & arenosa. Hæc verò intemperies, non solum faciunt abortum, quãdo sunt in vtero ipso, sed etiam quando totum corpus malè habet, nec solũ



simplices nocent, imò verò magis nocent copulatæ, vel humoribus, vel flatibus. Quod verò flatus vtero inclusi abortum efficiant, clarissimum est. Præter has intemperies, est etiam habitus corporis in causa sæpè, vt fiat abortus, veluti si corpus sit nimis gracile, vel nimis crassum. Dicebat Hippoc. 5. Aphorism. 44. & lib. de Superfœt. mulieres crassæ, aut tenues nimis, aut non concipiunt, aut abortiunt. Tumores, vlcera vtero, si innascantur, & ipsa faciunt abortum, quoniam, vt est apud Hippocratem 5. Aphorism. 43. in vtero grauidæ, si fiat Erysipelas, lethale est. Imo verò vt scriptum est Aphorif. 30. eiusdem, grauida in mulierẽ quolibet acuto morbo corripi, lethale. Causæ *internæ* ex parte animi, sunt passionēs omnes, vt ira immodica, lætitia, & tantum potest lætitia in animis mulierem, vt legatur etiã mulieres nõ grauidas exanimatas esse. Tristitia quoq; & risus, possunt id efficere, præsertim quoque horror, ut scriptum est ab Hippocrate primo de morbis mulieb. & à Galeno 2. in 3. Epide. 8 Si mulieres grauidæ, horrendum quid conspexerint statim disperdere fœtum. Imò habetur in Coacis prænotionibus, qđ spiritus cū suspirio emissus, in grauida abortum facit: possunt idem & Vigiliæ nimix. Causæ *externæ* abortus & ipsæ plurimæ sunt, imprimis Aer omnino fœtidus, & corruptus, vt si plenus sit prauis odoribus, præsertim odore extinctæ lucernæ: Aer inconstans, inclemens: habetur apud Hippoc. 3. Aphorism. 1. 2. (quem locum mutuatus est Aristot. 1. prob. 9.) Quod si hyems fuerit Australis, & pluuiosa, ver autem siccum, & Aquilonium, mulieres quibus partus imminet, in vere abortiunt. Sic dicit Auicenna, & Albert. Magnus 10. de animalibus, tractat. 2. cap. 2. Qđ in regionibus Borealibus, in regionibus nimis frigidis & calidis, facillè mulieres abortiunt. & exercitationes corporis omnes, maximè hoc possunt: cursus, saltus, percussiones, & casus etiam. Etenim sicuti fructus colligantur proprijs arboribus, ita etiam fœtus colligantur vtero: vnde Stoici dixerunt: fœtum non esse animal, sed partem vteri: contra quos scripsit Galenus libellum. Vt ergo fructus concussionibus, ventis decidunt: sic etiam fœtus ex nimijs motibus, & concussionibus violentis, decidunt facillè, & corrumpuntur. Balnea etiam inter has referuntur causas, eò quod ex nimio vsu balneorum, ita mollescunt ligamenta, vt pondus fœtus non possint continere. Omnis euacuatio, siue sanguinis, siue alterius rei, abortus causa est. Et propterea Hippoc. 5. Aphorif. 32. dicebat: Mulieribus grauidis si fluxus alui superueniunt, abortiunt. Hac eadem ratione medicamenta sætum corrumpunt, tum quia aluum nimis mouent, tum etiam quia inimica sunt vitæ, vt est elaterium, radix Cyclaminis, sabina. Sectio venæ, dicebat Hippoc. 5. Aphorism. 31. abortum facit, præsertim si fiat postremis mensibus, quia in alijs mensibus sæpè contingit, vt se-

numoribus,  
 ciant, claris-  
 poris in cau-  
 , vel nimis  
 rfect. mulie-  
 tiunt. Tu-  
 tum, quo-  
 grauidæ, si  
 ris. 30. ciuf-  
 thale. Cau-  
 modica, lz-  
 ur etiã mu-  
 s, possunt id  
 pocrate pri-  
 teres graui-  
 tum. Imò  
 rio emissus,  
 Cause Ex-  
 no scetidus,  
 dore extin-  
 Hippoc. 3.  
 .9.) Quod  
 & Aquilo-  
 t. Sic dicit  
 cap. 2. Qd  
 alidis, faci-  
 ximè hoc  
 licuti fru-  
 ntur vte-  
 ri vteri :  
 cussioni-  
 oncussio  
 etiam in-  
 ita mol-  
 Omnis  
 t. Et pro-  
 is si fluxus  
 menta sæ-  
 etiam quia  
 na. Sectio  
 præsertim si  
 ngit, vt se-  
 Ætio

Ætio venæ, non modo non noceat, verum etiam profit. Coitus mul-  
 tus, præsertim post septimum mensem, inter causas abortus etiam an-  
 numeratur: eò quod agitur fetus, & consequenter labascunt liga-  
 menta, & franguntur. Cibus & Potus, siue multi sint, siue pauci ex 1.  
 lib. de morbis mulierum, faciunt abortum. Refert enim Plinius de so-  
 rore Caij Duclij, quòd cū grauida esset, inter epulas ni. nis saturata,  
 statim abortum fecit. Sunt etiam quædam Ciborum genera, quæ fa-  
 cultatem habent corrumpendi fetum, præsertim edulia, quæ prouo-  
 cant menses, quæ nimis refrigerant: sic potus aquæ frigidæ, potus vi-  
 ni frigidioris, sæpe abortum facere solent. Sunt postmodum & quæ-  
 dam alia, quæ proprietate quadam dicuntur facere abortum: cuius-  
 modi Leporem marinum esse, refert Plinius. Galenus lib. de Theria-  
 ca ad Pisonem scribit, quòd si grauida transeat Amphysbenam ser-  
 pentem, statim abortit: idem dicunt contingere, si transeat super radi-  
 cem Cyclaminis. Dubitatio est, an inter causas abortus debeat ad-  
 numerari etiam angustia vteri. Ex una parte sunt tres auctoritates  
 Hippocratis. Vna est lib. de Superfæt. altera lib. de sterilitate, in quibus  
 scribit, si mulier in tertio, quarto, & quinto mense abortum faciat, at-  
 que hoc pluribus uicibus & semper eodem tempore, hoc esse: quia  
 vterus amplius distendi non potest. Et in his locis Hippoc. docet,  
 quomodo medicamentis sit vterus extendendus, ex quo faciliè est  
 videre inde, quòd angustia uteri sit interdum causa abortus: & in pa-  
 tria mea est nobilissima mulier, quæ semper abortum facit septimo,  
 ipsdè præcisè diebus, iam quater. Tertia auctoritas Hippocratis est  
 primo de morb. mulieb. vbi scribit, si vterus sit, vel nimis magnus,  
 vel nimis parvus, fieri abortum. Ex altera parte, sunt omnes scripto-  
 res, Galenus, Auicenna, Albertus, qui omnes nullum fecerunt uer-  
 bum inter causas abortus de angustia vteri, vnde nō videtur rationi  
 consentaneum, potuisse silentio ab ijs prætermitti. Sententia mea est,  
 vteri angustiam non posse esse causam abortus, ad quod credendum  
 impellor, non solum quia Galenus & alij id siluerunt, verum etiam,  
 vt clarissimè explicatum est a Galeno & Auenzoar, quia vterus fabri-  
 catus est a natura talis, vt semper possit extendi, usque ad conforma-  
 tionem partus. Præterea, angustia vteri potest quidè auferre augmen-  
 tum & magnitudinem foetus, sed non potest auferre vitam. Probo,  
 quia angustia nihil aliud facit, nisi quòd prohibet dilatationem car-  
 nis, quod non videtur esse ex rebus necessarijs uitæ, exemplis exter-  
 nis. Qui uolunt enim facere catellos paruos, vt docet Aristoteles in  
 problematibus, concludunt ipsos statim ut nati sunt, valis angustis;  
 prohibetur inde sanè augmentum, non autem uita. Accedit & aliud:  
 si enim capiantur fructus, dum sunt alligati propriæ matri, & ita  
 acerbi concludantur vase aliquo, uidebitis illis auferri augmentum,  
 sed

sed non uitam, que madmodum Arist. 10. probl. 14. & Rhafis 9. Cōtin. ex autoritate Rabi, fētus paruos fieri in angustia vteri, non autem mori huiusmodi exemplis docent: Sic existimo quod vterus angustus possit efficere vt fētus gignatur paruus, sed quod corrumpatur, hac sola causa nequaquam fieri existimo. Ad Hippoc. vt hoc tanquam *παρρηγοι* explicemus, libri illi duo sunt editi à discipulis Hippoc. quia ferè eadem dicuntur in utrisque libris, de superfetatione videlicet, & lib. de sterilitate. Sed fuerunt diuersi discipuli, qui ediderunt sub diuersis titulis, & propterea multa sunt potius digna discipulis, quàm Magistro, & idcirco non accepti sunt à posteris. Sed dices, Galenum non siluisse hanc causam, quā rett. natural. facul. 12. videtur reduxisse causas abortus ad tria genera, ad molem videlicet, ad Pondus, & ad Morsum. Ad molem, quando dicit: vterus extendi non potest. Ad pondus, quando ligamenta, præ debilitate sua sustinere nō possunt fētum. Ad Morsum, quando uel fētus corruptus est, vel ligamentis disruptis, exit ichor, per vterum. Ergo videtur hoc loco inter causas abortus etiam recenseri angustiam vteri? Dico, Galenum loco illo hoc agere, vt demonstret quibus de causis vis expultrix possit excitari, inquit enim, semper excitari a molestia, hæc verò nascitur vel à Mole, vel à Pondere, vel à Morfu. Sed excitatur hæc vis expultrix, non solum in abortu, verum etiam in partu, ita vt Galenus loquat̃ eo in loco, de causis excitantibus facultatem expultricē, tam naturalibus, quam uiolentis: perinde ac si loquatur ibi, tam de partu naturali, quàm de abortu. Quod si ita est, dico, quod quādo dicit Galenus excitari vim expultricem a Mole, quando extendi non potest, tunc loquitur de Partu, non autem de abortu, quia vis expultrix tempore partus legitimi excitatur a molestia, quàm infert moles fētus: cum enim tunc grandiusculus sit, non potest amplius extendi & propterea molestat vterus, vt ad expellendum insurgat. Ad alteram Hippo. auctoritatem, in lib. de morb. mulieb. dico, tamen si concedatur in vtero paruo, faciliè abortum fieri, non id tamen fateri cogimur fieri ob angustia, sed potius quia in vtero paruo, parua etiam sunt vasa, paucum nutrimentum, quo fit faciliè vt fētus destitutus nutrimento, ante tempus iuguletur.

### *Signa.*



IGNA abortus, alia futurum portendunt, alia factum insitum, iam mortuum esse indicant, alia causas abortus ostendunt, alia de salute nobis argumentum adserunt. Quod ad primum genus spectat, est in Hippoc. scriptus. Aphorif. 37. & 38. Quod mulieribus vterū geren.

gerētibus si māmille gracilescunt, abortiunt. Imo dicit: quod si altera dumtaxat māmilla gracilescat, ut pote dextera, maris fit abortus: si sinistra, fēminæ. Cuius rationem affert Galenus, quoniam eius fuit sententiæ, ut mas in dextra parte, fēmina verò in sinistra vteri parte signatur. Dices, qui hoc fieri potest? quandoquidem fieri videamus, ut etiam sine abortu mammillæ gracilescant sæpe: præterea nō videtur hoc admodum rationi consentaneum, quoniam sicuti ubi mulieres parturiunt, & fētus exit, Mamme solidescunt magis, & grandiores fiunt, sic videretur potius, quod ubi extinguitur fētus, pari ratione deberent mammæ grandiores fieri. Dico id quod scriptum est apud Hippoc. lib. de natura pueri, quod ubi conceptus est in vtero, ex sanguine destinato vtero exsugit sibi dulcissimam partem, quæ reliquum est pinguioris mittitur ad mammas per communionem vasorum, unde collectus ibi sanguis, efficit ut mamme magis tumeant, & fiant grandiores: Vbi verò fit abortus, fit aut subito, aut paulatim. Si subito, est propterea quod magna nō frangitur ligamenta, quibus fractis, sanguis magna vi erumpit, nec modò erumpit is sanguis qui est in vtero, verum etiam ille, qui est in mammis, atque ita fit, ut ubi fit abortus, mamma gracilescant. Sed si fiat abortus paulatim, est propterea, quod fētus destitutus est proprio alimento, unde cogitur etiā exhaurire id, quod est in mammis, unde mammæ gracilescunt, fētus verò corrumpitur: quia ubi in mammis non est amplius sanguis, signum est etiam, nec esse in vtero, qui possit fætum nutrire, & conseruare. Sed dices, Hippocratem eo in loco scribere, quod ubi fit partus naturalis & legitimus, fit quia fētus non fouetur nutrimento quo deberet: unde frustratus proprio nutrimento, dicit Hippocrates, incipit calcitrare, mouere pedes & manus, ex quo motu, fit ut ligamenti ruptis exeat tandem fētus: Ergo fit etiam partus naturalis, ob defectum alimenti, tamen in hoc solidescunt, & grandiores fiunt mammæ: ergo deberent etiam in Abortu fieri grandiores, aut saltem si gracilescunt, non gracilescunt ob defectum nutrimenti fætus. Respondeo, alimentum paucum esse, dupliciter intelligi potest, vel respectiue: vel simpliciter: ubi partus legitimus propinquus est, deficit quidem nutrimentum, sed respectiue, quia licet adsit copiosum nutrimentum, est tamen fētus grandior, & propterea comparatum nutrimentum magnitudini fætus, dicitur esse paucum: Ex aduerso in nostro casu est, quia ubi fit abortus paulatim, est, quia deficit simpliciter alimentum, hoc est: quia nec thesaurus sanguinis in vtero, nec etiam in mammis reseruatus est. Itaque vera est sententia Hippocratis: Quod si mammæ gracilescunt, fit Abortus. Addit Auicenna & Albertus, quod nō solum fit abortus, sed eadem die. Sed ut intelligatis sententiam Auicennæ, quia non est vsquequaque vera,

ita

ita est interpretanda: Quod vbi Mammæ derepente, & vehementer gracile scunt, eadem die sit Aborsus: rursus, si pleurisis, vel morbus alius acutus exerceat grauidam, etiam hoc indicium est futuri Abortus. Similiter dicebat Hippoc. 5. Aphor. 52. Quod si lac multum effluat è mammis, signum est abortum futurum. Multitudo dolorum in vtero, in febribus, rubor maior faciei, capitis grauitas, lassitudines insuetæ, sunt argumenta futuri abortus. Et præter hæc si causæ facientes abortum adsint, suspicandum est abortum futurum esse. Signa verò quæ iam mortuum foetus esse demonstrant, sunt: pallor, faciei præsertim, Labiorum, Frigiditas vteri, Motus ablatus foetus, Animi deliquia, Conuulsiones quædam membrorum: Deinde, si ex vtero aquosa, & fumosa excrementa exeant, deinde etiam subrubra: hæc etiā indicia sunt, non modò futuri Aborsus, sed etiam propinqui. Signa causarum sunt, quod si fiat à causis extrinsecis, cognoscetur ex relatione, & præsentia ipsarum causarum. Si verò internæ, & fuerint morbi, proprijs indicijs cognoscantur, vt si ex vlcere, ex intemperie aliqua vteri. similiter si ob crassitiem aut tenuitatem, intelligetis quādo nullæ aliæ causæ aderunt. Quod si materia flatulenta faciat abortum, itidem cognoscetur, quoniam nulla alia causa aderit, solummodo tensio sine grauitate in vtero, copiosi flatus erumpentes ex vtero: sic quoque, istæ vtilitatem percipient ex rebus flatum discutientibus maximam. Scribunt Galenus, Auicenna, & Albertus, si foetus corrumpatur à secundo mense ad sextum, quod hoc serè semper ortum ducit, vel à nimia humiditate, vel à flatu, nec est negligendum, quod addunt Auicenna, & Albertus, scilicet si foetus corrumpatur primis diebus, id nasci ex subtilitate, & tenuitate spermatis. Explicant, & rectè, quia ex materia spermatis, vt nostis, fit tela illa fortis, quæ Secundina dicitur. Si sperma fuerit densum & crassum, fit hæc tela valida: si materia seminalis subtilis est, efficitur hæc tela infirma admodum & laxa: quo fit, vt nec etiam in principio possit foetus ab ipsa sustineri.

### *Prognostica.*



**P**ROGNOSTICA abortus sunt, quod in abortu semper mulier periclitetur, ut dicebat Hippoc. lib. de superfoet. & in primo de morbis muliebribus. Sed potissimum periclitatur in octauo mense, ratio est: quia foetus eo tempore grandiusculus est, nec non nisi magnavi exire potest: præterea semper, vt aliàs dictum est, in octauo mense & foetus & grauidæ magis laborant, infirmi que sunt. Aetius lib. 16. cap. 19. scribit: quod in abortu minus lædantur illæ mulieres quæ sunt saniores



saniores, quæ aluum laxam habent, quæ similiter vteri partes humidat gerunt: Ratio est, quia si in sanioribus vis expultrix robustior est, si vterus sit laxior, & humidior, faciliè hiat, faciliè cedit foetui exeunti & mortuo. Similiter dicit Aetius, quæ magnos infantes pepererunt, minus periclitari abortu, sicut & ætate prouectiores, & paucum sanguinem habentes. Aduertendum quod ubi Aetius scribit, ætate prouectiores minus laborare in abortu, intelligendus est, quod non solum multam ætatem habeant, sed etiam ratione ætatis multos pepererint, quia si mulier grãdior natu concipiat prima vice, & abortiat, maxime periclitatur: non ita, si alias pepererit, tum propter assuetudinem ferendi labores, tum etiam propter latitudinem uasis, per quod exit infans.

### Curatio.



**C**URATIO verò tota posita est ferè in præseruatione, quia etsi, postquã factus est abortus, indigeat puerpera curatione, non est tamen differens hæc curatio, à curatione eius, quæ peperit legitime. Hæc verò præseruatio, duplex est: Vna quæ debetur mulieri, antequam concipiat: altera, postquam concepit, & periclitatur, ne abortiat: in vtriusque, est una ferè uictus ratio, & eadem est quam docuimus, ubi tractaremus quomodo regendæ, & conseruandæ sint grauidæ. Post uictum, antequam mulier concipiat, considerandum ex qua causa soleat mulier abortire, quod si propter aliquam intemperiem abortiat, studendum est, eam per sua contraria corrigere, quod quomodo in vnaquaque uteri intemperie præstandum sit, dicemus suo loco, similiter si in causa fuerit aliquis morbus, prouidendum illi eadem ratione quæ debetur ipsi. Si mulieres fuerint crassæ, extenuandæ sunt, Inedia, Frictionibus, Sudoribus, Exercitationibus; non addo Medicamenta, quia in hoc casu non sunt extenuandæ mulieres crassæ medicamentis, quia periculum est ne, dum medicamentis crassius auferre studemus, nouum morbum, & nouam intemperiem inducamus vtero. Pariter si mulieres magis extenuatæ erunt, crassæ faciendæ, exercitationibus moderatis, non grauibus, Somno, cibis optimi succi multi nutrimenti, Vinis optimis, ea tandem ratione viuendi vtendū, quæ à Galeno & alijs vocata est ἀναληπτική. Methodici vocarunt Recorporatricem. Si primis diebus soleat fieri abortus, dictū est ex Auicenna, & Alberto, hoc esse, propter spermatissimam tenuitatem, quocirca danda erit opera, vt sperma crassescat, quod fit usu ciborum, qui gignūt crassum, & viscidū sanguinē: Quoniam cum sperma sit sanguis pmutatus, proculdubio qualis effici sanguis, tale efficii sperma. Quod

*Hier. Mer. de Morb. Mul.*

G

fiat



ij fiat abortus, secūdo, tertio, vel quarto Mense, proculdubio illud totum contingit, vel ob flatum, vel ob humores: Si ob flatum, vtendum est ea medendi ratione, quæ & intrinsecus, & extrinsecus potest flatum dissipare, & vtero aptam temperiem inducere. Quod si malum oriatur ex humoribus, ita procedendum est. Primò erunt euacuandi humores, deinde corrigendus vterus, ne amplius in ipso huiusmodi humores colligantur. sed antè quam euacuentur humores, dicebat Aetius lib. 16. cap. 21. quod necessum est vniuersum corpus expurgare, propterea quod frustra tentamus. depurgare puteos, nisi riuulos qui lutum ducūt exsicceamus. Sic frustra depurgare uterum nitimur, nisi prius omnes riuulos corporis exsicceamus. Itaque lenita aluo, videndum an mulier sit sanguinolenta, quòd si sit, statim post lenitam aluum minuendus sanguis per vas commune, à quo maximè omniū euacuatur plenitudo. Deinde præparandi humores, & præparati expurgandi. Hoc modo possunt præparari.

℞. Fol. Arthemisiæ, Capil. veneris, Betonicæ ana M. j. s. Fiat decoctio secundum artem: deinde.

℞. Dictæ decoctionis vnc. iiii. Syr. de duabus radic. Mellis rosati ana vnc. j. Misce. Hic erit syrupus pro prima præparatione. Postea poterunt humores pedetentim expurgari, vt.

℞. Electua. Indici vnc. s. Troc. de Myrrha, de Rhabar. ana drach. j. s. Diacatho. vnc. ij. Misce, & fiat Bolus. Peracta hac prima purgatione, erunt rursus præparandi magis humores, & in vsum recipiendi syrupi magis calefacientes, & aperientes, huiusmodi hic esset.

℞. Foliorum fœniculi, Matricariæ, Calamint. Origani ana M. j. Fiat decoctio secundum artem: deinde.

℞. Dictæ decoctionis vnc. iiii. syr. de Arthemisia: de bisantijs ana vnc. j. Misce. Postea denuo purgandi humores, & laudantur pilulæ Benedicte in Mulieribus, præsertim efficaces pilulæ de Agarico: vt

℞. Pilul. de Benedic. de Agarico ana scrup. ij. Trochif. Viola. cum Scammon. scrup. 5. Cyperi. Cinamomi ana gran. vij. & cum melle rosato solutiuo fiant pilulæ. Postquam verò expurgati fuerint humores totius corporis, & consequenter vteri, deueniendum est ad desiccandum magis vterum, & corroborandum, id quod fieri potest, cum intrinsecis medicamentis, tum extrinsecis. Inter intrinseca, maximè commendantur, Theriaca, Mythridatium, Diamoschus, Diamargariton, quæ omnia opportunè accepta, calefaciunt vniuersum corpus, vterum præsertim eiusque tenorem apprimè conseruant. Extrinseca, quæ exsiccat vterū, sunt vel pessi, uel collyria, vel lotiones, vel infusūs, vel inunctiones, & suffumigationes. Fiunt pessi huiusmodi.

℞. feminis fœniculi, arthemisiæ ana drach. ij. Cinamomi, Caryophyll. Mei ana drach. j. Gentianæ pulueri. scrup. iiii. Terantur omnia diligen-

diligenter & cum Myrrha, & Tragachanta quantū sufficit, fiant pessi. Lotiones etiam fiant ex rebus calefacientibus, & exsiccantibus, verbi gratia si Calamentum, Chamomelus, Origanum, Mentha, Matricaria bulliant in aqua: deinde in ea infideant mulieres, ita vt totus vterus contineatur sub aqua. Sed non solum huiusmodi aque artificiales maximè accomodantur ad hanc præseruationem, imò uerò naturales vtiliores sæpe censentur, præsertim sulphureæ, & Nitrosæ, non solum potu acceptæ, sed etiam extrinsecus administratæ, magnā vim possident abstergendi humores a Matrice, calefaciendi, & exsiccandi. Suffumigationes ex iisdem. Inunctiones, verbi gratia.

℞. succi arthemisiæ, Menthæ ana drach. iij. Olei Anethini, Rutacei ana unc. j. Vini optimi drach. iij. Bulliant simul in duplici vase, ad consumptionem vini. Deinde adde Cinamomi, Macis, Caryophyll. Piperis albi an. scrup. ij. Moschi gran. v. Ceræ quantum sufficit. Puluerizentur puluerizanda, & fiat Linimentum ad ignem, quo illiniatur tota regio vteri, atque etiam loca Muliebria ipsa. Hic est modus præseruandi mulieres ab abortu antequam conceperint.

Scopus curatiuus siue præseruatiuus grauidæ, hic unus est, ut omnia ea de medio tollantur, quæ possunt abortum efficere. Itaque si ullæ causæ externæ præsententur, omnino ante alia hæ sunt amputandæ. Propterea ea victus ratio præsertim est necessaria, quam constituimus in regimine grauidarum. Si verò causæ sint intrinsecæ, hoc est si adsint aliqui morbi, qui possint abortum inducere, primum contemplandum est, an illi sint Morbi mites, an verò graues & acuti. Si mites fuerint, ratio curandi erit per solam victus rationem conuenientem. Si alius adstricta erit, per Clysteres leues cienda est, qui fiunt ex brodijs, saccharo, & melle, aut per suppositoria communia appellata: nam ubi morbi sunt mites, ita vt neque immincat periculum foetui, neque mulieri, proculdubio perniciosum est cum medicamentis periclitari. Si verò grauida acuto morbo exerceat, hic quoque considerandū est, an materia, quæ morbum facit, sit firma, an vero turgēs. Si fuerit firma, dico q̄ in quibuscunq; mēsisbus reperiatur grauida, oīno abstinendū est a medicamētis grauioribus, vt scāmonea, Colocynthide, eò quòd materia cum sit firma, non pōt educi, nisi magnā vi, neque etiam periculum paruum infert. Vtendum victu tenui, sed non tenuissimo: Ratio est, quia tametsi foetus indicet nutriendam esse grauidam, verum tamen morbus prohibet, propterea media quadam via incedendum est, vt scilicet, nec tenuissimo vtatur, nec libera li etiam. Quod si etiam hoc in casu alius mulieris adstricta erit, aut necessarium sit euacuare humores primarum viarum, etiam hoc casu vtendum erit Clysteribus lenioribus & benignis. Et si quædā Phar maca erunt necessaria, opportuna erunt benigna & leuia: vt Manna,

syrup. Rosaceus solut. Rhabarbarum, aut etiam quod leuiter vomitum prouocet. Nec mirum illud videatur, quoniam vt habetur apud Hippocratem quinto Epidem. vxor, Antimathi cum accepisset grauida Catapotia validiora, eadem die mortua est: addit autem Hippocrates: forsân autem vixisset, si cum aqua vomuisset, ex quo loco habetur, licere medicamentis leuiter in grauidis purgare per vomitum. Quod si prægnans acuto morbo tentetur, & materia turgeat, videndum est an sit in primis mensibus, scilicet primo secundo, vel tertio: an in postremis, octauo & nono: an etiam in medijs. Si sit in primis, aut postremis mensibus, omnino abstinendum est a validis medicamentis, vt scammoniatis, colocynthide: Ratio est, quia foetus tunc sunt similes fructibus, qui, sicuti in principio & fine, quolibet vento discutiuntur, sic foetus primis & vltimis diebus, qualibet vel minima occasione discutiuntur & corrumpuntur. Tentanda igitur euacuatio, si opus sit, vel per vomitum leuem, aut leuia medicamenta, vt sũt Tamarindi myrobolani, sebesten rhabarbarum syrup. rosac. solutiuus. Sin materia turgente mulier sit in medijs mensibus, istam purgare licet cum medicamentis grauioribus. Hippocrates namque proinat Colocynthidem in his mensibus. Auicenn. Aloen, Pulu. foetidas: sic poteritis aliquo Electuario purgare, vt Diaphenico, Electua. de Psyllio, Electua. de prunis solutiuus. Verum duo maximè consideranda: Vnum, ut in septimo mense, ut monet Hippoc. mulier benignius & mitius tractetur, quàm in sexto. quinto, aut quarto, eo quod magis periclitatur foetus eo tempore, & propterea magis offenditur ab huiusmodi medicamentis. Secundum, vt semper grauidæ, in quocunq; mense sint, minus purgentur, quam si non essent grauidæ, hoc est, vt dosis saltem remittatur, & quo tempore purgantur, semper aliqua vel emplastra, vel Linimenta apponantur, quæ possint foetum continere & defendere a motibus medicamenti. De sectione venæ est consideratio habenda, quia vt Hippoc. ait. Mulier phlebotomata abortit: propterea etiam in hoc casu considerandum, in quo tempore sit mulier. Nam si sit in nono mense, & non sit admodum sanguinea, nullomodo mittendus sanguis, neque per Cucurbitulas. Sed si sit in primis mensibus, si adhuc indicationes mittendi sanguinis sint, potest tuto mitti eo tempore per sectionem venarum brachiorum: Nunquam enim in grauidis licet sanguinem mittere à Saphena. eo quod sua natura illa sectio prouocat menses, quod quidem perniciosissimū est in grauidis. Ergo erit mittendus sanguis a vena brachij: nec per Cucurbitulas consulo mitti quoniam agitant & a profundis trahunt. Si verò sit intra nonum & primos menses, considerandum etiam, an sanguis exuberet an non. Si exuberet, ita vt periculum imminet suffocationis fetus a multitudine sanguinis, proculdubio mitti debet,

uiter vom-  
betur apud  
cepisset gra-  
autem Hip-  
ex quo loco  
e per vom-  
turgeat, vi-  
ndo, vel ter  
Si sit in pri-  
validis me-  
ia foetus tūc  
olibet vento  
vel minima  
tur euacua-  
nenta, vt sit  
ofac. soluti-  
istam purga-  
mque propi-  
lu. foetidas:  
Electua. de  
consideran-  
r benignius  
quod magis  
ditur ab hu-  
n quocunq;  
, hoc est, vt  
per aliqua  
tum conti-  
nā est cō-  
a abortit:  
ore sit mu-  
ea, null o-  
i sit in pri-  
at, potest  
m: Nun-  
e, cō quod  
iciofissimū  
ij: nec per  
dis trahit.  
um etiam,  
ilum immi-  
ldubio mī-  
ti debet,

ti debet, eo quòd leuata multitudine, fētus alacrior redditur, & uegetior: Si verò non adfit tanta multitudo, & tamen aliqua ratione expediat mittere sanguinem, poterit id effici habita hac consideratione, vt scilicet, quanto propior erit mulier primis mēsis, tanto copiosior mittatur sanguis. Quanto verò propior erit postremis, tanto minor copia extrahatur. Est & alia ratio medendi grauidis, dum laborant, ne scilicet abortum faciant, per medicamenta. vel a proprietate occulta operantia, vel a proprietate manifesta, vel intrinseca, vel extrinseca. Inter intrinseca laudantur ab Auicēna, Diamarschus, Diamargaritō, Zedoaria, Doronicū, Beē, Mythrīdatiū. Laudantur etiam multis alijs puluis Cācri fluuiatilis, potus. Coagulū leporinū puluerizatū, & potus acceptum in vino aut aqua. Puluis ē Corallorum rubrorū ouo acceptus mirificè prodest, licet sit remedium vulgare. Inter extrinseca quæ apponuntur dorso & locis, est in primis vnguentum celebratissimum Comitissæ appellatum, quod in frequenti vsu est. soleo ē uti oleo Mastichino, oleo Myrtillorū, quarta parte Boli Armeni & pulueris Corallorum rubrorum. Medicamenta etiam tradita a Galeno, a sexto Empirico, ab Aetio, Scribonio sunt multa, quæ dicuntur a proprietate foetum seruare, vt lapis sardonius alligatus, Lapis in vtero Ceruæ inuentus, Os de corde Cerui. Commendantur suffumigationes factæ ex pilis ceruinis, & innumera alia huiusmodi, quæ an prosint nec ne, dimitto experientiæ, saltem non possunt obesse.

### *De partu vitioso. Cap. II.*



**D**ICEBAM ad partum naturalem multas requiri conditiones, propterea etiam eum vitari multis de causis. Conditiones, quæ requiruntur ad Partum naturalem, sunt quatuor in genere, vt fiant videlicet tempore debito, similiter vt fiant figura debita, vt fiant accidentibus lenibus, & etiam cum debitis expurgationibus. Itaque vitiosus appellatur Partus, vbi videlicet erratum committitur in vna, vel pluribus conditionibus. Si erretur in tempore, dicitur abortus, de quo dictum est: Si erretur in figura, etiam fit error, & vitium, morbosusq; est Partus, de quo nunc est agendum, vt etiam de alijs. Vt verò sciatis, quæ vitia contingant in his enarratis conditionibus, tria sunt intelligenda. Vnum, quis sit in vtero situs ipsius fœtus: alterum, quæ sit figura naturalis, qua partus verus fieri debet: tertium, quomodo fiat & quo pacto efficiatur, vt per angustum adeo meatū exeat fœtus grādiusculus. Quod ad primū attinet, Hippocrates libro de natura pueri scribit, puerum ita in vtero collocari, vt manus habeat ad genas, caput

caput pedibus propinquum, ita tamen ut iudicari non possit, an caput supra sit, an verò infra, etiam si intra utrum inspicatur fœtus: Circa quæ Hipp. verba, duo sunt consideranda: vnum, Græcos omnes codices, & manuscriptos, habere *πρὸς τοῖς γένεισι*, id est, ad genas. Multi tamen, ut Caluus & alij transtulerunt, non ad genas, sed ad genua, quasi Græcus habuerit textus *πρὸς τοῖς γένεσι*. Alterum obseruandum, q̃ Hippoc. libro de Oñtomestri partu scribit, Fœtum videlicet in vtero habere caput sursum, quod videtur contrariari sententiæ iam dictæ. Aristot. 7. de Histor. animalium 8. qui ingratissimus fuit erga Hippocratem, cum tamen omnia ferè bona ab Hippocrate mutuatus sit, cuius nunquam, neque in his scriptis pertinentibus ad hominem, atq. animalia, meminit. ita ut ferè totum librum de natura pueri transtulerit in suos libros. Hic ergo Aristoteles, quasi explicans sententiam Hippocratis, inquit, quod situs quadrupedum omnium, in vtero extensus est: animalium expeditum ut piscium, obliquus: bipedum verò ut auium, inflexus & contractus: Homo vero, ut addit, in vtero in semetipso cōglobatus gestatur, ita ut nasum intra genua, oculos supra genua, aures extra genua habeat. De capite, ait Aristoteles quod primo tempore superius est, cum verò creuit fœtus, & iā extra prodire satagit, deorsum producit. Marcus Varro apud Aulum Gellium lib. sextodecimo, cap. 16. scribit: pueros in vtero ita fixos esse, quemadmodum figuntur plantæ in terram ita ut sicut plantæ radicem, quæ veluti caput est, infra habent: rami verò, qui sunt instar pedum, sunt supra: sic inquit, caput pueri, inferius in vtero est, pedes verò supra. Dicam tamen duo in hac varietate Hippocratis & Aristotelis. Vnum, quod intellexi ab obstetricibus. Alterum, quod pertinet ad conciliandum Hippocratem & Aristotelem. Quod intellexi ab obstetricibus, est, Fœtum ita in vtero cōglobari, ut pedes habeat ad nates, manibus genua contingat, nasum habeat inter genua & oculos super genua. Quod verò pertinet ad conciliandum Hippocratem & Aristotelem: dico, utrumque rectè dixisse, quia manus in vtero necessario tangunt & genua & genas, nam palma & vola contingunt genua, gena verò necessariò firmatur supra partem manus externam. utroque igitur modo legi potest. De altera parte contradictionis, an videlicet caput supra locatum sit, an verò inferius, dico, verum esse id quod scribit Aristoteles, scilicet tempore propinquo partui, caput infra esse. primis temporibus in superiori parte, medio tempore, in medio loco. Ergo quando Hippocrates scribit, non posse videri, etiam si in vtero conspiciatur fœtus, an caput sit supra, vel infra puto locutum fortasse de medijs mensibus, quibus fortasse vidit fœtum in vtero, cum edidisset librū de natura pueri; Quādo verò, edidit librum de oñtomestri partu (si tamen suus est, quem potius Po-  
lybo



lybo ascribit Clemens Alexandrinus) vidit fortasse primis mēsisbus: Sed quærat aliquis cur, ut scribit Aristoteles, adeo varius situs sit animalium in vtero, scilicet, cur situs quadrupedum sit extensus, pisciū obliquus, auium contractus, hominis in se ipsum cōglobatus? Quod ad aues spectat, cū istud animal oriatur in ouo, vbi materia multa est pro nutrimento, necesse fuit vt contorquerentur & contraherentur membra huius animalis, vt possit & simul habitare in loco illo angusto & simul habere thesaurum ac nutrimentum sufficiens. Pisces verò, sunt animalia oblonga, angusti ventris: ob id etiam habent vterum angustissimum, & ob id necessum fuit, vt natura inueniret figuram veluti alicuius lemmæ, & vitæ contortæ, quæ apta esset figura, vt contineretur foetus in vtero isto angusto. Nam si vitæ cōtorqueatur in se ipsam, fiet figura, quæ capietur in loco angusto, etsi materia sit multa. Cur quadrupedia sint extensa, puto hanc esse rationem; Animalia enim hæc postquam exeunt vtero, coguntur deambulare, vt inueniant matres, sibi ipsi inueniant cibum, quod cū ita sit, necesse est, vt habeant crura solidiora, si crura itaque quadrupedum contorquerentur in vtero, proculdubio non consolidescerēt, vnde quādo exirent, non possent consistere pedibus. Natura ergo voluit extensa his esse crura, quæ consolidescerent, & pro ambulatione essent idonea. Homo verò, quia non cogitur ambulare statim, ac editus est, cū sit commissus prudentiæ humanæ, & curæ matris, cumque debeat plurimo tempore permanere in vtero, nec non excrecere multum in loco angusto, natura fecit membra cerea foetus, & ratione huius constitutionis, fecit vt ita conuoluerentur, & conglobarentur, vt & excrecere possent, & nequaquam offendere matrem, vel vterum: vnde dicebat Arist. 10. de hist. an. 40. & 45. hominem maximè omnium animalium oriri claudum: quod ob crurum imbecillitatem facile intra vterum lædatur: atque etiam imperfectum oriri & aliena cura egere. Secundum erat propositum, quia figura exeat foetus in hanc lucē, de qua fuit Hippocratis sententia, libro de natura pueri, quam omnes posterius sunt sectati: vbi iam fetus grandior natu est, nec alimentum ipsi sufficit, incipit agitari & calcitrare, quo fit vt ligamenta frangantur, quibus fractis, iam uirtus contentrix non potest onus sustinere, quo fit, vt exurgat expultrix, sicq; fetus exeat capite primum, deinde brachijs, super coxas extensis: Quæ figura, ex Arist. 7. de hist. anim. 8. communis est omnibus animalibus, dū ex vtero exeūt. Fuere, qui existimarunt, non nihil discriminis esse inter fēminam, & marem quando exeunt, quod scilicet mares semper proni, fēminæ verò supinæ veniant. Sed obstetrices falsum hoc esse probant, quoniam testantur ferè semper & mares & fēminas pronas exire. Dices, cur animalia capite prius exeant, quam reliquis partibus? Hippoc.



libro citato non aliam attulit rationem, nisi grauitatis seu ponderis, eo quod caput, utpote valde magnum præ alijs partibus, grauissimū omnium partium. & ratione ponderis, primum mittatur ad foramē, vt exeat. Ego verò existimo naturam prudentissimam in partu semper id studuisse, vt foetus exeat, qua maiori facilitate fieri potest & ipsi & mulieri: iam verò, facillimū est vtrique, si foetus capite prius exeat. Pli. lib. 7. cap. 8. perhibet morem fuisse, vt mortui pedibus efferātur, eo quod mors sit vitæ contraria, quemadmodum in vita exit homo capite, ita etiam in morte debeat exire pedibus. Quanto autem sit facilius hæc figura partus, facilius est intelligere, quia si pedibus exeat, id periculum est grauissimum, quoniam foetus maximè periclitatur, ne brachia disrumpantur, vnde qui sic nascuntur Agrippæ fuere apud veteres vocati, quali egre pariantur. Similiter, si in manus exeat foetus, periclitatur valde mulier, sicuti etiam si obliquus fiat partus, ita vt si omnes figuras, quibus homo exire potest in lucem, contemplermur, nulla sit facilius ea, in qua caput primum exit. Dicebat Hippoc. 1. de Morbis Muliebribus, quod quemadmodum si nucleum ex vase angusti oris extrahere tentemus obliquè, id laboriosum est, sic si foetus exeat vel obliquus, vel alia figura, quam capite, id laboriosum est. Est itaque figura naturalis foetus exitus, vt dicunt omnes ex Hippoc. sententia, quando videlicet pronus capite primum, & brachijs super coxas extensis, exit. Quod si aliter contingat, dicit Gal. 14. de vsu par. c. 7. partus ille necessariò vitiosus est, & præter naturam. propterea veteres illi Romani in religione superstitiosi, vt refert Varro lib. 2. Deas fecerunt, quarum vna præsit partui naturali, alia non naturali, illam vocarunt *Profam*: hanc verò *Postuerdam*. Tertium erat, qua ratione fiat, vt foetus iam grandis, per locum adeò angustum exeat incolumis ipse, incolumi etiam muliere. Gal. 3. facul. natur. 12. videtur hoc totum retulisse ad molestiam, qua vis expultrix perculsa aperit ostium illud angustissimum ita vt foetus exeat, & non amplius torqueat. Sed hoc nihil est, quoniam vt refert Gal. 15. de vsu partium cap. 7. hoc excedit omnia naturæ miracula, quod scilicet tempore, quo foetus est in utero, os matricis sit adeò angustum, vt ne specillum possit penetrare: tempore verò partus, ita aperiatur, ita hiet, vt corpus adeò grande exeat. Iure dicebat Gal. hoc admirari hominem posse, intelligere autem non posse. Et ipse, qui de Religione & de Dijs, alioqui male sentiebat, in hac tamen re coactus fuit diuini artificis prouidentiam mirificè extollere. His itaque præsuppositis, licet videre quis sit Partus vitiosus. Quod ad figuram attinet, inuenio apud scriptores quatuor esse figuras non naturales, quibus foetus exit in lucem. Vnam, quando pedibus exit: Alteram, quando manibus. Hoc loco etiam aduertendum, quod hæc figuræ duplicatæ sunt, quia interdum

interdum ambobus pedibus exit, interdum verò, vnico solo. Similiter, interdum exit ambabus manibus, interdum vna. Tertia, quando exit obliquus, id est, in latera. Quarta, quando exit duplicatus, quæ figura etiam duplex est, quoniam aut exit primo natibus, aut capite prius, & plantis simul iunctis.

### *Causa.*

**C**AUSAE huiusmodi partus, ab Hipp. lib. de natura pueri, videntur referri ad duo genera, ad latitudinem vteri, quando, s. vterus ita latus est, & amplus, vt fœtus non consistat, sed huc atque illuc labatur. Alterū, quando in ipsa parturitione mulier nequaquā quiescit, sed mouetur, modò surgit, modò quiescit, modò sedet, modò erecta manet. Addit Auicen. alteram causam non contemnendam, quando fœtus debilis est capite. Etenim si contingat fœtum debile esse capite, nequaquam ligamenta disrumpere potest, quo fit, vt pedibus, & manibus id obtinere tentet, s. effringere ligamenta: & si manibus frangat, exit manibus, si verò pedibus, ipsdē etiam exit.

### *Signa.*

**S**IGNA vitiosarum figurarum habentur ex dolore parturientis, quia vbi dolores grauissimi sunt sine vlla alia ratione, suspicandum semper, ne fœtus exeat inuersa figura. Habentur etiam signa ex motu percepto infantis, quia si ante parturitionem fœtus vehementer agitatus fuerit in vtero, formidandum est, ne exiturus sit forma aliena. Habentur etiam Signa ex motibus mulieris, quia si in dolorib. partus, mulier sese agitet, si modo quiescat, modò vero moueatur, item timendum erit, ne exeat non naturali figura. Hæc autem signa quanquam pertineant ad obstetrices, verum tamen sunt etiā Medico cognoscenda, eò quod sæpe contingat obstetrices esse barbas, & ignaras, vt necessarium sit Medici ministerium.

### *Prognostica.*

**P**ROGNOSTICA sunt, quòd omnis figura non naturalis sit mala & periculosa. Dicebat enim Hippocrates libro de natura pueri: si fœtus exeat aliena figura quā decet, periculum semper imminet, ne aut fœtus perdat, aut femina & fœtus. Auicenna tamen inter si-

guras nō naturales, discrimen videtur statuisse, & quosdam gradus, quod scilicet illi, qui in pedes nascantur, minus periclitentur, quam alij, cō quod licet huiusmodi figura nequaquam sit naturalis, est tamen proximior ceteris figuris statui naturali. Plinius libro 7. cap. 18. de illis, qui in pedes nascuntur, quosve Agrippas vocatos dixi, scribit, quod semper malum est omen, si fœtus pedibus primum exit, & non solum quo ad animum, verum etiam quo ad corpus: idque probat duobus exemplis, altero Agrippæ, qui perpetuo valetudinarius fuit: altero verò, Claudij Neronis, qui & ipse pedibus exiuit, & perniciēs totius orbis fuit.

### *Curatio.*



**C**URATIO huiusmodi vitiosi partus pertinet quidem ad obstetrices, sed etiam pertinet ad Medicos, non solum vt videantur gnari esse & docti omnium rerum, imò verò vt possint in casibus etiā necessarijs & ipsi succurrere, & etiam obstetricis munere fungi. Posita autem curatio est in duobus: In vno, vt curetur, vt mulier semper quieta sit, dum parturit. Moschio autor illustri scribit, veteres Medicos consueuisse præcipere, vt paritura ambularet simul & lauaretur, sed inquit hoc male præceptum fuisse. & iure, quia si vellauetur vel ambulet, periculum est, ne dum fœtus in vtero agitur, alienam figuram capiat, ne scilicet exeat ea figura, qua exire non deberet. Similiter damnat vsum veterum, qui parituras cibo alebant statim, quod periculosum est, & si fieri potest, conseruandæ perpetuò ieiunæ, quia si ventriculus plenus sit cibo, magis laborat vterus dū extenditur, magis etiam laborat mulier grauata cibo. Itaque ante cætera hæc duo curanda sunt, vt scilicet mulier ieiuna sit, & quiescat, non ambulet, & quantum fieri potest, faciliter dolorem sustineat. In altero verò posita est curatio, vt scilicet obstetrix suo ministerio prouideat, quo fœtus exeat figura naturali, & quia totum hoc opus perficitur operatione manuum, propterea præcipiunt Medici & iure, vt Medicus, vel obstetrix, habeant manus molles, si non natura, arte saltem oleis, vel vnguentis. Deinde habeant vngues detōsos & præcisos. Ratio est, quia corpus tenerimum tractandum est, tale autem faciliè vnguibus offenditur & etiam manuū duritie. Ergo sic præparatis manibus, debet primò curare, vt si fœtus exeat figura naturali, in ea cōseruetur, quod sit, si caput primū manibus ducatur leuiter & blandè, deinde verò compræhendantur brachia & leuiter continerantur, vsque quo totus fœtus exierit. Si in pedes ambos exeat, nō est mutanda figura, sed tentandum vt manibus apprehendantur brachia,

chia, atque illa extensa coxis ducantur leuiter & blandè: hoc enim si fiat, facillè fit, vt etiam in hac figura facillè exeat sanus & integer. Quod si altero pede solummodo exeat non quidem comprehendendus est pes manu, quia periculum esset, ne laxaretur, vel flecteretur, vel corrumperetur, sed apprehendenda sunt inguina & retrahendus foetus intra vterum, ita vt etiam pes totus redeat. Quod postquam obtentum erit, procurandum manibus capere ambos pedes, atque ita continere atque educere, vt dictum est. Si foetus exeat obliquus, debet obstetrix, totum foetum lateribus completi, atque ita iterum immittere & leuissimè & blandè ducere, donec manu caput comprehendatur, sicque comprehensum, demum blandissimè etiam producere in lucem. Si in manus exeat, neque sunt etiam hoc in casu manus tractandæ, sed sunt completendi humeri, atque retrahendus totus foetus, vsque quo manus reducantur, & postmodum caput apprehendendum, atque educendum. Nam si manus ipsius foetus comprehenderentur, periculum esset, ne ob teneritudinem, vel diuellerentur, vel laxarentur, vel etiam flecterentur. Idem etiam de manu singulari dicendum: nam nunquam prouidendum est, vt manu primum exeat, quia hoc fieri non potest, sed semper retrahenda est manus, vsque quo vel capite, vel pedibus etiam exire incipiat. Quod si duplicatus exeat, & primò si exeat natibus, nõ patiendum vnquã, vt hac figura prodeat, quia fieri non potest, sed manibus completè de sunt latera & circumducendus foetus, vsque quo pectore respiciat orificium vteri, quod vbi obtentum est, etiam paulatim manibus retrahendum est pectus, vsque quo caput reclinare incipiat ad foramen: Idem est etiam, si capite exeat foetus & plantis iunctis: primò quia etiam hac figura nunquam exire potest foetus, & proinde prouidendum est, vt manibus disungantur pedes, à capite. Deinde, vt pedes intra retrahantur & caput primò manibus blandè ducatur. Hic est modus subueniendi Mulieri & foetui, vbi partus vitiosus est.

*De partu difficili. Cap. III.*



ERTIA naturalis partus conditio erat, vt fiat leuibus accidentibus, leui scilicet dolore, nam quod fiat sine dolore, nequaquam fieri potest, inio si mulier sine dolore pariat, res plena laboris & periculi est. Adhuc debet partus naturalis fieri cito, & absque offensione matri cis, aut foetus: quapropter vitiosus est ille partus, quando maximis & vehmentissimis cruciatibus efficitur: vel quando fit tardius, ita vt mulier valdè prematur, & longo tempore: præterea, quando offenditur in partu aut Mater, aut foetus: Hic verò vitiosus partus,

cōmuni à Græcis nomine *δυσοχία* vocatus est. Latini & Arabes, vocarunt difficilem partum. Est symptoma in genere excretorum retentorum, atque etiam in genere actionis tactoriæ deprauata: sequitur verò omnes morbos hoc symptoma. Sed dicetis, ergo foetus est referendus inter excrementa? Dico, reponendum esse quidem, nam perspectum est foetum nequaquam esse partem mulieris: si nō est pars, ergo est aliquid quod ipsi mulieri additur: veluti fructus nō dicuntur partes arboris, sed quædam additamenta: sic etiam foetus est quoddam sicuti additamentum, quod necessum est, vt expellatur tempore opportuno. Quia ergo non expellitur id quod debet expelli, dicitur symptoma in genere excrementorum retentorum.

*Causæ.*



**C**AUSÆ huius difficilis partus ab alijs reducuntur ad duo genera, ab alijs ad plura. Moschio, quem sequimur, ad quatuor genera reduxit, vel potius ad tria ad causas videlicet, ex parte Mulieris, ex parte Foetus, ex parte extrinsecus accidentium. Sed occurrit consideratio, cur cætera animalia non laborent difficultate partus, Mulier vero hoc habeat, vt in partu maximos & ferè intolerabiles sustineat dolores. Hoc præter experientiam, proditum est ab Arist. 7. de Hist. animalium cap. 9. vbi scribit: in partu hominem maximè omnium laborare: huius rei Theologi omnes, & Christiani causam referunt in peccatum primæ mulieris, eò quod Deus voluerit eum sexū, qui fuit mortis nostræ causa, huiusmodi ærumnis subijci. Hæc causa, quanquam vera sit, tamen ex natura rei aliam depromi posse arbitror. Puto in primis tres esse causas, vnam debilitatem foeminarum nostri generis. Docui alias in genere brutorum, scēminas, vt plurimum, robustiores esse maribus: in genere humano cōuersores sese habet. Itaque ratione debilitatis, efficitur vt huiusmodi operatio in ipsis maiore labore efficiatur. Altera ratio est, quia bruta sunt maximè animalia laboriosa: Mulier vt plurimum sellularia est, & ociosa, dedita delitijs, qua ratione fit, vt magis, laboret in partu, quàm bruta: quod inde apparet, quia inter mulieres, illæ, quæ magis laborant, facilius pariunt. Nec obijciatur partus viperæ, & illius piscis qui vocatur Acicula, quæ dicunt scriptores, dum pariunt interire ob dolorem, quoniam de vipera, certè apud plurimos fabulosum habetur. Tertia & fortè omnibus melior causa est, capitis fētus magnitudo, Nam vt optimè citatum est ab Alberto Magno decimo de Animalibus, libro quarto, Homo ferè in vtero habet totā capitis magnitudinē. propter quod dictū est ab Aristotele secūdo de Generatione

animalium quarto. Et quarto de Part. animalium decimo. Quod pueri omnes sunt nani, eò quod habeant caput proportionem sui corporis valde magnum, præsertim in vtero: extra autem vterum, aut omnino parum, aut nihil crescit, quod peculiare est in genere humano. Bruta verò, nequaquam habent caput magnū proportionem corporis. Et quia caput illud est, quod primò exit, quod est in causa partus, hinc fit, ut magna difficultas insit mulieri propter huius capitis magnitudinem. Sed dicit aliquis, non ne etiam Aristoteles secundo de Generatione animalium cap. 4. scribit, Bruta esse pumilliones, id est, habere partes superiores maiores, quam inferiores? Ergo etiam bruta, quæ in vtero sunt, debent habere capita maiora. Dico, verà esse sententiam Aristotelis, & quod nos etiam dicimus verum est, quod bruta tanto vitæ tempore habeant capita maiora, & superiores partes omnes reliquo tempore, tamen non sequitur quod habeant caput in vtero maius, ut habet Homo; Et ratio est, quia augetur illis extra vterum, & caput, & partes omnes superiores: Secus contingit in Homine, quia homo dum est extra vterum, magis augetur secundum partes inferiores, quam superiores, & præsertim minus augetur Caput: & rationem puto esse, quia cum caput sit sedes animæ, ut dicunt Medici, & tota anima simul ingreditur, & informat corpora nostra in vtero, æquum erat, ut quemadmodum ipsa tota immittitur in corpus in vtero, sic etiam domicilium eius vel perfriceretur, vel parum abesset à perfectione. Causæ itaque ex parte mulieris difficultatis partus, sunt aut ex parte Animi, aut Corporis. Ex parte Animi, quia mulier est timida, irata, mœsta. Nam debet mulier ubi parturit, tota intenta esse huic actioni, de qua Arist. 7. de Gen. anim. cap. 2. dicebat: etiam si tantū oscitet mulier, nocere huiusmodi actionem partui: sic si mulier irata, vel mœsta sit in partu, difficulter parit. Ex parte autem corporis etiam causæ sunt, quòd mulier debilis sit, quoniam ipsius corpus est nimium pingue, vel quando nimis annosa est, ut cum excessit 40. annos, ex sententia Auic. aut quādo nimis puella, similiter quando passā est aliquas ægritudines corporis recenter, quando angusta est matrix, præsertim circa os, vel sit illa angustia ob morbum, vel etiam naturalis, quando matrix nimium exsiccat. Addit Rases, defluxionem sanguinis etiam inducere partus difficultatem: Nam quod angustia vteri præ omnibus alijs faciat huiusmodi difficultatem, atque causæ omnes exsiccantes, atque adstringentes, inde patere potest, quod cū eo tempore ossa matricis disilire debeant & quodammodo dearticulati, non autem frangi, ut putant aliqui, certe impeditur dearticulatio ista, ubi debilitas adest, vel angustia in matrice. Similiter, si secundina vocata aut robustior sit, quam conueniat, aut sit nimis debilis, ut frangatur ante tempus,



tempus, parit quoque difficultatem incredibilem: Apoplema Matri-  
cis. Ani & Vesicæ, Hæmorrhoides, Rhagades sunt ex causis facien-  
tibus difficultatem partus, veluti etiam retentæ feces. Causæ porro  
ex parte Fœtus, sunt vel ob sexum, vel ob ipsius fœtus conditionē:  
Ob sexum, quia fœtus femella est, nam fœmina semper maiorem dolo-  
rem infert, quàm mas. Ratio est, vt docet Albertus, quia cum fœmi-  
næ sint debiliores, non ita sese mouent, non ita sibi auxiliantur inter  
exeundum. Propter proprias condiciones, quando Fœtus toto tem-  
pore grandior est, vel quando debilior propter scilicet ægitudinem  
quam passus est, aut quando habet caput grandius, quàm par sit, siue  
ex natura, siue propter morbum. Dico ex natura, quia interdum na-  
scuntur Monstra vt dicebat Arist. 4. de Gen. anim. 4. interdum vi-  
fos esse fœtus, qui habebant capita magna vt boues, aut hæc magnitu-  
do capitis est accidentaria, veluti qñ caput est plenum aqua *υδρ-  
κιστος* Medici appellant. Moschio inter has causas retulit etiam ca-  
pitis paruitatem. quando scilicet minus est caput quàm conueniat,  
& refert duas rationes. Vna est, quia tunc non aperit vias; ad hæc  
non potest ab obstetrice manibus ita facilè & arte apprehendi, vt de-  
ceret. Fit quoque difficilis partus, quando Fœtus plures sunt in vte-  
ro, siue gemini sint, siue terni, vel quia fœtus sit mortuus: quando  
enim in vtero mortuus est, difficulter paritur. vel quia non exit de-  
bita figura, de quibus suprâ. Causæ ex parte extrinsecus acciden-  
tiū, sunt omnes causæ quæ constringunt, imprimis autem Aeris fri-  
gus, propter quod, vt notatum est ab Auicenna & Alberto, Hyeme  
difficilius mulieres pariunt, quàm æstate: Similiter mulieres in Regio-  
nibus Septentrionalibus, difficilius pariunt, quàm Austrinis: Ita si  
mulier vsa sit balneis stypticis, & astringentibus, hæc quoque faciū  
difficultatem partus. Sic quoque, si vsa sit odoratis, nam hæc adhibi-  
ta naribus, faciunt vt Vterus sursum trahatur, ob quam retractionem  
difficultas oboritur partus.

### *Signa.*



**S**IGNA difficilis partus hæc sunt, primum est consue-  
tudo pariendi difficulter, nam vbi mulieres solent dif-  
ficulter parere, cognosci potest ipsis futurum partum  
difficilem: si quoque causæ adsint potentes efficere  
partum difficilem: dicit Auicenna, quod si dolor in-  
clinat ad partes anteriores, vel ad pectinē, anhelitusque bonus sit,  
partum facilem fieri. Si verò dolor tendat ad dorsum, difficilem. Si-  
gna causarum hæc habentur: quod si venter magnus sit præter ordi-  
nem, indicium est difficilem futurum partū, ex parte fœtus, eiusque  
magni-

magnitudine; si ætas tenella, aut nimis prouecta, si corpus debile, si-  
gnum est futurum esse difficilem partum propter debilitatem. Quod  
si mater valida sit, neque vllæ causæ primitiue accesserunt, argumē-  
tum est difficultatem partus oriri ex secundina. Quod si difficultas  
oritur propter fœtum mortuum, cognoscetur ex magno dolore cir-  
ca umbilicum, febris lenta, aderit pallor vultus, præsertim labiorum,  
cauitas oculorum, frigiditas ventris, non sentietur motus infantis,  
anhelitus erit fœtidus, caput replebitur multis uaporibus, & prauis.  
Rases 9. Cont. memoriæ tradidit, quod si mulier ante partum frequē-  
ti spuitione tentetur, necessario partus fit difficilis.

### Prognostica.



**S**IGNA prognostica sunt quod omnis partus difficilis  
periculosus est; timendum .n. ne mulier, vel infans pa-  
tiatur. Dicebat Auicenna, si mulier quatuor diebus  
laboret in partu, ferè necessario mori fœtum. Habe-  
tur apud Hippoc. 5. Aphorism. Quod ubi mulieres la-  
borant in partu, solent ipsis frangi venę pectoris item matricis, in-  
currunt in phthisim, sanguinis sputum, tussim: frangitur etiam inter-  
dum peritonæum, ut inde fiant herniosæ, plerisque similiter ubi ob  
nimium nixum, solēt hæmorrhoides foras propelli, quarum mala va-  
letudo permanet diutissime. Auenzoar annotauit, interdum ob dif-  
ficultatem partus, dilatari mulieribus pupillas, & offendi visum. Nec  
prætermittendum quod Albertus Magnus in lib. de secretis Mulier.  
scribit, scilicet, nonnunquam adeò laboriosum esse partum, ut fran-  
gantur omnia ossa, & fiat scissura continua ab ano ad vterum, qui  
omnes casus valde sunt periculosi: propterea, si mulier constans  
sit, si bono animo, si vires valide, nec non anhelitum bonum  
habeat, spes est & ipsam & fœtum, saluos fore. Ex aduerso, si  
mulier pusillanimis, si viribus infirmis, atque anhelitum malum, at-  
que difficilem habeat, timendum ne quid mali aut ipsi, aut fœtui  
contingat.

### Curatio.



**S**I quid est in mulieribus, quod maximam diligentiam  
expostulat, est profecto difficultas, & labor quem in par-  
tu sustinent, propterea debet Medicus sollicitus esse, ut  
possit in his opportunis casibus succurrere. Est uerò to-  
ta ratio succurrendi in hoc posita, ut fiat partus cito, ut  
sine dolore, nec non sine offensione. Et ideo ante cetera laborandum  
est,

est, vt omnes illæ causæ tollantur, quæ possent hanc difficultatem efficiere. Vt autem tollantur, aliqua necessario agenda sunt ante partum, aliqua verò in ipso pariendi tempore. Ante partum studendum est, ut omnes causæ, & internæ, & externæ remoueantur. Primum igitur cauendum est, ne mulier ante partum viuat in aere frigido, sed vel temperato, vel paullo calidiore. Vigiliæ, quantum potest, fugiat. Corpus moueat, neque torpescat. Et si quod est, ut alias dixi, quod possit mulieri efficere partum difficilem, proculdubio est nimium otium, & nimius torpor. Remoueantur omnia grauiæ animi accidentiæ, timor, moeror, ira; vtatur Balneis aquæ dulcis, in quibus herbæ laxantes, & emollientes coquantur: vt, Lapathum, Malua, Brancha vrsina, &c. Inungatur etiam eodem tempore dorsum, & pectus, simili liter loca muliebria ijs Linimentis, quæ possunt emollire, & lenire, vt oleum Keirinû, oleum Amygdalarû dulciû. Aluus lubrica seruetur glandibus communibus: Clysteres eo tempore sunt auerrendi, eo quia possunt multum agitare, & interdum exitum foetus accelerare. Sed potius ad molliendum conueniunt brodia aliqua, in quibus cocta sint Beta, Malua, Ficus aridæ pingues, ei etiam brodio addatur oleum commune, vel amygd. dulcium, si quidem non modo huiusmodi brodia possunt foetus emollire, & educere, sed etiam emolliunt loca illa, & partum faciilitant. De coitu quoque habenda est sollicitudo, quia, tametsi Rasis 9 Contin. scriptum reliquit, & multi etiam alij, coitum uidelicet ante partum, partum faciilitare, nihilominus tamen etiam aliquid nocementi infert foetui, & propterea, vbi sunt alia auxilia, quæ possunt partum facilem reddere, non est quod ea querantur, quæ foetui detrimentum adferant. Cibi omnes adstringentes fugiendi sunt: sumendæ sunt carnes pingues, ut Caponum, & Gallinarum pinguium, etiam Castratorum pinguium, oleum, butyrum, passulæ, caricæ: inter herbas, malua, lapathum, beta, & tandem vtendû ijs cibis, quæ facultatem habent, non quidem aperiendi, sed emolliendi solum. Non aperiendi, quia periculum est, ne si tempestiuus aperiantur loca illa, etiam maturius, quam deceret, partus prouocaretur. Præter hæc, si sit aliqua intemperies antequam partus accedat, corrigenda est, vt si uel adsit febricula, aut frigiditas, aut siccitas nimia: eo quod in partu obesse vehementer solent. Si adsint Hæmorrhoides, quæ ei possunt facere difficultatem, si Rhagades, debet Medicus sollicitus esse in auferendis his omnibus, interrogare, scilicet Mulierem, nunquid patiatur aliquid in corpore: Et diligenter esse debetis, quia si mulier, quemadmodum decet, referat sua mala, poterit occurrere ut dictum est. Dices, tu dixisti, omnia agenda esse ante partum, scire cuperem quonam tempore ante partum, an semper, an aliquo constituto tpe? Dico, valde vtile esse, vt Mulieres quando in vtero gerunt

gerunt semper prudenter & accuratè viuant, quo possint satus inco-  
lumes seruari. Sed quæ dixi potissimum agenda, debent obseruari,  
vt notat Auic. vel mense vno ante partum, vel saltem 25. diebus. In  
partu autem, id est, dum incipiunt iam dolores apparere, debet con-  
seruari Mulier in aere vel calido, vel tepido. Et ideo prudenter fa-  
ciunt obstetrices, quæ statim in cubilibus clausis, parturientes clau-  
dunt. Debet obstetrix cum Medico animum addere, consolari mu-  
lierem, propter quod dicebat Plato in Theæreto, obstetrices & Me-  
dicos. hoc in casu debere esse prudentissimos & obstetricem debe-  
re sapius peperisse, vt scilicet exemplo suo, & experientia possit mu-  
lieri oppressæ animum, & vires addere: debet hæc eodem tempore  
ambulare quoque, modò salire, modò descendere, modò stare, mo-  
dò surgere, quia sic faciens, ligamenta disrumpuntur & sic facilius  
exit foetus. Nec obijciat quis quod alias dixerim, Mulieres non de-  
bere moueri, vt figura foetus non permutetur, propterea quod id,  
quod nunc dico, agendum erit antequam incipiat matrix aperiri,  
id est, quando solum dolores agunt: quia postquam apertum est os  
matricis, collocanda est mulier in sella, nec amplius mouenda. De-  
bent eodem tempore clamare, sternutare, quandoquidem dicebat  
Hippo. & Gal. 5. Aphor. 35. quod Sternutationes maximè omni um  
iuuant ad expe'lendum infra foetum. Quando incipit aperiri ma-  
trix, tunc statim supponenda aliqua suffumigia, quæ possint allicere  
Matricem, quæ possint etiam sua facultate magis aperire. Mulieres  
solerit multis Suffumigijs vri, sed ego soleo commendare istis, Gal-  
liam Moscatam, & si quid est suffumigij, quod possit, hoc vnum est.  
Hoc tempore abstinendum à potu quantum possibile est, dicebat  
Auicenna. Quod si vulua non aperiatur, vt debet, debet manibus vn-  
ctis locus ille leniter tractari. Et monet Auic. quod hæc tractatio nō  
est facienda continuatim, sed interpolatim, ne scilicet dolor partu-  
rientis augeatur. Quod si appareat Foetus, & secundina non franga-  
tur, debet Medicus curare vt aperiatur, sed ea diligentia, vt dum ape-  
ritur Secundina, ne etiam infans aliquid nocumenti habeat. Cibi  
hoc tempore debent esse pauca quantitate, optimi nutrimenti & fa-  
ciles concoctu. Idcirco Panis in brodio pingui confert, oua sorbi-  
lia, carnes auium, aqua carnis maximè commendatur. Sunt qui lau-  
dant, vt mulieres carnes assatas comedant: quia hæc masticatio agi-  
tat & concutit corpus, & hac ratione etiam auxiliatur exitui foetus.  
Vinum debet esse odoratum, & si mulier animo deficiat, vt sape so-  
lent, debent succurri odoribus, præsertim ciborum odoribus: nec  
hoc in casu timendum, ne matrix attracta odoribus superascendat,  
quandoquidem vbi iam foetus in partu est (vt vocant) vel propè par-  
tum, nō potest amplius recurrere sursum, eò minus potest odoribus  
*Hier. Mer. de Morb. Mul.*

attrahi. Si aluus obstricta sit hoc tempore, nihil aliud agendum, nisi vt suppositorijs aluus leniter ducatur. Præter hanc diligentiam, sunt aliqua medicamenta, quæ in vsu sunt ad facilitandum partum, alia à proprietate manifesta, alia à proprietate occulta, alia intrinseca, alia extrinseca. Inter medicamenta, quæ operantur à proprietate manifesta, sunt Trochisci de Myrrha. Cinamomum & Myrrha ab omnibus commendatur. Rases mirificè laudauit Crocum. Ego autem soleo in vsu habere, hoc medicamentum.

℞. Corticum cassiæ fistulæ, Cinamomi, Croci, ana scrup. ij. Boracis scrup. s. Aquæ Arthemii vnc. iij. Misce, fiat potus. Potus hic non modo salutaris est, quia nocumentum non infert, imò maximè prouocat partum. Borax quoque per se cum aqua Arthemii. potatus maximè iuuat. Laudant etiam alij sabinam: & certè efficacissima est, sed malè audit, quia vt prouocat parum, sic etiam solet enecare ipsum, & propterea aut non vtendum, aut quàm parçissimè, & quando in vsum trahitur, semper miscenda cum alijs. Ego enim soleo etiam vti ipsa, sed hoc modo mixta:

℞. Sabinæ, Assæ foetidæ, Ammoniaci ana drach. i. croci, cinnamomi, Castorei ana scrup. ij. Cum aqua Arthemisiæ fiant pillule, & harû exhibeatur drach. j. Et aduertendum, quod in his casibus non obseruatur vllum tempus exhibendi medicamenta, quia cum res maximè vrgeat, quolibet tempore & hora, die simul & nocte, potestis & pillulas, & alia medicamenta exhibere. Exterius verò in vsu sunt linimenta, suffumigia atque etiam pessi. Linimenta adhibentur pectûni, dorso & interfoemineis: vt

℞. Succî Colocynthidis, Rutæ ana drach. ij. Fellis Tauri drach. j. Olei Keirini vnc. iij. Misce omnia diligèter & fiat Linimentû. Suffumigia fiunt ex Ligno Aloe Cinamomo, Myrrha, Moscho, siue hæc omnia misceantur, siue etiam aliquibus solis per se vti placeat. Pessaria sunt quoque multa, sed ego hoc summopere laudare soleo: vt

℞. Pulueris Arthemii. Rutæ syluestris, Radic. Dauci ana drach. ij. Opopona. Myrrhæ ana drach. j. Terebinthinæ vnc. j. Terâtur omnia terenda, & misceantur, & deinceps obuoluto panno lineo subtilissimo, supponâtur matrici. Laudat Galenus 6. de Medic. loca. Pessum factum ex Melle, Myrrha. & decocto Lupinorum, quod èt conferre potest. Scio plura referri à scriptoribus, quæ videri possunt. Quæ verò à proprietate occulta auxiliari putantur, plurima etiâ sunt & extrinsecus adhibèda, & intrinsecus. Inter oïa videt primatû habuisse Aristolochia Rotunda, imò nomen adest huic herbæ ex operatione, quia significat facilè parturitionē. Et aduertendû quod in componēdis medicamētis semper èt possunt addi vel hæc, vel alia aliqua, quæ possunt à proprietate occulta succurrere. Refert Serapio, cyclaminis radi-



radicē alligatū coxæ partū facilitare. Moschio verò multa & ipse p-  
ponit. vt granū Aristolochiæ alligatū: Albertus Magnus & ipse multa  
habet, cor videlicet Gallinæ alligatū coxæ, pumice, spoliū serpētis,  
quæ oīa alligata dicūtur maximē facilitare partū. Pythagoras apud  
Pliniū laudauit Anisum olfactū, quod scilicet quadā facultate facili-  
tet partū. Est et aliud medicamentū propositū a Trotula, & cōfirma-  
tum ab Auic. vt si mulier tpe partus Magnetē manibus teneat. Ha-  
betur et de Dictamo Cretensi, quod siue in potu accipiat, siue co-  
xæ alligetur, partum facilitare. Laudant et Arabes corrigiā  
ex pelle Cerui cinctā parienti. Faciunt et mulieres sua incantamēta,  
quæ vt non sunt curanda Medico, ita neque inuestigāda. Et diuinus  
Plato in Timæo dicebat, obstetricis munus esse, nō solum medicamē-  
tis, sed et incantamentis partū iuuare. Præter auxilia partū facilitan-  
tia, quæ in vniuersū docuimus, sunt quædā alia magis particularia,  
pro vt sunt particulares quædā & variæ difficultates pariedī. Itaque,  
si difficultas oriatur ob angustīā matricis, præceptū est Auicennæ, vt  
omni diligentia quā frequētissimē inūgant dorsum, pecten, inter-  
fœminia oleo videlicet oliuæ simplici, vel sesamino: eo quod huius-  
modi linimētis ossa, & partes illæ relaxentur, vnde possint magis di-  
latari. Sed quia sæpe fit, vt inunctiones nihil prosint, habeāt Medici  
& obstetrices, quibus in his casibus vtantur, ad dilatan- dū orificiū.  
Ad hoc et parant quēdā Balnea ex herbis laxantibus, & oleo & aquis,  
quæ balnea nō solum accomodant in difficultate partus ex angustia  
orificij vteri, imo verò in difficultate & dēfuitate corporis, & et ex sic-  
citate locorū muliebriū. Quod si p p pinguedinē difficultas in partu  
oriai, habent obstetrices quosdā modos, situs & positiones, qbus fa-  
cilis hient istæ partes, quos modos vberius docuit Auicenna & oēs  
Arabes, qui in his rebus vident ceteris fuisse diligentiores. Quod si  
p p etatē oriai partus difficultas, spes in hoc posita est, vt verbis, & p  
suasionibus, addat aīus tenellæ puellæ, vt scilicet possit sustinere do-  
lores, quoniā nō est quod vllo auxilio possit euitari difficultas pariedī.  
At qñ ob Feces retentas partus difficulter exit, in fecibus puocā  
dis stat oīs spes, quæ tñ non alio ingenio pñt prouocari, nisi vel glan-  
dibus, vel suppositorijs, vel brodijs laxantibus. Si verò p p debilita-  
tē viriū mulier difficulter pariat, eo tpe porrigenda sunt odoramen-  
ta, vinū generosum ad odorandum, vt est, vinū Maluaticū, panis re-  
cens, nec est quod timeatur odores, quia vbi partus instat, nō est pe-  
riculum quod matrix currat sursum. Si foetus ita magnus sit, vt sola  
magnitudo difficultatē faciat, Auicenna dat quæsdā regulas seruand-  
as: Prima est, vt obstetrix tēter manibus educere. Si verò manibus  
nō pōt, fascia circūliget foetus corpus, atq; ita paulatim educaī. Si ve-  
rò hoc nō succedat, habēt obstetrices quædā tenacula, qbus circūli-



gant pannos, ne lædant, vel offendant foetum, ijsque educant. Si vero nullo modo horum sequatur, inciditur foetus in lateribus vteri. Qua aut arte incidendus sit, docuit Hipp. lib. de Exsectione foetus luculentissime quo in loco præter præcepta alia, hoc tradit, vt quando secandus est foetus, obueletur caput mulieris, ita vt eam operatione videre non possit, quandoquidem si videret, vsque adeo consterneretur animo, vt periculum esset, ne horrore cruciaretur, atque ita iugularetur. Nascitur etiam difficultas partus ex multitudine fetuum, quia interdum sunt gemelli, interdum terni, aut quaterni, sed raro: quo in casu debet sagax esse obstetrix, vti nimirum manibus vnumquemque ordinatim & leniter educat. Atque animaduertendū, non esse vnquam quiescendum, nisi omnes seriatim vnus post alterū statim exeat: quia vbi mora interponitur inter vnum & alterum, non ita expultrix exurgit, debilitatur magis: & idcirco dum vis expultrix in actu est, tunc sollicitandum est, vt omnes exeant. Sin autem difficultas partus orjatur propter foetum mortuum, qui est in vtero, ante omnia perscrutandum erit, num verè mortuus sit foetus, quia si non esset mortuus, mitius agendum esset: si verò foetus sit mortuus, paulo fortius mulier erit tractanda. Dicit aliquis vestrum? Cur foetus mortuus vt exeat, peculiaribus remedijs egere videtur? Etenim scriptum est à Galeno 2. de Symptomatum causis 3. eandem facultatem quæ viuos foetus emittit, etiam foetus excludere mortuos. Dico hoc verum esse. quod opus est etiam facultate expultrice ad educendum foetum mortuum, sed in mortuo hæc facultas magis sopita est: Est autem magis sopita eò quod foetus mortuus sua calcitratio- ne & motu non excitat. nec dirumpit ligamenta nisi solo pondere. Propterea debet Medicus hoc in casu excitare facultatem expultricem, ad quam excitandam est potissimum auxilium sternutatio, vt habetis ex Hippoc. & Galeno 5. Aphorism. 35. neque solum sternutatio, sed etiam Vomitus, & Eructatio à nonnullis laudatur. Galenus etiam addidit Singultum, eò quod huiusmodi motibus quassatur corpus mulieris, eo quassato rumpuntur ligamenta, atque sic facultas expultrix excitatur. Præter hæc, sunt & alia medicamenta; quorum aliqua à proprietate manifesta, aliqua ab occulta qualitate iuuant. Hipp. in lib. de Natura Mulieb. commendat Violas, & Portulacæ semen in vino sumpta. At in 1. de Morb. Mulieb. laudat veratrum nigrum & Myrrham. Vtitur etiam Cantharidibus & multis alijs, quæ possunt à vobis videri in fine primi illius libri. Ego autem soleo vti huiusmodi medicamento sequenti: vt,

℞. Assæ fetidæ drach. j. s. Rutæ siccæ drach. iij. Myrrhæ drach. ij. Terant oīa diligenter & misceantur. Deinde prædicti pulueris drach. j. cū decocti Sabine on. ij. exhibeant. Theriaca diateffaron appellata,

in vsu est apud Mulieres. Gal. lib. 7. Simpl. medic. extollit Cedriā, & iure, quia sicut hoc medicamentum viuos enecat, ita et mortuos educere potest. Si medicamenta non sufficiunt, duo agenda sunt: primò tentandum, vt foetus in vtero corruptatur, quia corruptus facilius exire potest. Si neque sic tutum sit operari, Medici ad ferrū veniāt, vt excindant foetum, atque ita minutim incisum educant. Hippoc. loco citato ad corrumpeudum foetum, vtitur hoc medicamento.

℞. Aluminis scissi, Myrrhæ ana drach. j. Ellebori nigri scrop. s. Terantur, & cum vino nigro fiat pessarius. Habetis apud Paulum Ægi netam etiam aliud pessarium, quod etiam vtile est: vt

℞. Ellebori nigri, staphisagriæ, Aristolo. rotum. Gran. Meserconis, Colocynthis, Ammoniaci ana drach. j. Terantur oīa diligēter præter Ammoniacum, quod dissoluendum est, atque ita vel cum vino, vel cum Melle commixtum fiat pessarium indendum. Fuerunt ex veteribus aliqui, qui existimarunt, lac Caninum potum conferre ad educendum foetum mortuum. Sed horum sententiam explosit Gal. 10. Simp. cap. de sero lactis. Præter dicta quæ à proprietate manifesta operantur, sunt & alia à proprietate occulta iuuantia. Suffumigia ex vngula Asini: teritur enim & super carbones ponitur, sicq; fumus intra vuluam recipitur. Similiter ex piscibus salitis fiunt suffumigia. Moschio laudat decoctorum Foliorum Citri, Fel ouis suffum. Quod si medicamenta non possunt, deueniendum ad sectionē foetus, in qua monet Auicenna, diligentissimè considerandū prius num Mulier seruanda sit nec ne. Si seruari non potest, non est quod id tentetur, quia potius dedecus pareret. Si verò spes sit, posse conseruari, tunc opus aggrediendum. Sed dicēs, quomodo cognoscā an mulier sit seruanda? Cognoscetur ijs indicijs, quæ docuit Auicenna, quia vbi necessario peribit, adest syncope perpetua, cum vigilijs, cum resolutione membrorum, & dislocatione. Si clamabitis, nō respondēbit, si tota spasmetur & conuellatur: ad hæc si pulsus sit formicans & obscurus valde. His enim apparentibus signis, certè peritura est, & ideo non est aggredienda sectio. Quod si nullum ex his signis appareat, sperandum est seruari posse, & ideo aggrediendum, vt foetus mortuus educatur.

### De secundina educatione. Cap. IIII.



I partus debet esse legitimus, necessarium est, vt post exitum foetus, foras exeat & prodeat secundina. Sed quia sæpe fit, vt huiusmodi secundina non prodeat, sed intus retineatur, propterea estis docendi, quomodo & quibus ingenijs sit educenda. Expellitur etiam

&

& ipsa eadem vi expultrice operante: & propterea vbi foetus nō est in vtero, secundina est impedimento naturæ, grauat eam. Vt verò vis expultrix expellat, eadem ferè conueniunt, quæ ad educendum foetum mortuum dicta: imprimis validis sternutationibus, vomitibus, eructationibus agendum. Quod si non prodeat his remedijs, diligenter videndum, numquid pateat oculis, nec ne: si pateat, debet obstetrix manibus apprehendere, atque ita diligenter educere, vt non frangatur, sed vt integrum educat. Si verò non pateat, debet obstetrix manibus vnctis oleo sesamino, vel dulci, quærere eam: si inuenit, similiter eam educere. Quod si adhæreat ita, vt facillè nequeat educi, debet conari manibus paulatim eam euellere, atque ita educere. Interim nutrienda est mulier cum vitellis ouorum, cum brodijs, vt possit medicamenta sustinere & operationem. Quod si hac manus operatione non succedat, deueniendum ad ea, quæ putantur à Medicis facultatem habere educendi secundinam: sunt vero accommodata huic ea etiam, quæ educunt foetum mortuum: Laudant aliqui Arabes, lixiuium cum oleo, sed nimis graue est, licet multi testentur prodesse, at mihi nō placet. Itaque Cinamomum vel in brodio, vel in aqua est magis in vsu, & maximè confert. Laudatur à Dioscoride suffumigium, quod etià apud me est in vsu, & valde prodest: vt

℞. Myrrhæ vnc. s. Cinamomi, Galbani, Castorci ana drach. s. Opoponacis scrup. iij. Hellebori nigri scrup. ij. Cum Melle conficiantur pastilli, & deinde ponantur supra carbones, & fiat suffumigiū: Hipp. 1. de Morbis Mulieb. multa alia pponit, inter alia silphium ad fabæ magnitudinem in vino bibitum: Dictamnnum creticum oboli pondere in aqua sumptum: succum porri cū Myrrha & vino dulci apud Galenum in lib. de Antidotis: habentur etiam quædam antidoti, quas ipse miri ficè commendat ad educendas secundinas. Extracta secundina, solent loca illa mirum in modum calefcere & torqueri, ideo præcipiendum est vt Oleo Rosato, Oleo vitellorum oui, Lacte eas partes foueant: quod huiusmodi remedijs facile solent mitigari & feruor, & dolor. Atque hic est finis tractatus nostri de Morbis Mu-

liebribus, in quo habetis omnes morbos præcipuos contingen-

tes circa Conceptum, & ea vitia quæ contingunt circa

Partum. Superfunt igitur vitia, quæ contingunt

circa nutritionem foetus & circa con-

stitutionem vteri.



# HIERONYMI MERCVRIALIS

DE MORBIS MVLIBRIBVS.

Liber Tertius.

DE VITIIS QVÆ CIRCA  
*nutritionem fœtus contingunt.*

P R Æ F A T I O.



VM anno elapso de morbis muliebribus tracta-  
re instituissemus, tres, imò quatuor horū mor-  
borum classes fecimus. Vnam eorum, qui circa  
conceptum contingunt: alteram eorum, qui  
circa partum: tertiam eorum, qui circa nutri-  
tionem partus: quartam & postremam eorum,  
qui circa vteri vniuersum statum. Iam primas  
duas perfecimus, superest, vt duas alias supe-  
ris fauentibus etiam absoluamus. Et quia ita ordo postulat, pri-  
mum tractabimus de ijs morbis, qui fiunt circa *Nutrimenti instrumen-  
tum*, scilicet circa Lac & Mammas. Qui tractatus eo debet vobis  
esse grator, quoniam à paucis veteribus est tractatus, à nemine,  
sic dicam, absolutus. Sed occurret statim aliquis mihi: quomodo  
morbi circa Lac contingentes dicuntur proprie Muliebres, quando  
quidem morbi Muliebres dicuntur illi, qui solis contingunt Mulie-  
ribus. nunquam viris, quique viris nullo modo ingenerari possunt.  
Cæterum non ita videtur de Lacte, eo quod æquè sit lac in viris, at-  
que in Mulieribus. Quod fiat Lac in viris, habetis luculentiſſimum  
Aristotelis testimonium 10. Histor. animal cap. 12. A uic. et 12 tert.  
Tract. 1. cap. 3. quo in loco asserunt, & pueris, & etiam adultioribus  
fieri lac quandoq; in Mammillis; imò vero Auicenna, 1. de animal.  
scribit se vidisse e virò tantum lactis emulctum vt caseus sit conse-  
ctus. Respondeo ad hanc obiectione dupliciter. Prin. è modo ex Alb.  
Magno 3. de anim. 9. vbi hanc rem pertractans dixit, rarissimū esse vt  
in viris fiat Lac, & qñ id fit, paucum id esse, & in paucis. Alio modo  
respondeo, id quod apparet in viris Lac, nō esse verum Lac, sed esse  
sanguinem tantum dealbatum: quod autem hoc verū sit, pōt conie-  
ctura

aura assequi, quoniam Lac est propter nutritionem. Dicebat Galenus lib. de sectione venæ aduersus Erasistratum cap. 5. non posse fieri Lac, nisi in illis animalibus, quæ vtero gerunt. Quapropter fabulosum esse existimo, aut ostentum saltem, quod scriptum est ab Aristot. & ab Auicenna: inuentum esse caprum, ex quo quotidie magna Lactis quantitas emulgeretur. Sed postulabit quis, cur viri non producant Lac, sed tantum Mulieres. Dico vt dicit Hippocrates lib. de Glâdulis, duas esse causas: Vna est, quoniam beneficio caloris natui adeo concoquunt & absument nutrimentum, vt parum excrementi superfit: & quod superfluum est, totum ferè ex laboribus corporis exinanitur. Altera causa est, quia viri non habent Mammas adeo spongiosas & vastas, vt possint attrahere & recipere sanguinem, ad fabricam Lactis.

*De vitijs quæ contingunt circa ipsum lac.*

**L**AM vero quæ contingunt vitia circa Lac, sunt, vel quia non fit Lac, vel saltem non fit tantum, quantum fieri debet: & dicitur Defectus Lactis: aut fit plus quàm deberet, & dicitur Lactis redundantia: aut fit tale, quale non deberet: & in hoc genere est caseatio. coagulatio. & corruptio, & reliqua quæ pedetentim intelligetis. Inter hæc vitia primum agam de Defectu Lactis, eo quod hoc humano generi maximè commodum videtur.

*De defectu lactis. Cap. I.*

**A**NTEQUAM hanc tractationem aggrediar, operæ precium puto esse, vt vos doceam integram Lactis naturam, quod iucundissimum & vtilissimum erit. Hæc materia à me exponetur quinque capitibus. Primum est, quid sit Lac ipsum. Secundum, quomodo generetur. Tertium, quando fiat. Quartum, in quibus generetur. Quintum & vltimum erit, vbi generetur. Quod ad primum caput attinet, Empedocles (vir maximus, & à quo multa bona habuit Hippocrates) dicebat, Lac nihil aliud esse, quam pus: quam sententiam Aristot. 4 de Generatione animal. cap. 8. refutare conatus fuit, & ad refellendam ipsam vsus est hac ratione: Quod nomen translatiuum non debet esse contrarium, sed pus est contrarium, quia Lac est concoctum, pus autem corruptum. Sed si placet tueri magnum hunc Empedoclem à calumnijs Aristotelis, dicetis, apud veteres in more positum fuisse, vt pro corruptione intelligerent concoctionem. Videbitis in libro sub nomine •

Dicebat Galen.  
5. non posse in  
propter fabulū  
est ab Arist.  
die magna la-  
iri non produ-  
ates lib. de Cū  
caloris natū  
um excremen-  
tribus corpori  
Mammæ adeo  
sanguinem; al

lac.

Lac, sunt, vō  
um, quantum  
ut fit plus qui  
aut fit tale,  
calseatio con-  
getis. Inter  
chumano ge

operē pre-  
acis natu-  
t. Hæc ma-  
Primū est,  
generetur.  
intum & vl-  
t; Empedo-  
ates) dice-  
sto. 4. de Ge-  
adam ipsam  
et esse con-  
pus autem  
em à calum  
isse, vt pro  
bro sub no-  
mine.

mine Hippocratis, de Anatome, quod vëter vbi fit coctio, vocatur venter putrefactorius. Sic in libro de Nutrimeto Hippocratis videbitis, quæ sunt moderatè cocta, dici *αχρσαπέντα*, id est, in superficie putrefacta, itaque clarum est apud veteres, coctum dici putrefactum; Id quod etiam seruauit Plutarchus 2. de Causis naturalibus: Imò verò Aristoteles ipse 4. Topic. 5. refert hunc Empedoclem vocasse vinum aquam in ligno putrefactam, scilicet concoctam. Atque hæc fuit sententia Empedoclis de Lacte Aristoteles verò, quem sequuntur omnes Medici 4. de Generat. animal. 8. Item. 3. Histor. animal. 20. scribit: Lac nihil aliud esse nisi sanguinem superfluum mutatum, & dealbatum. Alexander 2. problem. 80. dixit, esse solummodo sanguinem dealbatum. Etenim dicitur Lac sanguis, quia vt habetis apud Hippoc. lib. de structura hominis, & à Galeno in multis locis, ex eadem materia fit lac, & semen ipsum. Imo Hippoc. 2. Epidemi. Sectio. 3. circa finem dicebat: Lac esse germanum ipsius sanguinis menstrui. Itaque clarum est apud scriptores, Lac nihil aliud esse, nisi sanguinem. Sed hoc loco duo occurrunt magna speculatione digna: vnum est, si Lac fit ex sanguine, an fiat ex puro: Alterum est, an fiat per concoctionem, an verò per solam coloris mutationem, vt sæpe videmus vina ex vase in aliud vas translata, mutare quidem colorē, substantiam autem nequaquam. Circa primum varias reperio esse scriptorum sententias. Hippo. lib. de natura foetus: & 1. de Morbis Mulieb. scripsit, Lac fieri ex sanguine pinguiissimo & dulcissimo, quā sententiam videtur confirmare Aristot. 4. de Generatione anim. 8. Quo in loco narrans Aristoteles, cur Lac ante septimum mensem sit malum, post verò septimum vtile: inquit ideo esse, quia magnā partem sanguinis dulcis & pinguis absuntit foetus ante septimum mensem: post verò septimum non tantam copiam absuntit, ppter quod pinguis magis & dulcis sanguinis pars, mandata ad mammæ cōuertitur in vtile Lac. Itaque ex hoc Aristotelis discursu colligi potest, Lac fieri ex sanguine dulcissimo & pinguiissimo. Sed notandum est vobis, Aristotelem eo loco discessisse à placitis Medicorum, quia Hipp. lib. de natura foetus, & Galenus 5. Aphorism. 37. manifestè dicunt, in extremis conceptus mensibus laborare foetum penuria nutrimenti. Ex altera parte est Galeni autoritas, 14. de Vsu partium 8. Et lib. de Venæ sectione aduersus Erasistr. cap. 5. quo in loco absolute dicit, Lac fieri ex sanguine menstruo: si ita sit, clarum est sanguinem menstruum impurum esse, vt videbitis, cum de eo tractabimus. Ergo videtur lac fieri ex impuro sanguine, adeo vt Alexander dicat 2. problem. 78. quod fiat ex sanguine lento & viscido. Pro hac dubitatione dicendum est, Lac quidem fieri ex sanguine menstruo semper, verum in sanguine menstruali duas partes reperiri: alteram co-



etiam & puriorem, alteram verò crassiores & magis impuram. Ex parte puriore fit Lac vtile, atque sic intelligenda est autoritas Hippoc. & Galeni. Ex parte quidem crudiore fit quidem lac, sed inutile: & hæc est causa, ut ea, quæ habent menstrualem sanguinem coctum, semper Lac producant: Circa alterum, an videlicet Lac fiat per concoctionem, vel per simplicem mutationem; Inuenio varios inter se esse Medicinæ scriptores. Primum est autoritas Hippoc. qui loco citato, scribit Lac ipsum esse sanguinem coctum: si est sanguis coctus, Ergo fit per concoctionem. Præterea Galenus 7. de Vsu partium reddit rationem, cur Mammæ sint positæ in pectore, quia in mammis debeat Lac fieri, Lac verò est cibus valde coctus, in pectore autem viget calor: Ergo commodus est locus Lactis generationi: quæ sententia si vera est, sequitur Lac fieri per concoctionem. Ex aduerso sunt autoritates & rationes. Prima est, quia si fieret Lac per concoctionem, sequeretur, quod Mammæ essent calidiores venis, quia in venis alijs corporis non fit Lac, quia ibi non coquitur, sed coquitur in Mammis: Sed falsum est Mammæ esse calidiores venis, quia ut scriptum est à Galeno, Mammæ sunt corpora glandosa, & valde frigida. Addimus etiam sententiam Aristotelis 4. Meteororum, illud quod semel est coctum, non potest amplius recrudesce, sed si Lac fieret per coctionem, sequeretur coctum recrudesce. Probo autoritatibus & experientia: autoritatibus, quia Alexander 2. problem. 8 inquit, quod Lac faciliè mutatur in sanguinem, quia factum est ex sanguine. Si hoc est, si Lac esset sanguis coctus, Ergo dum lac fit sanguis, recrudesce. Probo etiam experientia quia videmus mulieres, ubi renuunt lactare infantes proprios, perdere Lac. Et quæquam sæpe per dissipationem illud disperdant, plerunque tamen fit, quia Lac regurgitat in venas, & fit sanguis: præterea, ea quæ sunt coctione, semper sunt calidiora, Ergo si Lac fieret per concoctionem sanguinis, esset sanguine calidius, sed hoc falsum est. Ergo Lac non fit per concoctionem. Probo experientia & autoritate Galeni: experientia, quia videmus inflammationes Lactis demulceri, sanguine magis exasperari autoritate Galeni, qui 5. de simp. 21. scribit, Lac quod pertinet ad caliditatem, medium esse inter pituitam & sanguinem quia pituita calidius est, sanguine verò frigidius. Est altera autoritas. 5. Aphorism. quadrag. quo in loco scribit, quod sicuti Iecur est calidius corporibus glandulosis mammarum, ita sanguis est calidior Lactis. Si ergo per experientiam & Galenum, sanguis est calidior Lactis, sequitur quod Lac non fiat per coctionem, quia esset calidius sanguine. Accedit & altera Galeni autoritas prim. de Tuenda Valetudine sept. ubi scribit, à natura pueros statim ac nati sunt, ideò delectari lacte, quia est simillimū nutrimentū ei, quod in vtero sumebat fœtus,

tus, & addit Lac esse paucissimam mutationem adeptum. Quo in loco duo debetis aduertere: vnum est, quod in contextu Græco legitur, esse sanguinem, paucissimam mutationem: in contextu Latino exiguam mutationem adeptum. ita fefellit nos ille interpres, dū nō reddit totam sententiam: alterum est, quod autoritas lib. 1. de Tuēda Valetu. videtur contraria alteri autoritati Galeni decimo sexto de Vsu part. duodecim. & septimo, de Vsu part. vig. secundo, vbi scribit fieri Lac ex sanguine, nō quidem exigue mutato, sed *ἐκ τοῦ αἵματος πλεονεκτήσαντος*, id est, exacte mutato. In hac grauissima speculatione puto resolutū dicendum, Lac fieri ex sanguine mēstruo coctō, non quidem summē concoctō, sed mediocriter, ita tamen, vt nihil desit coctioni, atque hoc notat vox illa Galeni, *ἀκριβῶς* scilicet exactē. Sed quomodo fit hæc coctio sanguinis in mammis? Dico fieri per adæquationē, hoc modo, quia in sanguine mēstruo, si adsunt partes igneæ & acriores, beneficio teporis mammarum istæ partes, aut dissipantur, aut attenuantur. Si verò adsint partes crudiores, attenuantur, coquuntur, ita vt tota illa sanguinis massa adæquetur. Apud Aristotelem quarto Meteor. dicitur proba concoctio, quando quæ coquuntur, rediguntur ad æqualitatem. Ad rationes in contrariam partem, & primo cum dicebatur, quæ coquuntur fieri calidiora: dico hoc non esse semper verum, est quidem verum, vbi res summē coquuntur, falsum vbi mediocriter. Exemplum adfero vobis de Melle: Mel, si intense coquatur, fit calidius, quia amarescit: si coquatur mediocriter, non fit calidius, quia mel crudum acrius est, nam intestina stimulat, cum verò mediocriter coctum est, non stimulat. Ratione, quia per moderatam coctionem partes acriores dissipantur, itaque hoc modo videtur fieri tepidius. Idem possumus dicere de vino: vinum si coquatur mediocriter, vt in multis Italiæ locis solitum est, tantum abest vt fiat calidius, vt etiam remittatur caliditas: hoc probatum est, quia coctum minus inebriat, quod testatur Athenæus ex libro Aristotelis de Ebrietate. Ita clarum est, quæ coquuntur non fieri semper calidiora: Lac verò non per summam, sed mediocrem fit coctionem: Ergo non debet esse sanguine calidius. Ad alteram rationem, quod coctum non possit recrudescere: dico coctum recrudescere posse, intelligi dupliciter: vel per se solum, vel per admixtionem. Per se solum, coctum nunquam recrudescit: per admixtionem recrudescit. Probo experientia manifesta: illi qui condiunt fructus melle & saccharo, clarum est quod coquant. Sed quid fit sæpe progressu temporis? saccharum vel mel iterū recrudescit, vt iterū coganur coquere mel & saccharū, quia vel per aerē, vel per corporū conditorū cruditatem saccharum vel mel recrudescit: ita euenit vt lac commixtum sanguini iterum fiat sanguis, quemadmodum

experientia & rationibus constat. Possum etiam alio modo respondere, cum ex Lacte iterum fit sanguis, non dicitur recrudescere, sed magis coqui, & ratio est, quia etiam in mammis dixi fieri exiguam coctionem, non repugnat in venis fieri coctionem vel maiorem, vel æqualem. Inter alias rationes quibus probavi non fieri Lac per coctionem, hæc una erat, quod necessarium mammæ essent calidiores venis: ad quam rationem respondendum est, mammas sua natura esse quidem frigidiores venis, ut luculentissime scriptum est à Galeno quint. Aphorismo quadrag. & ab Alexandro secundo problemat. octuagesimo: verum tamen ob viciniam cordis ita incalescunt mammas, ut possint sufficere coctioni: nec videatur vobis hæc responsio noua, quia Aristoteles libro secundo de Generatione animalium nono dicebat, semen sua natura frigidum quidem esse, & fieri calidum ob locum. Itaque non inconuenit mammas sua natura fridas esse, aduentitio tamen calore esse præditas, ob quem possunt coquere sanguinem. Id quod poteritis etiam respondere ad alteram rationem, qua dicebatur, Lac esse frigidius sanguine, & propterea non posse fieri per coctionem. Lac quidem beneficio Mammarum frigus acquirit, sed ratione materię, cum sit sanguis, etiam calidum est. Ad auctoritatem Galeni, ex 1. de Tuen. Valetu. ubi scribit, Lac fieri per minimam sanguinis mutationem, debetis respondere, posse considerari Lactis mutationem dupliciter: vel secundum substantiam & qualitates primas, vel secundum qualitates secundas. Et si consideremus substantiam & primas qualitates, valde mutatum est à sanguine: quia quantum ad caliditatem & substantiam, facta est magna mutatio, sed quantum ad dulcedinem & pinguedinem, minima facta est mutatio, & ita quo ad secundas qualitates, facta est parua mutatio, ideo delectantur pueri Lacte, quia est simile sanguini, quo alebantur, scilicet dulcedine & pinguedine. Habetis ergo, Lac nihil aliud esse, nisi sanguinem menstruum concoctum, in mammis dealbatum: quam definitionem attulit Meletius in lib. de natura hominis. Erat secundum propositum, quomodo Lac generaretur. Circa quod Hippoc. in lib. de Generatione foetus videtur habere nouam sententiam, & ferè incredibilem; sentit enim fieri Lac, quia ab utero comprimantur vasa corporis interna, quæ compressa emittunt humorem quandam pinguem ac dulcem, perinde ac si imbuamus corium oleo, & deinde comprimamus, Ex corio emittitur humor pinguis & dulcis: ita à mole uteri emittitur humor pinguis, qui alteratur à corporibus mammarum spongiosis. Quæ sententia, aut valde obscura est, aut omnino fabulosa, imò contra Hippocratis dogmata, qui sentit Lac fieri ex sanguine menstruo. Dicebat enim 5. Aphorism. 39. Quod si mulier, quæ neque peperit, neque utero habet, Lac habeat, signum est menstrua desc-

defecisse. Igitur illa generationis Lactis ratio est, quam Arist. & Medici memoriæ prodiderunt, scilicet, quod superfluus sanguis, qui & mēstruus est, à natura, vel tempore partus, vel alia aliqua occasione trahitur in mammas, quæ cū plenæ sint cauernis & meatibus, in ea parte recipiunt sanguinem, vbi postmodum tepore à corde communicato, sanguis ille leuigatur, coquitur, & tandem dealbatur: dealbatur autem, vt semen in vasis spermaticis, scilicet à calore & natura vasis. Scimus enim comparatum esse à natura, vt quodcunque aliud transmutat, semper sibi simile faciat. Sed quæret aliquis, cur natura ita fuerit sollicita in fabricando lacte, eò magis, quod poterat efficere, & forsitan debebat facere, vt eodem sanguine quo nutritur fœtus in vtero, nutritur etiam extra vterum; poterat efficere, vt sine vlla alteratione, idem sanguis emanaret ad nutriendum fœtum. Tres putò fuisse causas, quibus mota est natura ad faciendam hanc sanguinis in Lac transmutationem: vna est, quia horrendum esset & ferinum, videre sanguinem viuum exfugit ex mamillis, horrèdum enim esset matri, infanti & alijs: natura autem, quantum fieri potest, conatur semper coniungere iucunditatem cum vtilitate. Altera causa est, quoniam puer extra vterum debebat nutriri per os, & per os debebat cibus meare in ventriculum, in quo coqueretur; deinde in iecore sanguis fieri; si sanguis exfugeretur à puero, nō alteraretur, neque in ventriculo, neque in iecore heret sanguis. Itaque sagacissima natura, dum videret sanguine debere partem nutriri, & alterum fieri sanguinem, adinuenit foelicissimum hoc medium, quod tale est: vt possit ex sanguine fieri Lac, & iterum in sanguinem conuerti: misterium omnibus admirandum. Tertia causa fuit, quoniam cum videret natura, in sanguine locatum esse totius vitæ thesaurum, coacta fuit sanguinis vasa ita fabricare, vt non possint facillè referari, neque rursus facillè claudi. Si igitur debuisset fœtus nutriri sanguine exfucto ex Māmillis, necessarium fuisset, vt venæ facillè clauderentur & aperirentur: his imminerebat periculum, ne quandoque venæ nō possent amplius occludi, atque ita vita finiretur. Ex his igitur habetis locum Lactis esse Mamillas, quas idcirco dicebat Galenus 7. de Vsu part. 2. 2. esse positas in pectore, aut in locis calidioribus, in omnibus animalibus; tum vt frigiditas Mamillarum remittatur à calore vicini cordis: tum, vt calor cordis possit generationi Lactis inferuire: tum etiam, vt cor possit tutelam accipere ab ipsis Mammis. Plutarchus in libro de amore proles, reddit rationem & ipse non inueniunt, cur videlicet natura in pectore hominibus mamillas fecerit, vt possit, inquit, mater fouere filium, amplecti, osculari & ita amorem erga prolem mouere & augere. Tertium circa Lactis generationem, proprium erat, de Tempore generationis Lactis, quod tempus dicebat

Aristoteles idcirco incertum esse hominibus, quemadmodum & pariendi tempus. Cæterum in tempore etiam in hominibus, quemadmodum in alijs, videtur quidam ordo: quia aut tempus cōsideramus vniuersale, aut particulare. Si tempus vniuersale consideremus generationis Lactis, tempus est à duodecimo ætatis anno, vsque ad annum quinquagesimum: & ratio est, quia hoc tempore intermedio educitur sanguis menstruus, qui est materia & substantia Lactis. Animaduertendum tamen vobis est, aliquas reperiri, quæ in mamillis post quinquagesimum ætatis annum Lac generant, quod tamen rarissimum est. Tempus autem particulare est, vel quando defecerunt menstrua, vel quando habet in vtero, vel quando partus in lucē est editus: & ratio est, quia hoc tempore, aut natura opus habet lacte, aut si opus non habet, impeditur quo minus possit excernere sanguinem per vias consuetas. Quapropter ne officeret corpori, potius cōuertit ipsum sanguinem in Lac. Dicebat Aristoteles, aliquando solitum esse Lac fieri, quando fricantur Mamillæ vrtica, & deinde manibus contrectantur, quod fateor me numquam vidisse. Alb. Magnus tamen lib. 3. de Animal. 9. scriptum reliquit, se vidisse virgines, mulieres, & viduas, quæ hac arte sibi ipsis Lac copiosissimum pararent. Sed vtcunque sit, verum & proprium tempus lactis est, quando partus in lucem est editus. Atque hæc sunt quæ de natura Lactis erāt dicenda. Lac igitur dicitur deficere, quando vel non sit eo tēpore, quo fieri deberet, scilicet post partum: vel si generetur, minus tamen sit quam sufficiat nutritioni fœtus, atque hunc lactis defectum, dicebat Iulius Pollux nūcupari à nōnullis Medicinæ scriptorib. ἀγλακτίαν. Est verò hic defectus lactis, symptoma in genere excretorum mutatorum: quandoquidem non adest excrementum illud vtile, quod esse deberet. Defectum lactis symptoma esse in genere excretorū dixi, quod vt assequi melius possitis, debetis breuiter scire, cibū qui in corpus sumitur, nunquam posse totum in sanguinem conuerti, quare necessariò contingit, vt fiant excrementa, quæ aut prorsus sunt inutilia, & extra corpus à natura reijciunt: aut sunt vtilia, & retinentur pro reficiendis membris, vel pro conseruanda specie. Inter hæc est semen, & sanguis menstruus, qui inseruit cōceptioni & nutritioni in vtero, vel post exitum ab vtero fœtus: ita vt nutrimentū, quod sumit extra vterum fœtus, sit excrementum vtile. Et dixi, vbi Mammæ ca rent hoc excremento, dicuntur laborare hoc symptomate, quod est excrementi vtilis defectus. Est igitur symptoma, defectus lactis, & quia symptomata omnia sequuntur morbū. sic defectus lactis, sequitur morbum proprium, scilicet aut malam formationē Mammarū, tum aliorum vasorum, aut malam temperiem, aut continui solutionem, ita vt illi morbi possint in mulieribus efficere defectum Lactis.

Causæ.



## Causa.

**I**AM verò caufarum defectus lactis aliæ sunt internæ, aliæ aut externæ. Internæ alię sunt naturales, alię verò aduentitiæ. Naturales cauſæ ſunt, paruitas māmārū, anguſtia vaſorū māmārū, & totius corporis. Ftenim Hippocrates 1. de morbis muliebribus ſcribit, aliquas inueniri mulieres, quæ à natura lac non producant, ruſum inueniri alias, quibus ante tempus lac deficit: & cauſam horū dicit eſſe denſitatem & anguſtiam vaſorum, propter quod ſanguis ab vtero ad māmās non poteſt deriuari. Aduentitię cauſæ ſunt, vt obſtructiones vaſorum factæ ab humoribus viſcidis & craſſis. Addit Auicenna ſecundo primi debilitatem virtutis attrahēticis māmārum. Additur etiā inter cauſas aduentitias internas ſanguis videlicet, aut vitiatuſ, aut imminutuſ. Vitiatuſ eſt vel corruptuſ & venenatuſ, vt eſt in morbis peſtiferis: vel exſiccatus, vt in febribus magnis & ardētibus, vel pituitoſuſ, vel bilioſuſ, vel melācholicuſ, neque miremini me dixiſſe, quod ſanguis bilioſuſ, pituitoſuſ, & melācholicuſ inducat defectum lactis, eò quod ſcribit Galenuſ 1. ſimpl. 20. & Auicēna, Lac generari ex ſanguine meliori menſtruo. Vbi igitur nihil ſanguinis boni eſt, neceſſario deficit Lac. Diminuitur et ſanguis à cauſa interna, qñ vel deest materia ſanguinis, vel qñ ſanguis per alias partes exit à corpore, vt puta, per os, per Hæmorrhoides per venas menſtruorū. Cauſæ porro externę ſunt, quę poſſunt coarctare vaſa, per quę deferatur ſanguis, vt immodicum frigus Aeris aut Regionis: vſuſ adſtringentiū. Similiter inter cauſas externas numerantur et quę minuunt ſanguinē & vitiāt, vt cibi prauī, quæ vitiatuſ ſit ſanguis, & tūc Lac nō fit: ic ieiunia, abſtinētia cibi & potuſ nimiuſ labor, mēror, & alij vehementes animi motuſ ſunt inter cauſas, quæ extrinſecē inducunt lactis defectū. Sunt etiā nonnulli cibi, qui proprietate quadā lac deſtruūt, vt dicit Pliniuſ, de Semine Cyrcæ. Albertuſ Magnuſ tert. de animal. 9. de Triticū illo, quod Patauī dicitur ſorgo, facere lactis defectū ait: Sed an hoc verū ſit, dicent vobis ruſticę Patauinę. Galenuſ 5. ſimpl. Medic. 20. dicit, oīa illa quæ nimis calefaciunt, exſiccant & refrigerant, oīa inquam Lac minuere. Sed hæc Galeni ſentētia dubia multa parit: primo, quia videmus multa, quæ impēſe ſunt calida & ſicca, Lac etiam facere, vt eſt Fœniculuſ, Apium, & hæc licet calefaciant & exſiccant, tamen ad lac producendum & augendū exhibētur. Similiter Lactuca valde refrigerat, tamen à Dioſcoride, & Auicēna dicitur Lac generare. Et Auicēna libro ſecundo, loquēſ de Agno caſto ſcribit, minuere ſperma & Lac augere. Tamen mihi non videtur



detur rationi consentaneum esse, quia ex eadem materia fit lac, & semen, ex sanguine scilicet superfluo. Dicendum est, vt Galeni veritatem assequamur, quæ generant Lac, dupliciter generare, vel per se, vel per accidens; per se dicuntur generare Lac, quæ producunt substantiam Lactis, vt sunt cibi calidi, & humidi, & optimi succi, dicuntur enim generare Lac, quia producunt multum sanguinis. Per accidens autem dicuntur generare Lac, quæ aperiendo prouocant sanguinem ad mammas, vel remouendo causas imminuentes Lac, atq; hoc modo quæcunque aperiunt, adhibentur ad generandum lac. Itaque Galenus quando dicit, calefacientia, seu refrigerantia non generare Lac, loquitur de ijs quæ per se generant Lac: quando verò adhibentur aperiencia, adhibentur, non vt Lac generent, sed vt aperiendo, Lac ad mammas ducant. Idem de lactuca dicendū, lac generare, corrigendo scilicet intemperiem calidam, vel remouendo causas minuentes lac. Igitur vera est sententia Galen. quæ impensè refrigerat lac non generare. Inter has causas numeratur à quibusdam debilitas aut calefaciunt infantis in sugendo, sed hoc rarum est, & suctio quidem infantis prouocat Lac, sed si non adsit materia propria, nō prouocabit, ideo inter causas valde remotas statuitur.

### *Signa.*



**S**IGNA lactis deficientis ex puero lactante colliguntur: quia si puerum videatis clamantem semper, emaciatum, & non proficientem, & non videatis pannos madidos, quibus inuoluitur, signum est Lactis defectus. Item, si quæ nutrit, menstruas purgationes habeat, colligere potestis Lac deesse, quod tradit Gal. 5. Simp. 22. Aduertere circa hoc debetis, Mulieres aliquas purgari, & Lac non deficere, sed istæ non singulis mensibus purgantur, sed quinto vel sexto saltem mense. Quod si quæ singulis mensibus purgantur, & Lac habeant, rarum est, & prouenit ex sanguinis multitudine. Signa causarum particularium: si causæ sint externæ, comparabuntur à vobis ex relatione Nutricis, vel ex consideratione infantis: ideo diligentes esse debemus de Aere, Cibo, potu, & Venere, quæ facere solent Lactis defectum, & interrogare debemus de animi affectibus: sunt enim quæ mœrore lactis defectum patiuntur: aliæ amore & libidine efferuntur, & consumunt Lac ipsum: Item contingit vt nutricis grauidæ fiant, & Lac deficiat, ideo diligentes sitis necesse est. Signa internarum causarum, si sint naturales, videbitis ex aspectu mammarum paruarum, & angustarum, quia vasa habent arcta & breuia. Quod si ex obstructione malum eueniat, videbitis obstructum totum corpus, examinabi-

nabitis vitam anteaſtam, vt ſi ſit uſa cibus craſſis. Quod ſi malū fiat a paucitate ſanguinis, intelligetur, vel quia mulier pauco utetur cibo, vel quia ſanguis euacuatur per nares, hæmorrhoides, vel per uterū. Intemperiei ſigna habetis ex proprijs ſignis intemperiei calidæ, frigidæ, ſiccæ. Si ſanguis ſit vitioſus, aut corruptus, cognoscetis ex morbis, quia ſanguis corruptus alios morbos parit. Quod ſi ſanguis ſit bilioſus, cognoscetis ex aſpectu & gultu, quia Lac vergit ad pallorē, erit ſubamarum, vel parum dulce. ad hæc cognoscetis ex habitu bilioſo, ex vitæ exercitationibus, ex cibo, quo uſa fuit: vt ſi ſit uſa cibus bilioſis Hoc autem loco annotare debetis, lac omne cum bonū eſt, duas habere cōditiones. Prima eſt, vt ſit dulce, vel ſubdulce: etenim capræ tamenſi veſcantur amaris frondibus ſalicum, carduis, tamen Lac euadit dulce. Quare miratus ſum Plinium & ſequaces, qui libro 15. de nat. Hiſtor. 27. fecit proprium quendam lactis ſaporem, quem noluit appellari dulcem vel pinguem, ſed lacteum, quaſi alius ſit ab his ſaporibus. Sed falſum eſt, quia lac dulce eſt, tamen diuerſa eſt dulcedo à dulcedine mellis & ſacchari. Alia proprietas lactis boni eſt, vt ſit album & candidum: & ratio eſt, quia vt intellexiſtis, ſit lac in Mammis, quæ ſunt corpora glanduloſa & candida, quare neceſſario inducitur albedo lacti. An verò verum ſit quod ſcribit Plinius lib. 2. cap. 13 ſcilicet in Ponto eſſe quaſdam oues, quæ faciunt lac nigrum, ipſe viderit, certè mihi videtur improbable eſſe. Animaduertere tamen debetis, candorem, qui ineſt lacti, diuerſum eſſe à cando re aliorum corporum, quia alia corpora liquida alba reddunt imagines, vt aqua, vinum, ſed lac nequaquam reddit. Ratio accipitur ab Ariſtot. 4. Meteor. & à Plutarcho 6. ſimpoſ. cap. 8. qui ſcribunt, in lacte multum aſeſſe terreum, & ideò fieri non poſſe vt ex parte terrea reddantur imagines. Si ſanguis pituitoſus ſit, & hac ratione lac minus fiat, Auicēnas tria tradit ſigna noſcenda ex ipſo lacte, quamquā pauciſſimum ſit. Primum eſt albedo maxima: ſed miror Auicēn. qui in hac re ita determinauit, & ratio eſt, quia ipſemet vbique fatetur, lac eſſe corpus albiſſimum: adhæc pituita minus alba eſt quam Lac, quomodo ergo lac ex miſtione pituitæ, poterit fieri albiſſimum? Si vos miſceatis Gypſo albiſſimo calcem, videbitis albedinem Gypſi remitti, ſic etiam deberet lactis albedo remitti, potius quàm augeri. Secundum ſignum eſt, ſi Lac pituitoſum ſit, poſitum ſupra vnguē, ſtatim deſluit, vt neque horam neque momentum teneri poſſit, quia à pituita fit aqueum & fluidum & ratio bona eſt. Alterum eſt, quod odor & ſapor vergunt ad acetofitatem. Quod ſi lac Melancholicum ſit, cognoscetis, quia lac erit terreum & craſſiſſimum, adhæc color erit liuidiuſculus, ſubniger. Sed dicetis, ſi lac ſubnigrum eſt Melancholicum & prauum, cur igitur Ariſtot. 3. de Hiſtor. animal. 21. circa

finem dixit.lac liuidum esse melius,quam album:similiter dixit,nutrices quæ sunt liuidæ esse saniores,quam nutrices albas?Ego fateor ingenuè me sepe cogitasse,si qua ratione possem Aristotelè defendere, sed hæcenus nihil inueni. Verum vt habetis à Galen. 1. de Tuen. valetud. 9. ab Auicenna, Moschione & omnibus qui de hac re tractarūt, lac oninium optimum est, quod est albißimum: & si nutrices eligendæ sint, debent eligi quæ viuudum & floridum colorem habeant. Igitur, aut Arist. errauit, aut error in scriptis est.

### *Prognostica.*

**I**GNVM prognosticum est, quod vbi lac deficit, malū sapissimè est non modo foetui, sed etiam nutrici: dixi sapissimè, quia si mulieri Lac deficiat, quia grauida est, non est semper malum. Vbi autem Lac deficit, solet in communi esse consuetudine, vt nutrix statim mutetur, quod certe remediū saluberrimū semper est, verumtamē sepe fit, vt hoc remediū nō possit adhiberi, vel non sit vtile, idēdō maxime erit vtile, intelligere qua ratione Lactis defectus possit restitui.

### *Curatio.*

**I**N eo agendo duplices sunt scopi: vnus est, vt causæ omnes lac diminuentes aboleantur: alter verò est, vt sanguis ad mammas, vbi fit Lac, trahatur. Hi duo scopi adimplentur potissimum victus ratione, adimplentur etiam pharmacis, itaque primo diligentes esse debetis, vt victum nutrici instituatis. Et primo, erit Aer temperatus, vel eligendus, vel efficiendus, quod autem aer maximè conferat, testis est Aristot. 3. Histor. animal. 21. & Alb. Mag. 3. de Animal. 9. Qui omnes dixerūt, esse Regionēs quasdam, in quibus etiam pecora maximum Lactis prouentum habent, vt dicit Aristot. de l' pyro, Albertus de Frisia & Holandia. Hoc enim tamen in primis acceptum esse debet pascuis, pascua tamen hoc habent propter aerem, vt colligitur clarissime ex Hippoc. lib. de flatu. De somno quoque maxima est habenda sollicitudo, quia sicut vigilia Lac consumit, sic somnus lac prouocat & facit. Exercitationes moderatæ sunt adhibendæ, immoderatæ fugiendæ, quia corpus colliquant & sanguinem minuūt. Venus quoque, si quid aliud, nutrici inhibenda est, quia vel grauida fit, vel ipsi prouocantur menses, vtrumque enim horum maximè lac cōsumūt. Dicebat Arist. loco citato, si bruta absineant à coitu, diutius lac conseruāt. Circa *Cibum & potum*, debetis esse diligētes, & primò  
circa

circa potū, vt abſtineāt à vino craſſo & generoſo, quia vt habet Ariſto. lib. de ſomno & vigilia cap. quarto, vinum generoſum & nigrū maximè inimicum eſt nutrici. Debet etiam potus eſſe moderatus, vni pauciferi, albi & tenuis. Neque exiſtmetis, quod putāt vulgo, ex vino videlicet fieri lac, quia hoc eſt falſiſſimum. Si quidem habet Galenus 5. ſimpl. & Ariſto. 4. Meteo. naturam Lactis eſſe aqueam & terream, naturā verò vini aqueā ſolum. Siquid autē confert potus vini, confert, quia eſt vehiculum ſanguinis ad mammas. Cibus qui conuenit nutrici, vt habet Galenus 5. ſimpl. 21. & Auicē. 12. tertij tract. 1. cap. 21. eſt inquā cibus accomodatus nutrici, calidus, & humidus, qui optimos ſuccos gignit. Ideò panis optimè fermentatus conuenit, panis tam ex tritico quàm ex farre. Dicit aliquis veſtrū, an panis ſa baceus poſſit cōuenire ad generādum lac, quia Ariſtoteles loco cita to ſcribit, pecora ex vſu fabarum implere vbera: dico in brutis hoc quidem poſſe prodeſſe, quia mammas habent pendulas, inde à fabis faci' e' inſtātur & attrahitur lac, id autem nequaquam in mulieribus conuenit. Carnes caponum, vituli, oua ſorbilia, carnes omniū auiū: carnes autem ſylueſtrium non ita accomodantur, quia nimis exſiccant, & omnia exſiccantia ſunt fugiēda. Laudat Rhafis lac caprarū: lac etiam vaccæ, & ouium maximè conuenit præſertim ſi fiant pul tes. Et ſi quid eſt quod faciat vbertatem lactis, eſt pulſ ex lacte & aliqua farina: exēpli gratia, ex farina orizæ, aut Sefami, etenim farina huiusmodi in lacte coquitur, & fit pulſ, quæ maximè conuenit lactis vbertati. Butyrum maximè commendatur, ſed præſertim vbera co cta omnium animalium & manducata. Et ratio accipitur ab Auer. 5. Collec. 19. de Conferentibus ad membra, quo in loco ſcribit cōparatum eſſe à natura, vt propter ſimilitudinem membra membrislanguentibus conferāt. Exempli gratia, in ſtomacho languido maximè commendantur ventriculi animalium, & præſertim gallinarū: in pul mone languente, pulmones. Sic quoque dicūt ſcriptores medici ad mammas ſeu generationem lactis cōuenire eſum mammarū. Auic. laudat, & ſemina papaueris, ſed notate quod aliàs vos docui, ea que impenſe refrigerant, nequaquam conuenire, & præſertim ſi ſola ad miniſtrentur. Si autem conuenit ſemen papaueris, conuenit vbi pro pter cauſam calidam defectus lactis eſt. Arabes omnes, & ēt Actius, Moſchio, Alb. Mag. laudant capita piſcium ſalitorum, rationem cer tē me fateor ignorare, tamen putandum eſt hos grauiffimos autores non temere id dixiſſe, ideò ſi cōueniunt, aliqua proprietate cōueni re poſſunt. Sed eſt quæſtione dignum, an pro lactis generatione con ueniat cibus ſalitis vti? Ex vna parte videt quod nō, quia Gal. & oēs Græci, item Auicen. iubent, vt mulieres abſtineant à rebus acribus, exſiccantibus & ſaliſis, id quod præcepſit etiā fuit Hipp. 1. de morb.

Mulieb. Est & ratio quod non conueniant, quia vt videmus salem consumere carnes, ita quoque putandum est lac consumi esu salitorum. x parte altera Moschio, qui quandoque salsam aquam adhibet, & Alb. Mag. dicit, esse Regionem quandam Bardanum vocatam, in qua pecora magnam lactis copiam habent, non alia ratione, quam propter pascua salsa: ita vt videatur hac ratione etiam conuenire posse vsus salforum. Dicerem ego & consulerem, salem adhibendum esse, vt potius condiantur dapes, quam secus, id est, vt abstineant nutrices à frequenti & multo salis vsu, & non adhiberem nisi tantummodo cum alijs, quæ temperant salsuginem. Et ratio est, quia moderatè salsa adhibita, præter iucunditatem maiorem, iuuant etiã ad penetrationem ciborum. Sic legimus apud Plutarchum in quæst. Apollonium Herophili Medici discipulum emaciatis homines impinguare solitum fuisse sale, id est salitis cibis, quia salita si modicè adhibeantur, sunt veluti vehicula ciborum, aut cunci, quibus alimentum partibus nutriendis affigitur. Atque hæc de victu. Deinceps videndum, quæ sit causa, quæ defectum lactis inducit: quia si sit causa natua, est abstinendum à pharmacis, ne frustra laboret Medicus, & nullum est consilium, nisi vt mutetur nutrix. Si verò causa sit aduentitia non naturalis, examinandum est quæ sit causa. Quod si in causa sit obstructio vasorum, conandum est omnino deobstruere. Idcirco purgandum est primò moderatè corpus: deinde adhibenda sunt quæ sanguinem ad mammas attrahunt, quæ aperiunt. Et notate me dixisse, moderatè purgandum esse corpus, quia in nullo casu debet medicus vti valde purgantibus, quia valida medicamenta, vt purgât corpus, ita quoque sanguinem colliquant, & imminuunt lac: idcirco nunquam vtendum est medicamenti validis. Itaque licebit purgare corpus hunc in modum:

℞. Mellis ros. solut. vnc. iiii. vel v. pro capto mulieris: quod quidem capiat horis quatuor ante cibum. Postea erit vtendum syrupis, quibus possitis deobstruere: vt

℞. Fol. Foeniculi, smirniij, Pulegij ana p. s. scm. rapæ drach. ij. Fiat decoctio secundum artem: deinde

℞. Dictæ decoctionis vnc. iiii. Oximel. simp syr. de Eupato. ana vnc. j. Misce. Et notandum est, quod vbicunque nutrices purgare vultis, semper misceatis cum alijs medicamenta ea, quæ facultatè lactis generatricem augment. Postquam humores erunt præparati, erunt expurgandi, & sufficiet hæc expurgatio: vt

℞. Electuarij lenit. drach. vj. Mel. rosati solut. vnc. iij. Decoctio. cordial. q. s. Fiat potus. Postquam autem aperta erunt obstructiones, superest vt & intrinsecus & extrinsecus adhibeantur, quæ possunt sanguinem ad mammas prouocare. Inter cætera Paulus Ægineta lib. i.

ca. 4. commendat, neque immeritò, vt Mammæ ipsæ fricentur, vt ip-  
sis etiam apponatur cucurbitula citra scarificationē, quia talia auxi-  
lia aperiunt vasa mammarum, & etiam prouocant & deducūt lac ad  
mamillas. Præter hæc, sunt alia, quæ in vsu habentur medicamentis,  
vt si brodium fiat, de quo capiat nutrix sex vel octo vncias, & eodē  
etiam abluat mammæ: vt exempli gratia :

℞. Sem. Fœniculi, Porri, Erucæ ana drach. ij. macis drach. j. fol. mal-  
ux p. s. bulliant in brodio parui pulli. Cum hoc brodio abluantur mām-  
mæ, & etiam de hoc sumat. Sed hic non contemnēda est difficultas,  
an verè conueniant ea quæ dixi, vt fœniculum, apium, macis, & alia  
quæ numerantur inter generantia lac à Galeno : & ratio dubitatio-  
nis est, quia vt habet quint. simp. 2. 2. & Arist. 4. de Generatione ani-  
malium, ea quæ prouocant menstrua, destruunt lac: quod autem hæc  
prouocent Menstrua, testatur Galenus. Est etiā autoritas Auerrhois  
septim. Collecta. capite quart. quo in loco scribit, omnia ea quæ pro-  
uocant vrinam, prouocare et menstrua. Sed apiū, fœniculum, &c. p-  
uocant vrinam: Ergo & menstrua, & per consequēs non cōueniunt,  
quia destruunt lac. Dico, ea, quæ prouocant menstrua esse duplicia:  
vel enim vehementiora sunt, vel mediocria. Si sunt vehementiora,  
vt calida & sicca in tertio gradu, dico quod omnia hæc destruunt  
Lac, quia impense exsiccant sanguinem, & consequenter lac consu-  
munt. Si autem accipiantur ea, quæ moderatè calefaciunt & siccāt,  
dico quod hæc non destruunt lac, sed promoueant, vt sunt præscri-  
pta. Ratio est, quia quæ sunt debilia, tametsi modicè aperiāt, tamen  
modica aperiendi facultas confert ad Lac producendum, quia san-  
guinem menstruum attrahunt ad mammæ. Idcirco parua apertio  
sufficit, cum attractione mammarum ad deducendum sanguinem ad  
mammas. Modica autem apertio aut parum, aut nihil facit ad pro-  
uocationem menstruorum, quia vterus non trahit sanguinem men-  
struum, sed sanguis detruditur à facultate expultrice ad vterum. Et  
tamen vnum est aduertendum, quod solus Paulus videtur animadu-  
uertisse, scilicet vt hæc medicamenta quæ iuuant, & lac generāt, par-  
cè adhibeantur, propterea quod licet non adeò exsiccant, exsiccant  
tamen, & ratione exsiccationis, valde inimica sunt lactis generatio-  
ni. Atque hic est modus prouocandi lac in mulieribus, in quibus ob-  
structa sunt vasa. Quod si qua alia ratione lac deficit, tū diligēter exa-  
minandū est, quæ sit illa causa, nam si sit febris ardens, vel pestifera,  
vnus est scopus, vt primo illa febris è medio tollat: deinde sublata fe-  
bre, ea adhibeātur, quæ generant lac, & id perducūt ad māmæ. Ego  
in his casibus, qui sæpissimè contingunt, vt nutrices egeāt lacte, vtor  
post sublatā febrim brodijs caponū, in quibus coquo semen raparū,  
& semen porri, & præter hoc brodium, vtor hac confectione: vt



℞. Nucleorum pini, Amygd. dulciū, ana vnc. j. sem. petroselini, feniculi, raparum ana drach. j. Pulueris Vermium terræ vino abluti drach. ij. sacchari quantum sufficit. Fiant Rotulæ. Et notate omnes ferè Medicos commendare vermes terræ, & Græcos & Arabes, eò quod sit medicamentum experientia cognitum ad generandum Lac. Exhibendum summo mane ad quantitatem vnus aut alterius drachmæ, & post potetur vinum mediocre, vel brodium prædictum. Sic etiam in his casibus maximè conueniunt Balnea, administrata ipsis mammis, quæ fiunt ex cytiso, malua, lactuca, vel in brodijs coctis, vel in vino modico, vel in aqua salsa. modo non sit valde salsa. Quia, vt est sententia Moschionis, aqua si non sit valde salsa, aperit citra exsiccationem, ideò ipse incoquit mollientia, vt est malua, cytissus. Si aliqua intemperies in causa sit, vt in corpore Lac non fiat, est primò vigilandum, vt ea intemperies tollatur: deinde studendum est, vt sanguis ad mammas trahatur, vt Lac gignatur. Tollitur intemperies per contraria, vt si intemperies calida fuerit, conueniunt brodia frequenter exhibita, in quibus Lactuca, Acetosa, Endiuiia coquantur: similiter Lactuca saccharo condita, & tandem omnia illa, quæ intemperie calidam corrigunt. Conueniunt etiam Balnea aque dulcis, & ea quæ mammis imposita, intemperiem ipsam corrigunt. Quod dixi de intemperie calida idem quoque dicendum est de frigida, vt scilicet per ea tollatur, quæ calefaciunt. Adhibenda intrinsecus & extrinsecus, quæ calida sunt, & sanguinem ad mammas trahunt, vt est decoctum ex Aniso, feniculo, semine Rapæ & Erucæ: hæc omnia conueniunt in intemperie frigida, & maximè lac ad mammas trahere possunt. Quod si præter intemperiem, causa defectus lactis fuerit vitium sanguinis; omni studio innitendum est, vt sanguinis vitium remoueatur, quo facto administranda sunt ea, quæ sanguinem ad mammas trahunt. Et vt exemplum habeatis, si cognoscatis sanguinem biliosum esse, primum instituta victus ratione lenietis aluum hoc modo:

℞. Floris Cassiæ vnc. j. elec. de sebesten, sine scammonio drach. iij. Misce cum saccharo quantum sufficit, fiat bolus, & capiat hora vna ante cibum. Lenita aluo humores sunt præparandi hunc in modum.

℞. Folio. maluæ, lactucæ ana. m. j hordei p. s. semin. cucum. drach. iij. Fiat decoctum secundum artem: deinde

℞. Decoction. vnc. iij. syr. de endiuiia, de suc. boragi. ana vnc. j. misce. Sic præparabitis humores sex, aut septem diebus nulla sectione venæ habita ratione, quia nunquam in defectu lactis curando, mittendus est sanguis. Postquam humores erunt præparati, deinde purgandi erunt, non quidem medicamentis validioribus, quæ semper nocent, sed mitioribus, quemadmodum.

℞. Rha-

℞. Rhabar. infusi & expressi secundum artem scrup. iiii. syr. rosati soluti. mannæ electæ ana vnc. j. s. decoction. cordial. q. s. Misce & fiat potio: capiatur hora consueta. Postquam ita purgatum fuerit corpus, deinde satagendum est, vt Lac ad mammas trahatur: hoc fit tū brodijs quibusdam intra & extra administratis: tū inūctionibus. brodium autem tale erit: vt

℞. Cicerum rubro. p. j. semi. anisi vnc. s. lactu. citrulli, cucumeris ana drach. ij. bulliant in brodio: deinde

℞. Dicti brodij vnc. vij. vel viij. Ego vtor & cum successu, brodio simplici, cum succo sem. melonum & sem. citrulli. Brodio prædicto poteritis continuo mammas fouere cum spongijs, nam illo foru aperiuntur cauernæ mammarum, & trahitur sanguis ad ipsas Si sanguis fuerit pituitosus, eadem ratione erit conandum, vt primum alius leniatur hoc modo: vt

℞. Specierum Hierę drach. j. Diacatho. electua. lenitiui ana vnc. s. Misce cum saccharo fiat bolus Lenita aluo, sic deinde præparantur humores:

℞. Sem. anisi vnc. s. eruce, porri, rapę ana drach. j. s. bulliāt in aqua communi: &

℞. Dictę decoctionis vnc. iij. mellis rosati simpl. syr. de beton. an. vnc. j. misce. Postquam humores fuerint præparati purgabuntur leui medica. mento, quale est istud:

℞. Mellis rosati solut. vnc. ij. Diacatholi. drach. vj. decoct. cordial. q. s. Fiat potus, & capiatur hora solita. Postquam expurgati fuerint humores, similiter erit prouidendum aliquibus decoctis, aut alijs rebus extrinsecis, vt sanguis prouocetur ad mammas. Hęc confectio probatur in affectibus pituitosis: vt

℞. Sefami vnc. j. amygd. nucleo. pini an. drach. vj. sem. rapę, eruce an. drach. j. s. Contundantur & cum melle optimo despumato, fiat mixtura. Huius mixturę capiat drach. j. vel alteram duabus horis cū ante prandium, tum ante coenam. Deinde superpotetur vinum album, vel el brodium: & hoc experiemni Lac ipsum maxime prouocare. Vtor quoque mentha in lacte decocta & mammis ipsis in formam emplatri apposita. Sed aduertendum est, quod dixit Galenus, ne in hoc casu decipiāmini, ne scilicet videntes pituitam redundare, adhibeatis remedia calida & sicca, quia, vt monet Galenus, in omni casu hęc sunt vitanda, quia vt exsiccant humores, ita & sanguinem & Lac consumunt. Hęc est ratio vniuersa,

qua poteritis vti, vbi Lac deficit, ad ipsum prouocandum.

*De lactis abundantia. Cap. II.*

**S**EVITVR aliud vitium non contemnendum, & est lactis abundātia: nā vt lactis defectus mirificē incommodat, ita dicebat Auicenna, Lac vbi superfluū est, valde nocet & ægitudines facit. Vitium hoc apud Dioscoridem lib. 2. cap. 212. vocatur *σπαργάνωσις*, si cut & mammæ, quæ hoc vitio laborant, ab eodē dicuntur *σπαργάνωσις*. Sunt qui credāt mammas à lacte valde distentas à Plinio lib. 31. cap. 6. vocatas esse mammas sororientes: Sed placet mihi, vt placuit Cornario doctissimo, vt significant ibi ingentes mammæ. ait. n. Festus sororias mammæ dici puellarum, cum primum tumescunt *Σπαργάνωσις*, seu lactis abundantia est vitium, quod quidem nō modo lædit infantes, verū etiam & mulieres & mammæ. Quod lædat nutrices, clarum est, quia ex multitudine Lactis valde distenduntur mammæ, & interdum non modo dolent, verū etiam inflāmantur. Id quod etiam Serenus Medicus antiquissimus annotauit, cum scribit, vbera ob nimiam lactis copiam, sibi ipsis valde nocere. Quod autem hæc copia lactis pueris obsit, habetis locupletissimum Aristot. testimonium 7. de Histor. animalium in fine, vbi scribit, pueros sæpè conuulsiones pati ob nimiam lactis boni, & pinguis copiam: Quod Rabi Moyses nono Aphorism. in fine, miratur non obseruatum fuisse à Galeno. est & hic locus tactus à Lucretio in primo de natura, vbi scribit, lac merum sæpè etiam teneras capellas dementare. Sed dicetis, qua ratione fit vt lac bonum & pingue, possit propter multitudinem puero nocere. Duæ causæ concurrunt, vt offendantur pueri: vna est, quia, vbi lac pingue, iucūdum & copiosum est, magno impetu trahitur à puero, vnde fit vt faciliè corpora tenera repleantur, repleta deinde conuellantur. Alia causa est, quia nerui puerorum debiles sunt & infirmi, vnde à magna illa lactis vi faciliè percelluntur: itaque non est dubitandum verum esse quod scribit Aristoteles, ex lactis videlicet boni abundantia sæpè affici pueros maximè. Sed dicetis. Cum lac & semen ferè sint soboles eiusdem molis, scilicet sanguinis, cumque semen, vt lac etiam, ob nimiam copiam noceat, vellemus scire, an eadem ratione lac copiosum, & semen copiosum noceant. Dico diuersa ratione id fieri, quia Lac præ sua copia detētum in mamillis, crassescit, crassefactum corrumpitur, corruptum exulcerat & morbos varios (vt dicit Auicēna) parit. At semen, quanquā sua copia noceat, alia tamen ratione, quia vt docet Galenus 6. de Locis Affec. 5. retentum semen, non modò corrumpitur, verum etiam inimicam & venenatam qualitatem contrahit. Dico hæc ex sententia

tia Galeni, quoniam suum alterius opinionis, scilicet, nequaquam fieri ut possit semen adeo venenosum euadere. Nam scimus traditum esse a veteribus medicis, ab Hippocrate, & alijs, ut docet Plutarchus lib. de tu. sanit. tria maxime conducere ad sanitatem tuendam, scilicet exercitationem corporis, moderantiam in cibo atque potu, nec non etiam conseruationem seminis. Quod sane non præcepissent veteres Medici, si potuisset semen retentum tot mala facere. Sed alias de his copiosius. Igitur redundantia lactis est vitium, quod quidem mulieribus proprium est. Dico proprium mulieribus, quia licet Aucenna videatur sentire, etiam in viros hoc vitium cadere, tamè proprium est ipsis mulieribus, & præsertim quando pepererunt, & quando menstrua sunt suppressa, quo tempore interdum vbera præ lactis copia adeo distenduntur, ut non possint lac sustinere, & incredibilia tormenta patiantur. Dicit Arist. 7. Histor. animalium. cap. 11. interdum adeo crescere lac post partum, ut non tantum per papillas, verum etiam per tota vbera, & alas defluat. Itaque si lac spontè diffuat præ copia, symptoma est in genere excretorum immodicè fluentiū. Si verò lac non fluat, sed retineatur, est causa morbi in magnitudine scilicet humorum, inflammationum, & aliorum malorum.

### Causa.

**A**bandantia lactis causa nulla est alia, quàm copia sanguinis: fit verò sanguinis copia in mammis, aut quia in toto corpore copiosus gignitur, aut quia non demandatur sanguis à natura, quo deberet mitti. Cur verò sanguis copiosus gignatur, nulla est potior ratio, quàm copia ciborum & potuum, præsertim eorum, qui calidi sunt & humidi, & qui optimum succum habent. Adhæc copia sanguinis nascitur ex multo otio, ex balneis, & tandem ex omnibus ijs, quæ sanguinem multiplicare possunt. Sunt præter hæc aliæ causæ sanguinis abundantia, & inter alias sunt herbæ quædam, quas dicit Albertus comestas copiosum lac generare. Sunt etiam quædam naturales proprietates, propter quas sicut in brutis, ita etiam in humano genere fit lactis abundantia. ut dicit Hippocrates, lactis inopiam interdum ex hac eadem proprietate oriri.

### Signa.

**S**IGNA lactis abundantia per se manifesta sunt, & visu & relatione mulierum satis aperte cognoscuntur.

*Prognostica.*

**P**ROGNOSTICA sunt, quod si lac abundet, & spontè effluat, nihil mali portendit: si verò lactis copia retineatur, multa mala minatur, & præsertim tumores, inflammationes, & ut ait Aetius, vlcera praua. Habetis apud Hippoc. 1. Epid. 2. exemplum illius mulieris, quæ ubi lactabat, semper vlceribus plena erat, quod potissimum tribuendum est ipsius lactis copię, ob quam corrumpebatur.

*Curatio.*

**V**nde itaque non pauca sint mala, quæ propter lactis nascuntur abundantiam. studendum est omnino, ut tempestiuè hisce malis occurratis: pro quo duo sunt scopi. Vnus est, ut id Lac quod excedit, dissipetur, exsiccetur. Alter, ut luxuries naturæ in gignendo lacte cōpescatur. Primus scopus adimpletur medicamentis exsiccantibus, & discutientibus. Secundus ijs, quæ impetum sanguinis ad mammas repellunt, vel alio deflectunt: hi sunt scopi Medicis instrumentis adimplendi. Et primò Dīx̄ta, in qua ante alia eligendus venit Aer frigidus & siccus, aut potius calidus & siccus. Sic enim experimento comprobatur, Aestate & Autumno lac minus abundare: sic etiam cognitum est Athiopas lactationē citius finire. Vigiliæ conueniunt potius quàm somnus. Corpus valde exercendum, currendum & fricandum, & omnibus laboribus conterendum. Inedia omnis utilis & euacuatio, modò tamen prudenter efficiatur. Potus exiguus esse debet, quantum fieri potest; Aqua sit potus, vel simplex cocta tantum, vel cui incoctum sit semen Rutæ, aut agni casti, quæ & Lac & semen consumere putantur. posca etiam conuenit pro potu, quā sciimus veteres interdum pro potu vsos fuisse. Cibi similiter pauci & qui vel paucissimum, vel nullum exhibent alimentum, ut panis furfuraceus, panis ex Zea, ex Melga, quem intellexistis Alb. dixisse Lac in brutis minuire: Herbæ omnes conueniunt: pisces, carnes auium siccæ & aridæ conueniunt, & intinctus ex Aceto, Cumino Croco. Nam mulieres nostrates doctæ longa quadam experientia, ubi volunt Lac exsiccare, appendunt sibi Crocum, aut Cuminum, quæ licet id facere exilimentur propria quadam virtute, tamen efficiunt etiam quia exsiccant. Et Cuminum à natura hac facultate donatum est, ut à sese sanguinem repellat, propter quod legimus apud Pliniū lib. 26. cap. 14. veteres vsos esse Cumino ad conciliaudum vultus pallo-

pallorem. Quod ad aliud spectat medicum instrumentum chirurgiæ, hoc etiam in huiusmodi curatione accommodatissimum est, quia si Lactis copia sit ob sanguinis redundantiam, proculdubio misso sanguine, minuitur generatio Lactis: Et ego in multis mulieribus, quæ maximè luxuriant in gignendo lacte, nullum magis præsentaneum remedium inueni, quàm crebro sanguinem mittere. Est locus aptissimus missioni sanguinis, vena communis, per quam plenitudo exinanitur, postquam sectio saphenæ est utilis, non solum quia sanguinè euacuat, verum etiam quia prouocat menses, quibus prouocatis deflectitur cursus sanguinis à mammis ad vterum, idem quoque præstant Cucurbitulæ scarificatæ, & non sacrificatæ appositæ cruribus, & coxis: De tertio instrumento, videlicet Pharmacia, id statuo, medicamenta euacuantiæ seu purgantia, aut nullum, aut exiguum adferre adiumentum: ratio est, quia hoc, quidquid est mali, ortum ducit à sanguinis redundantia. Purgatio quidem malos humores tollit, sed sanguinis copiam minimè minuit, aut si minuit, id facit corporis maximo detrimento. Propterea potius conueniunt ea medicamenta, quæ exsiccant, vel quadam vi propria dicuntur lac ipsum cōsumere. Vtor ego intrinsecus huiusmodi decocto: vt.

℞. Sem. Cynini scrup. j. agni casti scrup. ij. Granorū melgē drach. j. misce, contundantur & in brodio bulliant. Huius brodij mane, & vespere potentur hora vna, aut altera ante cibum, vnc. vii. vel viii. Vtor etiam medicamento quodam, quod ab Arabibus commēdatum est, factum ex lacte, Croco & Muria. exempli gratia.

℞. Lactis vaccini vnc. iij. murie vnc. j. Croci subtil. puluer. scrup. j. misce, & summo mane potentur. Intrinsecus medicamenta frigida minimè conueniunt, præsertim si immodicè refrigerent, quia vt, & Auerrhoes dicit prudenter, cauendum est, ne dum mala tollere cupimus, etiam calorem natium euertamus. Extrinsecus similiter cōueniunt multa remedia, fomentationes, ablutiones fumi, seu suffumigationes, & inunctiones: Serenus medicus laudauit acetum acerrimum, quod quidem conuenit suffumigatum; nam accipiuntur late res igniti, super quos spargitur acetum, & mammis supponuntur, vt fumum recipiant. Similiter si abluamus aceto, nec tantum acetum, verum etiam fex aceti maximè prodest, si in forma emplastri superponatur mammis. Hoc enim remedium præterquam quod commēdatur à Medicis antiquis, à me etiam vsu efficacissimum, probatum est. Si mammæ præ lactis copia inflammentur, aut doleant, modus curandi erit, vt à principio adhibeantur illa, quæ à virtute frigorifica repellunt & inflammationem sedant: vt si folia lactucæ, semperuiui, nymphæ, papaueris ponantur super mammas, & frequenter mutantur: aut etiam si nymphaea, aut semperuiuum incoquantur lacti,



& ad formam emplastri redacta, mammis applicentur. Auicenna cōmendauit caneros fluuiatiles exsiccatos & aceto maceratos, quos tamet si dicat proprietate conuenire, conueniunt tamen & vi, & facultate exsiccatoria. Sed quando non adest dolor, aut est mitissimus, sed dato dolore & inflammatione, conueniunt ea medicamēta, quę magis exsiccare & dissipare possunt. Hoc medicamentum, seu emplastrum erit accomodatissimum.

℞. Far. lentis, lupinorum ana lib. s. sem. cymini, rutę subtil. pulueris. ana drach. ij. aceti acerrimi q. s. Fiat emplastrum. Theodorus Priscianus Medicus antiquissimus, & grauissimus, commendauit in his casibus alumen scissum, coriandrum: addit Aetius & Psyllium. Sed hoc loco duo sunt vobis animaduertenda: vnum est, sæpē mulieres alioqui benē valentes, nec etiam multo lacte abundantes requirere, vt lac ipsis deficceretur, eò quod ob lasciuiam velint lactationis molestias euitare, quo in casu cogemini interdum inuiti huiusmodi mulieribus inseruire, propterea necessarium erit, vt habeatis parata aliquot medicamenta, quę hoc facere possunt citra detrimentum corporis. Dixi vobis Cyminum & Crocum si appendatur collo, hoc efficere: idem quoque semen Agni casti præstat, propter quod in primis debetis huiusmodi medicamenta experiri, vnā cum inedia. Quod si vobis non succedat optata consequi, habetis aliquot remedia à veteribus, & recentioribus comprobata. Et ego soleo vti hoc brodio extrinsecus:

℞. Sem. psyllij, agni casti ana drach. ij. Cumini drach. j. s. Aluminis scissi scrup. ij. brodij lib. j. bulliant ad consumptionem quartę partis, semper miscendo cum spatula. Deinde cum spongijs abluantur māmę, nec solum confert abluere, imò maximè hoc præsentaneum est, spongijs hoc brodio imbibijs super mammas detinere, quę etiam spongię aceto acerrimo imbutę, & detentę super mammas, mirificè prosunt. Et vobis volo præparare medicamentum, quo statim dissipabitis Lac, & nihil aliud est, nisi vt capiantur spongię recentes, & acetum cui incoctum sit Cuminum, deinde madefacietis spōgijs istas in aceto, & detineatis arctè ligatas super māmę, videbitis vna nocte statim Lac dissipari, modo tamen per biduum, aut triduum vtētus saltem tenuissimus seructur. Aduertendum vnum est, quod & bi hæc medicamenta administrantur, aut alia, si non succedat Lac statim dissipari debetis curare, vt per longa spatia Lac exugatur ē māmīs. Dico per longa spatia, quia si frequenter exsugantur māmę, nihil profuerit medicamentum, quia quātum per medicamentū exsiccat, tantundem per exsuctionem attrahetur, quod si etiā nihil exsugeretur, periculum esset interdū ne Lac ipsum corruptū euaderet. Confert etiam ad hoc vnguentum diapopuleon, cum cumino illitū  
 ipsi

ipsis mammis, vnde potestis intelligere, Medicos interdum necessariò cogi, vt Lac ipsum consumant & minuât. Vnde miratus sum Cornarium virum alioqui doctissimum, qui in 7. Commen. (ni fallor) cap. 5. vt suo spiritu loca quædam Galeni immutaret, dicebat Medicos nunquam Lac minuere. Alterum hoc in loco aduerrendum est, an vbi mammæ dolent, sit exugendum Lac. Etenim ex vna parte est Actius, qui clarè præcepit, nequaquam exugendum esse, quia quanto magis exsugetur, tantò sit maior lactis & sanguinis attractio, & cõsequenter augetur dolor & inflammatio. Ex altera parte sunt Medici multi recentiores, qui scribunt omnino per interualla dolentibus Mammis lac esse exsugendum, adducti hac ratione, quod scilicet dolor spontè trahat sanguinem, & Lac multiplicetur: vnde nisi minuat, periculum imminet ne vsque adeò crescat Lac, vt malum augeatur. Vos autem, vt ex istis difficultatibus vosmetipsum liberare possitis, debetis primò attendere, an mulier, quæ abundat lacte, sit assueta lactare, an insueta. Si sit insueta, omnino dolentibus mammis est abstinendum ab exsuctione, & ratio est, quia præter dolorem mammarum, additur & alter, qui necessariò sit inassuetis. Quod si mulier sit assueta lactare, debetis iterum considerare, an copia lactis sit moderata, ita vt excedat moderatè, aut si excedat immoderatè. Nam si moderatus sit excessus, ita vt extendantur quidem mammæ, sed nõ immodicè, abstinendum est ab exsuctione, & vtendum est solis medicamentis, quia sperandum est solis medicamenti eam extensionem posse curari. Quod si immodica sit illa extensio, tum proculdubio etiam si doleant mammæ, aliquantisper etiam exsugendum est Lac. Et quia solet fieri exsuctio duobus modis, vel instrumento quodam ad id fabricato à mulieribus, vel à paruulis, aut mulieribus. Probo ego, vt non hoc instrumento fiat exsuctio, sed potius à muliere cordata, vt prudenter & leuiter exsugatur, ita vt etiam dolorem non augeat. Atque hæc de vitijs in quantitate.

*De mutatione lactis secundum qualitatem. Cap. III.*



**E**QUITUR vt de lactis mutatione secundum qualitatem tractemus, quod vt facilius consequi possitis, ad memoriam sunt vobis reuocandæ lactis optimi conditiones: quæ, vt docuit Galenus 1. de Tuenda Valetud. & Paulus, omnes summam quatuor sunt. Vna est dulcedo, alia est candor, tertia odor, quarta & postrema media quædã consistentia inter fluidum & crassum. Quare, vbi Lac his qualitatibus priuatum est, necessariò vitiosum fit: nam siue fiat acre, aut acidũ, aut amarum: siue fiat crassius, aut fluidius: siue malũ odo-

rem fufcipiat, fiue etiam nigrum, aut rubrum euadat, proculdubio lac à fua integritate deficit. Vnde, quod antea dixi, facilè patere poteft Ariftotelem erraffe, qui Lac liuidum præ cæteris commendare vifus eft. Primum de mutatione lactis fecundum odorem, faporem & colorem, tractabo breuiter lōgior autem nobis erit fermo de mutatione fecundum craffitiem. Neque dicat aliquis veftrum, huiusmodi lactis mutationem non eſſe inter mulieres affectus, eoquòd mulieres ipſæ nequaquam videntur lædi, quia licet corpora ipſarū mulierum non lædantur, tamen læditur optima nutritio infantis: nam vt dicebat Actius & prudenter, infantes vitioſo ſanguine nutriti, ſepè veniunt in extremam perniciem. Sunt iſti affectus ſymptomata in genere mutatorum excrementorum, quia excrementum illud vtile, lac ſcilicet, non eſt tale, quale eſſe deberet.

*Cauſa.*

**S**UNT cauſæ ſymptomatum aliæ internæ, aliæ externæ. Internæ naturales ſunt omnes intemperies, à natura datæ, & præſertim intemperies lecoris, calida, & ſicca, nec immeritò. quia cum lac gignatur ex ſanguine, in lecore autem fiat ſanguis, proculdubio cum temperies lecoris, à qua naſcitur facultas ſanguifica, eſt vitia- ta, neceſſariò vitiatum ſanguis, & conſequenter Lac efficitur vitiatum. Itaque Hippocr. 4. de Morbis dicebat, Lac fieri impurum tum ex mala corporis nutriticis temperatura, bilioſa, melancholica, pituitoſa, ſanguinea: tum ex prauis cibis, quo deinde Lacte nutritos pueros Veſicæ lapide tentari. Cauſæ aduentitiæ internæ ſunt pariter intemperies lecoris, ac Apoſtemata Mammarum & tandem omnes illæ, quæ ſanguinem vitiare natæ ſunt, vt ſunt animi omnes vehemens motus, nimia corporis exercitationes, nimia libido, potus aquarum prauarum: Cibi prauis, vt ſunt, Carnes putridæ, ſalitæ, porrum, allium, coepe: Aromata etiam ſi nimis adhibeantur, vitiare lac ſolent: ſed præſertim lac vitiant Cibi prauis, vt dixi, herbe prauæ. Scribit Galenus lib. 3. de Alim. facult.

15. hiftoriam illam de infante, qui cum mutaret priorem nutriticem, & alteram veſcentem malis herbis ſuxiſſet, totus prauis vlceribus repletus eſt.



*Signa.*

**C**OGNOSCUNTUR hæc vitia tribus, ipso lacte, infante, & Nutrice. Indicia quæ capiuntur à Lacte, vt docuit Aetius lib. 16. cap. 36. sumuntur, vel à visu, vel ab odoratu, vel a gustu. A visu capiuntur indicia hoc modo; Linthea candidissima immergantur lacti, & siccantur in umbra, postquam siccata sunt, referunt colorem lactis, qualem habet Si lac sit biliosus, videbitis linthea illa flauescere: si sit melancholicum, nigrescere: si pituitosum, videbitis maculari veluti fannie illa linea. Ex odore comparantur signa, si lac calidum naribus opponatur, vbi namque vitiatum erit, statim aliquem odorem prauum, aut virus percipietis. Ex gustu similiter habentur indicia, quia sentietis lac amarescere, vel acidum saporem habere, vel aliquem alium diuersum à dulci. Porro ex Infante cognoscuntur vitia Lactis: siquidem vbi videritis infantem vberimè sugere, nequaquam tamen quidquam proficere, sed emaciari, carnes flaccidas habere, plorare multum, parum dormire, vbi inquam videbitis hæc, argumenta erunt vobis Infantem vitioso lacte nutriri. Ex muliere denique signa habentur. quia vbi videbitis mulierem, vel pituitosam, vel melancholicam, vel biliosam, ebriosam, libidinosam, iracundam. statim intelligere poteritis, fieri non posse, quin lac eius sit vitiatum.

*Curatio.*

**C**URATIO horum vitiorum tota posita est in sanguinis correctione. & in sanguinis optimi generatione. Sanguis potissimum emendatur, & bonus euadit ex optimo victu: vt iure dictum sit ab Aetio, vitia lactis ferè solo victu curari debere. Vnde ante cætera studere debetis, vt à muliere auferantur omnes vehemētiores animi motus, omnes passionēs, nimix corporis exercitationes à Venere erit arcenda omnino: alius lubrica est seruanda, quia fæces si nimium detinentur, vapores emittunt, & lac contaminant. Vinum bibendum est, neque admodum debile, neque etiam generosum, sed odoratum. Sic Paulus libr. 1. cap. 4. & Aetius loco citato, foetorem lactis maxime omnium à vino moderatio emendari dicebant. Abstinentum est ab omnibus cibis acribus, salitis, mali succi, ab omni genere calidorum eduliorum. Optimo pane vtendum, optimis carnibus, & præ cæleris curandum est, vt fiat in muliere optima coctio, quia si cibus male coquatur, vix fieri potest, quin lac omnino vitiatum gignatur.

Post

Post victum institutum, videndum quæ sint intemperies, atque illæ corrigendæ sunt suis contrarijs, tum medicamentis internis, tum externis. Si pituitosa fuerit Mulier, atque intemperies frigida & humida, iam scitis, quibus debeatis medicamentis vti, quia docui vos, quid agendum in vnaquaque intemperie, vt scilicet per accommodata remedia tollatur. Sed dicetis, num semper conueniant hoc in casu medicamenta purgantia? Dico, si humores præui præter intemperiem, lac ipsum vitiant, omnino purgandos esse per medicamenta accommodata, sed parcè. Si verò humores vitati in corpore nō fuerint multi, abstinendū est à purgatione, hoc est quod dicebat Aetius, recusandas esse purgationes, præsertim vbi mulieres, dum lactant, eo vitio laborant. Ratio cur purgantia non conueniant est, quia medicamenta quæ purgant, auocant sanguinis impetum à Mammis, & consequenter lactis generationem non paruum minuunt.

*De lactis fluiditate. Cap. IIII.*



**V**o d si Lac fluidius sit quàm conueniat, proculdubio non parum infantes offenduntur.

*Causa.*



**T**huius affectus nulla est ferè alia causa, quàm intemperies humida, & frigida, cuius causa sanguis efficitur ichoroso, & subtilis, & ex sanguine ichoroso necessariò fit Lac aqueum, & fluidum valde.

*Signa.*



**O**GNOSCITVR lactis fluiditas (vt docet Aetius) tribus, vno, si lac ipsum super vnguem ponatur, vbi namque statim diffuset, colligendū est lac esse aquosum & fluidum nimis. Vbi consistit & manet, colligendū est fluiditate carere. Alterum, quo intelligitur lactis fluiditas est. Si pilum immergatis lacti, deinde attollatis, si lac fluidum est, statim à pilo excurrit, si sit mediocre, videbitis pilo adhærere. Tertium est coagulatio: curatur enim, vt lac per coagulum crassescat, deinde exprimenda pars caseosa & serosa. Si pars serosa multa sit, & caseosa pauca, proculdubio signum est lac esse nimis fluidum: potestis addere, & aliud signum ex infantibus, quando plurimum mingunt, & lintea valde madefaciunt, quod non aliunde proficiscitur, quàm ex nimia lactis aquositate.

*Curatio.*

**V**bi igitur occurrit vobis huiusmodi lactis vitium, corrigendum, & statim recurrendum ad victum instituendum. Instituatis autem victum eum, qui potest calefacere & incrassare. Vnde dicebat Moschio eas, quarum lac aquosum est, debere vinum potare, solidum cibum accipere, oua frixa, carnes assas, suillas, bubulas. pultes duras, pedes, & cerebella vitulorum, hædorum, agnorum, & tandem quidquid lac incrassare potest, ut sunt laganorum omnium genus, & pastitorum. Præter victum, corrigenda est intemperies frigida, & humida, calefacientibus, cum intrinsecus, tum etiam extrinsecus.

*Degrumesfactione, & caseatione lactis. Cap. V.*

**Q**UOD si lac sit crassius quam conueniat, innumera nascuntur mala, non modò ipsis infantibus, verum etiam ipsis mulieribus; propterea hæc tractatio magis exposulat diligentiam vestram: vbi namque lac crassius sit quam conueniat, duobus modis hoc fit, vel quia omnes lactis partes crassescunt, scilicet caseosa, butyrosa & serosa: vel solummodo duæ partes, scilicet caseosa, & butyrosa, serosa nequaquam. Vbi primo modo lac crassescit, dicitur hic affectus à Paulo *θρόμβωσι*: Latini Grumesfactio: Arabes appellant congelationem. Vbi verò secundo modo fit crassius, dicitur hæc affectio à Græcis *τύρνωσι*: Latini appellant caseationem & Arabes. Sed notate, non de fuisse antiquos, qui huiusmodi duos affectus existimarunt vnum, & eundem esse, quod tamen falsum est. Dubitare possit aliquis, an in *θρόμβωσι*, seu in congelatione verè pars serosa possit crassescere: & ratio dubitationis est, quia vbi videmus sanguinem extra vasa grumescere, aut congelari, videmus partem serosam separari, ita ut non appareat ipsa crassesceri. Dico dupliciter, vno modo quod Grumesfactio lactis, aut sanguinis in corpore, nequaquam assimilatur congelationi sanguinis extra vasa: & ratio est, quia sanguis extra vasa, priuatur, & spiritibus, & calore: in corpore viuente, qualiscunque fiat congelatio, nunquam materia congelabilis potest priuari ex toto calore, & spiritu, ut hinc pateat, non esse veram similitudinem. Altero modo potest responderi, quod tamen si pars serosa in sanguine extra vasa non crassescat, eo modo quo crassescit altera substantia, tamen & illa aliquantisper crassior euadit. Et cognoscetis hoc, si conferatis vrinam mox mictram sero illi, quod separatum est à sanguine, siqui-



dem proculdubio videbitis serum illud sanguinis crassius esse, quàm sit vrina, cum tamen sit vna eademque substantia. Qui affectus sint præter naturam lactis, grumefactio, & Cæscatio, conatus est Altimarus explicare, dicēs, hosce esse morbos in magnitudine, & numero. Sed cum hic nihil sit præter naturam, quod adesse non debeat, non possumus iure fateri morbum esse in numero; quemadmodum etiā non semper lac grumefactum magnitudinem auget. Vnde non video cur cogamur asserere esse morbum in magnitudine: sed hoc perpetuum est, esse excrementa mutata, quia siue Lac congeletur, siue grumescat, semper mutatum est hoc excrementum vtile. Vnde magis æquum videtur appellari symptomata in genere excrementorum mutatorum, quàm morbos, aut magnitudinis, aut numeri. Morbi, à quibus dependent hæc symptomata, sunt, vel intemperies Mammarum, vel ipsius etiam lactis: quæ intemperies fouetur, & quasi perficitur modo à copia Lactis, modò à crassitie.

*Causa.*

**G**RUMEFACCTIONIS Lactis clarum est esse causam frigus, intemperiem nimirum frigidam, quæ intemperies congregans substantiam Lactis, similem præ se facit atque gelu, siue frigus externum, condensans lutum, & alios liquores. Sed dubium est, an et possit lac grumefieri à causa calida. Fuchsius fuit omninò huius sententiæ, posse à causa calida fieri. Altimarus ex aduerso duobus argumentis probare conatus est, non posse fieri à causa calida. Argumentum primum fuit ex sanguine extra vasa congelato, qui cum solum congelescat ob frigus, videtur, inquit, debere etiam congelari in corpore lac ipsum solo. Aliud argumentum Altimari erat ex verbis Gal. quando dicebat, ex grumefacto sanguine oriri morbos frigidos, ut defectus animi, ex solutiones, pulsus paruos, & debiles. Quod si à sanguine congelato fiunt morbi frigidi, videtur rationi consentaneum (dicebat ille,) quod congelatio sanguinis, & Lactis fiat à frigido. Sed prorsus sum ego contrariæ sententiæ, & ad sentiendum contrarium impellor partim autoritate Auic. qui de lactis cōgelatione sermonē habens, docuit omninò etiam fieri à calido. Præter Auicē, auctoritatem, impellit me etiam Arist. ratio, in 4 Meteo. vbi dicit, aquea, crescere à frigido, terrea à calido: quæ simul terrea, & aquea sunt, uti Lac, à calido, & frigido. Ex quo discursu elicio, lac non solum à frigido, sed etiam à calido congelari. Ad rationes Altimari respondeo, exemplum sanguinis extra corpus positi non sufficere ad probandam suam sententiam, cō quod videmus etiam in ventriculo, & in pectore san-

re sanguinem grumefieri, vt in vulneratis apparet, nunquàm tamen asserendum est, in hisce locis posse sanguinem propter frigus grumescere. Neque etià aliud valet argumentũ, quia morbi illi enumerati à Gal. possunt consequi alias etià causas calidas, nã pulsus paruus, & debilis fit in febris hectica, in qua tamen calor est perpetuus: similiter syncope, & exsolutiones animi consequuntur interdũ febres ardent, ita, vt clarissimè appareat, hos affectus etiam posse à causa calida fieri, & proinde nihil valere eius argumentũ. Sit igitur hoc vobis cõstitutũ, grumefactionẽ lactis posse fieri in Mammis, tam ab intẽperie calida, quàm frigida. Nõ minus dubiũ est de caseatione lactis an scilicet sicut fit in mãmis à calido, similiter possit fieri à frigido. Ex vna parte est autoritas Hipp. 4. de Morb. vbi scribit lac congelari succo propter frigiditatem. Et vt sciatis, quid sit succus apud Hipp. non est vobis ignorandum, veteres cõsueuisse lac coagulare lacte ficulneo, quod lac ficulneum appellabãt *ὄτρῳ*. i. succum per excellentiã. Cũ igitur Hipp. in externa coagulatione, videat causam ascribere frigiditatem: ita etiã possumus iudicare, coagulari, & caseari posse lac in mammis, propter frigiditatem. Accedit etiam, & alia ratio, quia vt docet Alexãder 2. probl. 80. multa sunt qbus lac coagulãt, vt sunt, cyncũ, cinara, guttur gallinæ, inter quæ sunt aliqua, quæ potius refrigerãt, quàm calefaciunt. Quod si verũ est, videtur Caseationẽ quæ fieri posse à frigido atque à calido. Ex aduerso, est ratio, & autoritas. Ratio, qã vbi lac à coagulo caseat, id solũ fit opera caliditatis: quod si caseatio internã est similis veræ caseationi externæ, proculdubio videtur fieri a calido. Altimarus, qui hanc opinionẽ tutatus est, ad eam confirmandã, adduxit autoritatẽ Gal. 5. simpl. 13. vbi dicebat Gal. prouocãtia vrinã, idẽ facere quod facit coagulũ in Lacte. Nã primò fundunt ipsum sanguinẽ, fuso sanguine, partes crassę, & serosę segregantur, crassa manet, serosa verò, & tenuis excernitur, quod fit a prouocantibus vrinam in sanguine, idem fit in lacte a coagulo, quia caliditas coaguli. primò separat caseum a sero, deinde crassescit. Ex quo Gal. discursu probat Altimarus, aut probare se putabat, Caseationem lactis solũ posse fieri a calido. Sed præter hanc Gal. autoritatem, sunt & aliæ: Nam 3. de Alim. facult. cap. 16. scribit, Coagulum habere igneam facultatem: quam Galeni sententiam habet Aristot. 3. de Hist. animal. 21. & confirmat Auerrhoes 3 de partibus animal. 15. scilicet. Coagulum esse facultatis calidæ, & siccæ, atque igneæ. In hac difficultate, vt possitis esse certiores, nonnulla vos docebo, non vulgaria de coagulatione lactis, quæ, ne sitis vulgares medici, debetis diligenter advertere, quia nõ ita facîle ab alijs audieris. Coagulũ lactis, quod a Græcis dicitur *πυρόν*, aliud quidem est externũ, aliud internum ipsimet lacti a natura insitũ. Coagulũ externũ illud appello,

quod extrinsecus appositum lacti ipsum cogit, & caseari facit. Istud verò nihil aliud est, quàm, vt habet Aristoteles tert. de Hist. animalium 21. & 3. de Partibus animalium 15. Albertus Magnus lib. de Animalibus, & Auerrhoes in Comment. super 3. de part. animalium 15. nihil inquam aliud est, quàm Lac fermentatum, seu congelatū, vel substantia quædam alba, quæ reperitur in ventriculis eorum animalium, quæ solum altera parte dentata sunt, & quæ non vsa sunt alio cibo, quàm Lacte. Hæc est descriptio coaguli externi. Dixi in altera parte tantum dentatorum, quia Lepus, vt dicit Arist. loco citato, & Vrsus, vt docet Arist. 4. de Histor. animalium 3. habet quidem Coagulum, & sunt vtraque parte dentata animalia: verumtamen coagulum illud inefficax est. Dixi etiam non esse alio cibo vsa, quàm Lacte, quia vbi incipiunt animalia cibum sumere, herbas depascere, corrumpitur coagulum illud. Et vt omnia hæc diligentissimè intelligere possitis, debetis scire, animalia ruminantia, quæ ex altera parte sunt tantum dentata, habuisse à natura quatuor ventres, vt habet Arist. 3. de partib. animal. 14. Galenus 2. de natura humana 6. & 6. de Anato. administ. 3. qui Ventres idcirco ipsis fuere dati, quia cum propter carentiam dentium superiorum, non possent cibos optimè conficere, coacta est natura hoc machinari, vt possit cibus confici in pluribus ventribus. Et certè miror Gal. qui 6. de Anatom. administ. 3. dixit, hæc animalia non habuisse dentes superiores, quia debebant nutriri cibo solido & spinoso, nam hac ipsa ratione debebat potius natura facere non solum duos ordines dentium, imò tres, & quatuor. Sed spe ro ab excellentissimo Anatomico me præsentem vobis hæc demonstranda esse in ruminantibus. In horum quatuor ventrium vno, qui dicitur Omasus, reperitur hæc materia, id est, Lac istud fermentatū, quod coagulum dicitur. Nam quemadmodum mulieres, vbi volunt panem fermentatum conficere, conseruant pastam crudam, quæ acorem, & caliditatem quandam contrahit, vnde postmodum melior panis efficitur, sic Lac in hoc ventriculo conseruatum acorem quandam contrahit, & quandam caliditatem igneam, vnde commixtum deinceps lacti, caseationem facit. Atque hoc dictum sit de coagulo externo. Coagulum verò internum nihil aliud est, quàm substantia quædam calida & spirituosa ipsi Lacti à natura insita, vt scilicet Lac alioqui fluidum, possit in ventre, seu stomacho animalium concreescere: quandoquidem si Lac ita fluidum in corpore maneret, statim excurreret, non firmaretur, neque nutrirer: itaque vt possit firmari, indita est hæc vis coagulatoria, & caseatoria: atque hoc potestis clarissimè intelligere ex pueris ipsis, quos videbitis sæpè Lac ab ore mittere caseatum, quod non ob aliud est, nisi quia hac facultate in stomacho coagulatum est. Sed dicet aliquis, si caseatur Lac in ventriculis infantium,

zium, cur igitur Medici cum præbent Lac, valde cauent, ne in ventri-  
 culo coaguletur, imò verò refertur inter species lethalis veneni, si  
 lac in ventriculo coaguletur? Dico aliam esse hanc caseationem, quæ  
 fit propria facultate lactis: aliam verò esse eam coagulationem, quæ  
 cauent Medici, quæ scilicet fit à frigore, vel à nimio calore, & sicco  
 nimis indurante ipsum Lac. Cum igitur iam habeatis, quæ sit natura  
 coagulationis vtriusque, iam danda est vobis resolutio quæstionis.  
 An scilicet caseatio Lactis in Mammis possit fieri à causa frigida, vt  
 à calida. Pro qua resolutione sciendum est vobis, esse duplicem ca-  
 seationem. Aliam propriam, & veram. aliam impropiam. Propria  
 caseatio est illa, quæ fit, vel à coagulo interno ipsius Lactis, vel etiã  
 à vero coagulo externo: hæc semper fit à calido, quia, vt intellexi-  
 stis, natura ipsius coagulationis nulla est alia, quàm calida, & sicca.  
 Nam Aristot. lib. 3. de Histor. animalium 6. dicebat, sanguinem Cer-  
 uorum, & Leporum, non coire coitu firmo, sed potius fluido, vt Lac  
 coactum sine coagulo. Ex quo loco colligo propriam esse coagula-  
 tionem, quæ facta est à coagulo aliam esse impropiam. Et notate er-  
 rorem Theodori Gazæ, qui dum interpretaretur locum Aristot. cita-  
 tum, transtulit hanc coagulationem propriam, nomine Collostratio-  
 nis, seu Collostri, in qua quidem interpretatione valde decepit vos,  
 quia pueri dicuntur propriè Collostrati, quando nutriuntur Lacte  
 materno, biduo, vel triduo post partum: ita, vt Collostrum sit ppriè  
 Lac illud post partum statim emulctum, quamquam etiam inuenio  
 pueros vocatos fuisse Collostratos, qui vtuntur lacte nutricis præ-  
 gnantis, vt docet Plinius lib. 11. cap. 4. & lib. 28. cap. 9. Sed vtrumque  
 sit hæc Coagulatio Lactis, non est Collostratio, seu Collostrum. Se-  
 cunda species Coagulationis, id est impropiam, dicitur illa, quæ fit ab  
 omnibus rebus præterquam Coagulo: & hæc Caseatio potest æquè  
 fieri à causa frigida, atque à causa calida. Nam, vt scriptum est ab  
 Aristot. 4. de Histor. animalium 3. frigidum non propriè Lac ad casei  
 formam reddit, sed potius calor est. qui coagulat verè, & propriè. Et  
 hoc est, quod dicit Galenus 3. de Alim. facult. cap. de Oxygalaete,  
 vbi scripsit, spissari Lac interdum vsu vasis aqua frigida pleni. Sed  
 vt dixi, hæc omnis Coagulatio est impropiam. Dicendum est igitur  
 cum Caseatio lactis, quæ in Mammis fit, non sit propria, & natura-  
 lis, sed præter naturam, fieri posse æquè à causa calida, atque à frigi-  
 da. Sed dicetis, potestne in Mammis propria fieri Caseatio vnquam?  
 Dico fieri posse, quia, vt in ventriculo ob propriam facultatem Lac  
 crassescit, pariter potest in Mammis hac facultate crassescere. Sed  
 dum hæc crassfactio non excedit, parum, aut nihil offendit: vbi au-  
 tem excedit, cum calor præter naturam magis augeatur, fit etiam Ca-  
 seatio præter naturam, vnde maximè læduntur Mulieres Cause ex-  
 ternæ,

ternæ, tam Coagulationis, quam Caseationis lactis, sunt omnes illæ, quæ sanguinem copiosum, & crassum gignunt: vt sunt ea eduliorum genera, quæ copiosè nutriunt, ea quæ viscidum, & crassum gignunt sanguinem. Inter hæc quoque enumerantur ea omnia, quæ vi quadam naturali sanguinem cogere, & lac condensare putantur, vt est omne coaguli animantium genus, Cnycus, Cynara, guttur gallinæ, & tandem omnia, quæ adhibentur ad lac cogendum.

### *Signa.*

**S**IGNA horum affectuum communia sunt, quod Mammæ dolent, extenduntur, tument. Quod si lac Caseatum est, videbitis durities quasdam latas. Sin autem grumefactum sit, apparebunt hinc, & inde quidam grumi, & varia tubercula. Particularia signa sunt, quod si malum a causa frigida sit effectum, tumor grauis erit, dolor, sed obtus, sensus frigoris in Mammis. Attestabuntur huic præcedens victus ratio, complexio, tempus anni, & similia. Sin a causa calida sit effectum malum, febris aderit, inflammatio quædam, dolor maior, tumor latior, feruor quidam papillarum, & partium circumstantium. Franciscus ille Pedemontanus, qui vbi Mesues defecit, supplere conatus est, hanc affectionem vocatam esse scribit Malum pili, dixitq; apparere sensu quod hoc malum curatur solum, quando pilus è mammis, vel manu educitur, vel ab infante exfugitur: Et quoniam bonus hic vir vidit difficultatem huius generationis pili in mammis, dixit hoc non esse difficile, quia Aristoteles etiam scribit in lib. de generat. animalium. in sanguine reperiri pilum quendam, quo ablato, sanguis non amplius congelatur, quod si (dicit ille) hoc nos Aristot. docuit, neque etiam videtur rationi dissentaneum, posse in lacte fieri huiusmodi pilum, cum Lac nihil aliud sit, quam sanguis mutatus. Sed Pedemontanus multos errores commisit in hac re. Primus est, quia Aristoteles (quod ego meminerim) nunquam dixit pilum inesse sanguini: scribit quidem, & fortasse hinc deceptus est, 3. de histor. anim. 6. & 2. de part. anim. 4. sanguini inesse fibras quasdam, quæ sunt corpora subtilia, & terrea, quæ fibræ sunt in causa, vt sanguis congeletur, & quibus ablatus sanguis congelari non potest: Quod videntes Coqui, dicit Aristoteles, cum volunt sanguinem fluidum edendum dare, auferunt has fibras, & propria vota sua consequuntur. Alius error ab eo commissus est, quia si malum pili oriretur hac ratione, sequeretur, posse quidam ablato eo prouideri ne sanguis congeletur, at cum iam congelatus est, vel lac grumefactum, vt per illius ablationem curaretur, fieri non posse, verum tamen experiëntia apparet hoc fieri.

Ter-

Tertius error commissus est, quia Aristoteles, cuius autoritati innixus videtur, alio modo nobis declarat malum pilare, seu malum pilum, quia 7. de hist. anim. cap. 11. scribit, interdum mulieres potu haurire pilum, qui ubi ad Mammas pertingit, dolores, & cruciatus maximos parit, deinde educto hoc pilo, malum finitur: ita ut omnibus perspicuum sit, Arist. docuisse aliud mali genus. malum pilare esse, quam illud quod dixit Pedemōtanus. Rhases magnus Arabū medicus 6. sui Cont. hoc malū appellat malū pili. Sed an verū sit, quod dicit Arist. pilum haustum posse hoc malum parere, sanè mihi pbatu admodū difficile videtur, & ratio est, quia cū tot fiant mutationes, antequā cibis, vel potus conuertatur in Lac, difficile admodum videtur, ut pilus haustus, ita remaneat integer, ut possit huiusmodi malum parere: propterea mihi verisimilius videtur, si quid vnquam educitur e Mammis, simile pilo, esse huiusmodi fibras sanguini a natura inditas, eò magis quod nostrates mulieres, nisi me deceperint, solent vocare. malum pili, quando propter lactis abundantiam puerperę recētes febres, & dolores, subeunt. Cū autem Aristoteles in hunc modū deceptus sit pueriliter, fortasse in causa fuit, ut dicit Vesalius, alicuius mulierculę, quę id perperam Aristoteli persuasit, narratio.

### *Prognostica.*

**P**ROGNOSTICA signa hæc sunt: quod ubi vel cascatur, vel grumescit Lac in mamillis inflammationes fiunt, tumores, & vlcera. Hippo. 5. Aphorism. 40. scribit, quod si sanguis colligatur in Mammis, insaniam significat: quam sententiam, scribit Galen. sese nunquam expertum, veram fuisse, ait tamen hoc non esse rationi dissensaneum, quia ubi sanguis colligitur in Mammis, & non conuertitur in Lac, necessarium est, ut primo incalescat, deinde putredinem concipiat. putrefacto sanguine in Mammis, alterantur vapores, & fiunt prauis, qui partim cerebrum lædunt, partim Cor, & septum transversum offendunt: unde non est mirum, si insanie, phrēnitides; & alia mala, oriantur.

### *Curatio.*

**C**URATIO horum affectuum duplex est, alia quę tota inhæret tollendis causis, alia quę l'udet affectus aniputare. Prima tribus scopis impletur. primus est, ut sanguis non gignatur, neque multus, neque crassus. Alter est, ut sanguinis cūctus auocetur à mamillis ad alias



alias partes. Tertius est, vt intemperies Mammarum, & sanguinis corrigatur. Vt hos scopos exequi possitis, omnium maximè necessaria est victus ratio, quæ nulla alia esse debet, quàm quæ præscripta est à nobis in Lactis abundantiæ curatione. Scilicet, vt Aer sit siccus, si non sit, attamen pareatur. Vigilet mulier, & si sit sine febris, exerceatur: aluus mollis sit. potum exiguum sumat, & à vino prorsus abstineat. Cibi sint pauci, extenuantes, & qui paucum præbent alimentum: & tandem is sit Victus, qui minuere sanguinem, & simul attenuare possit. Pro secundo scopo ante omnia conuenit Venæ sectio, modò nihil prohibeat. Locus venæ sectioni nullus mihi accommodatior videtur, quàm inferior, siue sit Poplitis vena tundenda, siue Saphæna: & ratio est, quia per hanc non modo euacuantur humores, vt habet Gal. libro de curatione per sanguinis missionem, & auferitur plenitudo, sed quod oprandum est in hoc casu, defleßitur cursus sanguinis ad inferiora. Ad hoc idem non paruum emolumentum adferunt scarificationes crurum, & Cucurbitulæ appositæ; frictiones, & ligaturæ, quæ efficacissimæ sunt ad retrahendum sanguinis fluxum ad inferiora. Pro tertio scopo, scilicet pro intemperie corrigenda, quid agendum sit, clarum est vobis. Docui iam pluries, contrarias intemperies, contrarijs remedijs esse curandas, non modò medicamentis externis, sed etiam internis. Pro affectu ipso amputando, quæ secunda pars curationis est, vobis ante alia cogitandum est, quis sit iste affectus, & cuius naturæ. Natura affectus est, quod lac est quædam concreta materia in Mammis, itaque indicatur, hanc materiam esse dissoluendam. Modus dissolutionis habetur ab intellecto modo concretionis. Est enim perpetua, & Galeni, & Aristot. regula; quòd quæ concrescunt frigido, soluuntur calido, & quæ calido concrescunt, frigido. Ideò vbi notum fuerit vobis Lac concreuisse propter frigus, debet vobis parata esse medicamentorum sylua, quæ possunt attenuare, calefacere, & siccare: vbi autem ex calido concreta fuerit materia, e conuerso agendum erit, vt scilicet rebus si non refrigerantibus, saltem tepidiuiculis, incidentibus, & attenuantibus vtamini. In causa frigida conueniunt Mel, Sal, Oxymel, Crocus, Cuminum, semen fœniculi, semen Apij, radix Apij, Eryngij, Raphanus, Myrrha, Fœnugræcum, Altea, & multa alia medicamēta relata à Paulo & Aetio. Et quia non sit satis vniuersaliter hæc medicamenta intelligere, dabo formas medicamentorum, quibus vti poteritis. Intrinsecus maximè commendo hanc potionem:

℞. Radi. Eryngij. Fœniculi ana drach. ij. semi. Apij. drach. j. Folio. Maluæ, Fœniculi, an. m. s. fiat decoctio secundū art. in brodio: deinde

℞. Dicti brodij vnc. v. vel vj. syr. de quinq. rad. Oxymel simpl. ana vnc. j. Misce. Hac potione mulier poterit vti, & mane, & vespere, cum

cum libuerit. Sic quoque potestis parare aliquas confectiões, vnā cum istis seminibus, quibus vtatur. Extrinsecus potestis etiam vti fomentationibus, cum spongijs atque emplastratibus. Fomentationes ita fient.

℞. Folio. Foenugræci. Meliloti ana m. j. Rad. Althææ vnc. j. Raphani vnc. s. Sem. Apij, rutæ ana drac. ij. Contundantur omnia diligenter, deinde bulliant in aqua communi, ad consumptionem tertiæ partis: Demum facta expressiōe, adde aceti partem sextam, vel octauam: postea cum spongijs foueantur Mammæ, & potestis non modo fouere, verum etiam spongas madefactas in hac decoctione continere supra Mammæ. Muria quoque, & Acetum maximè commendatur. Soléo ego vti muria, aceto, croco hoc modo, præsertim quando febris abest.

℞. Muria lib. j. aceti vnc. ij. cymini, croci ana drac. j. s. Misce ad ignem, deinde foueantur. Atque hic est modus, quem potestis obseruare in curandis affectibus à causa frigida abortis. Si autem malum à causa calida duxerit originem, potestis iisdem Medicamentis vti, id est eadem facultate pollentibus, sed tepidiusculis & infrigidantibus, Exempli gratia.

℞. Sem. althææ lactucæ ana drac. j. Melon. drac. ij. rad. petroseli. Cichorei ana drac. j. s. fol. cicho. endiuia ana m. j. Contundantur, & fiat decoctio secundum artem: deinde.

℞. Dictæ decoctionis vnc. v. oxymel. simp. vnc. s. syr. de succo endi. vnc. j. misce. Extrinsecus potestis huiusmodi medicamentis vti.

℞. Succu limonis vnc. ij. aceti vnc. iij. aquæ communis lib. j. croci drac. s. Sem. cichor. apij ana scrup. iij. Contundantur & fiat decoctio, & cum spongia, vt dictum est, foueatur locus. S. Ico vti in materia calida emplastro ex malua, lentibus in aceto decoctis. Exempli gratia:

℞. Lentium P. j. foliorum maluæ m. j. bulliant, deinde contundantur diligenter, & per cribrum transmissa redigantur ad formam emplastri, & mammis apponantur. Circa vsum horum medicamentorum tria estis vtiliter docendi. Vnum est, quod si fieri potest, vno & eodem tempore debetis simul & causis delendis studere, & affectui superando. Quod si affectus maximè cruciet, proculdubio debetis non prorsus neglectis causis, statim studium conuertere ad affectum tollendum, id est, ad dissoluendam materiam: & ratio est, quia nisi tumor, & extensio minuantur, nisi dolorem minuatis, continuo fit nouæ materiæ attractio, & ideo augetur incredibiliter morbus. Alterum quod estis docendi, est quod tametsi à Galeno & Aristot. proditum sit, quæ concresecunt frigore, debere calido resolui, verum tamen non omnia calida conueniunt, sed quæ calida quidem

sunt remissiora. Et ratio est, quia periculum est, ne si nimis calida adhibeatis, fiat maior materiæ attractio. Nec moueat vos ratio quorundam dicentium, solummodo calida vehementer dissoluere, quia videbitis glaciem dissolui ab aqua tepida. Tertium est Auerrois 5. Colle. cap. 47. dictum: Coaguli videlicet omne genus facultatem adstrictoriam possidere, atque id perspectum est fieri, quia fluxus alui compescitur administratione Coagulorum: quæ sententia Auer. vera quidem est, & vsu probata, verum tamen propter hoc nihil prohibet, quin coagula ipsa maximè dissoluant & attenuent. Sed quomodo dicetis Coagula contrarios hos effectus edere? Dico id, quod dicit Auerroes, facultatem adstrictoriam coagulorum esse solum propter quandam occultam proprietatem: & facultatem extenuandi & dissoluendi coagulis inesse ob manifestas qualitates. Audiuitis coaguli omne genus esse calidum, & habere propè easdem facultates, quas fermentum, quod sicut tubercula, & materiam crudam coquit, attenuat & dissoluit, sic coaguli genus omne coquit, attenuat, & dissoluit. Ideò à Galeno commendatur coagulum Leporinum aceto dilutum, & potatum in dissoluendo etiam sanguine grumefacto. Ego etiam soleo uti huiusmodi Coagulo vnà cum cymino, & vino, & expertus sum sæpius subitaneum, & maximè præsentaneum remedium attulisse.

*De mammarum inflammatione. Cap. VI.*



**P**OST Coagulationem, & grumefactionem solent multi alij affectus suboriri: & præcipuè inflammatio mammarum, quæ nihil aliud est, nisi tumor quidam durus, calidus cum dolore pulsatili, & cum renitentia: ita ut multum differat ab ea mammarum crassitie, quæ nascitur ob Lactis abundantiam, in qua scilicet etiam tumor appareat, non est tamen dolor, non calor magnus, sed extensio dumtaxat quædam.

*Causæ.*



**C**AUSÆ huius tumoris immediate, & materiales nullæ aliæ sunt, quàm copia Lactis aut sanguinis. Sanguis multiplicatur in mammis, vel quia mittitur ab alijs corporis partibus, vel quia attrahitur. Attrahitur autem, vel propter dolorem ipsius partis, vel propter calorem. Causæ autem mediatæ & externæ sunt omnes illæ, quæ occasionem præbent, ut vel Lac, vel sanguis mittatur ad mammas, vel

vel trahatur: vt sunt suppressiones mensium, & Hæmorrhoidū, propter quas membra sanguinis copia onerata cum ad mammas, tanquam ad cloacas mittunt. Sic quoque percussiones factæ mammarum in causa sunt harum inflammationum, sicuti nimix stricturne. Continget interdum vobis mulieres videre in maxima discrimina duci, & inflammationum, & aliorum tumorum, non ob aliud, quam propter magnas mammarum stricturnas.

### *Signa.*



**S**IGNA vniuersalia huius inflammationis sunt terè omnia illa, quæ reperiuntur in alijs inflammationibus, quia apparet tumor tactui durus, rubor, calor igneus, febris semper copulata. Sed quia dixi hanc inflammationem & à Lacte oriri, & à sanguine, sunt propria quædam signa, quibus distinguitur facta à Lacte, ab ea, quæ fit à sanguine. Quæ fit à Lacte vt plurimum contingit vel in prægnantibus, vel in puerperis. Dico vt plurimum, quia sicut Lac interdum fit propter suppressa menstrua, ita fit etiam inflammatio à Lacte propter menses suppressos. præterea vbi fit inflammatio ex Lacte, rarū est, imò nunquam, quin præcesserit magna lactis abundantia. Si facta sit inflammatio à sanguine, cognoscetis, quia aderit aliqua sanguinis suppressa euacuatio: mulier non erit puerpera, non erit prægnans. Sed percunctabitur aliquis vestrum à me, quomodo possit fieri inflammatio à Lacte, quandoquidem constat ex Galeni sententia in libro de tumorib. præter naturam: & 2. ad Glauconem, inflammationem scilicet esse solius sanguinis sobolem. Præterea interrogabit quispiam, cum dixerim inter alia signa vniuersalia tumoris esse ruborem, quomodo in inflammatione à Lacte possit rubor apparere? Dupliciter ad primum respondeo: Vno modo quod inflammatio interdum est nomen commune ad omnia apostemata calida, interdum est peculiare nomen tumoris sanguinei. Igitur quando dicitur hunc affectum inflammationem esse: capitur inflammatio pro nomine communi ad omne apostema calidum. Alio modo potest responderi. Inflammationem ex lacte esse veram inflammationem sanguineam, quia vt aliàs declarauī, Lac nihil aliud est quam sanguis dealbatus. Ad aliud dico, non esse mirum vt in tumore ex lacte alioqui candidissimo sublequatur rubor, quandoquidem propter dolorem partis fit continua sanguinis attractio, qui dispersus per superficiem mammarum necessario illas colorat colore rubro.

*Prognostica.*

**P**ROGNOSTICA signa huius affectus sunt, quod vt plurimum inflammationes bene terminantur: dico vt plurimum, quia interdum etiam contingit, vt malè terminentur in praua vlcera, in cancos. & interdum etiam in mortem. Optabit aliquis ingeniosus ex me intelligere, an sententia Hippoc. 6. Epid. Com. 5. Text. 18. possit verificari in inflammatione Mammarum ipsarum. Est enim sententia Hippoc. Quod si papillæ Mammarum, & rubrum ipsarum, ad pallidum, seu liuidum, conuersum fuerit, signum esse. Vterum laborare. Galenus in explicatione huius sententiæ, præter consuetudinem suam valde ieiunus fuit: Itaque dico ego Hippoc. sententiam intelligendam esse, vbi Mammillarum papillæ mutauerunt colorem citra aliquam manifestam causam: nam vbi color pallidus vel liuidus apparet in hac parte citra inflammationem, vel aliud accidens malum, non ob aliud contingere potest, nisi quia vterus sit malè affectus, & propter venarum communicantiam ipsis papillis malum communicetur. Vbi autem malum aliquod manifestum est, non est vt quæramus malum aliunde; propterea oraculum Hippoc. vt dixi verum est, quando citra vllam causam manifestam hoc in Mammis apparuerit. Et notate hunc locum, quia nullus alius explicauit, quem ipse viderim.

*Curatio.*

**C**URATIO huius affectionis eadem ferè est, quæ omnium aliarum inflammationum, quæ duos scopos habet: vnus vt provideatur, ne crescat: alter vt quidquid factum est inflammationis tollatur. Primus scopus adimpletur ante cætera certa viuendi ratione instituta, vt scilicet primum Aer frigidus, humidus, aut paretur, aut eligatur: omnes animi affectus vitandi, somnus conciliandus: Frictiones & ligaturæ adhibendæ, præsertim coxis, & cruribus. Alius lubrica reddenda & seruanda vel clystere, vel lenientibus medicamentis. A vino abstinendum est omnino, nisi placeat vinum Granatorum propinare cum aqua simplici costâ, vel cum aqua hordei. Posca etiam bene temperata concedi potest. Cibi pauci esse debent, atque illi refrigerantes & humectantes: vt Ptisana tota, vel eius succus. Panis simplex lotus, vel herbæ refrigerantes in brodio pulli coctæ, vt sunt lactuca, borago, endiuia, portulaca. Instituto victu consideran-

siderandum statim an inflammatio sit ex lacte, an verò ex sanguine. Si sit ex sanguine, modò nihil prohibeat, quamprimum veniendum est ad venæ sectionem. Si menses, vel hæmorrhoides fuerint suppressæ, aut scarificanda erunt crura, aut coxæ, aut pertundenda Saphena. Si nihil horum adsit, considerandum est quæ pars sit magis affecta: & ab eo latere, à Basilica mittendus est sanguis, nec solum semel, sed iterum atque iterum: & ratio est, quia repetita sanguinis missio non solum euacuat, & retrahit fluxum sanguinis, sed maxime refrigerat, quod in inflammationibus exposulandum est. Et hoc est, quod Auicenna dicebat: si caput Mammarum doleat, phlebotomandum esse. Quod si à lacte ortum duxerit inflammatio, videndum est, an adsit sanguinis abundantia in corpore nec ne. Si adsit, etiam hic mittendus sanguis est, modò nihil aduersetur: & ratio est, quia ubi sanguis abundat, periculum est ne fluxiones, ubicunque sint, augeantur magis. Itaque lenita primum aluo vel clystere, vel manna, vel syruporosa. soluti. erit statim deueniendū ad sanguinis missionem. Vbi sanguis, vel per venæ sectionem, vel per scarificationem fuerit missus, statim deueniendum est ad alia remedia. Primum & præcipuum cuiusque inflammationis remedium solet esse usus medicamentorum repercutientium; propterea in hoc casu statim ad repercutientia veniendum est. Sed hic insurgit grauis dubitatio, an scilicet inflammatis Mammis sint statim repercutientia medicamenta adhibenda. Ratio dubitationis est, quia Galenus 3. de Medicament. local. cap. de Parotide scribit: In Parotidibus curandis, non esse eam curationem adhibendam, quæ debetur alijs inflammationibus, id est, non esse repercutientia medicamenta adhibenda, sed potius attrahentia, & euocantia. Ratio qua Gal. impulsus hoc nos docuit, fuit hæc: quia locus aurium proximus est cerebro, unde maximum periculum immineret, ne si materia repelleretur, in cerebrum mitteretur, & hominem iugularet. Si enim hæc ratio potuit Gal. inducere, vt dixerit non vtendum esse repercutientibus, etiam in casu nostro videtur efficacissima, quia Mammæ, vt nostis, sunt proximæ cordi, imò factæ sunt mammæ propter cordis tutelam, vt dicebat Galenus. Itaque si inflammatis mammis repercutientia adhibemus, periculum est ne materia reperiussa cor petat, & necem inferat. Tamen ex altera parte est ferè omnium medicorum Græcorum, & Arabum communis sententia, vt scilicet semper in inflammatione mammarum in principio adhibeantur repercutientia. Hanc difficultatem vt dissoluere sciatis, dicendū est repercutientium alia valida esse, alia verò leuia. Valida sunt, quæ & multum refrigerant, & multum adstringunt, quæ verò minus refrigerant, & adstringunt; minus etiam repellunt. Præterea medicamenta repellentia,



tia, vel possunt sola administrari, vel cum discutientibus, & incidentibus. His constitutis, dico, in inflammationibus Mammarum curandis esse fugienda omnia, quæ validè & profundè reperiuntur: & ratio est, quia cum locus sit cordi proximus, facilè est, vt non modo materia pellatur ad Cor, imò verò vt qualitas frigida per Mammam statim Cordi communicetur. Nam quod facilè per hanc viam qualitas Cordi communicetur, non solum Medici nouerunt, verum etià Cleopatra Aegyptiorum regina, quæ vt statim concideret, venenū Mammis apposuit. Præterea dico, reperiuntur sola nunquam adhibenda esse, sed permixta alijs, & hoc est quod dicit Auicenna, in hac curatione subtiliatiua esse adhibenda, & permiscenda reperiuntur. Quid autem dicemus ad Galenum? Dico Galenum iure in Parotidibus curandis hoc præceptum dedisse, quia cum locus ille sit emunctorius, & factus à natura, vt recipiat sordes Cerebri, iure debent Medici has materias ad eam partem potius attrahere, quàm repellere. Secus autem est in Mammis, quia licet sint corpora spongiosa & cauernosa, & ad materiam recipiendam idonea, verumtamen nō sūt facta à natura, vt recipiant sordes, ideo curare debemus ne materia figatur illis in partibus, ex quibus non solum nō potest expelli, verum etiam si putrefiat, in immensum putredo propagatur. Igitur vtendum erit reperiuntur non solum externis, sed etiam internis. Internis, quia reperiuntur, & refrigerantia intus adhibita duo præstant. Vnum, quod sanguinem refrigerant: alterum, quod fluxum retardant, ac torpidum reddunt sanguinem. Poteritis igitur interius hoc potionis genere vtī:

℞. Fol. Lactucæ, Plantaginis. Portulacæ, Sonch. ana M. j. Polygani. M. s. fiat decoctio secundum artem: deinde

℞. Diætæ decoctionis vnc. v. Oxyfaccari, Syr. de portulaca ana vnc. j. Misce. Extrinsecus autem sunt multa, quæ in vsu habentur: sed ego laudo vt accipiatur posca cum oleo Rosato, & sæpius Mammæ irrorentur: vel ita componatis.

℞. Flo. Camomil. M. j. Fol. Rosa. Lactucæ, Endiuia ana M. j. s. Fiat decoctio secundum artem: deinde

℞. Diætæ decoctionis lib. j. A ceti vnc. ij. Misce. Cum spongia apponant māmē inflāmatā. Soleo ego sumere folia Lactucæ ampla, & madefacta tum in simili decocto, tum in aceto Rosato, atque oleo Rosarum, imponere Mammis dolentibus, atq; inflāmatīs. Hæc est ratio curationis in principio. Transacto principio, considerandū est, quo vergat inflāmatio, an videlicet velit digeri, an suppurari, an potius finiri in aliquam duritiem. Qd si neutrum horū vobis sit manifestū, proculdubio semper debetis ea via incedere, qua solet incedere natura, vt. s. dissipetis ijs medicamentis, quæ discutiunt & dissipant.

Exempli

Exempli gratia, si velitis inunctionem, hæc erit commoda :

℞. Olei Vitel. Ouum vnc. iij. Camomil. vnc. ij. Panis triti vnc. j. Misce omnia simul, & imponantur parti inflammatae.

Si velitis Emplasmata, poteritis hoc modo parare

℞. Farinam Lupino. Fabarum ana lib. j. Olei Camomil. vnc. iij. Ol. sesam. sem. Lini ana vnc. j. s. Aceti vnc. iij. Aquæ communis q. f. Misce omnia ad ignem, & hæc emplastrum secundum artem. Emplasmate hoc poteritis plurimis diebus uti, quia mirifice discutit. Quod si tumor vergat ad suppurationem, debetis auxiliari naturæ suppurationi. Habetis apud Pharmacopeos Vnguentum Diachylon vocatum. Ego magis laudo Emplasmata suppurantia, quale est hoc :

℞. Rad. Althææ vnc. iij. Fol. Maluæ M. j. Coquantur omnia diligenter, pistentur, & per cribrum mittantur: deinde adde Fermenti vnc. j. Butyri recent. vnc. ij. Misce, fiat Emplastrum. Est & aliud quod suppurat, & lenit dolorem :

℞. Lactis vaccini lib. j. Panis triti lib. s. Medullæ pomorum cocturum vnc. j. s. Fermenti vnc. j. Misce, fiat Emplasma Postquam suppurauerit inflammatio, erit deinde incidenda. Et quia mulieres sæpè abhorrent incisiones, poteritis ubi pus videritis in summo, curare ut spontè aperiat, quod facietis, si Cochleas vstas & in cinerem redactas Emplastratis supponatis, ita ut cinis ei parti iungatur, quæ videtur magis acuminata. Si inflammatio Mammarum duritiam minetur, totum studium conuertendum est, ut partim emollientibus, partim attenuantibus durities illa coerceatur nam Aetius multa, eaque usu probata proponit remedia, inter alia hoc vnum satis efficax, Stercus videlicet Caninum cum Therebinthina. Semen lini aceto maceratum, Intestina terræ in oleo amygd. dulcium macerata. Vt or ego hoc medicamento :

℞. Medullæ cruris vitulini vnc. ij. Hyssopi vnc. j. Croci scrup. iij. Cumini scrup. ij. Misce fiat linimentum. Sape usu venit, ut medicamenta emollientia nihil efficiant, ea propter, ut docet Leonidas apud Aetium, interdum necesse esset ad opus Chirurgicū descendere, id est, duritiam illam totam amputare, quod tamen faciendum, quando nullum vitæ periculum imminet. Oriuntur in Mammis multi alij tumores, vlcera praua, & præ ceteris solent oriri Cancri : quin imò nulla est pars in corpore Mulieris, quæ magis sit obnoxia Cancro ipsis Mammis: Ratio ea est, quia caro Mammarum spongiosa, & cauernosa est, humor multus, crassus & terrestris, ita ut nullibi possit magis figi humor melancholicus, quam in hac parte. Sed de huiusmodi morbis, non est ut hoc tempore tractem, tum quia potius ad Chirurgum spectant, tum quia properandum est ad vtiliora, seu quæ magis ad nos pertinent.

*De magnitudine mammarum, Cap. VII.*

**R**o coronide huius tractatus nolo vnum omittere, scilicet magnitudinem Mammarum, quæ tametsi morbus non sit, attamen multam turpitudinem parit: vnde Auicennas inductus fuit, vt inter alia mammarum vitia, etiam de magnitudine ipsarum tractaret. Est hæc affectio immoderata quædam & indecora mammarum magnitudo, quæ in mulieribus reperitur, & interdum operationes impedit, semper autem turpitudinem inducit. Dico autem esse immoderatam magnitudinem, & indecentem, quando quidem sunt quædam mulieres, quæ adeo magnas has partes habent, vt videantur in sinu culcitræ ferre: Sunt rursus quæ habent mammas adeo pendulas, vt parum differant à capris, & has appellant Latini mulieres mammosas, Paulus vocauit mammeales. Postquam autem nunc iocosè agere debemus, volo quædam venustè dicta obiter referre poetæ cuiusdam ad huiusmodi mulierem scribentis.

*Taurino poteris pectus constringere tergo,  
Nam pellis Mammæ non capit ista tuas.*

Est igitur hic affectus magnitudo indecora, & indecens mammarum. Dixi esse Mulicrum, quia in viris etiam quandoque reperitur, vt dicit Aristot. 7. Histor. animalium 1. vbi dicebat mammas fieri magnas in illis viris, qui leuore quodam præditi sunt, humidius habent temperamentum, paruas venas, & colore sunt fusco. Dixi interdum impedire operationes, quia mammae, si nimis excrescant, impediunt operationes brachiorum, & generationem lactis. Quod impediunt operationes brachiorum, satis nouerunt Amazones illæ celebratæ, quæ refecabant sibi mammas dextras, vt habet Strabo. lib. 11. ne impediretur brachiorum & manuum motus, & magis aptæ essent armis gerendis. Quanquam Gal. 7. Aphor. 43. ex sententia Hipp. dixit has mulieres id fecisse, vt manus dextra robustior euaderet, vt scilicet nutrimentum illud, quod in mammam dextram distribui debebat, totum in manum distribueretur.

Est dubium an magnitudo mammarum præter turpitudinem, aliud etiam malum pariat, quod ad lactis generationem pertinet. Ratio dubitandi est, quia inuenio inter Medicos diuersitatem. Paulus Aegineta lib. 1. c. 2 quem secutus est Auicenna lib. 1. Fen. 3. doct. 1. cap. 2. fuit huius sententiæ, ad optimam nutritionem debere esse mammas magnas. Altera ex parte fuit Moschilio, Actius lib. 4. cap.

4. Alzaravius 1. Prac. tract. 26. cap. 3. qui omnes dicunt mammas debere esse mediocres, id est neque paruas, neque magnas. Addebat Aetius rationem, quia mammae magne plus faciunt Lactis, quam conueniat: unde lac retentum, dicebat ille, putrescit atque etiam molestiam mulieribus adfert. Paruae minus lactis producunt, quam necessarium sit. Pro resolutione huius id mihi dicendum occurrit, quod scribit P. Aponensis in Concil. differentia 79. & 30. part. Problematum in eo Problemate, ubi disputat Aristot. Cur habentes caput paruum sint prudentiores. Hic autor, ut tolleretur contradictionem inter Aristotelem, & Gal. de capite paruo & magno, dixit, duplicem esse paruitem, & duplicem magnitudinem. Alia est paruitas quo ad vas, alia quo ad ossa, & carnem. Exempli gratia, beluae habent capita magna, quia capita eorum habent multa ossa, non quia capita sint magna quo ad vas: homo dicitur habere caput magnum & paruum, magnum quo ad vas, quia multum cerebri continet, paruum quo ad ossa, quia parua habet ossa respectu brutorum. Habita hac sententia, dico mammarum magnitudinem duplicem esse, similiter paruitem: aliam secundum carnem, aliam secundum cauernas & capacitatem. Mammæ magnæ secundum capacitatem, non autem secundum carnem, semper mea sententia sunt meliores: Mammæ autem paruae secundum carnem, & non secundum capacitatem, sunt meliores magnis, & secundum capacitatem, & secundum carnem: & ratio huius est, quia inammæ paruae secundum carnem, quæ mediocres dicuntur ab Aetio, & Moschione, multum lactis producunt, & nullam turpitudinem, nullam incommoditatem inferunt.

### Causæ.



**C**AUSÆ internæ huius magnitudinis, sunt calor magnus, & vbertas & copia materiæ: quæ enim causæ in omnibus augmentum faciunt, eadem quoque faciunt in mammis ipsis. Causæ externæ sunt in primis crebra tractatio mammarum, quæ occasionem augendis ipsis præbet: præterea etiam retentio mensium, & retardatio. Dicebat Arist. 7. Histor. anim. 1. quod virginibus, quibus tardant menses, materia attollitur ad pectus redundans, ubi augmentum mammarum facit. Quod si erumpant menses, propter hoc, dicit Aristoteles, non diminuuntur mammae.

### Signa.

**S**IGNA affectus huius, non est quod vos doceam, quia & visui, & manibus satis patent.

*Prognostica.*

**R**OGNOSTICVM signum est, quod semper hæc magnitudo turpitudinem inducit. Dicebat Aetius libro 16. cap. 43. has mulieres non carere aliquo periculo, quia Mammæ quæ maiores sunt, magis expositæ sunt suscipiendis Cancris. Adamantius in lib. Phisognomiæ scribit, eas, quæ habent Mammæ grandes, vinosas, & libidinosas esse. Et ratio huius est, quia magnitudo proficiscitur a caliditate, & ubi est magnitudo, ibi caliditas est præsertim vteri, propter quod sunt vinosæ, & libidinosæ, & hæc est ratio, quod quando vultis ad libidinem mulieres incitare, tangitis Mammæ, quia ex caliditate quæ ingeneratur Mammis tractando, incalescit vterus, & ita excitatur libido.

*Curatio.*

**R**ATIO huius affectionis, vel respicit factum malum, vel futurum. quæ malo facto innititur, in hoc casu exigua est admodum: quia ut dicebat Arist. vix fieri potest, ut vnquam Mammarum magnitudo iam facta aboleatur, nisi velis totum corpus tabefacere, & emaciare, quod quia non fit absque periculo, idcirco non est ita facilè tentandum. Est tamen aliquod in hoc genere remedium, quod interdum proponere potestis, si mulieres à vobis remedium flagitent, & est, ut fiat forma Mammarum plumbea, & illiniatur interior pars oleo seminis Hyosciami, atque detineantur Mammæ inter has formas, similiterque coangustetur pedetentim illa forma: sic enim sperari potest lōgo huius remedij vsu tandem comprimendam esse Mammarum magnitudinem. Alia verò curatio, quæ potius præseruatio dici debet, tota posita est in medicamentis astringentibus, & refrigerantibus. Refrigerantia medicamenta cum calorē augmentem cōpescant, efficiunt ut malum non crescat. Astringentia similiter cū coangustent locum, & impediunt aduentū materiæ, necessariò intercipiunt auctionē ipsam. Sic videbitis apud Auicennam 12. tertij tract. 1. cap. 10. multa vobis proponi remedia, quæ ad Māmas ipsas castigandas coercendasque hac facultate prædita proponuntur. Serenus Medicus antiquissimus tria remedia ad castigandas Māmas nobis proponit. Vnum est superstitiosum, ut scilicet Māmis circumponatur Hedera, atque ea deinceps concremetur, & fumus capiatur  
super

super ipsas Mammæ. Alterum est pinguedo Anseris cum Lacte.  
Tertium est, quod apud multos reperitur, ouum Perdicis illitum;  
hoc namque scribunt Democritus, & multi alij, facultate quadam  
præditum esse, qua magnitudinem Mammarum tollit, atque

impedit. Actius etiam multa nobis remedia proposuit,

vt est Aerugo ferri cum oleo Omphacino, aut vino

apposita: Cicutæ semen cum folijs tritum, &

appositum. Multa etiam alia apud Rha-

sem, & alios Arabes inueniun-

tur remedia, sed non est, ut

vos diutius detineam.

Hic erit finis de vi-

tijs in nutri-

tione.

Superest vt deueniamus ad

ea vitia, quæ vniuersi

vteri statum re-

spiciunt.





# HIERONYMI MERCVRIALIS

DE MORBIS MVLIBRIBVS.

Liber Quartus.

DE VITIIS QVÆ STATVM

*vniversi vteri respiciunt.*

P R Æ F A T I O.



**H**ACTENVS de illis morbis tractauimus, qui Conceptum, & Partus nutritionem respiciunt; ordini nostro consentaneum est, vt de alijs morbis tractemus, qui statū vniversi vteri respiciunt, nec ad vnum ex prædictis referuntur: qui status vteri in duobus à nobis fuit positus, scilicet in humiditatibus quæ per vterū excurrunt, nec non in solidorum vteri tum Cōplexione, tum Constitutione. Appello humiditates, nō humores oēs quatuor, sed Menstrua, semen, & alias humiditates ab vtero excurrentes. Itaque Morbi, qui fiunt in his humiditatibus vteri, aut sunt circa Menstrua, vel exuberantia, vel deficientia: aut fiunt in semine, qualis est morbus Gonorrhæa dictus, aut in alijs humiditatibus, qualis est Fluxus muliebris appellatus. In complexione solidorum vteri fiunt Morbi, quando aliquā ex intemperiebus patitur, siue ea sit simplex, siue cum alijs humoribus copulata. Quæ autem fiunt circa aliam constructionē vteri, aut sunt in vnionis solutione, qualia sunt omnia Matricis Vlcera: aut sunt circa vias vteri, quales sunt oppilationes vteri, aut in via & magnitudine, vt tumores omnes vteri, Nympha (de qua Paulus) Hydrops vteri, Cauda appellata, quā Moschio cap. 18. appellat symptoma turpitudinis, aut sunt morbi in situ vteri, vt cum sursum vel deorsum vterus relabitur; aut in latera inclinatur. Præter hos affectus est & alter, qui videtur hos omnes consequi, scilicet præfocatio vteri, de quibus omnibus ordine tractabimus.

*De vitijs menſtruorum in defectu. Cap. I.*

**N**ECIPIAM autem à menſtruis, quæ peccant, vel quia deficiunt, vel quia abundant, vel quia talia non fluunt qualia deberent. Tractabimus primum de deficientibus menſtruis, eò quod hic morbus frequentiffimus eſt, qui vt rectè à vobis cognofci poſſit, opere prætiũ eſt, vt cognofcatis exactè quænam ſit menſtruorum natura, id quod ſeptem docebo capitibus, ea qua fieri poterit breuitate. Primum erit, quid ſit menſtrum: ſecundum, quomodo generetur: tertium, in quibus generetur: quartum, quando gignatur: quintum, cuius gratia fiant menſtruorum fluxus: ſextum, quæ ſit quantitas menſtruorum: ſeptimum & vltimum, quænam ſit qualitas. His omnibus à vobis intellectis, non vereor quin omnis natura menſtruorum cognofcatur. Menſtrum communiter vocatur à Græcis, καταινίον, Latini appellant modo menſtrua, modò menſes: quod quidem menſtrum, vt colligitur ex Ariſtot. 1. de Generatione animalium capit. 20. & 4. de Part. animal capi. 10. Et à Galeno multis in locis, præſertim 14. de uſu part. capit. 8. nihil aliud eſt, niſi profluuium naturale ordinatum ſanguinis excrementij vtilis, ſed crudi. Dicitur naturale profluuium, eò quod omnis ſanguinis fluxus, vt docet Galenus 4. de Sympt. cauſis capit. 2. eſt ex toto generare præter naturam, ſolus menſtruus fluxus non eſt præter naturam. Atque hoc non ſolùm à Galeno dictum eſt, ſed etiam confirmatum ab Auicenna 2. 1. tertij, vbi tractat de menſtruis. Dicitur ordinatum profluuium, quia ſunt multi è matrice ſanguinis curſus, ſed niſi ſint menſtruorum, nullum ordinem ſeruant: qui ordo poſitus eſt tùm in quantitate, vt videbitis, tùm etiam in tempore. Dicitur ſanguis excrementitiuſ, quia tametſi ſanguis menſtruus, ſit eiufdem naturæ cum eo, qui in venis mulierum reperitur, verumtamen eſt quoddam ſuperfluum, quia ſupereſt nature. Vnde errauit Florus ille medicus apud Plutarchum in ſympoſiacis, quando dicebat, ſanguinem menſtrum eſſe vitioſum & corruptum. Dicitur vtilis, eò quod ſunt & alij fluxus vteri, in quibus ſanguis excluditur, ſed excluditur tanquam inutilis. Dicitur poſtremo crudus, ad differentiam ſeminis, quod quidem & ipſum eſt ſanguis ſuperfluus & vtilis, ſed concoctus, non autem crudus, vt ſanguis menſtruus: nam ſcio ſanguinem menſtrum, etiam quodammodo poſſe appellari ſemen. Verùm, vt docet Ariſtot. 1. de generatione animalium cap. 20. & 2. eiufdem c. 3. differt ſanguis menſtruus à ſemine, tãquam purum ab impuro, & tanquam crudum à cocto: Quo in loco Auerroes ſcribit Semen

Semen esse veluti butyrum quoddam multis spiritibus plenum, & propterea delassari magis mulieres in emissionem seminis, quam in emissionem sanguinis menstrui, quia cum semine multi spiritus exeunt, cum sanguino menstruo paucissimi, quia materia est cruda: vnde etiam Auicennas 3. de animal. 3. scriptum reliquit, emissum semen multum plus inferre damni, quam si quadragies tantum sanguinis mitteretur. Sed dicet aliquis vestrum: si sanguis menstruus est materia utilis, cur ergo à natura singulis mensibus expellitur. Dico expelli à natura non propter ullam qualitatem, sed tantum modo propter copiam, quia copia huius materie adeo excrescit, vt naturam ad se expellendam singulis mensibus, suscitet. Non igitur mirum vobis videatur, idem enim contingit in emissionem seminis, quemadmodum Galen. 6. de locis affect. cap. 5. scribit, animalia bruta concitari ad coitum non alia ratione, quam quod copia seminis grauata stimuletur natura ad ipsum expellendum. Hec igitur, vt audiui-  
stis, est natura & descriptio sanguinis menstrui. De modo generationis menstruorum, inuenio apud veteres nonnihil dissensionis: Democritus & Parmenides habuerunt hanc sententiam, quod cum mulieres sint valde calidæ gignant sanguinem acrem & feruidum, qui vbi nimium excrescit, sua acrimonia irritat, & stimulat naturam ad sese excernendum: Quæ opinio quoniam abundè explosa est ab Aristotele, præsertim 4. de generat. animal. cap. 1. non est quod in hac diutius refutanda hæream: Id solum notare placet, hanc opinionem supponere rem falsissimam, scil. Mulieres esse calidiores viris, Hippoc. seu potius Polybus lib. de morbis mulieb. nouam quandam opinionem de generatione menstruorum habet: quod scilicet corpora mulierum, cum sint rara, & porosa, vt raritates impleantur, magno impetu attrahitur sanguis ad ipsos poros, ita vt cum nimis trahatur quam par sit, atque ob id multum sanguinis supersit, id quod superuacuum est & nimium, continuo excernitur ad vterum, & inde per singulos menses foras prodit. In viris autem (dicebat iste autor) non fit sanguinis menstrui fluxus, quia corpora virorum densa sunt, & non opus habent attractione, & propterea non excrescit sanguis ultra mensuram debitam. Hæc sententia etiam multis absurdis referta est, vnde fit vt illum librum minime Hippocratis esse sentiam, sed potius alterius sectatoris Democriti, & Parmenidis, cum in eo libro scribat mulieres esse calidiores viris, quod contra Hippocr. est. Absurda quæ consequuntur hanc sententiam plurima sunt, sed potissimum duo: Vnum, quod licet demus fieri attractionem sanguinis ad corpus, vt repleantur vacua, non sequitur attrahi sanguinem nimium, quia repleto vacuo cessat semper omnis attractio, quæ fit gratia ipsius. Aliud absurdum est, quod mulieres,

fieres nequaquam, vt supponit hæc opinio, sint corpore rariora,  
 imò verò cum sint frigida, cum sint pinguiore viris, cum sint gla-  
 bra, necessariò concluditur corpora ipsarum esse densiora. In libro  
 illo de Spermate Galeno attributo, legitur quod in viris non fiant  
 Menstruæ purgationes. propterea quòd ob raritatem corporis viro-  
 rum omnia excrementa expirant, & in pilos conuertuntur, vt hinc  
 pateat contrariam potius esse rationem, quàm eam quæ in hoc li-  
 bro scripta est. Quapropter verus menstruorum generationis mo-  
 dus est ille, qui traditur ab Hippocrate, ab Aristotele, à Galeno, &  
 omnibus Medicis, scil. quòd cum corpora mulierum sint frigida,  
 non possunt vltimum alimentum totum conficere, neque in substā-  
 tiam corporum nutriendorum conuere. Vnde, quod superest, &  
 confici & conuerti non potest, paulatim & in dies mittitur ad ve-  
 nas vteri, vbi colligitur, donec tandem in eam molem excrescit, quæ  
 cum sustineri à natura non potest, ea ad expellendam irritatur, nisi  
 potius dicamus, cum natura cogatur plus sanguinis in mulieribus  
 ob fœtum nutriendum facere, quo tempore conceptus in vtero  
 non est, necessario illum exuberare, ob idque singulo mense nimis  
 auctum vno impetu a toto ad vterum mitti, vt ostendunt miræ  
 illæ totius corporis turbationes, quas sustinent mulieres dum men-  
 ses fluunt. Ex quo potestis intelligere, non esse qualitatem, quæ na-  
 turam stimulat, sed solam quantitatem. An verò huiusmodi sanguis  
 excludatur in vterum per refudationem, vt voluit Aristot. 2. de Ge-  
 ner. animal. cap. 4. an verò per vasorum refectionem; sum huius  
 sententiæ, sanguinem excludi in vteri capacitatem per refectionem  
 vasorum, atque ad hoc credendum impellor, tum quantitate  
 sanguinis quæ exit, quia per refudationem tantus exire non posset,  
 tum etiam crassitie, propterea quod sanguis qui emanat è valis per  
 refudationem, semper subtilissimus est, menstruus vero crassius, vt  
 non possit intelligi, quomodo sanguis ille ex venis non apertis exi-  
 re possit. Circa hanc degeneratione menstruorum speculationem,  
 tria occurrunt pulcherrima problemata. Vnum est, cur si sanguis  
 menstruus exit, quia non potest confici, & in membra conuerti, ta-  
 men videntur mulieres pinguiore viris semper? Etenim videtur po-  
 tius contrarium euenire debere, quia si totum nutrimentum vtile,  
 non potest conuerti in substantiam membrorum nutriendorum,  
 ergo deberent corpora priuata nutrimento debito emaciari: secus  
 autem videtur, vt dixi, quia semper mulieres pinguiore sunt viris,  
 id quod intelligentes prisca nostri, volentes vrere corpora virorum,  
 semper decem corporibus virilibus adiungebant vnum corpus mu-  
 liebre, vt præ pinguedine esset veluti tæda, & fax ad accelerandam  
 corporum combustionem. Secundum problema est: Cur natura  
 non

non potius quotidie excernit paulatim hunc sanguinem, eò magis, quòd hoc naturæ facilius esse videtur, & etiam minus molestum mulieribus. Facilius naturæ, quia facilius est expellere parvam quantitatem, quam magnam. Minus verò molestum mulieribus, quia videbitis ferè omnes mulieres, quo tempore instant menstrua, magis perturbari, non ob aliud, nisi ob impetum sanguinis copiosè excurrentis. Tertium est, quod si menstruum est eiusdem naturæ, cuius est sanguis ille, qui continetur in venis, videtur infinita mala facere, quæ referuntur à Columella, Plinio, & Aristot. scil. corrumpere arbores & flores, rubiginem ferro, dare, canes in rabiem concitare, homines dementare, specula corrumpere, & alia innumera damna inferre. Inòd experientia compertum est, quod si quis cum menstruosa concumbat, morbos squissimos contrahit, vt interdum vidi experientia. Auer. 1. Collec. cap. 7. dicebat, coitum cum menstruata lepram inducere, atque hoc se experientia cognouisse, vt non solum à legislatoribus prohibitus sit huiusmodi còcubitus, sed etiam ab Hesiodo veritus, ne in balneis versetur quis, vbi lauatae sunt mulieres menstruatæ. Ad primum problema dicendum, quod tametsi mulieres totum alimentum vltimum non perficiant, tamen tantum perficiunt, quantum sat est tùm ad restaurandum quod est deperditum, tùm ad augendam pinguedinem. Cur autem potius in pinguedinem conuertatur, ratio est, quia humiditas mulierum adiposa est & pinguis, vnde facilè frigidity ipsarum concrefcit hæc humiditas, & pinguedo euadit: Sic etiam videmus Vrsos & Sues pinguescere, non tam propter frigidityatem, quàm propter humiditatem adiposam. Et aduertite, cum dico corpora mulierum frigidiora esse, non intelligendum est ratione frigidityatis posituæ fieri pinguedinem, sed ratione moderati caloris, qui respectu caloris viri quoquo pacto potest dici frigus. Sed optabitis forsan intelligere, quare à natura comparatum sit, vt mulieres viris sint frigidiores: Cuius rei nulla potest potior assignari ratio, quàm hæc, quòd tùm propter Conceptionem, tùm propter conceptus nutritionem, necessarium esset, vt mulieres frigidae essent, aut saltem frigidiores viris: nemini dubium est, quod ad Conceptum, & ad eius nutritionem necessaria est magna materiæ copia, magna autem copia, non potest esse in muliere, nisi multum superfluum extitisset: Quoniam si foemina quod sibi necessarium erat tradere debuisset foetui, proculdubio ipsa magnopere offensa fuisset, idèd necessarium fuit, vt in ipsa materia superflua inueniretur: iam verò inueniri non poterat hæc materia, nisi calor debilis extitisset, eò quia calor magnus conficit, & dissipat valde, vnde paucum omnino potest superesse, quod non conficiatur. Ergo necesse fuit, vt calor esset debilis, quo posset mul-

ta ma-

ta materia superesse, quæ non conficeretur. Vnde videtis quàm necessarium fuerit Mulierem frigidam esse. Erat secundum propositum Problema, quæ ratione natura non fecit, ut quotidie mulieres potius expurgarentur, quàm singulo mense. Cuius rei multe rationes haberi possunt: una est, quia valde turpe & foedum fuisset, si mulieres quotidie fluore Menstruorum inquinarentur. Altera ratio est, propter conceptum, quia ut scriptum reliquit Hippoc. lib. de Genitura & in libro de natura Mulieb. Mulieres concipiunt, vel quando Menses iam incipiunt erumpere, vel quando desierunt. Concipiunt quidem incipientibus Mensibus, quia est magnâ materiæ ubertas: concipiunt deficientibus mensibus, quia uterus iam depuratus est. Sed & huius rei a Galeno libro de Vulturæ sectione cap. 10. adfertur alia ratio; cur scilicet incipientibus, & desinentibus mensibus fiat Conceptus: quia hisce temporibus cum aperta sunt ora vasorum uteri, interna eius superficies tota aspera facta est, propter quam asperitatem dicit Galenus, fit, ut semen facile adhæreat, & in conceptum transeat: reliquis temporibus, quando scilicet fluunt menses, semen excurrit cum sanguine extra uterum, vel materiæ copia nulla adest. Dicebat Diocles & iurè, idem contingere in his casibus, quod contingit cœmentariis, cum volunt lapides conglutinare, quia si lapides politi sint, nequaquam ferruminari possunt, propterea prudentes Cœmentarij asperant eos: sic si debet semen adhærere, operæ precium est, ut uterus sit asper, non levis & politus. Tercia causa huius rei, nempe, quod singulo mense exeant menstrua est, quia sanguis menstruus suapte natura benignus est, nec ab utero trahitur, ut docet Galenus 14. de usu part. 8. sed solum transmittitur ab uniuerso corpore ad uterum à facultate expultrice, unde cum sanguis sua qualitate non irritet naturam ad expulsionem, necessarium est, si debet excitari facultas, ut copia id fiat, & idcirco natura, ut excitetur facultas expultrix uteri, coacta est machinari hanc excitationem sola sanguinis copia, quæ non potest congregari nisi spatio longo dierum. Erat tertium Problema: Cur sanguis menstruus alioquin benignus, tot prauos effectus edat, quos audiuiſtis. Nonnulli pro dissolutione huius problematis dixerunt, sanguinem menstruum licet sua natura sit benignus, tamen ob diuturnam in utero moram, malam quandam naturam contrahere, & idcirco tot prauos affectus parere. Sed hæc solutio non videtur mihi accommodata: Ratio est, quia sanguis menstruus, si sua natura est benignus, ubi est in venis, est in proprio suo loco: si est in proprio loco, non debet corrumpi, sed conseruari, quia locus seruat locatum. Alij ut melius soluerent hoc problema, dixerunt in sanguine menstruo duas partes reperiri, unam puram, & vilem, aliam impuram, & scœulentam. Lx



pura dicunt isti, sit conceptus, & nutritur: impuram eam esse. quæ tot  
 malos effectus parit. Sed neque mihi satisfacit hæc solutio: ratio est,  
 quia hoc omnis sanguis habet, vt in eo sit pars purior, & pars impu-  
 rior. Si ergo hoc habet sanguis omnis, & sanguis Menstruus non dif-  
 fert ab eo, qui est in venis, cur ergo sanguis totius corporis non hæc  
 eadem mala facit, quæ Menstruus? Ergo mea est sententia, sangui-  
 nem illum, non semper ita prauum esse, vt referunt scriptores; eò  
 quia vbi corpora mulierum temperata sunt necessarium est; vt san-  
 guis menstruus sit temperatus, & propterea tunc nullos prauos effe-  
 ctus edere potest: Vbi corpus vitiosum est, sanguis menstruus vi-  
 tiosus redditur. modus autem quo hic sanguis redditur vitiosus  
 hic est. Constat apud oēs Medicos, vterum esse veluti sentinam &  
 cloacam, in qua natura solet corporis sordes deponere: quod cum  
 ita sit, omni quidem tempore natura ad venas vteri mittit humores  
 vitiosos, & prauos, sed potissimum eo tempore, quo menses incipiunt  
 fluere. Et ratio est, quia tum temporis vis expultrix magis excita-  
 ta est, & viæ magis sunt apertæ. Vnde si hoc tempore maiori impe-  
 tu prauis humores mittuntur ab vniuerso corpore ad vterum, isti hu-  
 mores in vtero commixti sanguini menstruo mixtionem quandam  
 deterrimam efficiunt propter quam deinde non est mirum, si innu-  
 mera mala oriantur. Tertium caput erat, in quibus corporibus fiant  
 menstrua. Aristot. 6. de Histor. animal. 8. & 3. de Generat. anim. scri-  
 bit, menstrua videlicet non fieri neque in piscibus, neque in auibus,  
 sed solum modo in ijs animalibus, quæ sunt prædita sanguine, & quæ  
 sunt viuipara. Inter animalia maximè omnium menstruas purgatio-  
 nes habet mulier, deinde Vacca, postea Equæ, & Canis. Cur autem  
 omnium animalium maximè mulieres menstruas purgationes ha-  
 beant, duæ sunt causæ potissimum: Vna est, quia in Brutis excre-  
 mentitia hæc materia in Pilos vertitur, in Cornua, in excrementa  
 varia, in vrinas crassas. In muliere autem materia hæc non vertitur  
 in quidquam horum, propter quod omnium maximè necessariò  
 etiam purgatur. Altera causa est, quia bruta vno victus genere vtun-  
 tur, maximè laborant, & exercentur. mulier verò argè viuitt, & va-  
 rijs cibis vtitur: adhæc otiosa, & sedentaria est, vt ob has rationes  
 iurè maximos fluores sanguinis menstrui habeat. Quartum caput  
 erat de tempore menstruorum, quod quidem duplex est: aliud vni-  
 uersale, aliud verò particulare. De vniuersali sic constitutū sit apud  
 vos, quod vt plurimum menstrua incipiunt fluere à decimoquarto  
 ætatis anno, desinunt autem ferè semper circa quinquagesimum. Di-  
 cebat Aristot. 7. de Histor. animalium 1. tunc incipere menstruorum  
 cursus, quando vbera prominent ad duos digitos, & quando viro  
 semen mouetur, quo quidem tempore dicebat maximas fieri mu-  
 tationes,

tationes, & in viris. & in mulieribus, tum vocis, tum etiam aliarum rerum. Dixi, vt plurimum incipere a decimoquarto a tatis anno, quia reperiuntur mulieres, quibus etiam incipiunt duodecimo anno. Sed vt docet Paulus Aegineta lib. 3. cap. 50. hæc sunt admodum rara, vt rarissimum sit, quod scribit Sauionarola, scilicet fuisse quandam quæ cœpit nono anno purgari, & facta est prægnans, Sed optabit aliquis vestrum intelligere: Cur potius decimoquarto anno, & non ante. Cur quinquagesimo desinant, & non post. Dico non ante decimumquartum annum incipere, quia in secundo septenario corpora nostra sunt valde calida, ita vt calor magnopere consumat, nec sinat quidquam superfluum esse: Post secundum septenarium, cum incipit remitti, incipit materia superesse, & propterea incipit materia excludi, quamquam in minori quantitate quam antea, vel alio tempore. Post quinquagesimum annum desinunt menses, duabus de causis: Vna est, quia calor non potest id quod residuum est, conuere in sanguinem, sed conuertit in pituitam. Altera causa est, quia propter caloris natui imbecillitatem, vis expultrix valde tarda est, & debilis, ita vt non sufficiat expellere hanc materiam. De tempore particulari, scribit idem Arist. 2. de Gener. animal. 4. & 7. de Histor. animal. 2. quod videlicet menstrua nullo certo termino currunt, sed vt plurimum mouentur decresciente Luna, propter quod inquit nonnullos appellasse Lunam sceminam. Dixit iurè, nullo certo termino currere, quia vt scribit Aetius & Auicenna, vt plurimum ad minus intersunt 22. dies inter vnâ, & alteram purgationem ad summum triginta: inter hos terminos, inuenietis aliquas quibus tunc intercedunt viginti quinque dies alijs vigintiseptem, alijs vigintiquatuor, ita vt iurè dictum sit, nullum esse certum terminum: Cuius varietatis ratio nulla potest melior assignari, quam varietas temperaturarum, Regionum, cibi & potus, quibus omnibus de causis fit varia humorum aggregatio, ad quam magnus Auerroes reducebat causas ois inordinationis. Cur verò decrescente Luna fiant potissimum menstruæ purgationes, scribit Aristoteles, & Auerroes 2. de Gene. animalium c. 2. & 4. quia tunc corpora hominum, & animalium frigidiore, & humidiora sunt. Circa quam sententiam duo occurrunt dubia discussione digna. Vnum est, quoniam Aristoteles 7. de Histor. animalium capit. 2. scribit: paucas mulieres singulo mense purgari, plurimas verò tercio quoque Mense: nam Aetius lib. 16. capit. 4. scribit omnes mulieres singulo Mense purgari. Sed quid quarimus auctoritates, quotidiana experientia satis testatur, omnes mulieres singulo Mense purgari, rarissimas verò esse, quæ tercio tantum Mense, ita vt satis apertum sit Aristotelis sententiam falsam esse. Alterum dubium est, quomodo Aristoteles dixerit Luna decrescente

corpora nostra frigidiora & humidiora esse: Etenim Galenus 3. de Diebus decretorijs capit. 2. & 3. Astrologorum omnium sententia confirmatus dicit: Luna plena existente, corpora omnia augeri, animantia pinguescere, ita vt clarissimè testetur humiditatem potius exuperare in plenilunio, quàm Luna decrescente: Hoc quoq; abundè testantur agricolæ omnes, qui iubent cédendas esse arbores Luna decrescente, eò quod tunc corpora sunt aridiora, & humore priuata: Apparet idem in Conchylijs, quæ Luna decrescente, inania sunt, in plenilunio verò prægnantia & plena. Pro prima dubitatione, Alb. Magnus lib. 4. Animal. ca. 2. videns Aristotelis sententiam falsam esse, vt ipsum tueretur, permutauit literam Aristotelis, quasi dicat Aristoteles, singulo mense purgari mulieres plurimas, paucas verò tertio quoque mense. Sed hæc Alberti sententia duo contra se patitur: Vnum, quod contextus Aristotelis contra omnes manus scriptos & antiquos perueritur. Alterum est, quod licet concedamus Alberto, literam illam corrigendam esse, verumtamen Aristoteles veritatem non dicit, eò quod non solum plurimæ purgantur singulo mense, sed omnes, & nullam inuenietis quæ solum tertio quoque mense purgetur. Augustinus Sueff. in commen. super lib. de Histor. anim. videns, & ipse hanc difficultatem dixit, hoc fortassè verum fuisse in regionibus Aristotelis, vt scilicet paucæ purgentur singulo mense, sed nugæ sunt quoniam id quod naturale est, vbicunque idè est. Sed à natura comparatum fuit, vt mulieres singulis mensibus purgentur, & idè etiam in regionibus Aristotelis, & vbicunque locorū hoc perpetuum esse debet. Fuerunt aliqui, qui dixerunt & non sine ratione, Aristotelis libros de Animalibus ex aliorum relatione conscriptos esse, & idè multos errores commisisse, quod deceptus fuerit à referentibus. Sed iniquum est ita tractare summum. Philosophum, vt permiserit se decipi in re apertissima. Idè sum ego huius sententiæ, Arist. sententiam posse defendi, modò non credamus Gaze, qui hunc locum & alios multos deprauauit, omissione vnus vocis, vox autem est *συνεχῶς*, quæ quid importet, animaduertite: Aristotelis verba hoc sonant, quod paucæ sunt quæ singulis mensibus, *συνεχῶς*, id est acruatim purgentur: plurimæ sunt, quæ acruatim purgantur tertio mense: quasi dicat Arist. purgari quidem omnes mulieres singulo mense, sed paucas purgari acruatim. Ad stipulatur huic sententiæ Plinius, qui libro 7. ca. 15. verba Aristot. ferè transiens dixit, omnes mulieres tricenis diebus purgari, sed largius tertio quoque mense, quasi hæc ferè sit Arist. sententia, vt dixi. Ad secundam dubitationem. Auerroes in commen. supra 2. de generatione animal. c. 4. exponens Aristot. sententiam ait, magna luminaria tempore coniunctionis, & oppositionis diuersa esse inter se, quia quo tē

pore coniunguntur, tempus frigidius est, eò quod hoc tempus assimilatur Hyemi. tempus verò quo opponuntur calidum esse, atq; hoc tempus *A* statim assimilari, quali voluerit Auerroes, totum hoc tribuendum esse frigiditati aeris: Sed neque hæc Auerrois responsio tollit dubium, eò quod addubitari possit, qua ratione his temporibus frigiditas dominetur: adhæc, potest esse frigidum cum sicco. Propterea dicendum iudico, quòd declarat Picus lib. 3. contra Astrologos c. 6. qui scribit, Lunam minimè ex se frigidum, aut calidum posse facere positiuè: sed si frigidum faciat, id facere priuatiuè: eò quod aere nocturno existente ex sese semper frigidus, vbi Luna lumine plena est, resistit frigiditati nocturnæ: vbi verò lumine spoliatur, cum non possit resistere, dimittit aerem in suo frigore, atque dimittit corpora animalium omnibus aeris iniurijs. Quæ sententia confirmata est à Galeno tertio de diebus decretorijs, capite secundo. Sed quid dicemus de humiditate, vt tueamur Aristotelem & Galenum? hæc habenda est vobis in hac re resolutio, quod in nostro hoc orbe, & in omnibus corporibus duplex est humiditas: alia quidem viuifica, & intrinseca: alia verò extrinseca, ab elementis huius mundi communicata. Posterior humiditas scilicet excrementitia augetur in corporibus decresciente Luna. Ratio est, quia Luna spoliata lumine non resistit frigori externo. Proculdubio corpora animalium elementorum iniurijs exposita quoquo pacto humiditate excrementitia imprægnantur. Hinc fiunt pluuiæ Luna decresciente, & alia plurima: sic etiam dicimus fieri menstrua, propterea quod corpora Mulierum hoc tempore humiditate externa veluti intumescant, præsertim vteri vasa, quo fit, vt ora ipsorum aperiantur, id est, naturæ expellenti diligentissimè famulentur: Atque hoc voluit intelligere Gal. loco citato, quando dicebat, excrementa seu menstruas purgationes secundum proprios circuitus conseruari à Luna, pro vt vel magis, vel minus plena est lumine. Prior humiditas, id est intrinseca, & viuifica augetur potius plenilunio quàm secus: & ratio est, quia tùm corpora animantium, & plantarum vigorata magis concoquunt, & cōsequenter magis humiditas viuifica augetur: propter quod iurè dictum est à Galeno, in plenilunio corpora augeri, & pinguescere, hac scilicet humiditate. Accedit his & aliud, quod tempore plenilunij, humiditates corporum hominum aliqui congelatæ eliquescent: eliquatæ diffunduntur, diffusæ, maiorem copiam humiditatis apparere faciunt. Erat quintum caput à nobis propositum de fine, ob quem mulieres, & alia animalia habeant menses. Aristoteles 2. de Gener. anim. 4. scribit menstruas purgationes fieri in mulieribus tùm propter necessitatem, tùm etiam propter vtilitatem, seu vt ipse dicit, nobilitatis alicuius gratia. Fiunt propter necessitatem,

tem, eò quod cùm mulier sit frigida, necessariò multa materia superest postremæ concoctioni, quare necessarium est, vt statò quodam tempore expurgetur. Propter vtilitatem autem fit purgatio mensium, quia ad propagationem humanæ speciei conueniunt, & causæ efficientes, & materiales. Causa efficiens, in viro est: causa verò materialis, subministratur à muliere menstruis istis purgationibus. Sed aduertite, hanc esse Aristotelis sententiam contra medicos, qui putat mulieres tantum materiam præbere in generatione, de quo nunc non est nobis disputandum. Galenus de sectione venæ contra Erasistratum cap. 5. videtur voluisse menstruas purgationes tantum fieri ex necessitate, eò quod mulier frigida est, otiosa, propter quæ omnia necessariò multa excrementa in ipsis colliguntur. Sed idem Galenus in libro de semine, & 14. de vsu partium scribit, non propter necessitatem solum fieri menstruas purgationes, verum etiam propter duos fines nobilissimos, quorū alter est, vt fiat conceptus: alter, vt conceptus nutriatur tum in vtero, tum extra vterum. In vtero quidem, quando foetus sanguine menstruo nutritur: extra vterum, quando Lacte, quia lac est sanguis menstruus dealbatus. An verò natura etiam vtatur sanguine menstruo ad nutriendum vterum: dico id quod probauit Auerroes 3. Col. 3. item 29. Vterum videlicet nequaquam nutriri sanguine menstruo, & hæc ratio maxima est, quia natura ad nutriendas partes semper vtitur eodem nutrimenti genere: quod si verum est, ergo deberet vterus semper nutriri sanguine menstruo. Si ergo & hoc verum est, quod nutritur sanguine menstruo, quomodo nutrietur vterus post quinquagesimum annum, cum desierint menses, & ante decimum quartum, cum nondum inceperunt: quomodo item nutrietur vterus animalium, quæ carent menstruis. Itaque hoc constantissimum sit apud vos, naturam non vti sanguine menstruo ad nutriendum vterum, sed solum ad nutriendum Foetum. Quantitas menstruorum, quod erat sextum caput, alia est discreta, alia continua. De discreta quantitate, inuenio non nihil diuersitatis inter authores. Hippocr. siue alius author in lib. de Morbis muliebribus scribit: Purgationes menstruorum in mulieribus fieri duobus, vel tribus diebus. Actius loco citato scribit has purgationes fieri quatuor diebus. Paulus Aegineta lib. 3. scribit, multis mulieribus fieri has purgationes duobus, vel tribus diebus, plurimis fieri quinque, nonnullis quoque septem diebus. Auerroes 3. Collecta. loco citato, scribit minimum purgationis tempus esse unius diei: summum septem. In hac controuersia illud cupio vobis constitutum esse, non posse certam quantitatem dierum definiri, eò quod miravarietas inesse potest propter laxitatem, & structuram vasorum, propter ætatem, regionem, & alia, quæ consueuerunt statum



rim nostrum euariare. Præterea etiam vobis hoc notandum, quod colligitur ex Aristotele 7. de Histor. anim. 2. scilicet purgationes, vel considerari in sanis mulieribus, & secundum facilitatem: vel considerari indifferenter. Si primo modo consideremus, mulier sana, & ea quæ faciliè purgatur, nunquam purgatur minus secundo die, neque plus tertio. Et hoc est, quod scribit Aristoteles si purgatio hos terminos transeat, difficile fieri, & cum labore: hoc idem innuit autor lib. 1. de Morb. mulieb. dicens, non fieri purgationes, nisi duobus, aut tribus diebus, quod si aliter fiat, vel mulier morboſa est, vel sterilis fit. Quod si secundo modo consideremus, ut dixi, non potest certa quantitas assignari, quia Virgines alio modo, alio adultæ, alio modo carnosæ, & alio non carnosæ purgantur, ita ut appareat mira varietas. De quantitate continua scribit idem autor, quantitatem moderatam debere esse duarum Cotylarum Atticarum. Hoc idem confirmat Aetius lib. 16. cap. 4. Est verò mensura Cotylæ nouem, vel decem vnciarum, paulo plus, minusvè: Ita ut quantitas menstrui debeat esse viginti vnciarum. Sed sum huius sententiæ, quod non possit hæc certa quantitas constitui: quia Virgines à principio minus purgantur, adultæ copiosè, senescentes minus, macilentæ plus, pingues minus, quia in pinguedinem absumuntur hæc excrementa: Sic quoque Sanguinæ magis quam Biliosæ; Pituitosæ magis, quàm melancholicæ; debiles plus quàm robustæ. Regio quoque & victus ratio, Exercitationes uitæ & alia, possunt miram varietatem parere: Et hæc est quantitas menstruorum. Sunt quædam aliæ purgationes muliebres, quæ Latini appellant Puerperium, & sunt istæ purgationes, quas omnes mulieres patiuntur, quando pepererunt, vel quando Abortum fecerunt, quarum purgationum quantitas diuersa est à quantitate prædictarum. Nam ut habetur in lib. 1. de morbis mulieb. a principio exeunt hæc purgationes ad mensuram Heminae vnius & semis, plus minusvè, & hoc si sana sit, quæ quantitas deindè in dies minuitur, vsque quo perfectæ istæ purgationes desierint, excipitur tamen ea aquæ & sanguinis purgatio, quæ exit in ipso partu, & statim post partum copiosissima. Si foemellam mulier pepererit, durat huiusmodi purgatio ad summum quadraginta duos dies, ad minus verò triginta. Si verò marcenti pepererit, ad summum durat triginta dies, ad minus verò viginti. Quamquam & in hac re nonnihil est diuersitatis, quia quæ abortiunt, prout foetus abortus est, vel grandiusculus, vel minor, ita & magis & minus durat huiusmodi purgatio. Est verò Qualitas harum purgationum, quod erat postremum caput, in tribus collocata. In crassitie, & tenuitate, in colore, & odore, possunt addere, & modum exitus. Quod ad primam conditionem spectat, debent menstrua neque esse

subtilia,



subtilia, neque tenuia, neque admodum crassa & viscida, sed mediocria, quanquam videbitis semper Virginibus menses exire subtiliores, vetulis & adultis crassiores, vt & melancholicis: Biliosis contra tenuiores. Odor nullus certè esse debet, quia sanguis dum optimè constitutus est, expers est omnis odoris. Vbi adest odor, signum est adesse alterationem, & corruptionem. Color, vt habetis apud Arist. 7. de Histor. animal. 2. & Auicennam lib. 9. de animal. debet esse, qualis est sanguinis exeuntis è venis animantis recenter mactati, id est, vt sit floridus & viuus. At hic quoque alia discrimina intercedunt, quia videbitis mulieres biliosas habere menses flauiores, Pituitosas albicantes: melancholicas subnigros: qui omnes colores deprehenduntur, vt docet Rhassus, ex sententia Galeni, ex pannis. Modus autem exitus bonus est, si sine vlllo symptomate exeant. Videbitis interdum mulieres, cum purgantur, mirificè torqueri: alijs dorsi dolor adest, alijs dolor capitis, alijs debilitas visus, & alia multa accidunt symptomata. Ex ijs quæ hæcenus de natura menstruorum diximus, colligere licet, menstrua ea esse naturalia, quæ vt scribit Hipp. 2. Prorrh. singulis mensibus fluunt, in moderata copia, quæ colorem naturalem habent, sine symptomate, sine etiam dolore, quæ neque pluribus, neque paucioribus fluunt diebus, quàm par sit. Quod si aliqua ex his conditionibus desit, proculdubio vitiosas illas esse purgationes censendum est. Itaque si vel fiat nunquam, vel rarò, aut vnica solummodo die, & pauca quantitate, dicuntur menstrua deficientia a Medicis Rursus si fiant bis in mense, pluribus diebus, exempli gratia, octo vel nouem diebus, si in multa copia, dicuntur menses exuberantes. At si sanguis non est qualis esse deberet, si alieno colore, si odore infectus, si cum dolore, dicuntur simpliciter menses vitiiati. Iam verò menses deficientes, quia primo de his agere debemus, symptomata sunt, in genere excrementorum retentorum, quæ symptomata referuntur ad morbos proprios, scilicet aut ad prauas intemperies, aut ad morbos ex mala conformatione. Locus affectus, nullus alius est, quam vterus.

### *Causa.*

**D**UO causæ quæ hoc malum pariunt, aut sunt Externæ primitiua, aut Internæ. Inter externas primum locum obtinet aer siccus. siue calidus sit, siue frigidus. Similiter etiam nimius corporis motus, de quo loquens Rufus apud Aetium dicebat, Saltatrices mulieres, & Cantatrices non purgari. Vigiliæ quoque immodicæ solent menses suppressere,

suppressere de quibus loquens Albert. Magnus lib. 9. de animalibus scripsit, se vidisse multas Virgines, quæ cum macerarent corpus Virgilio, nunquā purgabantur. Vehementes animi motus inter has causas referendi, præsertim mœror, & timor. Videbitis sæpè Viduis, & alijs mulieribus, ob tot continuos mœrores deficere has suas purgationes, ut ego vidi atque curaui, cui ex ipso timore suppressi erant menses. Adhæc Cibi & Potus magnoperè conferunt ad retinendos menses, præsertim cibi, & potus exsiccantes, & adstringentes, & refrigerantes, ut aquæ potus, quem dicebat Auicenna sæpè menses tollere. Paucitas cibi, & potus, inter has causas quoque referuntur ab Actio. Internæ causæ, vel sunt propriæ, & essentielles, vel sunt per communionem. Internas causas magnus Auenzoar videtur reduxisse lib. 2. Tract. 1. c. 5 ad duo solum genera, scilicet ad visciditatem, & crassitatem humorum, nec non ad facultatis expultricis imbecillitatem, quod etiam interdum fecit ait Galenus, ut etiam testatur Rabbi Moyses lib. 10. Aphorism. Sed præter has causas, a Galeno, & Auicenna aliæ multæ in medium sunt positæ: à Galeno 5. Aphorism. 28. & 6. de locis affect. 5. Ut autem habeatis has omnes causas sub certis generibus distinctas, dicendum est: Causas internas alias esse naturales, & has omnes pertinere vel ad instrumentum, scilicet Vterum, vel pertinere ad facultatem expultricem, vel materiam ipsam. Quæ pertinent ad instrumentum, primò sunt intemperies, præsertim tres, calida videlicet, frigida, atque sicca. Sed dicetis, qui fieri potest ut à causa calida supprimantur menses, quia satis comperitum est, calidi proprium esse aperire, & rarefacere? Auicennas tres proponit causas, propter quas intemperies calida supprimit menses: prima est communissima, quia scilicet ubicunque partis alicuius temperatura vitatur, consequenter vitiantur etiam partis illius actiones, quod sæpissimè testatur Galenus præsertim in libro de inæquali intemperie. Iam verò, ubi adest calida intemperies uteri, vitatur eius temperies & consequenter vitatur eius actio. Altera causa est, quia ubi Vterus laborat calida intemperie, humores subtiles, & acres, qui aperiunt, dissipantur, & exsiccantur: unde remanent terrestres duntaxat, & consequenter retinentur istæ purgationes. Tertia causa est, quia calidus Vterus, tametsi ratione caliditatis attrahat, verumtamen plus est id, quod consumit sanguinis menstrui, quàm quod attrahit. Cur intemperies frigida retentionem menstruum faciat, aperta est ratio, quia scitis proprium frigiditatis esse condensare, & adstringere. Præterea perspicuum est, cur hoc faciat, utpote a qua Venæ coniuvent, atque simul concidunt, ut non pateat excursus sanguini fluenti: atque hæc sunt intemperies simplices: Intemperies uerò coniunctæ sunt, quoniam his intemperiebus coniū

guntur humores frigidi, visci, & crassi. Neque est credendum nonnullis, qui putant quoslibet humores associatos intemperiei posse facere hanc retentionem, quia ubi sunt humores subtiles & tenues, nequaquam retentionem mensium possunt efficere. Causæ ex mala formatione omnes videntur ab Auicenna reduci ad angustiam, & stricturam vasorum, quæ angustia interdum naturalis est, ut docet Galenus 3. de Sympt. caus. 4. quod experientia comprobatur in illis mulieribus, quæ Iliæ, & anchas uocatas strictas habent, & pectus latum, de quibus dicit Aetius, & Auicenna, necessario habere vasa illorum, & vteri angustia. Potest esse hæc angustia non naturalis, atque tunc sequitur vel prædictas intemperies, vel alias egritudines. Quæ sint autem illæ indispositiones: quas consequuntur angustie vasorum, satis copiose docuit Auicenna quas omnes sub septem generibus comprehendere possumus. Primum genus est multitudo pinguedinis, propter quam vasa ita compinguntur & coarctantur, ut nequeat sanguis exire. Secundum est apostema & tumor, à quibus compressa vasa coangustantur. Tertium est clausura vasorum facta ab ipsa carne, vel aliqua membrana, ut cum membrana quadam oritur in vtero, quæ prohibet sanguinis menstrui purgationes, de qua loquitur Hippoc. & Paulus, & nos loquemur suo loco. Quartum est cicatrix: etenim vlcera matricis sæpè consequuntur cicatrices, ob quas ita corrugantur interni vteri parietes, ut facile omnia vasa ipsius coarctentur. Quintum est tortuositas colli vteri, quæ affectio nascitur, vel quando nimis descendit vterus, uel ascendit, vel ad latera conuertitur. De quo affectu loquens Galenus 5. Aphorism. 28. scribit supprimi menses ob peruersionem vteri. Sextum est condensatio substantiæ totius vteri, quæ ut idem testatur 3. de Sympt. causis: modo naturalis est, modo præter naturam. Sed dicetis, quid potest efficere huiusmodi densitas? Dico, quod si sit naturalis, necessario adiunctam habet vasorum angustiam: Si sit præter naturam, non solum vasa sunt angusta, imò verò quod notat Auicenna. sit breue vteri collum. Septimum genus est Abortus, post quæ venæ illæ quibus colligabantur Secundinæ ita coalescunt, ut postea reserari amplius non possint. Dicebat Paulus lib. 3: cap. 59. ferè semper post Abortum sequi Menstruorum retentionem, quæ sententia nisi sano modo intelligatur, falsissima est, quia videbitis Mulieres abortientes etiam exactissime purgari. Est autem Pauli sententia intelligenda, ubi frequentes fiant Abortus, tùm so- lere consequi Menstruorum retentiones, ea ratione quam vobis antea explicui. Causæ Menstruorum retentionis pertinentes ad ipsam materiam, vel sunt ob quantitatem materiæ, vel ob eius qualitatem, vel ob utrumque: ob quantitatem, ut si sanguis paucus sit,

fit, necessariò sunt diminutæ purgationes. Fit verò paucus sanguis, multis de causis, vel ob paucitatem ciborum, vel quia alio auertitur sanguis, vt in euacuatione sanguinis per nares, ex hæmorrhoidibus. An autem sanguis multus potest efficere retentionem? Dico ex se non posse multitudinem efficere retentionem: ratio est, quia vt nostis, vbi multus sanguis est in venis spontè solent ipsarum ora hiare, & ideo sanguis exire: sed fit bene, vbi sanguis multus est, vt possit crassescere, & sic retineri. Verum retentio non est adscribenda copix, sed crassitie. Causæ per communicationem vel sunt per communicationem a toto, uel ab aliqua parte. A toto, ut cum totum corpus constipatum est, aut obstructum, unde fit, ut a toto corpore non mittatur sanguis ad uterum. A parte, quando iccur obstructum est ualde, quo in casu sanguis ad Vterum non potest fluere, uel quando Intestina & Panniculus adeò sunt pinguias, ut comprimant Vterum & uasa coarctent.

### *Signa.*

**S**IGNA menstruorum retentionis ut plurimum habentur ex relatione agrotantis, propterea semper diligentes esse debetis, ut primum, quod petitis ab ægrâ sit, an menstrua sint retenta, nec ne. Dicit Hippocr. 1. de Morbis muliebribus, Muliebres morbos ideò difficiles esse curatu, quia sæpè latent Medicum verè morborum causæ, eò quod mulieres verecundentur vitia sua confiteri. Sed præter relationem ægræ, aut ministræ, sunt alia signa tradita ab Hippocrate & Gal. Hipp. 5. Aphor. 39. scribit: si mulier neque peperit, & lac habeat in mammillis, signum est menstrua defecisse. Galenus 6. de locis affectis 5. multa alia adiicit signa, quorum hæc sunt præcipua. Corporis totius grauitas, fastidium ciborum, horrores inæquales, lumborum, colli, & capitis dolores, febres graues, atque ardentes, vrinæ nigricantes, tumores, præsertim vbi durat diutius retentio. Addit Aetius, febres continuo comitari suppressos menses. Sed falsissima est hæc sententia, & puto errorem esse in Actio, quia multum abest, vt semper retentos menses comitetur febris, imò uidebitis plurimas laborare retentione, & non febre. Signa autem particularia sunt, quod si retineantur menses propter communicationem alterius partis, intelligetis per signa, quæ declarant partem illam affectam, & præsertim si nulla alia signa adsint proprium affectum ostendentia. Quæ verò sunt retenta per essentiam, si a causa frigida, somni adsunt longi & profundi, torpor totius corporis, pul-

fus valde rarus, color albus, sudor frigidus, vrina copiosa, egestiones pituitosæ. Dicit vnum Auicennas notatu dignum, in hoc casu venas virorem quendam contrahere, quæ res tametsi non ita frequens sit, tamen potest euenire, non quod sanguis in venis retentus putrescat, alioqui mulieres istæ peste maxima laborarent, si ob putredinem viriditas nasceretur, sed quia sanguis alteratur tunc quadam alteratione sibi propria, eo pacto, quo videmus aquas quæ non percutiuntur à Sole, propter frigiditatem, & torporem virescere, nec tamen insignem putredinem contrahere. Si verò menses ob causam calidam supprimantur, hæc erunt vobis signa, Vteri videlicet quædam inflammatio, quidam feruor, siccitas Vteri, Color corporis rubeus, pulsus velox, vrina feruida. Quod si fiat suppressio a siccitate, cognoscetis ex totius corporis ariditate, ex ijs quæ præcesserunt scilicet immodicis exercitijs, vigilijs, euacuationibus, & alijs quæ solent corpora nostra exsiccare. Addit Rhases, coloris quoque citrinitatem adesse. Vbi fiet suppressio a crassitie sanguinis, erunt talia signa: inflammatio & magnitudo venarum, præsertim in partibus inferioribus, coloris nigredo, palpebrarum & oculorum color obscurus, vrina crassa, rubea & interdum subnigra. Quod si fiat ex clausura oris Vteri ab oppilatione, vel alio modo instrumentali, per propria indicia horum morborum cognoscetis.

### *Prognostica.*



**S**IGNA prognostica hæc sunt: quod sicut fluentibus in æsibus naturaliter mulieres sanæ degunt, & ut dicit Auicenna, castæ sunt, & paucò coitus desiderio tentantur: sic si non fluant, fiunt morbi dicebat Hippoc. 5. Aphorism. 57. quam sententiam confirmat Arist. 2. de Gen. ani. 4. vbi dicebat, si menses, vel non fluant, uel immodicè fluant, morbi varij exoriuntur, corpus mulieris emaciatur. atq; etiã sterile scit: addatis etiam, interdum ex retentis mensibus mulieres habitum virilem contrahere & deformari, ita vt pili varij, & barba oriatur, quod testatum habemus non modo ab Auicenna, sed etiam ab Hippoc. 6. Epid. circa finem, vbi exemplum affert Phætuæ, & Namy siæ, quæ ob retentos menses barbam acquisierunt. Qui verò sint morbi illi, qui solent oriri ob retentionem mensium, docet Hippoc. 1. de Morbis Mulieb. & alibi, & in Coacis prænotionibus. Nec nõ Gal. 6. Loco. affec. 5. & libro de Venæ sectione aduersus Erasist. scilicet morbus comitialis, paralyfis, tabes, fluxus alui, hæmorrhoides, præfocationes vteri, vrinæ difficultates, hydrops, melancholia, febres ardentes, apostemata

apostemata uaria: & præsertim hæc fiunt, quando retentio diu permanet, ita ut breuiter dicam, pauci sunt omnino morbi, qui ob menstruum retentiones mulieres non infestent. Scriptum est 1. de Morb. mulieb. si menses supprimantur sex mensibus, malum incurabile euadere, quæ sententia à nonnullis male accepta est, & idcirco hoc modo intelligenda, quod scilicet ubi menses supprimantur ob colli vteri peruersionem, tum mala vehementia suboriuntur, ita ut si perduraret spatio sex mensium, omnino iugu, latur mulier atque ita malum sit incurabile. Quod autem ita intelligendus ille autor sit, factis demonstrant eius verba, præter quam quod habetis exemplum vxoris Gorgiæ 5. Epid. 4. quæ cum per quatuor annos suppressos habuisset menses, tandem peperit, & post multos labores tandem curata fuit.

### *Curatio.*

**C**UM igitur suppressio tot mala adferat, summa cura adhibenda, ut mulieres ab hoc morbo curentur. Pro qua curatione communissimus Scopus est, ut sanguis reddatur fluxilis, & cursus eius reuocetur, sed quia id obtineri non potest, nisi prius causæ omnino tollantur: propterea studendum est, ut causæ auferantur. Et quia multæ (ut audiuitis) sunt suppressionis causæ, multa quoque sint curationis genera necesse est. Si ab externis causis efficitur, id est, ab aere, a motibus corporis vel animi, vel a cibo & potu, quia aut pariant malum, aut foueant, ante cætera studendum est has causas mutare. Sic etiam, si malum fiat non per essentiam, sed per communicationem totius corporis, aut alicuius partis, erit sedulo incumbendum, ut totum corpus curetur, aut curetur ea pars, quæ communicat morbum post quod, ut docet Paulus & rectè, erit prouidendum vtero. Similiter si retentio orta sit ob aliquas causas naturales, scilicet ob membranam occludentem, & similes, Curatio in hoc posita est, ut id quod impedit, ea ratione qua fieri potest amputetur. Vbi autem fiat a cicatrice malum, est res sine ulla spe de Auicenna sententia. Sed dicet aliquis vestrum, ubi nulla arte potest reuocari mensium fluxus, quid agendum, nam si mulieres ita dimittentur, fieri non potest ut sanæ fiant, & vitam proferant? Dico in his desperatis casibus, omnia esse tentanda, ut ex ratione reuocentur, etiam si naturalia sint uitia, dicit Gal. 3. de Sympt. causis 4. etiam naturalia impedimenta posse corrigi. Quod si remedijs malum non cedat, conuertendum est studium ad euacuandum sanguinem per alias vias. Et in his casibus consueui sæpè mulieribus venas Saphenæ incidere, aut etiā

venas



venas cubiti: sed melius est incidere venas inferiores quia vt habet Oribasius 7. Coll. felicissimè semper purgantur mulieres per illas venas, per quas consuevit natura eas purgare. Loco missionis sanguinis, sunt uehementes corporis exercitationes, frictiones, purgationes corporis frequentes, quæ omnia possunt sanguinis exuperantiã tollere sine detrimento, cauteria quoque cruribus subtus genua parti interiori inusta & diu conseruata vim habent maximam, aut prouocandi menses, aut paulatim ipsorum materiam imminuendi. In alijs mensium retentionibus tria illa medica instrumenta in vsum veniunt. Et primo quòd ad Liatam attinet, aer conuenit temperatus, vel qui contrarias habet causæ morbificæ conditiones: vt in causa calida & sicca, aer frigidus & humidus, motus omnes corporis, nisi nimij, maximè conueniunt, motus vehementes animi sunt reiiciendi. Balnea aquarum dulcium, somnus moderatus conueniunt, in potu, nisi quid obstiterit, conuenit vinum album tenue, non admodum vetustum; vbi febris prohibeat, conuenit aqua decocta cum Aromatibus, præsertim Cinamomo, & Coriandro. Scitis ex Hippoc. aromata menses prouocare, nisi caput lædatur. Cibus dicit Gal in lib. de Curandi Ratione per venæ sectionem 18 debet esse attenuans, vt panis optimè fermentatus, ex bona farina, Cymino, vel Aniso conditus: iure commendantur ab Alzarauio Medico carnes paruarum auicularum, vel quadrupedum lactantium: pisces omnes si sint modicè saliti, & petrei. Inter herbas conueniunt quæ vim aperienti habent, ut Petroselinum, pulegium, satureia, serpillum, nepeta asparagi. Allia quoque & porri in assuetis. Inter fructus, caricæ, pistacia, brodium cicerum rubrorum, magnoperè commendantur. Circa Chirurgiam, videtur esse communis omnium Medicorum sententia sectionem venæ esse omnium remediorum maximum ad prouocandos menses: Et quia hoc genus remedij maximam optat diligentiam, quinque vos docebo: vnū est, quibus videlicet conueniat venæ sectio: secundum, à quo loco conueniat fieri: tertium, quantum sanguinis mittendum: quartum, quo tempore sit mittendus: quintum & vltimum, quomodo sit mittendus. His omnibus a vobis intellectis, nihil amplius desiderabitis circa hanc materiam. Circa primum est sententia Pauli, quam etiam Galenus videtur habuisse libro de Curatio. per sanguinis missionem, scilicet omnibus indifferenter conuenire sanguinis missionem ad prouocandos menses. Sed dicetis, si hoc verum est, cur ergo Aetius lib. 16. vbi longam curationem huius affectus instituit, solum facit mentionem Phlebotomie, vbi cum plenitudine suppressi sunt menses? Vt tunc Aetium, dicere soleo, in alijs omnibus suppressionibus proposuisse hoc remedium, tanquam potissimum: nominasse autem in plenitudine, quæ  
maximè

maximè opus est sectione, vnde vt admonet nos, voluit huius meminisse. Sum ego etiam huius sententiæ, nisi quid impediatur, in omnibus suppressionibus mensium conuenire venæ sectionem, etiam in causa frigida, ad quod impellor, quia scopus in hac curatione est, vt sanguis fiat fluxilis, & in motu ponatur: quare, si sanguis mittatur, in quocunque casu, hoc semper obtinetur, quia natura, vt repleat locum inanitum, vnde cunque mouet sanguinem, atque sic sanguis qui torpescerat, in motu ponitur & fluxilis fit. Locus missio nis sanguinis apud omnes est infra vterum, siue sit ex Poplite, siue sit ex Talo sanguis mittendus. Sed circa hanc rem est difficultas non leuis: ratio dubij est, quia videtur manifesta contradictio inter Aetium (ex Ruffo) & Galenum. Aetius libro 16. cap. 5. fuit huius sententiæ, vt sanguis mittendus sit, & à cubito, & à talo. Galenus lib. de Curatione per venæ sectionem cap. 21. & 18. explicatissimis verbis dixit, sectam venam in cubito hoc habere mali, vt supprimat menses mulierum, neque vnquam apparet Galenum in hoc casu meminisse alterius venæ sectionis, quam loci inferioris vtero. Altimarus, vt conciliaret hos duos scriptores, dixit, Aetium duo ibi dicere. Vnum, quod mittendus est sanguis a cubito in magna plenitudine. Alterum, quod post sectionem in Cubito secunda sit vena Tali: Galenus autem non respexit ad plenitudinem magnam, neque etiā supposuisse post sectionem in Cubito sectionem in Talo, & idè iurè improbatam fuisse sectionem in Cubito. Hanc sententiam sunt multi qui sequuntur, & qui quotidie id inculcant: sed sum ego alterius sententiæ, scilicet in nullo casu vnquam licere secare venā in cubito ad prouocandos menses. Neque me mouet autoritas Ruffi. quia magis astimanda est autoritas Galeni & aliorum, quam nunquā vli sunt hac sectione. Et ne videar gratis damnare hanc sententiā, dico, quod etiam si summa adsit plenitudo, tamen nocet venæ sectio in Cubito, quia sectio huiusmodi dicit Galenus, reprimat inclinationem, & impetum naturæ ad inferiores partes: si retrahit, & scopus sit naturam iuuare, consequenter semper noxia est hæc venæ sectio. Neque valet, quod statim fiat sectio venæ Tali, quia est istud perinde ac si dicamus, habenas trahere, ac deinde calcaribus stimulare, quia nemini dubium est, & si concedamus venam sectam in Talo hoc tempore auxiliari, tamen minus auxiliabitur, secta prius vena in Cubito. Quod verò semper sola sectio inferiorum partium conueniat, sunt duæ potissimum rationes: vna est, quia cum scopus sit præcipuus trahere ad vterum, sola hæc sectio trahit ad vterum. Altera ratio est, quia etsi diminuenda sit plenitudo, hæc sectio diminit plenitudinem, ita vt vno & eodem tempore diminuamus plenitudinem, atque etiam atrahamus, & prouocemus menses, quæ omnia cum consideraret Galenus

lenus & alij, solùm hanc sectionem commendant. Quod autem hæc sectio minuat plenitudinem, habetis testimonium Gal. 4. de Tuen. valet. 4. vbi scribit: Scarificationem crurum soluere plenitudinem: Et lib. de curatione per venæ sectionem scribit, sectam Venam Saphanam soluere plenitudinem natam ex retentione mensium. Hæc eandem sententiam habuit Apollonius apud Oribasium, lib. 7. collect. vbi scribit: Scarificationem crurum soluere plenitudinem. Itē scribit Auic. lib. 1. Fen. 4. doct. 5. c. 25. sectionem siue scarificationē crurum esse propinquam imminutioni. Si ergo per scarificationem Crurum diminuitur plenitudo, cur ergo etiam non potest minui plenitudo per sectionem Talitā vt simul habeatur Curatio plenitudinis, & prouocatio mensium? Sed dicet aliquis: Galen. 10. de Medic. local. 2. sermonem habens de Ischiade, commendat vt primo mittatur sanguis a Cubito, deinde à partibus inferioribus. Ergo videtur idem Galenus concedere a simili, quia Vterus parū distat ab Ischia: ergo potest etiam in nostro casu id fieri? Dico valde dissimilem esse rationem: probo, quia in Ischiade adhibetur sectio inferioribus partibus, vt deriuetur solum materia in ea parte, nō impedit deriuationem sectio Cubiti. Verū in mēstruis prouocādis quid quærimus? potius vt attrahatur sanguis, vt aperiantur venæ: Sed attractionem & apertionē maximē impedit sectio Cubiti, ita vt dissimilis sit ratio. Itaque hæc est sententia quam debetis habere in consensam, etiam in plenitudine summa esse mittendum sanguinem a partibus inferioribus. Copia sanguinis, quæ ad menses prouocandos mitti debet, a Paulo ita definita fuit, vt neque plus duabus libris cum dimidia mittatur, neque minus vna libra. Sed hæc est veritas, non posse hac in re sanguinis mensuram definiri, cō quod aliæ sunt quæ maiorem postulant euacuationem, aliæ quæ minorem. Habetis exemplum apud Galenum 6. Epid. com. 3. tex. 29. vbi memorat se mulieri emaciata extraxisse tribus vicibus tres sanguinis libras, atque huius auxilij beneficio eam liberasse à diuturna mensium suppressione. Hoc inter omnes constat, melius esse, vt quæ sanguinis copia debeat mitti, non vna vice, sed pluribus mittatur, duabus rationibus: vna est quia hoc modo minus detrimenti adfertur viribus. Altera est, quia hoc pacto sanguis redditur fluxibilior, quia cum sanguis fiat fluxilis vbi ponitur in motu, proculdubio quantò plures machinamur motiones sanguinis, tanto magis fluxilem reddimus. Circa tempus mittendi sanguinem in suppressione mensium, inuenio magnam contradictionem inter Galenum & Paulum, quam non vidi hætenus ab aliquo tractatam. Galenus libro de Curatione per venæ sectionem cap. 18. scribit, tempus idoneum mittendi sanguinis in hac affectione esse, tribus vel quatuor diebus ante consuetum purgationis tem-

pus:& ratio qua impulsus fuit Galenus,est quia tunc temporis magis fluxilis redditur sanguis, & promouetur hoc remedio impetus naturæ.Paulus lib.3.cap.61.scribit,nullo modo mittendum esse sanguinem ante tempus naturę consuetum,sed mittendum esse decem diebus post purgationes præteritas In hac contradicitione, quę, vt dixi,illustis est,duobus modis responderi potest:vno modo,Paulū respexisse ad sectionem venę cubiti,aut indifferēter.Galenum verò ad venę sectionē partiū inferiorū:etenim si sanguis vnquā mittēdus est à cubito,p̄stat mittere quo tpe natura nō vult mouere,q̄ quo tpe inceperit mouere,qa sic minus imminet periculi,ne impetus naturę aut impediatur,aut tardetur.Alio modo rñderi potest,q̄ sectio venę partium inferiorum duo præstat,vnum per se,alterum autem per accidens.Per se sectio venę inferiorum partium deriuat ab vtero,& hoc testatur luculenter Galen.2.ad Glauc.1.& 13.Method.meden. cap.de inflammatione vteri:quod autem huiusmodi sectio facit per accidens,est,quod attrahit ad vterum,propterea quòd cum deriuat & euacuet ab vtero,natura ut repleat loca inanita, à corpore toto mittit sanguinem ad uterum,atque ita fit attractio. Accedit etiam, quòd cum tollat obstructionem,relaxatis uasis, sanguis facilius ad ipsa defluit. Quando ergò Galenus docet mittendum esse sanguinem quatuor aut quinque diebus ante tempus consuetum,& debitum purgationis,respexit potius ad deriuationem,quam ad attractionem,eò quod tum consentaneum est deriuandum esse,cum iam materia fluxa est,ut paulò ante debitum tempus. Attrahendi uerò tempus est,non quando naturę consuetum est tempus,sed ante hæc tempora.Quocirca Paulus respiciens hanc attractionem.voluit mittendum esse sanguinem decem diebus post purgationis tempus.Possumus alio modo,& forsan melius respondere, Galenum locutum esse in suppressione mensium,at Paulum in defectu,nam diminutę fluentibus præstat euacuare post euacuationem naturę,quam ante,sicut ubi natura imperfectè crisim facit,Medicus purgat relicta à natura.Modus mittendi sanguinis,quod erat postremum caput, duplex est:vel per sectam uenam,uel per scarificationem crurum,& propterea Galen.lib.de Curatio.per uenę sect. capit. 18.(quod etiam confirmatum est ab Auicenna)scripsit: Mulieres quę sunt albidę quę congregant tenuem sanguinem, quę sunt carnosę & pingues,scilicet & utilius euacuari per crurum scarificationem; quę uerò sunt nigricantes,& habent sanguinem crassum,& sunt emaciatę,facilius,& scilicet purgantur per uenę sectionem,quam per scarificationem;ratio est,quia sicuti illę minus sanguine abundant quam istę,ita pauciore habent opus eius extractione.Modus secan di uenā a partibus inferioribus diuersus hodie ab eo est,quē ueteres

in vsu habuere. Hodie namque vt nostis, fricatis cruribus ponunt pedem in aqua, supra talum ligant, atque deinde venam secant, & iterum pedem in aquam immittunt. Oribasius ex sententia Antilli Medici 7. Colle& cap. 9. docet alium modum, & est, quod si fieri potest, præstat semper sanguinem mittere in balneo: & ratio est, quia venæ inferiores sunt admodum tenuēs, & obscuræ, in balneo tumescunt, & fiunt clariore: quod si id in balneo non concedatur, primò fricanda sunt crura, deinde madefaciēda cum spongia aquæ calidæ, ligandum est crus supra genu quo ligato inambulandum est, inquit Oribasius, & quando incidenda est vena, super altero crure manendum est erectam, ita vt altero pede terra tangatur. Pes verò, a quo mittendus est sanguis, in scāmno, vel alio loco altiori, maneat. Hic modus veteribus accomodatissimus erat, ita vt rarò contingeret vt Chirurghi frustrarentur suo fine. Sed sæpè contingit, vt mulieres cogantur iacere, quò in casu hodiernus modus accomodatissimus est, modò habeatis commodum ministrum, quia sæpè frustra tundūt Chirurghi venas, id quod sæpius vidi. Modus autem scarificandi a veteribus traditus est, præsertim ab Oribasio 7. Col. c. 18. & 19. vbi scribit, quod si coxa, vel crura sint scarificanda, primò fricandæ sunt partes, deinde vel aqua tepida, vel spongia calida, vsquequò calefiat, vel etiam ad ignem scarificanda pars: deinde pars rubefacta non punctiua, id est, ea quam isti vocant Moschetta, sed nouacula tractim est incidēda pars, ita vt à partibus inferioribus incipiatur & ascendatur ad superiora, ne sanguis fluens impediatur. Quo in loco debetis obseruare, quod etiam admonet Auicenna, videlicet istas scarificationes apud veteres solitum fieri profundas, ita vt sanguis spontè multus fluere, & hoc apparet, quia volunt vt incipiatur ab inferioribus partibus, ne si incipiatur à superioribus, sanguis multus fluens impediret alias sectiones. Quocirca multum ignari sunt illi ministri, qui putantes hodie sese scarificationes veterum administrare, apponunt Cucurbitulas suas, ex quibus minimum sanguinis trahunt valde remoti a sententia omnium Medicorum, imò non inuenietis veteres ad suas scarificationes adhibuisse cucurbitulas: vte bātur quidem interdum Curcurbitulis cum scarificatione & sine ea, sed scarificationes simpliciter dictæ aliæ erant. Contingit sæpè vt neque scarificationes adhiberi possint, neque cucurbitulæ scarificatæ, neque venæ sectio, quo in casu Hirudines erunt applicandæ, quæ loco horum omnium poterunt supplere in necessitate. Secta vena, sequitur alia remedia adhibenda esse necessariò, quod vt prudenter faciatis, debetis considerare, an suppressio fiat a causa calida, vel frigida. Si à frigida, primo leniatis aluum, aut Clystere, aut huiusmodi Bolo.

**R.** Specierum hieræ Gale. drach. ij. Fleſt. Leni. ꝑnc. j. Miſce, fiat ho-  
 lus. Sed antequam veniat ad leniendam aluum, & præparandos hu-  
 mores, duo debetis intelligere: alterum ne vnquam adminiſtretis  
 ea, quæ præparant humores hos, & prouocant menſes, niſi vel ſan-  
 guis ſit miſſus ſi mittendus, vel aliquo pacto lenita aluo. Alterum ne  
 ſemper vtamini prouocantibus menſes in hac curatione, quia in  
 principio vbi venæ adhuc ſunt obſtructæ, valde, & ſanguis compa-  
 ctus, ſi quæ prouocant egregiè menſes exhibeatis, augebitis magis  
 obſtructiones, quia ſecum hæc producent humores quotquot inue-  
 nerint in corpore. Præterea docet Gal 5. Simpl. Medica. cap. 22. Me-  
 dicamenta quæ prouocant menſes, eſſe admodum calida, propterea  
 non conueniunt in principio, etiam in materia frigida, & eò minus  
 cum materia & cauſa calida eſt, quamquam eſt quidam gradus inter  
 ea, quæ prouocant menſes, vt dicit Gal. de Cura per ſang. miſ. c. 18.  
 quia alia mitia ſunt: vt, pulegium, nepeta: alia vehementiora, vt Sa-  
 bina, Diſtamnus. Nā vt docet Gal. lib. Simpl. iam citato, ea quæ pro-  
 uocant lac, menſes, vrinam, partim cōueniunt, partim diuerſa ſunt.  
 Conueniunt omnia, quia calefaciunt, diuerſa ſunt in exſiccando, &  
 caloris meſura, eò quia quæ prouocant lac, ſunt calida quidem mo-  
 deratè, ſed nihil deſiccant: quæ prouocant menſes, ſunt admodum  
 calida, ſed parum ſiccant: quæ prouocant vrinas, ſunt valde calida  
 & ſicca, ita vt prima, ſecunda, & tertia prouocent omnia vrinas, di-  
 cit Galenus. Prima autem & ſecunda ſolū menſes: tertia verò  
 propriè dicuntur diuretica, quoniam non ſolū mouent vrinas,  
 ſed mouent ſolas vrinas, non autem menſes & lac. Circa quam Ga-  
 leni ſententiam eſt contradicção non obſcura, quia vt intellexiſtis  
 hoc in loco 5. Simpl. 22. ſcribit clariſſimè prouocantia vrinas non  
 mouere menſes. Veruntamen eodem lib. 5. c. 13. inter vera diuretica  
 adnumerat etiam Meum, & Aſarum, quæ duo ſcribit etiam menſes  
 ciere; Præterea videbitis etiam Galenum multis in locis ſcribere fœ-  
 niculum, Apium, & multa alia, quæ ſunt verè diuretica, etiam prouo-  
 care menſes, ideo non videtur verum, quod antea ſcripſit, diuretica  
 vera menſes non mouere. Apud me hæc difficultas noua eſt & diffi-  
 cilis: pro cuius ſolutione duo occurrunt reſpondendi modi: Vnus  
 eſt, eadē medicamēta poſſe adminiſtrari, vel in ſemine & radicibus,  
 vel in herba. Si adminiſtren in herba, poſſunt prouocare menſes, &  
 vrinā mouere, ſed nō ſunt vera diuretica. Si adminiſtren in ſemine  
 & radice, erunt vera diuretica, neq; menſes & lac mouebūt. Sed hæc  
 rñſio mihi nō ſatisfacit, quia obſeruauī eadē ſemina facere ad pro-  
 uocandos menſes, & vrinā. Ergò alter reſpondendi modus eſt, quod  
 prouocare menſes dupliciter contingere poteſt, per ſe, vel per acci-  
 dens. Diuretica vera quæ ſunt multum calida & ſicca, per ſe ſolū



prouocant vrinam; per accidens etiam menses hoc modo: quia vt in tellexistis, quæ prouocant vrinam, id faciunt, quia colliquant sanguinem, & partem crassiorem à tenuiori segregant, quæ quidem operatio licet per se prouocet vrinam, tamen consequenter etiam per accidens potest prouocare menses, quia ex caliditate horum, cum sanguis agitur. intumescunt venæ, & ad eam intumescentiam consequitur apertio venarum. Vbi igitur causa, quæ hunc morbum facit, frigida fuerit, vt intellexistis, principio erit alius lenienda Medicamento leniente, aut Clystere, quo factò quam primum veniendum est ad præparandos frigidos humores, in quibus præparandis semper debetis eam rationem habere, vt medicamenti miscetis ea, quæ facultate propria menses ciere nata sunt. Exemplum erit hoc:

℞. Fol. nepetæ, pulegij, capilli veneris, cichorei, cetrach. an. M. j. Fiat decoctio secundum artem: deinde

℞. Decoctionis dictæ vnc. iij. Syr. Capill. Ven. vnc. j. de arthemif. de cichorco an. vnc. s. Misce. Si expendatis hanc potionem, videbitis mixturam esse ex rebus, quæ humores frigidos præparant, moderatè aperiunt, atque etiam menses prouocant, cuiusmodi miscenda docuimus semper in principio: Postquam humores fuerint præparati, superest eos expurgare. Præclarissimum omnium medicamentum iudicatum est à Galeno, Hiera: eò quòd præterquam quod expurgat humores, facultatem quandam habet ratione Aromatum, expurgandi vterum, quapropter in hunc modum potest fieri medicamentum;

℞. Specierum Hieræ drac. ij. Trochif. de Myrrha drach. j. s. electuar. Indi vnc. s. Misce cum melle rosato solutiuo, fiat bolus, qui capiatur hora Pharmacorum consueta. Si potionem vultis, poteritis hoc modo componere:

℞. Myrrhæ drach. j. cinamo. scrup. ij. aquæ arthem. vnc. viij. Passular. vnc. s. Fiat decoctio secundum artem: deinde

℞. Decoctionis dictæ vnc. iij. agarici troch. drach. j. Fol. senæ vnc. j. s. Infundantur secundum artem: deinde facta diligenti expressione adde: leſt. Ros. solut. drach. iij. Mellis Rosa. solu. vnc. ij. Misce, & fiat potus. Pilulæ hieræ cum colocinthide etiam commendantur, quia colocinthis maximè valet ad prouocandos menses. Post humores purgatos debetis statim ad validiora præsidia, & ea quæ facultatem maiorem habent menses prouocandi progredi, quæ duum sunt generum, alia quæ intrinsecus administrantur, alia quæ extrinsecus. Quæ intrinsecus, aut potu accipiuntur. aut in confectionibus, aut trochiscis: quæ extrinsecus, aut sunt pesti, aut suffumigia, aut Inunctiones, aut emplastra, aut fomenta, siue balnea. Quæ accipiuntur per os, solèt post purgatum corpus accipi in aliquibus brodijs decocta. Circa quo-

ca quorum vsum quatuor estis docendi: vnum est, quænam sint medicamenta hæc prouocantia menses: multa enim reperiuntur apud Medicos, quæ dicuntur hoc facere. Sed potissimum a Galeno, & alijs celebrata, hæc sunt: Sabina, dictamnium, melissa, arthemisia, meum, iris, calamentha, pulegium, costus, cassia, cinamomum, aristolochia, bunium. Valentissima habentur radix cyclamini, elleborus, colocinthis: inter quæ alia sunt mitiora, alia valentiora. Mitiora sunt, vt intellexistis, nepeta, melissa, ciceres rubri: alia verò sunt vehementiora. Alterum non ignorandum est, huiusmodi medicamenta debere accipi in maiori copia, quàm soleant alia portiones. Exempli gratia, ad viij. vel x. vncias. Et ratio est, quia longum est iter quod transire debent, vnde necesse est, vt vis eorum in multa debeat seruari quantitate, quo magis prouocent vt vrinas, ita etiam & menses. Tertium sciendum est, tempus accommodatum horum medicamentorum vsurpandorum vniuersale esse, vt vsurpentur eo tempore, quo solent menses moueri: tempus particulare est, vt adhibeantur post Inunctiones, aut fomenta, aut balnea: & ratio est, quia si medicamentum extrinseco prius vasa vteri fuerint disposita, & emollita, certum est facilius hæc esse penetratura. Post acceptum deinde huiusmodi medicamentum, pedes in aqua calida detineantur paulisper, & deinde inambulet si potest, cuius rei ratio est admodum consona, quia ex huiusmodi pedum lotione, fit attractio ad eas partes, ita ut medicamentum veluti manuducatur. His omnibus prænotatis superest, vt habeatis exempla eorum medicamentorum, quæ sunt vobis vsurpanda. In potione sic parari poterunt:

℞. Fol. pulegij, arthemisia ana M. s. rad. altheæ, petroselini ana drach. j. s. cicero rubro. P. j. Terantur omnia diligenter, deinde in brodio bulliant quantum sufficit, & facta colatura.

℞ Brodij dicti vnc. viij. vel x. Exemplum confectionis ad prouocandos menses est:

℞. Cinamomi, costi, dictamni an. scrup. j. s. sem. arthem. melissæ an. scrup. j. Terantur omnia diligenter, & cum saccharo quantum sufficit, fiant Rotule: vel cum melle dispumato q. s. fiat Electuarium. Inter medicamenta, quæ per os assumuntur, potestis etiam apponere aquas Thermales, quarum multæ reperiuntur, quæ prouocant menses, vt sunt aquæ patauinæ calidæ, aquæ Lucenses quas non semel ego expertus sum mirifice prouocare retentos menses: Aquarianæ idem valent. quò ad extrinseca remedia primum locum obtinent pessæ, vt docet abundè Paulus, ni fallor, lib. 6. Et notate huiusmodi medicamentum vario modo nūcupari: Græci. n. vocant modò pessos, modò priapiscos modò balanos: Cælius Amelianus vocat et balanos: Medici cōiter uocant, Suppositoria, Barbari Nassalia. Celsus vocabulo Latini  
no notare

no notare voluit, & nō potuit. Dicit Paulus hos pēssos nihil aliud esse, nisi lanā carminatā rotundam ad formā magni digiti, quæ medica mentis strigmentitijs oblita inditur in vuluā. Et videbitis per iocum hæc medicamenta vocata esse pessulos, quia inseruntur tanquam pessuli in ostium. Forma pēssi est.

℞. Pulpæ Colocinthidis, Nigellæ ana drach. s. gentianæ, pulegij, dictam. ana drach. ij. Myrrhæ drach. j. Terantur diligenter, & cum succo radicis aristolochiæ conficiatur medicamentum ad consistentiam strigmentitiam. Nam potestis cum puluere varios liquores miscere, vinum, succos & interdum mel, theriacam diathesaron, quæ in hunc vsum conueniunt: exempli gratia.

℞. Theriacæ diathesla. drach. ij. nigellæ, myrrhæ ana drach. j. Cum vino, fiat mixtura, & obliniatur prædicto pessario. Vnctio autem hoc modo fieri potest.

℞. Ol. amigd. dul. vnc. j. s. Cinamomi, costi, mei. an. drach. s. sem. arthem. scrup. j. zibetti scrup. s. Misce omnia diligenter & hoc medicamento vngatur pecten, & loci muliebres. Forma emplastri quod etiam pectini adhiberi potest, erit huiusmodi:

℞. Fari. lupinorum, Cicer. rub. ana lib. s. absinthij, pulegij, dictammi ana M. s. nigellæ, ellebori, myrrhæ ana drach. j. Omnia terantur diligenter, & in vino albo ad ignem fiat emplastrum. In seßius autem & balnea parantur ex eadem materia, & in aqua decoquuntur:

℞. arthemisiæ, pulegij, melissæ, dictammi ana M. iij. rad. cyclam. lib. s. Contundantur & in mastello aquæ communis bulliant: deinde detineatur mulier in hac aqua calida vsque ad vmbilicum. Suffumigia docui uos sæpè quomodo debeant parari, quomodo administrari, propterea sat erit hoc tpe docere materiam, quæ erit huiusmodi:

℞. Pulpæ Colocinthidis drach. j. cinamomi. asari, costi, calami odorati ana drach. ij. myrrhæ scrup. iij. Cōtundantur, & hant secundum artem suffumigia, quæ capiat locis debitis. Hæ ferè sunt formæ omnium medicamentorum, quibus Medici vtuntur in causa frigida. Vbi causa erit calida, instituendus est victus, qui vergat ad facultatem refrigerandi, similiter erit sanguis mittendus, vt docui, & postea deueniendum est ad præparandos humores, & antea leniendā aluus, in hunc modum:

℞. Seri bubuli vel caprini vnc. v. syr. ros. solut. vnc. iij. s. Misce, fiat potus. Lenita aluo, deinde præparandi humores hoc medicamento & cum alijs medicamentis, quæ non admodum, vel nullo pacto calefaciunt:

℞. Fol. scariolo, endiuia, nepetæ, hysopi, capill. veneris ana M. j. radic. tapsi barbat, altheæ ana drach. ij. Fiat decoctio secundum artem: deinde

℞. Dictæ decoctionis vnc. iiii. syr. de end. compos. de cichor simp. ana vnc. j. Misce, & fiat potus. Post præparatos humores, erit expurgandum medicamentis ad humores calidos accommodatis: vt

℞. Pulpæ tamarin. vnc. s. sebesten. num. 10. folio. senæ drach. j. Fol. melissæ; violari. ana P. s. Fiat decoctio in sero caprino, vel bubulo: deinde

℞. Dictæ decoctionis vnc. s. Rhabarb. electi scrup. iiii. cinamomi costi an. gran. iij. vini aromatici q. s. Fiat infusio secundum artem. Deinde facta diligenti expressione, adde Diaphenici drach. iij. syr. ros. solut. vnc. ij. s. Misce, & fiat potus. Postquam erunt expurgati humores calidi, eadem ratio quam demonstraui in causa frigida, erit ineunda, vt studeatis prouocandis mensibus, remissioribus quâ in causa frigida, & propterea non excedetis in brodijs nepetaui, pulegium, arthemisiâ, & Cinamomum. Idem etiam erit obseruandum in alijs medicamentis extrinsecis, & intrinsecis, vt quidem vti mini eodem modo ijs quæ dixi prouocare menses, sed minus calidis, scilicet castigatis per mixtionem rerum frigidarum. Sed dubitare quis potest, an in causa calida expediat vti suffumigijs, quia cum fiant igne, atque etiam medicamentis calidissimis, ita vt propter caliditatem maximè aperiant, & attenuent, non videntur conuenire, quibus tamen Hipp. indifferenter vsus fuit? Respondeo, quamquâ causa fuerit calida, sit tamen sanguis crassus fuerit ob caliditatem, potestis vti suffumigijs, modò tamen vtamini eis, vt dixi, mitioribus atque tepidioribus, eò quia tametsi aliquantisper poterunt calefacere vterum, tamen maiorem operam præstabunt in attenuando crasso sanguine. Quod si præter causam calidam sanguis non esset crassus, aut habitus corporis admodum biliosus esset, ita vt bilis in vtero esset, sum eius sententiæ, vt abstinetur ab his, & potius vtendû esset balneis, inunctionibus & inessibus. Atque hæc est absoluta tractatio de mensibus prouocandis.

### *De fluxu menstruum Immodico. Cap. II.*

**R**ETENTIONI mensium est alter planè contrarius affectus, qui dicitur à Græcis *ὑπερκατάρσις*, Latini immodicum menstruum fluxum dicunt, Apud Matthæum, & Lucam legitur quædam mulier, quæ per 12. annos passa est hûc morbum, & vocatur *αἱμορροῦσας*, interpretes transtulerunt hæmorrhoißam. Sed antequam vterius procedamus, debetis illud non ignorare, duas esse vias per quas huiusmodi sanguinis fluxus fit. Vna est per venas internas corporis vteri, & fluxus ille propriè menstruus dicitur. Altera est per eas venas,

venas, quę terminātur in ceruice & collo vteri, quę vena vbi euomunt multum sanguinis, vocantur a Græcis & Arabibus Hamorrhoides vteri. Aristot. 2. de Generatione animalium 4. dixit, affectū hunc similem esse Mariscis, aut alteri sanguinis profusioni. De vtroque fluxu agam, & primum de immodico Menstruorum fluxu, qui efficitur, vbi quantitate tūm continua tūm discreta exuperat. Sed de ceteris, quis est terminus huius excessus. Dico quemadmodum aliās, non esse determinatam Menstruorum mensuram. quia aliæ minus purgantur alijs. Sed verus character immodici sanguinis fluxus est, quando in maiori quantitate, & pluribus diebus sanguis exit quā conueniat, ita vt naturales actiones ob id lēdātur. Appello actiones omnes naturales, quę fiunt à natura. Jurē additur Actionum læsio, quia si multū sanguinis fluat, vt contingit in nimio otio, in partu, in abortu, & non lēdantur actiones, non dicuntur Menstruæ purgationes excedere, sed tūm solum, quando cū excessu sanguinis lēduntur operationes. Est hic affectus Symptoma in genere excretorum immodicē fluentium. Locus affectus propriē vterus est.

### *Causæ.*

**C**AUSARVM huius affectus quędam sunt internę, quędam externę: rursus Internę, aut sunt ex parte sanguinis, aut vasorum, aut ex parte facultatis. Causę internę ex parte sanguinis sunt: vel quia sanguis multus est, ita vt non contineatur. Sed aduertite, nisi lædat operationes propter quantitatem, nunquam dicitur morbus. Vel sanguis est prauus, scilicet acris, subtilis, aut aqueus. Fit acris sanguis dupliciter, vel propter admixtionem multę bilis genitę ex seruire iocinoris, vel propter aliquam corruptionem contractam: Fit verò aqueus & subtilis propter incōcoctionē, vt contingit in corpore Cacectico, & Hydropico. Quo in casu docet Hipp. in 2. de Morbis mulieb. fieri plurimas purgationes, quod scilicet sanguis aqueus nimis, & subtilis sit: Ex parte vasorum causę sunt omnes illę, in quibus os venarum apertum est, & hiat. Aperiuntur verò vasa multis de causis, vel quia rarefiunt, propter calidam & siccam intemperiem, ex qua rarefactione cum sanguis non retineatur, exit, & dicitur hęc affectio, διατηνῆσις, vel hiant vasa, quia corroduntur, & fit vbi sanguis vel humores alij putridi sunt, & acres, & salii, propter quod vasa corroduntur, & sanguini permittitur exitus, dicitur Græcis διαβρωσις, vel quia ora vasorū aperiuntur, & hoc contingit, quando sanguis magno impetu mouetur per venas, ita vt ora ipsarū aperiat, & vocatur a Græcis ἀνατέμνωσις, vel quia vasa frangunt, franguntur autem

autem aut nimis extensa, & compressa, & dicitur *ῥῆξις*, aut diuisa, & vulnerata, & dicitur *διάρρηξις*. Atque tot sunt modi, propter quos sanguinis menstrui immodici fluxus propter vasa solent mulieribus contingere. Causæ ex parte facultatis comprehenduntur solummodo duobus generibus, aut cum expultrix nimis concitatur propter aliquam intemperiem, & præcipue calidam, aut contentrix nimis languida, & imbecillis est, quod contingit, vel propter humidam, vel simul humidam, & frigidam intemperiem. Atque hæc affectio comprehenditur ab Aetio lib. 16. cap. 73. sub nomine imbecillitatis utriusque. Hic est Catalogus omnium causarum internarum nimix menstruum muliebrium purgationis. Circa quod est vna dubitatio, cur scilicet Galenus 5. Aphorism. 57. cum profiteatur se omnes causas nimij fluxus inuestigare, tamen dimittit causas ex parte facultatis, solummodo meminit causarum ex parte sanguinis, & ex parte vasorum. Augetur dubitandi ratio ex dictis Auer. 2. Collec. 29. ubi scribit hic autor grauis, sanguini menstruo eadem accidere, quæ solent contingere digestionibus venarum, & propterea superfluitatem fluxus menstrui sanguinis esse, vel quia nimis robusta est vis expultrix, vel quia retentrix est nimis languida: ita ut videatur Auerroes omnes causas huius immoderati fluxus retulisse ad facultatem, Galenus verò hoc prorsus siluisse. Respondendum est dupliciter: vno modo rarissime contingere, ut fluxus hic fiat propter sola hæc facultatis vitia, & propterea secundum hoc siluisse tanquam aliquod rarum. Vel potius respondendum est, Galenum hoc siluisse, quia in omni fluxu immodico sanguinis semper oblaesa est aliqua ex his facultatibus, idque cum Auerroes considerasset, iure videtur sola vitia facultatis memorasse, quasi semper in quolibet immodico fluxu facultas sit vitiosa. Nam si sanguis sit nimis acris, aut mordax, ratione accreditur stimulata expultrix nimis, quam par sit, concitatur. Similiter si sanguis sit nimis acris & subtilis, facultas retentrix vitiosa est: pariter ubi vasa sunt corrupta, fracta aut alioquin aperta, semper facultas retentrix vitiosa, ita ut non liceat vllum genus fluxionis proponere, in quo aliqua ex his facultatibus non sit læsa. Causæ externæ immodici fluxus menstrui sunt omnes illæ, quæ internis causis præbent occasionem. Primum est aer nimis calidus, & siccus, vehemens animi motus, ut ira, timor, nimium otium, & dimissio consuetarum exercitationum, potus vini generosi, vsus rerum salutarum, rerum acris, ut ceparum, alliorum, vsus quoque herbarum, & fructuum scilicet qui sanguinem nimis fluidum, & aqueum producant. Inter has causas sunt, quæcunque vasa ipsa aperiunt, casus, percussiones, vulnera, partus difficiles, abortus, coitus nimis frequens aut factus: cum viro valde metulato, balnea, nimius cibus, & potus, tandem vsus omnium re-



rum, quæ prouocant menses: frigidus quoque potus inter has causas recensendus: dicit Hippoc. frigidum venas frangere. Rhases scribit ex Gal. in Com. super librum de aere, aquis, & locis, sæpè Romanas mulieres ob nimium vsum niuis, & aquæ frigidæ, menses corrupisse, & iteriles euasisse.

### *Signa.*



**S**IGNA vniuersalia, quibus cognoscuntur immodici fluxus vt plurimum ex relatione mulieris comparantur, & etiam ex alijs accidentibus, quæ à Galeno 5. Aphorism. 3. & 6. de locis affectis, & Auicenna, vbi agit de immodico fluxu mensium, proponuntur. Sunt verò accidentia, defœdatio coloris cutis, & corporis, tumores pedula xi. virium debilitas, inappetentia ciborum, digestionis vitia, conuulsio, hydrops. Addit Auicenna & Rabi Moyses 16. Aphorism. dolores lacertorum, & aliorum spinæ membrorum. Et certè hoc accedens est frequentissimum, vbi mulieres nimis purgantur. Signa quæ causas indicant plura sunt atque varia. Nam externæ causæ cognoscuntur, tum relatione, tum obseruatione in indagandis morbis. Ex relatione debetis semper esse solliciti & diligentes. vt omnes causas externas percunctemini. Internarum causarum inditia sunt, quòd si fiat immoderatus fluxus ex multitudine sanguinis, dicunt Galenus, & Auic. hoc cognosci ex repletionem faciei, & totius corporis, ex turgentia venarum, ex tollerantia, & iuuamento fluxus. Si verò oriatur malum ex debilitate vteri, cognoscetur, vt dicit Aetius, his argumentis, quia mulier abhorret vsum veneris, repleta est flatibus, menses nigri sunt, & aquosi, bis terve in mense fluunt, semen viri non continetur, sed defluit, & mulier non concipit, vel facillè abortit, vel fœtus imbecillos, & ægros parit: adhuc vbi instant menstruorum tempora, dolent lumbi, pectus, crura videntur grauescere, stomachus malè concoquit. ex multitudine mulieres sæpè delirant, atque veluti ab humore melancholico agitata furiant. Quod si malum contingit propter qualitatem ipsius sanguinis, Hippoc. 1. de Morb. mulieb. & etiam posteriores scriptores docent modum cognoscendi, scilicet vt sanguis fluens colligatur super arenam, quæ deinde ponatur sub sole, quando fuerit exsiccata, demonstrabit color, qualis sit sanguis, quia si Biliosus, flaua erit: Si melancholicus, nigrescet: si pituitosus, erit arena subalbida: hoc idem cognoscere potestis ex pânis, qui vbi exsiccati à vobis fuerint in umbra, similiter coloribus produnt qualitatem sanguinis, quia erunt flauis, si Biliosus: nigrescent, si melancholicus: sin Pituitosus, color ipsorum solum albidus erit.

Præter

Præter hæc, potestis etiam cognoscere alias qualitates sanguinis, quia si biliosus, acris, & calidus erit sanguis, aderit sitis, & ut docuit Galenus, & Auic. sanguis velociter acervatim, & non guttatim fluere, aderit sensus mordacitatis, & caliditatis. Præterea ratio victus antea facta, tempus anni, & habitus corporis illud docebunt, idem quoque cognoscetur, si sanguis corruptus sit, quia mordebit, aderit foetor. Hippoc. 1. de Morbis muliebribus habet, si sanguis saniosus fuerit, rodit terram super quam fluit: quod si aqueus erit, aut pituitosus, apparebit visu aqueus, seu ut dicit Hipp. veluti pelliculosus, & tanquam aranearum tela, nullus calor, nulla mordacitas: ait Avicenna quod color & habitus sunt velut in hydropse. Idem dicendum de sanguine melancholico. Quod si exit sanguis vena fracta, habetis signa, quæ locupletissimè indicant apud Galenum 6. de locis affectis. Quod si erosa vena erit, exibat sanguis paulatim, dolor aderit ex corrosione, ut docet Aetius. Si verò per exsudationem, sanguis erit paucus & tenuissimus. Si verò exit, eò quod ex compressione, aut divisione venæ sint apertæ, ea quæ præcesserunt erunt consideranda, quia ex ijs inuenietis causam.

### *Prognostica.*

**S**IGNA prognostica sunt primum ea, quæ vno quodam oraculo tradita sunt ab Hippoc. 5. Aphorism. 57. quo in loco dicebat Hipp. ubi sunt immodici menstruorum fluxus, & ubi diminuti sunt, fiunt ex utero morbi: in cuius Aphorismi explicatione laborat Gal. ad quid referenda sit particula illa (fiunt ex utero morbi) num scilicet ad immodicum fluxum, an verò ad retentionem, & tandem concludit, referenda esse ad retentionem, eò quod retentis menstruis, fiunt erysipelata, Tumor, Inflammationes, unde postmodum innumera mala toti corpori innascuntur. Circa quam Galeni interpretationem posset aliquis & meritò dubitare, particulam illam etiam referendam esse ad immodicum fluxum: & ratio est, quia videmus ex immodico fluxu oriri plurimos morbos in mulieribus, & non modò morbos, sed etiam iugulari interdum videbitis sub immodico fluxu. Sed huic dubitationi aliquis respondere posset, mala quæ eueniunt mulieribus hoc fluxu laborantibus, esse quidem quam plurima: verum tamen non propter uterum oriri, sed propter fluxum, & exitum sanguinis, ita ut verum sit in nimio fluxu morbos non fieri ab utero, sed ab immodico fluxu. Verum aduersus hanc responsionem est & alia instantia, quia ex immodico fluxu possunt vlcerum varia oriri in utero, quoniam si sanguis qui fluit, fluat propter

acredinem & mordacitatem, proculdubio fient vlcera in matrice; & vlcera quidem praua: ab his deinde vlceribus, possunt innum. ra mala oriri, propterea dicimus aduersus Gal. propter immodicum fluxum morbos quoque oriri ex vtero. At ut tueamur Galenum, dicendum mihi videtur, in fluxu ipso duo posse considerari, vel solummodo immodicam fluxionem, vel causam illius immodici fluxus. Si solum consideremus immodicum illum fluxum, ex illo non fiunt morbi illi in vtero, propter quos deinde redundant in vniuersum corpus & alię malę affectiones. Si autem consideremus in fluxione causas, ratione causarum possunt fieri vlcera in vtero, & ab vlceribus communicari corpori innumera mala. Sed isti morbi non fiunt ex fluxu, sed ex causis fluxus. Itaque quando Galenus dicit, propter hunc immodicum fluxum menstruorum non oriri morbos in vtero, considerat tantum quantitatem fluxus, non autem causas fluxus: iurè igitur interpretatur Hippocr. sententiam hoc modo. Igitur signa prognostica sunt hæc, nam vbi sanguis immodicus fluit, possunt oriri multi morbi, vel propter fluxum solum, uel propter morbos vteri. Signū prognosticū. & maximum est, vbi nimij fluxus menstruorum diu prorogantur, aut incurabiles euadere, aut difficulter curari. Et notate, egritudines omnes, quę curatę sunt a CHRISTO SALVATORE nostro, incurabiles fuisse: hoc dico. quia fluxus ille mulieris omninò erat incurabilis, ut debeamus timere, vbi prorogantur fluxus, malum euadere incurabile. Adhęc ubi fluxus immodici diutius durant, timendum est, ne mulier fiat Hydropica, Cæcetica, aut alia propria mala incurrat, ideo esse solliciti debetis in curatione.

*Curatio.*

**C**URATIONIS fluxus immoderati menstruorum communissimus scopus est, vt sistatur, eò quòd licet non sit toto genere præter naturam, est tamen secundum quantitatem præter naturam. Ratio uerò sistendi hunc fluxum uaria est, prout uarię sunt causę immoderati fluxus. In omnibus ferè est una uictus ratio, quare aer primum eligendus est natura siccus, non tamen multum. Theodorus Priscianus commendauit, & iurè, ut ægra decumbat in cubiculo obscuro, paruo. Sunt qui Vigiliis potius laudant, quàm somnum, adducti hac ratione, quod in somno calor natiuus retrahitur, unde maior sit expulsio. Sed ego potius somnum laudo, eò quòd tametsi humores intus trahantur cum calore, uerum tamen non expelluntur, sed potius retinentur, quoniā scimus omnes excretiones in somno retineri.

retineri. Monet Theodorus & rectè, monent & alij, ut somnus fiat cruribus elatioribus, atque ad inuicem complicatis. Omnis motus & animi, & corporis fugiendus, solæ conueniunt frictiones, præsertim superiorum partium, & ligaturæ: inter quas Serenus, & Democritus Medici antiqui commendant, vt mammae strictæ ligentur. Balnea & Venus omnino fugienda. Circa cibum & potum magnus adhibendus delectus, vinum sit pauciferum, subastringens, potius rubrum, quam album, & in modica quantitate, vnde commendare non possum Auicem, qui videtur commendasse vinum crassum & dulce. Loco vini conuenit aqua pluuialis, & chalybeata: Succus Tamarindorum, Cydoniorum: commendant aliqui Poscam. Sed ego iuxta Hippocratem maximè abhorreo ab aceto in omnibus affectibus vteri. Edulia omnia meliora sunt assata, quàm elixa, & si elixanda sint, cōuenit vt elixent in aqua pluuiali, uel calybeata, vel adinfisceatur aliquid ex prædictis succis: carnes auium, & quadrupedum præsertim syluestrium, & ex animalibus quadrupedibus, cerebrum, pedes, viscera omnia conueniunt, quia sua visciditate adimunt sanguini fluxibilitatem. Ex cerealibus conueniunt pro pulre far, panicum, milium, oriza, lentis cocti in aceto, conueniunt præ cæteris quæ sorbilia, caseus recēs, lac acetosum, pisces squamosi. Inter herbas laudant plantago, portulaca, acetosa, vtraque consolidida, radix cardui sylvestris. Ex fructibus cōueniunt cydonia, granata, corna, mespila, mora immatura, fructus rubi, pyra, mala omnia adstringentia. Atque hic ferè uictus communis est in omni immoderato menstruorum fluxu. Hanc solum rationem semper habere debetis, vt si causa sit calida, Victus inclinè ad frigidius: si frigida, eligantur calidiora. Instituto victu erit vobis cogitandum, an fluxus menstruorum oriatur ex multitudine sanguinis, an ex motu critico naturæ, quo in casu nihil vobis erit moliendum, vt fluxum constringatis, nisi tamen ex fluxu ægra ad immoderatam deuenit imbecillitatem, quo in casu proculdubio conandum est sistere. Si sanguis alia de causa fluat immodicè, tres scopi vobis erunt implendi, vt communissimum assequamini. Primus est, vt repellatur ille impetus: Secundus vt sanguinis fluxibilitas auferatur: Tertius vt vasa corroborentur, & constringantur. Ad primum scopum implendum multa sunt remedia, ligaturæ superiorum partium, frictiones, & præsertim sanguinis missio, quæ, si nihil impediatur, mittendus est à vena brachij, atque id agendum non semel, sed pluribus vicibus, & in pauca quantitate, eo quod vt docet Galienus in lib. de curatione per uenæ sectionem 18. efficacissimè coercet sanguis missus a brachio menstruorum fluxum, & præsertim si reperatur. Quod si sanguinem mittere inpediamini, erunt & Cucurbitulæ scarificatæ, & non scarificatæ sub mammis ponendæ. Ita.

dæ. Itaque lenita aluo Clystere, uel lenitiuo erit veniendum ad sanguinis missionem: deinde contemplandum an sanguis sit biliosus, idest, an fluxibilis propter bilem, & acrimoniam, an uerò propter aquositatem & pituitam. Si biliosus, & acris, erit expurgandus, & depurandus, & antequam purgetur præparandus erit hoc syrupo:

℞. Rad symphiti drach. ij. Fol. Plantag. Portulacæ, Acetosæ, Consolidæ maioris ana M. j. Fiat decoctio secundum artem: deinde

℞. Decoctionis huius vnc. iij. Syr. de Ribes, de Cydon. de Myrtan. drach. v. Misce, & fiat potus. Quo tempore adhibetis Syrupum, potestis curare ut habeat aliquam Confectionem, qua utatur uespere, & ante coenam: ut

℞. Sacchari rosæ antiqui vnc. ij. Pulue. utriusq; consolidæ drach. ij. Mastice drach. j. Misce. Capiat huius confectionis singulis vicibus vnc. s. Postquam præparati fuerint humores, erunt expurgandi hoc Bolo:

℞. Myrobol. citrinorum, & chebulorum pulueris an. vnc. s. Rhabarb. tost. scrup. iij. sacchari rosæ vnc. s. Misce, fiat Bolus. Quod si magis placeat exhibere potionem ℞. Myrobol. prædictarum an. drach. j. pulpe tamarin. vnc. s. Bulliant in aqua plantaginis, secundum artem, deinde

℞. Dictæ decoctionis vnc. iij. s. Rhabarb. tost. scrup. v. Infundantur secundum artem. Deinde facta diligenti expressione adde elect. de sebestæ sine scamo. drach. iij. syr. violati solut. vnc. ij. Misce, vel loco syrupi viol. solut. potestis tantundem Mannæ admiscere.

Quod si contingat, ut ob huiusmodi auxilium non succedat sanguinis fluxum hunc compesci. deueniendum erit ad alia, & intrinseca & extrinseca. Intrinsecus, si accipiamus Brodium pedum vituli, in quo incoquatis huiusmodi folia, & cortices ad consumptionem quartæ partis, & facta colatura accipiantur eius vnciæ octo. Extrinsecus conueniunt Balnea, Infectiones: Exempli gratia:

℞. Fol. & cortic. quercus, corticis gladii an. p. iij. fol. myrthi, platan. ginis, rubi, balausti an. M. iij. Bulliant in aqua pluuiali, & fiat infusio. Potestis autem linire præsertim umbilicum: Et notate in his affectibus Linimenta debere applicari umbilico, quia ibi est magnus uenarum confluxus.

℞. Ol. ompha. vnc. ij. Thuris. Boli Armeni, Sanguinis Drac. an. drach. j. cymini tost. scrup. ij. Misce omnia ad ignem, & illiniatur umbilicus. Circa administrationem horum remediorum debetis tria semper obseruare: Vnum est, ut in fluxu ex bilioso sanguine non descendatis ad valida adstringentia, præsertim extrinseca, nisi magna in necessitate: quia si sanguinem hunc sistatis, antequam probe depuratus sit, cohibetur quidem fluxus, sed fiunt dolores maximi,

& sæpè

& sæpè sanguis retentus maiorem acquirit acrimoniam, unde magis postea fluit: ideo non debetis statim venire ad astringentia extrinseca: Intrinseca autem licet adstringant, contemperant. Alterum est ex Auicenna, ut huiusmodi adstringentibus semper misceatis aliquod Aromaticum, quod corroboret, & consoletur, & habeat etiam facultatem sistendi sanguinem: ut est Rosa, Myrtus, Mastix, Thus, Cuminum tostum, Coriandrum tostum, Santali omnes. Tertio obseruandum est, in extremis casibus licere uti Opiatis, propterea Athanasia laudatur ad quantitatem drach. s. liquefacta cum succo Plantaginis, vel et cum aliquo Syrupo, ut de Myrtho: Promethus Medicus antiquus laudauit etiam in hoc genere, ut capiantur singulo mane tria grana seminis Hyoscyami. Ego soleo in huiusmodi casibus tales facere pillulas:

℞. Calchanti. v. s. Opii, Thuris, Masticeis, Coriandri tosti an. gran. j. s. Terantur diligenter, & cum Syrupo de Ribes fiant pilulæ, quæ accipiantur noctu quatuor, aut quinque horis post cœnam, nam huiusmodi pilulæ congelant quasi sanguinem, sed ut dixi, huiusmodi remedia non sunt administranda, nisi cum videbitis vires corrumpi ex immodico fluxu. Si fluxilis sit sanguis ob aquositatem, ob pituitam, erit statim purgandus, & primo præparandus hoc modo:

℞. Fol. Ros. P. s. Cort. granato. vnc. ij. Balauſti vnc. s. Fol. Plantag. M. s. (Et aduertite plantaginem, quia hæc & a Galeno, & Serapione maximè commendatur in his casibus.) Fiat decoctio secundum artem: deinde,

℞. Diac. coct. vnc. iiii. Syr. Ros. de ros. siccis, de Portul. de Ribes an. drach. v. mellis rosati drach. iij. misce. Hoc etiam tempore, quo capiet Syrupos, poterit etiam aliquam Confectionem capere vesperi ut dictum est.

℞. Diacydon. simp. sacchari viol. an. vnc. j. Coriandri tosti subtil. pulueris. drach. j. sumach, spodij, trochis. de carabe an. scrup. j. Terantur omnia diligenter. misce: Postea erunt humores expurgandi hoc modo:

℞. Agarici præparati drach. j. Turbith scrup. s. Diacathol. vnc. j. misce: In potu hoc medicamentum commodissimum erit.

℞. Agarici infusi, & expressi secundum artem in aqua Plant. scrup. iiii. Electu. Indi. vnc. s. syr. ros. solut. vnc. j. s. misce cum decocto cordali fiat potio, & capiatur mane. Si huic medicationi non cesserit, erit deueniendum ad validiora, propterea intrinsecus huiusmodi confectio efficacissima erit:

℞. Diacyd. simp. vnc. ij. Lapidis Hæmatit. Boli Armeni an. drach. s. Pulueris vtriusque consolidæ drach. j. acaciæ, spondij an. scrup. j. Succu plantag. vnc. s. Puluerizentur puluerizanda, fiat mixtura



ius poterit capere drachmas duas, vel tres mane stomacho ieiuno. Similiter conuenit in hoc casu linimentum pestini, & vmbilico. Exempli gratia :

℞. Olei myrtil. cydon. an. vnc. j. thuris, boli armeni, Masticeis an. drach. j. succi myrthi drach. ij. aceti parum. Misce, fiat linimentum. Præter linimenta conueniunt infusiones in matricem, pessi. Infusiones, vt si in vino rubro adstringēte coquatur sumach, carabe, cortex glandium ad quantitatem drach. ij. Deinde huiusmodi vinum infundatur pro clystere in vterum. Potest quoque fieri pessus huiusmodi:

℞. aluminis, spodij, lapid. Hæmat. an. drach. j. s. Terantur omnia diligenter & ponantur in pannum ad formam digiti, atq; ita illinatur oleo ros. omphacino, & indatur. Huiusmodi remedia possunt a vobis plurima excogitari, satis sit habuisse formas. Si fiat propter vasorum apertionem nihil aliud erit vobis agendum, nisi vt glutinetis vasa aperta, quæ agglutinabitis vel extrinsecis, vel ijs quæ induntur in matricem. Nam quæ sumuntur ore in hoc casu a me non valde laudantur: nam si sanguis sit purus, nihil aliud agendum, quam claudere, quod optimè fit per indita in matricem, propterea potestis vt i vino prædicto, & pellis, qui maximè glutinant, vt facitis ex Tragacantha vsta, ex Gummi Arabico vsto, Mastice, terra sigillata, Bolo Armeno: hæc enim omnia maximè glutinare vasa aperta possunt. Quod si vasa sint corrosa, est utendum ea ratione medendi, quam docet Gale. 5. Method. in curandis vasis corrosis in pulmone, vt scilicet studeatis sanguinem optimum generare: deinde medicamenta sarcotica applicare, quorum copiam habetis apud Galenum 7. medicam. local. 4. Sunt postmodum medicamenta a proprietate occulta: Serenus laudauit puluerem suberis in aqua calida potum. Moschio & Cleopatra laudarunt Caseum lactis Capræ nondum ab hædo suæ, qui dicitur Colostra, si in sinistro brachio ligetur & gestetur. Albertus Magnus laudat gemmam Corneolam dictam, digito gestatam. Laudatur etiam herba à proprietate, quæ dicitur pes Leporinus: Lapis Iaspis & multa, quæ apud Plinium referuntur. Sed inter cetera laudat Rhases 9. contin. Sulphur viuum ad drach. j. cum multo cocto potum, quod quidem remedium inuenio esse vsurpatum ab Alio Promoto. Sed quanquam naturali facultate sulphur possit prodesse, tamen puto etiam manifesta qualitate, eò q̃ vehementer siccatur, siccando videtur posse sanguinem congelare, & siccare: quare solummodo vtendum esse ipso consulo in sanguine aquoso, & pituitoso.

DE MORB. MULIEB. LIB. III. 153  
DE FLV XV MENSTRVORVM  
Hæmorrhoidali. Cap. III.

*Causa.*

**I**NTER alias immodici menstruorum fluxus causas posui etiam Hæmorrhoides hiantes, quæ consueverunt hunc fluxum efficere, etenim, ut in ano conflatus quidam venarum apparent, quæ interdum plus sanguinis euomunt, quam conueniat: sic in utero sunt quidam confluxus venarum, cum in corpore uteri, tum in collo, & præcipue, quæ ubi nimis aperiuntur, solent immoderatū sanguinis fluxum facere, & quanquam, ut dixi, oriatur etiam hic fluxus ex venis, quæ sunt in corpore uteri, hoc tamen (ut docent omnes) rarissimè contingit, frequentissimè verò effluit ex ijs venis, quæ sunt in collo, aut ceruice. Vbi igitur venæ istæ aperiuntur, & plus sanguinis effundunt quàm conueniat, dicitur fluxus menstruus hæmorrhoidalis. Sunt verò harum venarum duæ differentiæ, quoniam aliæ sunt simplices, molles, humidæ, leues & breues. Aliæ verò sunt duræ, asperæ, longæ, quæque dolorem, & utero, & partibus vicinis inducunt.

*Signa.*

**C**Ognoscentur huiusmodi hæmorrhoides visu, cognoscuntur & alijs indicijs. Modus cognoscendi est per Dioptron instrumentum, dictum Speculum matricis, quo utuntur Medici ad dilatandum os uteri, ut possint videre oculis affectus ipsius. Signa alia quibus cognoscitur hic affectus sunt, quia sanguis plurimus exit guttatim, non continuus, interdum etiam continuus, sine ullo ordine, sine vlla periodo, cum lassitudine corporis, pallore, atque etiam macie: sanguis verò qui fluit interdum est niger, quando scilicet venæ sunt apertæ, interdum flauus quando Arteriæ hiant. His indicijs, possunt dignosci fluxus Hæmorrhoidales à fluxu menstruorum, quia fluxus menstruorum solet habere aliquas periodos, quamuis sit immodicus, ad hæc non est cum dolore, corpora non ita emaciantur.

*Prognostica.*

**S**IGNA prognostica sunt hæc. Venæ Hæmorrhoidales duræ, asperæ, & grandes, difficiliores curatu sunt, quam aliæ. Rhaes 9. cont. docet eas esse deteriores, ex quibus sanguis

*Hier. Mer. de Morb. Muliebr.* V niger

niger emanat : leuiiores verò , ex quibus emanat sanguis flauus . Sed dicet aliquis vestrum , si flauus emanat ex Arterijs , niger ex venis , videntur difficiliiores esse curatu fluxus , vbi sanguis est flauus , quia maiore labore coalescunt Arteriæ , quam venę . Dico , Rhasis sententiam interpretandam esse , quod illæ sint deteriores , in quibus sanguis niger emanat propter accidentia , quia cū sanguis sit ater acris , & fœculentus , videtur magis esse venenatus , & natura infestus , quā flauus , & propterea deteriora ab eo sequuntur Syptomata . Habet tamen hic fluxus , dicit Rhasis , illud boni , quod si forte fortuna suppressa sint menstrua , ex qua suppressione caput grauatum sit , vel tenfio aliqua appareat in corpore , vel lassitudo , beneficio huius fluxus omnia a accidentia , aut mitigantur , aut tolluntur .

### *Curatio .*



**C**URATIO huius affectus tota posita est in claudendis huiusmodi uenis , & quoniam variæ sunt causæ propter quas aperiuntur , vt omnes illę , quas iam monstrauimus immoderatum menstruorum fluxum facere , propterea eadem ferè erit ratio curationis , vt scilicet , si sanguis sit ater , & crassus , corrigatur , & expurgetur . Si sit nimis fluidus & aqueus , similiter purgetur . & corrigatur . Quod autem spectat ad clausiõem vasorum , duo sunt modi : vnus quo utebantur veteres : alter quo recentiores sunt vsi , sed in omnibus necessaria est in primis victus ratio , quæ præscripta est in fluxu immoderato . Monet Rhases , vt ægra detineatur in aere frigido , modicè comedat , abstineat à vino , & carnibus . Modus verò sistendi , & claudendi huiusmodi venas vnus est per medicamenta , quando scilicet adstringentia ipsi venis superponuntur , aut etiam pectini , vt est pilus Leporinus inunctus Albumine oui vnâ cum stercore Asinino , puluis gummatiss prunorum , sumach , myrtillorum , gallę : accipiuntur isti pulueres vel omnes , vel aliqui , & interdum aridi venis superponuntur , interdum vel albumine oui , vel succo adstringente , aut succo plantagininis colliguntur , & superponuntur venis . Inter pulueres commendantur calchanti vsi puluis , vt in extremis casibus & puluis aluminis . Rhases commendat sedere in aqua gelida , & eadem ablueri pedes . Quod si iste modus sistendi fluxum nõ tollat malum , nihil aliud superest , quam venas auferre quas auferendi sunt duo modi : vnus antiquior , alter vero Moschionis , Cleopatraz & Pauli . Veteres solebant huiusmodi Hæmorrhoidas filo ligare , & quotidie filū illud adstringere magis , donec totæ auferrentur . Vel scarificabant venas circa radicem , deinde puluerem causticum superspergebant , donec deciderent

ciderent mortuæ. Sed isti duo modi a Cleopatra, & Moschione repudiantur, quia dicunt nimis grauem esse modum, & acerbum. Paulus etiam videtur dixisse, modum hunc fuisse reprobatum a Chirurgis maioribus. Quapropter alter modus ipsis fuit probatus, & laudatus, ut forfice & cultello abradantur. Modus autem quo sunt excindendæ, docetur a Paulo lib. 6. cap. 71. & a Moschione, & a Cleopatra abundè. Postquam abscissæ sunt, aspergitur puluis ex Galla, ex Alumine, ex Sumach, Rosis, & alijs, quæ modicè adstringunt. Monet tamen Moschio & iure, abstinendum esse a medicamentis acrioribus, & acerbioribus. Ratio, quia huiusmodi medicamenta exacerbant valde, & propterea magis proritant fluxum.

*De mēstruorum stillicidio. Cap. IIII.*

**I**nter uitia immoderati mēstruorum fluxus adnumeratur illud quoque ab Aetio, quod dictum est ab eo mēstruorum stillicidium. Etenim sicut vesicæ contingit, ut quandoque offensa retētrice facultate urina non possit retineri, sed iugiter, & guttatim expellitur, ita contingit vteri facultati retētrici, nam ea debilitata, cum non possit retinere sanguinem, dimittit eum iugiter, ac veluti guttatim euomit. Est hic affectus, proculdubio symptoma in genere excrementorum immodicè fluentium, quod suos sequitur morbos, ut dictum est de alio immoderato fluxu.

*Causa.*

**I**nius affectus ab Aetio quinque numerantur causæ, meatuum angustia, virium debilitas, sanguinis multitudo, sanguis pituitosus, & sæculentus. Atque hæc omnes causæ sunt internæ. externæ vero sunt omnes illæ, quæ huiusmodi sanguinem producere natæ sunt.

*Signa.*

**S**igna habentur ex relatione ægrotantis, quod sanguis iugiter fluat, quasi quæ guttatim stiller, ut iure possit appellari vteri ploratus quidam.

## Curatio.



**C**URATIO tora, vt docet Aetius, posita est in caufarū amputatione, nam si sanguinis multitudo caufa fuerit, missio sanguinis erit optimum remedium. Si propter virium debilitatem facultatis præsertim retentis, erit studendum viribus roborandis, vt si sanguis fuerit pituitosus, vel fœculentus, erit corrigendus, vt aliàs docui. idē dicendum de meatuum apertione. Sed hoc aduertendum est, in hoc casu esse dolorem, qui potissimum vrget ægram & Medicum, ita vt propter dolorem cogatur quandam viam diuersam incedere, & doloribus potius intendere, quam causis. Quo in casu docet Aetius aerem tepidum, & non obscurum esse debere, in quo decumbat ægra, postea extrema liganda & fricanda: vtendum gestationibus, abstinentia ab omni cibo, & potu acri, salso, flatuoso: Aquæ potum in primis prohibet Aetius, cuius causam esse puto, quoniam aqua quæ retinetur in Hypochondrijs, flatus inducit, ex quibus perspectum est dolorem augeri, & exasperari. Si vires ferant, vbi dolor maximus est, secunda est omnino vena, quoniam vt docet Galenus lib. de Curatione per sanguinis missionem, ad dolores mitigandos inaximum remedium est sanguinis missio. Adhæc vtendum est inunctionibus, in fessionibus, quæ dolorem leniunt; vt si aquæ incoquantur semina lini, Altheæ, folia maluæ, arthemisiæ, atque in hac detineatur mulier vsque ad vmbilicem, quo modo fiunt infessiones. Conferunt etiam Cataplasmata peccini imposita. Ego laudo huiusmodi: R. Sem. lini lib. s. Panis tritici lib. j. Vitellotum ouorum num. iij. Lactis q. l. ad efficiendum emplastrum. Fiat emplastrum, superponatur peccini, adhibeatur etiam locis muliebribus, & solet huiusmodi dolorem mirificè lenire. Infundo etiam lac cum succo maluæ. Oleum de Vitellis ouorum etiam maximè confert ad leniendum dolorem. Adhæc Butyrum, pinguedo Anseris, & Gallinæ inuncta singillatim, vel coniunctum dolorem quoque leniunt: sic si eadem pinguedines immittantur in vterum. Si hæc non iuuant, monet Aetius vt cucurbitulæ apponantur peccini, post quas fiant scarificationes, si sit necesse, vel loco scarificationum adhibeantur hirudines. Et vtilitas, quæ ex hoc remedio habetur, est, quia sanguis qui fluit ad vterum retrahitur, ex quo inhibetur fluxus, & consequenter dolor aufertur. Si hæc non iuuant, ad Rubrificantia, ad Dropacismos veniendum, quæ remediorum genera, vt aliàs docui, in extremis casibus adhibita sunt ab antiquis. Quod si menstrua non lædant quantitate, sed qualitate sola, vt in diuisione monstratum est, huic etiam debetur curatio, quia tamen et si in præsentia nullum detrimentum inferat, suspicandum tamē est, si

est, si mala qualitas menstruum non corrigatur, fore ut tandem mala plurima inducat. Sunt verò prauæ qualitates menstruum, quando sunt vel nimis aquea, vel nimis acia, calida, falsa, crassa. Quomodo gignantur hæ qualitates, & quomodo cognoscantur docui, ubi tractaui de suppressis, & fluentibus menstruis, quorū rationem explicui. Quare ne inutiliter hæc omnia repetam, remitto vos ad illa, quæ antea ibi docui.

*De Gonorrhœa. Cap. V.*

**I**NTER alias, quæ ab utero fluunt humiditates, una a Medicis adnumeratur humiditas seminaria, quæ sicut aliæ omnes suos morbos habet, inter quos potissimum est ille, qui dicitur a Græcis γονόρροια. Latini appellant diuersis nominibus: Inter quos qui Barbari sunt, dicunt Gomorrhæam puriores Gonorrhœam: Celsus dixit nimiam seminis profusionem: Plinius appellauit seminis profluuium. Est hic affectus, ut dicit Galen. de locis affect. 6. inuoluntaria & continua seminis emissio. Moschio dixit, esse seminis emissionem sine cupiditate viri. Celsus quoque sine imaginatione: Aetius similiter sine concitatione Veneris. Sed hæc vox inuoluntaria, idem est, ac si diceremus sine cupiditate, sine imaginatione: iure dicta est a Galeno esse inuoluntariam, & continuam emissionem, ut distinguatur a Pollutione nocturna, quæ dicta est a Græcis Onirogmos, Differt autem Gonorrhœa a Pollutione nocturna in duobus: In vno quoniā Pollutio semper est cum aliqua imaginatione, cum aliqua cupiditate: Gonorrhœa verò sine aliqua cupiditate: differt & in altero, quia Gonorrhœa in qualibet hora exercet homines: Pollutio autem solummodo noctu. Quapropter Rufius Ephesius Medicus apud Orbasium 6. Collec. cap. vlt. dicit Pollutionem nocturnam magis perturbare homines, quàm coitum: quia cum Pollutio inuenit hominē somno oppressum, & vires sopitas, magis percutit eum, & magis afficit. Sed dicit aliquis vestrum, Gonorrhœam non esse recensendam inter morbos muliebres, tum quia rari fuerunt Medici, qui de hac tractarunt, tum quia morbi muliebres sunt, qui non sunt communes viris. Hæc proculdubiō est communis Viris, imò videtur hæc solummodo passio esse Virorum. Nam ut hoc etiam obiter dicam, in Leuit. decimoquinto habetur, Viros putari immundos, & lege statui immundos esse, qui laborant fluxu seminis: Mulieres verò solum cum menstruum fluxu: sed licet hic affectus communis sit viris, verumtamen, ut videbitis in orationis progressu, diuersus est in viris, & mulieribus. Et ratio diuersitatis



uerſitatis eſt, tum quia mulieris ſemen diuerſum eſt a ſemine viri in aliqua re, tum quia modus ei aculationis in ſœminis, & locus per quem, & ad quem fluit, diuerſus eſt. Quapropter fateamur hunc affectum diuerſum eſſe, quia iurè Theodorus Priſcianus, & Moſchio hunc inter muliebres morbos recensere voluerunt. Sed antequam vteruſque progrediamur, conſtituendum eſt a nobis, an mulier verè ſemen habeat, nam hæc tractatio ſuperuacanea eſſet, ſi hæc res apud vos indiſcuſſa maneret. Et vt intelligatis vim huius conſiderationis, ſciendum eſt, ſerè omnes Medicos, & Philoſophos in hoc cõueniſſe, etiam mulierem præter ſanguinem menſtruum, aliquid aliud emittere. De hoc autem dubium eſt, an ſit ſemen, an non, i. deſt, an vt ſemen viri facultate effectrice & formatrice præditum eſt, ſic etiam hæc materia mulieris habeat vim effectricem, & formatricem. Cum igitur dubitamus an mulier emittat ſemē, dubitatio eſt, an tale ſemē emittat, q̃ habeat vim cõformatricis, & effectricis, vt ſemē viri. Pythagoras, Democritus Hippocrates, & Epicurus, grauiffimi oēs Medici, & Philoſophi hanc habuerunt ſententiam, mulierem quemadmodum virum emittere ſemen verum: ad quod ſentiendum tribus poſſimum ſunt impulſi rationibus, quarum prima eſt, quòd in coitu mulier æquè delectatur ac vir, cum emittit ſemen. Si ſic eſt, vt eodem tempore, & eodem modo delectetur vt vir; uir delectatur, quia emittit ſemen, igitur & mulier. Et vt huius rationis vim intelligatis, ſciendum, Hippoc. lib. de Genitura videri habuiſſe ſententiam aliã à priori, vbi ſcribit, mulierem minus delectari in coitu, quàm virū, & minus durare: Verum ſciatis, lectionem vulgatam Hippocratis eſſe mendoſam, quia vt habetur ex textibus antiquis manuſcriptis, ſententia Hippocratis eſt, mulierem minus delectari, ſed diutius durare eius delectationem. Quæ ſententia confirmata eſt ab Auic. 11. Animal. & 21. Fen. 3. Canon. c. 2. Et etiam ab Aliabbate Commen. 9. ſuę Theoricæ. qui omnes ducti (vt puto) hac Hippoc. autoritate dixerunt, mulieris uoluptatem duplo magis durare, voluptate viri. Secunda ratio, qua ducti ſunt eſt, quod conſtet viros dum cocunt, percipere humiditatem matricis eo tempore emanantem, quæ cū non ſit ſanguis menſtruus, neceſſe eſt fateantur eſſe materiam ſeminalē. Tertia ratio horum, quam attribuit iſtis Galenus libr. 1. de Hiſtor. Philoſophorū (ſiue ille liber ſit Plutarchi, vt exiſtimo) eſt quod mulieres habeant teſtes vt viri, ergo & ſemen: qui teſtes nullum aliud munus habent, quam deferendi, & conſciendi ſemen. Hippon Philoſophus, quem ſecutus eſt Athenęus, fuit alterius ſententiæ, qui exiſtimauit, ſœminas quidem emittere ſemen, ſed inutile ad generationem, quia illud emittitur extra matricem. Si emittitur extra matricem, ſignum eſt materiam illam tanquam inſœcundam explodi è  
locis

locis muliebribus. Aristoteles cum Peripateticis aliam sententiam non modo habuit, sed etiam penitus animis sequacium inseruit, scilicet, mulierem nullo modo semen habere, nisi æquiuocè, quæ sententia fuit etiam Zenonis, & Stoicorum omnium. Hanc autem materiã Aristoteles tractat. 1. de Genere animalium 19. 20. & cap. 2. de Generat. Animalium 1. Aristotelem secutus Auerroes de eadem re disputat. 2. Collect. 10. Rationes, quibus Peripatetici fuerunt adducti, multæ fuere, sed potissimum esse quatuor videntur. Prima quod mulieres in omnibus rebus sint ferè similes pueris, in Voce, Pilis, Carne, Viribus: ergo etiam similes debent in hac re esse, ut sicut pueri non habent semen, ita nec mulieres. Altera, quod mulier sit mas læsus: si est mas læsus, ita ut deficiat valde à mare, debet ppter hoc deficere, quia in ipsa non est vis generatiua, ut est in mare, quod cum non sit, non potest illi inesse verum semen. Tertia, quæ apud ipsos videtur omnium grauissima, quod mulieres concipiant sine vlla humoris emissione: in qua re probanda laborat Auerroes multis exemplis, dicit enim se audiuisse a multis mulieribus, quod conceperunt sine voluptate: similiter refert de sua vicina, quæ concepit in balneo sine coitu: si hoc verum est, necessarium est non habere semen, quia fieri non potest, ut unquam conceptio fiat sine hac emissione. Quarta & postrema, quod mulier si haberet semen, posset concipere absq. mare. probatur, quoniam si semen est efficax ad efficiendum, & conformandum, cum etiam habeat materiam generationis & locum, sponte etiam posset generare sine ullo viri coitu. Hæ sunt rationes, quibus Aristoteles, & eius sequaces existimarunt mulierem carere semine: Et quia videbant Hippocratis rationes urgere, conati sunt ijs respondere. Primum de uoluptate respondet Aristoteles, mirum non esse ut possit sine semine in coitu delectari, propterea quod uoluptas nascitur ex spiritibus, qui mouentur, ut in pueris, quibus ex affricatione nascitur uoluptas, non quia emittunt semen, sed quia pleni sunt spiritibus: sic uoluptas oritur in muliere ex spiritu non ex semine. Ad secundam rationem de emissionem humiditatis, Respondet Aristoteles & cum eo sequaces, illam humiditatem non esse semen, sed potius quid aliud, quod probat tribus aut quatuor rationibus. Prima, quod non omnes mulieres eam humiditatem emittant, quia albæ foeminæ emittunt quidem, nigre uerò, & Virgines nō emittunt. Quod si illa humiditas esset semen, proculdubio inquit omnes emitterent. Secunda, quia non emittitur per contrectationem eius membri, a quo emittitur semen in uiris. Etenim a uiris emittitur semen ab eo membro, quod contrectatur, scilicet a pene, mulieribus emittitur ab eo membro, quod non contrectatur: emittitur enim a cornibus uteri, contrectatur uero solummodo Ceruix. Tertia quia,

est ma-

est materia quædam aquea, fluida, propter quod dicunt isti, constat non assimilari materiæ seminali. Ad tertiam rationem de testibus respôdetur, nequaquã necessarium esse, & si habeant testes, vt in ijs sit semen, quia fieri potest, vt in mulieribus testes sunt occulti, ita etiam habeant alium vsum ab eo, quem habent viriles, qui sunt protuberantes & manifesti. Et quia aliquis potuisset Aristoteli & Peripateticis obijcere, ergo videtur materia quæ inest testibus, esse vana, propterea quod nullum habeat vsum in generatione, quia non vt materia, non vt forma, aut efficiens: Respondet Auerroes 2. Collect. 10. quod non valeat hæc consequentia, quia mammæ in mulieribus deferuiunt generationi, in viris non, & tamen non est dicendum esse inutiles. Sed vt mammæ deferuiunt alteri vsui in viris, quàm in mulieribus, ita etiam testes & semen deferuiunt in fœminis alteri vsui, quàm ad Generationem. Quis verò hic sit vsus posset Medicus sciscitari a Peripateticis: pro quibus Aegidius Romanus in lib. de Generatione hominis, ex Auicenna, & Auerroes scribit, tres esse posse vsus huius humiditatis in fœminis. Primum, vt frigiditate ac tempore huius nimia seminis virilis caliditas refrænctur. Secundum, vt visciditas seminis virilis diluatur quodammodo ab hac humiditate aquea, quoniam cum semen debeat totum vterum percutere, si nimis sit viscidum, dicit iste vir, non potest. Tertium, qui etiam ab Auerroes significatus est: dicebat Aristoteles esse propter voluptatem, idque dupliciter. Primò vt matrix voluptate huius humiditatis attractæ simul etiam magis attrahat semen virile, & magis consequenter ipsum complectatur. Secundò, vt mulieres propter hanc voluptatē desiderant, & querant concubium magis. Atque hæc sunt rationes præcipuæ, quibus Peripatetici probant suam sententiam, & ad Hippocratem respondent. Galenus verò post Aristotelem aliam sententiam, & meliorem secutus est, scilicet quod mulier semen emittat, vtrum tamen semen hoc sit differens a semine viri, tum substantia, tum etiam facultate. Substantia, quia muliebre semen magis fluidum est, & aquosum: facultate, quia tametsi mulieris semen vim habeat effêtricem, est tamen hæc vis imbecillior in muliere, quàm in viro, ita vt ad hoc, vt fiat generatio, necesse sit tum semen fœminæ, tum etiã maris adesse. Ad astruendam hanc opinionem contra receptissimam Aristotelis sententiam vsus est multis rationibus, sed nos tantum tres selegimus. Prima ratio Galeni, quæ etiam secundum ipsum est efficacissima, capta est à similitudine filiorum ad Patrem, & Matrem, quod filij gignantur quotidie, qui assimilantur matribus, non solum secundum sexum, sed secundum plurima alia accidentia. Hoc constituto, inquit Galenus, vis hæc assimilatoria, & vis hæc effêtrix, cum æquè sit assimilatio ad matrem, atque patrem, necessum est, vt nascatur

tur à principio communi & maris, & foeminae, propter quod sapè af-  
 similatur & Patri & Matri. Si igitur à principio communi ad gene-  
 rationem concurrunt tantum duo, semen & sanguis menstruus: hæc  
 vis non potest esse in sanguine menstruo, quia is non potest esse cõ-  
 munis mari, nam nunquam assimilaretur foetus patri, si ibi esset vis  
 assimilatrix. Ergo necesse est, vt sit in semine: si in semine, ergo ne-  
 cessum est in foemina adesse semen, veluti in mare, merito cuius pos-  
 sit foetus assimilari propriae matri. Secunda Galeni ratio lib. 2. de se-  
 mine 1. accepta est ab ipsa Anatomica inspectione, quòd videamus,  
 vbi secantur corpora mulierum, non solum apparere oculis vasa  
 spermatica, vt sunt in viris, verum etiam repleta materia alba & cras-  
 sa seminali, id quod vosmet in Anatome contemplati estis. Si hoc  
 est, quo modo fieri potest, vt cum sensui pateat, dicamus eas carere  
 semine? Tertia ratio est ex Pollutionibus nocturnis, nam mulie-  
 res, inquit Galenus, perinde patiuntur nocturnas Pollutiones, atq;  
 viri. Viri incidunt in hos affectus, solum propter semen, ideo &  
 mulieres solum propter semen capiuntur his pollutionibus. Acce-  
 dit etiam, quod Galenus dicit, se vidisse in vidua quadam, quæ cum  
 tentata fuisset vteri præfocatione maxima, tandem vterus eumvuit  
 materiam albam, crassam, qua educta statim liberata est: inquit Ga-  
 nus, hæc materia non aliud erat, nec dici poterat quam semen. Eam  
 humiditatem, quam mulieres in nocturnis pollutionibus emittunt,  
 semen esse probat Gal. tribus rationibus. Prima, quod in emissione  
 eius, percipitur eadem voluptas, quam percipiunt viri in emissione  
 spermatis, propter quod maximè verisimile est, & ipsas semen habe-  
 re. Altera, quòd emittatur hæc humiditas à testibus & vasis sperma-  
 tici, quæ omnia ita sunt in mulieribus illustria, sicut & in Viris. Cir-  
 ca quod notare debetis Aristo. vt & Medicos, confessum esse, in mu-  
 lieribus vasa hæc & testes reperiri: veruntamen fuit huius senten-  
 tiæ, quod sicuti in viris, nullum habent præcipuum vsum ad gene-  
 rationem, ita etiam non habent in mulieribus, quod falsissimum ef-  
 fe ostendunt Medici, & præsertim Gal. de foeminis brutis, quæ vbi  
 castrantur, omnino infœcundæ redduntur, id quod etiam apertis-  
 simum est in viris, qui excisis testibus, permutantur non solum ope-  
 ribus nature, verum etiã animis. Et iurè magnus ille Auenzoar. lib.  
 2. tract. 3. ca. 1. scripsit, nullum fuisse vnquam virum castratum, qui  
 esset optimi intellectus & bonorum morum, vnde vos considerate,  
 qua ratione homines tardos, & stupidos, appelletis Testiculos. Ter-  
 tia Gal. ratio est, quod hæc humiditas proiicitur in vterũ, non enim  
 potest proijci in vterum frustra, propterea gratia generationis om-  
 nino proiicitur, nequæ valent illæ vtilitates huius humiditatis, quas  
 Peripatetici adducunt, quoniam non inseruit huiusmodi humidi-

tas solum voluptati, quia etiam secundum Aristotelem. sæpè fit conceptus sine voluptate: non etiam inseruit temperando calori, aut visciditati temperandæ, quia multi reperiuntur, qui habent semen liquidum, tenue, & frigidum, ut confessus est Lucretius 4. de Natura, dum ait:

*Nam steriles nimium crasso sunt semine partim,*

*Et liquido præterustum tennique vicissim.*

Propter quod, si hæc humiditas huic inseruieret. plus mali quam boni efficeret, eò quod illi, qui habent semen liquidum, & tenue, euaderent prorsus steriles, sicut etiam qui habent semen tepidum. Itaque his rationibus probat Gal. humiditatem illam, quam emittunt Mulieres, semen esse. Et quia Galenus videbat hanc Aristotelis rationem maximè vrgere, quod si mulier emitteret semen, posset fieri conceptus sine mare: Respondet. quod vis informatrix maris non est efficax per se, neque etiam vis ipsius scæminæ, ita ut vtrūque opus habeat altero, & ut non potest fieri generatio sine semine Mulieris, ita etiam neque sine semine viri. Auic. li. 9. de ani. 2 & 3. nec non secunda Fen. 3. tract. 1. c. 3. ausus est Galenum irridere, eò quod parum philosophiam nouerit in hac re, quasi sententia Gal. valde deterior sit, quam Aristotelis. Auic. secutus est Albertus lib. 9. tract. 2. atque etiam Ægidius Romanus, lib. de formatione hominis, ita ut omnes videantur conspirasse aduersus Galenum, qui primo constituerunt, sententiam hanc Aristotelis veram esse, quòd mulieres non emittant semen, nisi æquiuocè, eò quòd solum, si quid habent, sit materia, tanquam sanguis menstruus, & quod solum vis effectrix generacionis posita sit in semine maris. Quo còstituto, respondent rationibus Galeni, & primo de similitudine sexus, dicunt cum Aristot. mares & scæminas generari, non propter semen Mulieris, sed quia, si semen viri calidum sit, à dextro teste fluat, & in dextram vteri partem decumbat, mas fit: è conuerso, si decidat semen frigidum à teste sinistro in locum sinistrum, fit scæmina: si verò semen calidum à teste dextro in sinistrum vteri latus decumbat, fit pro ratione dominantis & qualitatis & loci: Quod si, dicunt isti, ex vtraque parte qualitates valentes sint, fiunt Hermaphroditæ. Cui rei fidem facere conatur Albertus Magnus exemplo, qui scribit, se cognouisse Mulierem, quæ cum post coitum semper decumberet in latus sinistrum, semper peperit puellas: vbi vero Medicorum consilio cœpit cubare in latus dextrum, cœpit simul & masculos procreare. De similitudine indiuiduali, in qua re maximè vrget Gal. ratio, respondet Auic. hoc fieri propter resistentiã seminis muliebris, non quod vllam vim effectricem habeat, sed quia, cum propter resistentiam humiditatis illius, nequeat foetus assimilari Patri, assimilatur Matri. Ad secundam

dam & tertiam Gal. rationem respōdet, humiditatem quidem illam assimilari semini, quia viscida est & alba, uerumtamen non esse uerum semen. Et quod docet Gal. de uidua, inquit ille, fuisse hanc humiditatem, quæ ob moram in utero crassescēda erat. Argumētis, quibus nititur Gal. probare esse semen, respondet id quod dicit Aristot. aduersus Hipp. voluptatem effici à spiritibus, & motu, non autem quod ea humiditas sit semen. De uasis uerò seminarijs, & testibus, respondet, quanquam materia in his contineatur, non tamen esse asserēdum quod sit semen, quia etiam uiri interdum ex huiusmodi uasis ēmittunt quandam humiditatem, quæ nequaquam semen est. Ad tertium, quod pertingat hæc humiditas ad uterum, inquit, non esse mirum. quia & sanguis Menstruus, qui citra omnem controuersiam non est semen, etiam ad uterum pertingit. Contra id quod scribit Gal. virtutem informatricem in semine Mulieris esse, insurgunt istis duabus rationibus, apud ipsos grauissimis. Vna, quod si debiliter informaret vis feminis mulieris, posset etiam citra Marem fieri debilis conceptus, quia ab agente secundum gradum, semper euenit effectus secundum gradum: sed falsum est, mulierem ullo modo posse concipere absque mare, ergo sequitur nullo modo semen mulieris vi informatrice præditum esse. Secunda ratio, quæ utitur Auicennas & Albertus est, quod nulla potentia actiua indigeat aliqua re, quæ deducat ipsam ad actum, quare uis informatrix maris nullo modo indigebit adiutorio informatricis fœminæ, ut gignat: imò dicit Albertus, quod ait Galenus, esse rarissimum, nec inueniri simile in natura. Et quia poterat aliquis pro Medicis dicere, semen uiri formam adferre, semen uerò mulieris figuras & accidentia. obijciunt, quod dans formam, det accidentia per Aristotelem 8. Physicorum: igitur si semen maris dat formam, dabit figuras & alia accidentia. Hi igitur sunt discursus, quibus Auicenna, Albertus & Aegidius nituntur probare à fœmina semen non mitti, quod habeat vim effectricem. Pro qua re statuenda illud ante cætera dicendum est, quod scribit Auicenna 20. tertij, tractat. 1. cap. 3. scilicet, hanc quæstionem pertinere potius ad naturalem Philosophiam, & huius reiignorationem nequaquam esse nocuam Medico, quia tamen puto & Galeni, & aliorum Medicorum sententiam esse veram, propterea nobis cum Galeno statuendum est, Mulierem emittere omnino semen, quod non solum, ut docet Auicenna, disponat materiam ad recipiendam informationem, sed etiam quod informet, uerum debilius quam semen uiri. Sed quia magna ex parte refutatae sunt istæ opiniones & rationes, nonnullis respondebo breuiter: & primò de similitudine Indiuiduali, quæ est maxima Galeni ratio: quod ratio Auicennæ omnino inutilis sit, nempe solam resistentiam



tiam præbere, propterea quod si solum semen feminae resisteret, proculdubio efficeret solum, ut foetus non assimileretur patri. at præter hoc facit etiam, ut assimiletur matri, ergo necesse est fateamur, aliquam vim inesse femini mulieris, quæ hanc assimilationem faciat. Et propterea magnus ille Lucretius 4 de natura, dicit, foetus similes fieri matribus, propter semen muliebrem, sicuti sunt similes patribus, propter semen paternum: cum ait,

*Tum similes Matrum, materno semine fiunt:*

*Et patribus, patris.*

Quod porro dicunt respondentes Galeno, humiditatem illam esse quidem similem, sed non esse verum semen: videtur mihi ratio vana, propterea quod si ab iisdem locis emanat, atque iisdem accidentibus præditum, necessarium etiam videtur eandem habere facultatem: imò possunt isti conuinci Aristotelis ratione, qui 1. de Gener. anim. 19. scibit, mulieres & viros pingues idcirco infœcundos fieri, quia semen vtriusque absumitur in pinguedinem. Si igitur propter absentiam feminis, ut vult Aristoteles, tollitur fecunditas in muliere, igitur & ex presentia ipsius feminis dicitur fecunditas fieri. Igitur secundum Aristotelem necessarium coguntur fateri, semen mulieris vim habere in generatione. Neque valet, quod si hæc facultas effectrix debilis est, posset etiam fieri conceptus debilis sine mare, propterea quod vis illa nullo modo potest operari, nisi iungatur facultati feminis masculini. Et ideo, sicut semen viri non informat sine semine Mulieris; ita nullo modo potest informare semen feminae, sine semine maris. Nam ut exemplum afferamus in artificialibus, ut adfert Aristoteles ad probandum semen maris non posse esse ut materia, id perinde est, ac si quis vellet impellere aliquam rem, ita ut solus non posset, sed beneficio alterius, nam ut alter ipsorum non potest sine altero impellere, & vis utraque alterum iuuat, ita contingit in semine, ut facultas femininae adiuuet facultatem Maris, quamquam facultas Maris sit efficacia. Nec dicendum est, hoc mirum esse, eo quod non reperiat in alijs rebus, quia ut testatur Plato in Epinomide, & Aristoteles, & Auicennas, in generatione animalium est necessarium quid diuinum, quod in alijs rebus non reperitur, ut non sit mirum, si in hac re reperitur aliqua conditio, quæ non reperitur in alijs rebus. Cum igitur vera sit nobis putanda sententia Medicorum, quod scilicet mulieres emittant semen. Gonorrhœa Mulierum nil aliud erit, nisi emissio huius seminalis materię, citra uiri cupiditatem, & (ut dixit Moschio) cum pallore & lassitudine. Est hic affectus symptoma in genere excrementorum immodicè fluentium. Iocus vero affectus, ut testatur Galenus 6. de locis affect. 6. nullus alius est, quam vasa seminalia.

## Causæ.



**C**AUSÆ Gonorrhœæ internæ aliæ sūt essentialē, aliæ per consensum. Rursus essentialē aliæ sunt ex parte feminis, aliæ verò, quæ pertinent ad vasa spermatica. Causæ facientes Gonorrhœam ex parte feminis, sunt vel quia semen in quātitate peccat, vel quia qualitas feminis mala est. Vbi quantitas exuperat, proculdubio præa-  
 bundantia semen fluit: & huiusmodi Gonorrhœa solet fieri in Vi-  
 duis: & in illis virginibus, quæ nuptias nimis protrahunt. Si vero qua-  
 litas feminis causa est, fit, quia semen nimis calidum est, aut nimis  
 acre, aut nimis tenue; Nimis calidum semen fit, quando homines ni-  
 mis laborant: Et hac ratione, Aristo. 5. Prob. 31. dicebat, eos qui ni-  
 mis exercentur, laborare nocturnis pollutionibus, propterea quod  
 semen nimis calidum euadit. Similiter solet etiam semen nimis fieri  
 calidum in febribus, & præsertim in ijs, quæ sunt habituales, vnde  
 dicebat idem Aristoteles, Phthysicos frequenter tentari pollutioni-  
 bus noctis, propter hanc caliditatem. Fit etiam Gonorrhœa, vt dixi,  
 ex feminis acrimonia, vnde illi qui equitant, celerrimè solent his af-  
 fectionibus obnoxij esse, quia semen illis acre euadit. Idem contin-  
 git, vbi semen fit nimis tenue & fluidum, quàm par sit. Ex parte va-  
 sorum spermaticorum causæ sunt, vel quia vis retentrix vasorum  
 offensa est, vt docet Galen. 3. Sympt. Atque hæc læsio contingit pro-  
 pter malam intemperiem; vel quia vis expultrix nimis valida est,  
 quod etiam in intemperiebus contingere aduertitur: vel quia vasa  
 spermatica conuulsa sunt. Sic sæpè videbitis eos, qui cōuulsionibus  
 capiuntur, emittere semen, propter scilicet. Spasmus vasorum sperma-  
 ticorum, id quod docet Gal. 14. de vsu partium 12. & 3. Symp. 4. atq;  
 hæc sunt causæ essentialē. Causæ vero per consensum sunt illæ, quæ  
 communicant affectus vasis spermatis, & hæc vel sunt in Rhenibus,  
 vel in Musculis: In rhenibus, quādo ipsi maximè feruefacti sunt, ita  
 vt feruorem vasis spermaticis communicent. In Musculis, quando  
 Musculi superpositi vasis spermaticis, sunt valde accensi: atque tot  
 sunt causæ internæ. Externæ vero causæ sunt, longa in primis absti-  
 nentia, coitus, cogitationes, sermones, lectiones rerum venerarij,  
 nimia frequentia coitus, nimius corporis motus, otium, somnus su-  
 per dorsum factus, strictura lumborum, & pannorum nimis calefa-  
 cientium super lumbos vsus: ad hæc potus meraciores, cibi, vt sunt,  
 Ostrea, Bulbi, Tubera, Cardui, Ciceres Nuclei pinus, & tādē om-  
 ne eduliorum genus, quod vel multiplicare semen, vel prouocare  
 potest. Quo in loco notare debetis ferè omnia quæ Gonorrhœam

in viris generant, eadem generare in mulieribus. Imò uerò Theodorus Priscian. lib. 3. suæ Medicinæ cap. 10. scribit, curationem in viris nihil differre à curatione mulierum.

### *Signa.*



**S**IGNA generica huius affectus comparantur ex relatione vel ipsius patientis, vel ministrarum eius, quoniam sæpè erubescunt Mulieres id fateri, vnde necessum est hoc intelligere vel à matribus, vel à ministris. Inter alia signa, quæ referuntur à ministris hoc vnum est: quia egra dicit exire è vulua materiam albam crassiusculam, sine voluptate. Sed dicetis, quæ est causa vt nulla percipiatur voluptas? Hæc est, quia, vt intellexistis, voluptas oritur ex Spiritibus & motu seminis, qui cōfertim subitò fit: iam verò semen, quod in Gonorrhœa effluit, spiritibus priuatum est, tardissimè mouetur, & paulatim emanat, ita vt omnes desiderentur voluptatis causæ. Sed quia materia quæ exit a matrice, interdum sperma est, interdum vero nō, propterea necesse est, vt habeatis signa, quibus distinguatis, quando materia seminaria est, & quando non. Substantia, quæ semen est, habet has condiciones, nam tametsi minus crassa sit quam semen viri, verumtamen habet & ipsa nonnihil crassitie: materiæ quæ semen non est, tenuissima est, & multum fluxilis. Adhæc materia spermatica pauca est, & longis interuallis emanare solet: materia verò quæ sperma non est, copiosissima est, & continuè fluit. Quod vt intelligatis, debetis meminisse illius, quod scribit Aristoteles 1. de generatione animalium 18. vbi ait: illud ex quo generatur semen, omnino paucissimum esse, propterea quod ex tota cibi quantitate paucissimum omnino est illud, quod membris pro nutrimento apponitur: ex hoc verò paucissimo generatur semen, quod est minima portio ipsius paucissimi. Ita ut necesse sit omninò semper paucum esse semen, & propterea in Gonorrhœa paucam hanc materiam exire. Sed dicetis, si materia seminaria adeo exigua est, cur interdum in Gonorrhœa videtur maxima seminis copia exire. Dico, propter duas causas hoc fieri: Prima est, quia sæpè semini miscetur aliena materia, vt pituita defluens à Capite, quæ videtur augere substantiam seminis. Altera causa est, quia vasa spermatica, ubi sunt intemperata, vehementer attrahunt a toto, ita vt quod debet nutrire membra ad serapian, & ita uidetur semen multiplicari. Ex quo loco notare debetis errorem eorum, qui putant, semen fieri album in testibus, quia in Gonorrhœa semen album exit, & tamen ne momento quidem moratur in testibus. Ad hæc dignoscitur materia

ria seminaria qualitatibus visibilibus, & odorabilibus, quemadmodum ubi materia obscurior est, interdum nigra, interdum rubra & variorum colorum. Accedit his signis & aliud, quod in Gonorrhœa, si diutius perseverabit, necessario corpus contabescit, quia membra priuantur nutrimento proprio: in fluxu verò alienæ materiæ, corpora non ita emaciantur, & contabescunt. Tandem prægnantes Mulieres nunquam Gonorrhœa capiuntur, ratio est, quia semen ut intellexistis, fluit in vterum, ex utero foras emanat: in prægnantibus vteri os clausum est, itaque non potest semen profluere. Fluore verò aliarum materierum laborant quidem prægnantes, idcirco ubi in prægnantibus adest talis fluxus, certi esse debetis, non esse Gonorrhœam. Causæ verò, ex quibus fit hoc malum, cognoscuntur suis signis, quia si fit a multitudine seminis, cognoscitur ex vita antea acta, ut si otiosa fuerit Mulier, sit bene nutrita, abstinerit à coitu, vsa sit cibis semen multiplicantibus: præterea si corpore carnosio, calido & humido prædita sit, non pingui: Etenim, ut docet Aristoteles, pingua corpora sunt infœcunda ob seminis inopiam. Sic corpora calida & humida semper exuperant semine, ut iurè assimulare ea Plato in Timaco arboribus nimium fructificantibus. Accedit & aliud signum, quod quando Gonorrhœa fit a seminis multitudine, nullum nocumentum sentit, imò tanquam onere leuata Mulier videtur melius habere. Si oriatur a seminis caliditate & acrimonia, cognoscetis ex calore genitalium, & lumborum, pruritu, mordicatione. Si sit ex acuitate, & tenuitate, dicunt aliqui adesse coitus desiderium: verum sum alterius sententiæ, scilicet non posse adesse coitus desiderium, quia proprius character huius morbi est, ut sit sine cupiditate & desiderio, itaque adest malæ quædam sensatio, & punctio. Quod si propter vasorum spermaticorum intemperiem malum fiat, cognoscetis vbicumque nulla alia aderunt signa, quæ alias causas declarât. Sin ex affectu Rhenum profiscatur, in dorso percipitur debilitas quædam mala sensatio caliditatis, & in vrina supernat veluti quædam pinguedo, quia propter feruorem eliquatur pinguedo rhenû, miscetur vrinæ & supernatat ipsi. Causæ externa solum cõparantur ex relatione astantiû, & ipsius mulieris.

*Prognostica.*

**P**ROGNOSTICA sunt, quod ubi hoc malum diu perseuerauerit, deducit ægros ad maciem, ad crurum infirmitatem, ad vlcera, & vrinę difficultates. Referunt alij Practici se uidisse interdum mulieres sub hac ægitudine occubuisse, eo quod præ pudore noluerunt detegere hunc morbum.

*Curatio.*

**C**URATIO tota posita est in causarum ablatione: Et quia hic morbus partim factus est, & partim semper est in fieri, ideo Medicus diligens esse debet, vt non solum factum tollat, verumetiam prouideat ne fiat. Ad omnia maximè conducit victus ratio rectè instituta: propterea ante alia prouidendum, vt aer frigidus sit & siccus, parum dormiat: dicit Aristot. 4. Problem. 5. dormientes facilè nocturnas pollutiones pati, eo quod in somno corpora maximè calent, & humida sunt, quę omnia exitum seminis iuuant. Potissimum autē vitari debet somnus resupino corpore factus, quoniam eo maxime pollutiones nocturnę ob incalescentiam lumborum excitantur, vnde Aristot. loco prob. citato dicebat, bruta non tentari huiusmodi pollutionibus, quia nunquam dormiunt super dorsum. Somnus debet esse super stragula dura, & refrigerantia, vt sunt: Folia Nymphetæ, lactuce, vitis, falicum, violarum, & præsertim foliorum viticis. Nam relatum est, mulieres Athenis, quę ministrabant sacris Cereis, consueuisse super viticem dormire, vt castitatem seruarent, vnde planta hæc Agnus castus dicta fuit. Sed dubitabit aliquis vestrū, quomodo conferre possunt huiusmodi exteriora, quando scribit Galen. 6. Epid. 1. text. 6. externa medicamenta Renibus adhibita parum omnino prodesse, tum propter corporis Renum densitatem, tum etiam propter multitudinem corporum, quę Renibus superponuntur. Ita vt difficile omnino videatur, medicamenta extrinseca posse penetrare: quod si verum est, eo minus medicamenta penetrabunt ad vasa spermatica. Dico uerè hæc remedia non posse id admodum præstare integrum, quod deberent, eo quod uis ipsorum ob diuersas rationes mirificè frangitur, verumtamen propter longum & frequentem vsum, omnia conferunt: quinimo dicit Galen. 6. de Tuend. valet. se interdum Renes mirificè refrigerasse solum externis medicamentis, quapropter non malè faciunt, qui subinde super Renes lamina plūbeas gestant, vel pillulas plumbeas in sacculo, quia longo

go vsu neccssario frigiditas communicatur Vasis spermaticis. Motus corporis vitadi sunt, & præsertim crebræ equitationes: sic quoque prouidendum est, vt Lumbi & Renes multis tegumentis non tegantur, neque admodum strictè ligentur, & ego curauī multas Mulieres, quæ in hunc affectum incurrerant propter pannorum strictorum vsu. Auertendæ sunt omnes cogitationes rerum Venerearum; lectiones & sermones: picturas etiam & signiformosa amouenda esse a visu consulit Aetius; potius adhibenda quæ tragica sunt, aut quæ mëmorem, aut horrorem, aut odium coitus excitent. De potu abstinendum si fieri potest à vino, & in usu habenda vel aqua calybeata, vel pluuiā, vel cui incoctum sit semen Rutæ, semen Agni casti, semen quoque Nymphææ, de quo scribit Galen. 8. Simpl. illud omni seminis nimio fluxui compescendo maximè conferre. Sic etiam, si aqua nō placeat, vtatur vino tenui subastringente, cui immacerata sint huiusmodi semina per noctem: Vinum fuluum, quod ab Aetio commendatur, nequaquam probo. Ciborum delectus habendus, quemadmodum si malum ortum duxerit à seminis multitudiue, debet cibus esse paucus, & pauci nutrimenti: vnde Herbarum vsus conuenit, plantaginis, nymphææ, rutæ, lactucæ: Panis debet esse furfuraceus: Fructus conueniunt, vt pyra, poma, mespila. fugienda caro Caponum, aut aliorum animalium, quæ multum nutriunt. Quod si velitis vt carnibus, debent esse in Aceto elixæ: Nuclei pini, amygdalæ, pistacæ, fugienda: Sic ostrea, bulbi, & omnia quæ semen multiplicare nata sunt. Quod si malum fiat propter seminis acuitatem, conueniunt ea, quæ non solum parum nutriunt, verum etiam emplastica quodammodo sunt & adstringentia, vt lactuca, portulaca, plantago: pultes ex farre, hordeo, oryza, milio Pedes animalium conueniunt, cerebella, gelatinæ, pisces. Quod si proficiscatur ex vasorum spermaticorum intemperie, præsertim calida, debent cibi esse refrigerantes, non solum actu, sed etiam potetia. Sed semper debetis hic aduertere, vt cibus parum generare sanguinis aptus sit, eò quod subrepto fonte seminis generationi, neccssariò fluxus, & malum omne tollitur. Instituta uictus ratione, cogitandum statim quæ sit Gonorrhœæ causa. Si enim ex multitudine seminis ortum ducat, cum ferè semper plenitudo hanc causam comitetur, statim secanda est vena, sed prius lenita aluo. ~~Est~~ autem secanda aut Basilica, aut Saphæna, vel etiam scarificanda crura. Secunda vena, deinde studendum est medicamentis, & intrinsecis, & extrinsecis fluxum sedare. Intet intrinseca conueniunt variæ confectioes, & etiam serapia, vt pro confectioe:

℞. Conser. de aceto. citri ꝑnc. ij. camphor. scrup. ij. sem. nimpheæ,

*Hier. Mer. de Morb. Mulicbr.*

Y

Agni



Agni casti, rutæ an. scrup. j. Puluerizatis puluerizandis, fiat mixtura: Et aduertite basim ferè huius medicamenti esse Conf. de Aceto. Citri, quia succus citri, & limonum mirificè confert ad extinguendâ seminis copiam. Imò ego soleo vt in Gonorrhœa succo citri, & limonum, magna fælicitate. Serapium potest hoc modo fieri:

℞. Fol. scariolæ, endiuia an. M. j. sem. rutæ, lactucæ, citruli, nymphae an. vnc. j. Contundantur omnia crasso modo, deinde imponantur in lib. iij. aquæ pluuiialis, & bulliât vsque ad consumptionē duarum tertiarum. Deinde facta colatura cum saccharo secundum artem, syrupizentur: & dicti syrupi capiantur singulo manæ vnciæ tres, vel quatuor. Extrinsecus commendantur varia, sed præ ceteris commendatur, & apud me usu probatum est, oleum ex semine Hyosciami: Capiantur semina hyosciami & contundantur, deinde irrorentur aqua vitæ, postmodum ponantur sub prælo, & exprimat ur oleum. Hoc oleo inungan urlumbi, loci muliebres, & mirificè confert. Post etiâ cõpono linimentũ, vt: ℞. Ol. myrtillo. sem. hyosc. an. vnc. s. semi. mādrag. lactucæ an. drach. j. cāphoræ scrup. ij. Aceti optimi q. s. Puluerizatis puluerizãdis fiat linimentũ. Hæc eadē intē tione, licebit cõponere in seffus: Accipe huiusmodi herbas, & semina, atque in aqua pluuiali incoquantur, & curetur vt mulier patiens, in vase hoc decocto pleno, sedeat vsque ad vmbilicũ. Si causa fuerit mordacitas, & acuitas seminis, in hoc casu, dum nihil obstat, mit tendus est sanguis, quo misso, refrigeratur iecur, & consequenter mordacitatis causa aufertur. Misso sanguine studedũ est mordacita tē abolere seminis, id q̄ & intrinsecus & extrinsecus agēdũ. Intrinsecus conuenit hoc Brodiũ: ℞. Sem. portulacæ, lactucæ, solatri, rutæ an. drach. ij. folio. lactucæ, lapathi, plantaginis an. M. s. Contundan tur omnia, & bulliant in brodio carnis vitulinæ: Deinde facta cola tura ℞. Dicti brodij vnc. vj. Fiunt quoque Confectiones variæ in hoc casu, Exemplum est istud, ℞. Sacchar. rosati vnc. ij. Camphoræ, (quæ commendatur quasi propria facultate semen aboleat, vt vsu quotidiano comprobatum est) sem. Portulacæ, lactucæ an. drach. ij. Huius mixturę capiatur vnc. s. ad summum, singulo mane. Conue nit quoque linimentum præscriptum in hoc casu, & In seffus, vbi se men tenue, & aquosum est, commendatur præ ceteris Tryphera Me fues, quæ solet mirificè semen incrassare. Quod si malum oriat ur propter retenticius imbecillitatem, studendum est, p̄mo intempe riem, ex qua oritur imbecillitas, corrigere: deinde vtendum est ijs, quæ constringere possunt. Sed ante alia vsu mihi probata est hæc confection: ℞. Diacyd. simp. vnc. iij. Pul. coral. rub. drach. j. s. Balau stiorum drach. ij. seminis rutæ, Agni casti an. drach. j. Puluerizatis puluerizandis fiat mixtura. Et aduertite, quod semper, quæcunq;

lit causa, debetis hoc cogitare, vt medicamentis misceatis ea, quę se-  
men extinguere possunt: Nam inter eaquę id faciunt, sunt quę a  
proprietate conferunt, vt est cornu cerui vltum, lapis hæmatites,  
semen Anethi, agni casti. Post malum finitum solet interdum relin-  
qui corpus valde emaciatur, & excarne, propter quod necesse est  
corpus reficere, pro quo potestis vti hac C onfectione:

℞. Marga. sub. pul. drach. j. s nucleorum pini vnc. s. pulpe Capo-  
num vnc. ij. sacchari opti. vnc. iiij. secundum artem fiant morselli.  
Atque hæc est integra curatio Gonorrhœę muliebris.

*De fluore muliebri. Cap. VI.*



Ostremo loco succedit aliud malum, cui mulieres so-  
lę sunt obnoxie, & est fluxus humiditatum ab vte-  
ro, qui neque menstrua sunt, neque semen: appellāt  
hunc morbum Græci *ῥοιρῖς γυναικῖο*, Latini fluorem  
muliebrem: vulgus verò mulierum menses albos:  
quanquam interdum confundatur cum Gonorrhœa. Est hic affe-  
ctus, continuus ex vtero variarum humiditatum fluxus. Dico va-  
riarum, quia interdum exeunt putridę, interdum imputridę, inter-  
dum materia biliosa est, interdum rubra, sepiusimę alba, rarissimę  
nigra. Et ratio cur materia nigra raro fluat, est, quia humor ater  
sua natura torpidus est, neque facilię diffuit. Est hic affectus Sym-  
ptoma, in genere excrementorum immodicę fluentium, id est, quę  
tum qualitate peccant, tum quantitate tam continua, quàm discre-  
ta. Dubium est de loco affecto, quis sit: Altimarus ductus Galeni  
autoritate 3. Sympt. 4. & 6. loco affect. 5. in fine, putauit nullum cer-  
tum locum huius affectus posse assignari. Sed sum ego alterius sen-  
tentię, quod in fluore muliebri, interdum locus affectus sit uni-  
uersum corpus, sepe vterus, nonnūquam alia aliqua corporis pars:  
atque adducor iisdem autoritatibus Galeni, quibus vtitur Altima-  
rus: Galenus scribit, in fluore muliebri non semper vterum affe-  
ctum esse, quorum verborum si vim expendamus, nihil a-  
liud innuere vult, nisi quod sepe vterus sit affectus, sed  
non semper. Hanc eādem mentem videtur habuisse  
Aucenna 2 1. tertij, tract. 3. cap. 3 2. vbi scri-  
bit, fieri non solum ob humorum su-  
perfluitatem, verum etiam pro-  
pter imbecillitatem vena-  
rum menstrua-  
lium.

## Signa.



**I**GNA floris muliebris quanquam comparantur ex relatione ægræ, tamen a Medico diligenti propria etiam industria acquiruntur. Etenim sunt omnes mulieres, quæ patiuntur hunc affectum, tristes, pigre, sine appetitu, difficulter spirant, dum ambulant. Gal. 2. de Præfag. ex pulsu capite nono addit in hoc affectu fieri sæpe pulsus vermiculares: adhuc vteri semper aliquam humiditatem ducunt, quæ sæpè fetet: interdum est foetoris expers, modo rubra est, modo pallida, modo alba, & ut dicit Aetius, Putrida instat. Hippoc. lib. de natura mulierum, & 2. de morb. muliebr. scribit vrinas harum esse veluti sunt Asininæ. Notate, quanquam videatur hic fluxus cessare, tamen dixi perpetuum esse, & continuum: & verum est, quia ut dicit Paulus lib. 3. cap. 63. licet materia non destillet semper, tamen loci illi muliebres madent magis, quam naturæ conveniat, facies decolorata est, oculi tument: Circa quem tumorem oculorum debetis notare errorem Auicennæ, & Altimari: Errarunt isti, unus propter male Paulum intellectum: alter propter ignorantiam lingue Græcæ, & & malam Andernaci translationem. Dico Andernaci, quia Cornarius hunc locum Pauli bene vertit. Auicenna 2. 1. tertij tractat. 3. c. 32. scribit, in hoc affectu tumorem oculorum interdum esse cum dolore, interdum sine dolore: id quod etiam asserit ex Paulo libro 3. cap. sexagesimo tertio Altimarus. Sed hoc falsissimum est, neque Paulus dicit: nam ut in cachexia, & hydropse, oculi tument, nunquam dolent, ita neque in hoc affectu. Neque hoc Paulus dicit, vera inquam litera Pauli, nam Andernacus vos fefellit. Dicit Paulus, oculos tumere: postea dicit, fieri hunc affectum modo cum dolore, modo sine dolore. Ita ut Auicennas, Andernacus, Altimarus, quod Paulus tribuit affectui, putent tribui tumori oculorum. Igitur inter signa potestis recensere, interdum fieri cum dolore, cum scilicet materia est acris, interdum sine dolore. An fluat à capite, an vero a ventriculo, autor libri de natura Mulier. docuit nos cognoscere, ubi scribit, quod si materia mordax non sit, neque acris, argumentum est humores fluere a capite. Si vero materia mordeat, & rodat, indicium est fieri a ventriculo. Sed hæc signa nequaquam firma sunt, quia ex cruditate ventriculi, potest fieri materia cruda, pituitosa, quæ non mordeat: itaque certa non sunt. sed illa certiora, quando toto corpore affecto intelligimus malum fieri a toto: affecta aliqua parte, ut vtero, vel iecore, intelligimus malum ab ea parte oriri. Cognoscuntur humores facientes malum, ex colore, quia si panni, quibus solent uti mulieres ad detergendas has sordes exsiccentur in umbra,

vmbrā, demōstrant quales sint humores: q̄a si biliosa, color est pallidus: si sanguinea, color erit rubeus: si pituitosa, erit subalbidus: si melācholica, niger. Dignoscitur muliebris fluxus rubeus a mēstruo rum fluxu, duobus potissimum signis: Vno, quia in fluore materia quę exit refert aquam, in qua sunt ablutę carnes. In mēstruo fluxu materia, quę exit est sanguis syncerus. Altero, quia in fluore muliebri, materia exit continuo nulla seruata periodo. Vbi fluxus mēstruorū est, neq; cōtinuū fluit mātēria, sed quasdā periodos hēt.

### *Prognostica.*



**P**ROGNOSTICA hęc sunt, quod fluor muliebris ubi perdurat, semper morbos pessimos inducit, hydropes, cachexias, vlcera, neruorum lēsiones, & innumērabilia mala. Hippoc. 5. Aphor. 56. scribit: si fluori muliebri superuenerit conuulsio, malum esse. Ratio est, quia hoc malum semper requirit exinanitiones: Conuulsiones ex inanitione lethales sunt, vt alibi dicit Hippocrates. Optabit aliquis vestrū scire, cūm omnis fluor malus sit, quis deterior, an vbi materia fluens alba est, an vbi rubra, aut flaua. Dico, quod ad causam attinet, semper fluores albos deteriores esse, ratio est, quia hi sunt a causa frigida, quę semper deterior est calida. vnde iurē scribit Hippoc. 2. de Morb. Mulieb. Fluorem in senioribus incurabilem esse, & eas vsque ad mortem comitari. Quod vero attinet ad Symptomata, dico, Fluorem rubrum, & biliosum deteriorem esse, quia rarō contingit quin huiusmodi fluores mordeant, & vlcus in ducant.

### *Curatio.*



**C**URATIO huius affectus tota posita est in exsiccatione & ablatione fluxus, qui quoniam tribus constituitur, scilicet membris mandantibus, recipientibus, & materia fluente; propterea tres oriuntur scopi: quorum vnus est, vt membra mandantia corrigantur: alter, vt membra recipientia corroborentur: Tertius est, vt materia fluxus aboleatur. Ad quos scopos adimplendos, necessaria est victus ratio: Aer siccus eligendus, vel parandus, ita vt in materia calida, frigidus sit: in materia frigida, calidus. Somnus quanto longior, tanto melior, eo q̄d tempore somni, omnes euacuationes consistunt: confert somnus factus pedibus elatioribus, & cruribus complicatis. Mœrores, tristitię, & cogitationes omnes ablegandę.

dæ. Corporis motus vitandus præter frictiones, quas Galenus, & Paulus commendant. Indigestiones tanquam pestis fugiendæ, & studendum est, ut omnes cõstiones optimè perficiantur. Vinum conuenit tenue, & subaltringens: Hippocrates laudat vinum dulce, aquosum, sed magis mihi placet, quod Paulus laudat, crassum, quia ab hoc humores alioqui fluxiles incrassantur, & tardantur, debet semper potus esse paucissimus. Panis optimè fermentatus ex florè farinæ, siue farina sit hordeacea, siue triticea: Oua, carnes venationis, pisces saxatiles: carnes præstabit coquere cū aqua pluuiæ, vel chalybeata & addere modò Omphacium, modo succum Granatorum, modo Cydoniorum. Berberi commendantur summo perè a Dioscoride, & idcirco horum succi conueniunt. Abstinentum ab omnibus salitis, acribus. Instituto victu, videndum est, quæ sit materia fluoris, quia si rubra fuerit, mittendus erit sanguis a Cubito, deinde omnia remedia & intrinsecus, & extrinsecus adhibenda, quæ præscripsimus in immodico menstruum fluxu, ne eadem repetantur. Si fluor biliosus vel pituitosus erit, erunt purgandi humores, sed prius præparandi: & aduertite, in horum præparatione non esse necessarium, ut tamdiu utamini syrupis. In materia pituitosa, syr. de betonica, mel rosatum conuenit sine diluto. In materia biliosa, Syrupi de endiuia, de acetosa, de portulacæque sufficit duobus, vel tribus diebus ad summum vti. Postmodum erunt expurgandi iisdem medicamentis, quæ sæpius docui. Facta expurgatione, consequens est, ut corrigantur membra mandantia, & roborentur recipientia, & materia dissipetur. Membra mandantia, cum hoc agant præsertim ob intemperiem ventriculi, vel iecoris, si frigida: utendum calefacientibus: si calida, refrigerantibus: quo in casu commendatur serum lactis ab Hippoc. 2. de Morbis mulieb. nisi mulier fuerit lienosa. Ex quo loco potestis intelligere, in affectibus lienis fugiendum esse serum. Similiter commendantur potiones refrigerantes & decocta. In intemperie frigida, maximè commendo aquas thermales, quales præ cæteris Aponitanæ, vel Porretanæ sunt. Adhæc Confectiones magnæ, ut theriaca, triphera persica, diatriopipereon, diacalamentum, quæ omnia non solum calefaciunt, sed etiam exsiccant excrementis humiditates. Postremò veniendum est ad dissipandam humiditatem, quæ dissipatur frictionibus, præsertim factis cum melle cocto, nec non arena, ut Galenus lib. de Præcognit. ad Posthumum cap. 8. factum fuisse in casu vxoris Boethi narrat: neque solum his modis siccanda materia, quæ fluit, verum etiam reuocanda ab utero ad alias partes, ut per vomitum, quem laudat Auicennas, vel per aluum, vel per vesicam & videtur Galenus maxime commendare reuocationem ad vesicam, qua sola ferè gloriatur

riatur se curasse foeliciter vxorem Boethi, & inde gloriam, & nummos lucratum fuisse. Vltimo loco roborandus venit vterus, medicamentis adstringentibus: sed ante vsum adstringentium, debetis semper tria diligenter considerare. Vnum est, vt non vtamini adstringentibus, nisi videatis corpus exactissimè expurgatum esse. Alterum verò, vt dum adstringere vultis, semper procuretis materiã fluentem aliò diuertere, quia cum semper aliquid fluat, si materia non diuerteretur, & euacuaretur per alias partes, periculũ esset, ne retenta faceret Hydropas, Cachexias, quem errorem commissum fuisse à medicis, & a seipso in vxore Boethi in lib. de præcog. ad Posthumum ca. 8. Galenus fatetur, quo in casu cauteria brachijs inusta ad deflectendam ab vtero, atque euacuandam humiditatem totius corporis non exiguam opem præstant. Tertio aduertendum est, vt non solum prospiciatis rebus adstringentibus, ne vterus recipiat, verum etiam ne noui humores regenerentur, quem quoque errorem fuisse commissum in casu prædicto scribit Galenus, atque ab ipso errore monitum narrat se præcepisse, vt mulier illa parcè biberet, & comederet, atque fricaretur melle cocto. Adstringentia quæ conueniunt multa vobis a me sunt proposita, vbi egi de immo dico fluxu menstruorum, multa pariter ab Auicenna, Moschione, & Plinio sunt tradita. Sed quod ego in vfu habeo probatissimum, est Coagulum leporinum cum decocto foliorum quercus, nam curo coqui folia quercus in aqua, & decocti prædicti, accipio vncias quinque uel sex, vna cum drachma vna Coaguli, atque ita octo, vel decem diebus inueteratos fluxus curauì. Infunduntur etiam quædam in vterum, quæ consueuerunt mirifice hunc fluxum sistere. Soleo ego vti Ptisana liquida, facta interdum ex milio, interdum ex hordeo, & farre. Sed Ptisana ex milio videtur mirificè conferre, quia vehementer exsiccatur, infundunt per instrumentum quod Medici vocant mytrenchitam, addo quandoque succum granatorũ, berberorum, labruscæ, præsertim cum vterus est calidus. Est dubitatio, an in hoc affectu curando conueniant ea, quæ prouocant vrinam: ex vna parte est Galeni autoritas, qui in vxore Boethi, dicit se hoc malum extinxisse solo diureticorum vfu. Ex altera parte obstat ratio, quia quæ prouocant vrinam, prouocant & menses: prouocare in hoc affectu menses, est valde noxium. Altimarus, qui vidit hanc difficultatem, vt occurreret, dixit, non esse uerum, contra Arabes, quæ prouocant vrinam prouocare menses, & adducit autoritatem Galeni 5. Simpl. 13. vbi asserit prouocantia vrinam non mouere menstrua. Addit Altimarus, Galenum in uxore Boethi vsũ esse Asaro, & Appio, quæ prouocant quidem vrinam, sed non menses. Sed miror Altimarum hac in re dormitasse, quoniam Galenus



in eodemmet capite ab ipso citato, & Cap. 2. scribit, asarum prouocare vrinas, & menses. Preterea 8. de Simplic. cap. de appio scribit, Appium prouocare vrinas, & menses: idem de Petroselino eodem loco asserit. Igitur falsum est Altimari dictum, Galenum vsum esse asaro, & appio, quia prouocent vrinas, non autem Menses, quia clarissimæ sunt autoritates Galeni, vbi scribit, hæc prouocare vrinas & menses. Dicendum igitur, vt alias vos docui, in hoc affectu maxime prodesse diuretica, quia si prouocant menses, id tamen agunt se cundario, & per accidens, ita vt materia deducatur ad vrinas, quæ est prior operatio; ad menses exigua, aut nulla. Imò dicti Auicenna quosdam laudasse in hoc casu quæ prouocant menses, atque ea probat, modò fluor non oriatur ab vlceribus matricis, modò non adlit corrosio in matrice, neque sit debilis retentrix: quia in alijs casibus non debemus timere prouocantia menses, modò principaliter vrinas prouocent.

*De morbis uteri à Solutione unitatis. Cap. VII.*

**E**xtractatis morbis uteri, qui fiunt cum materie fluxibus, accedendum nobis ad aliud genus morborum, quod fit in unitatis solutione, quod quidem genus duobus potissimum comprehensum ab autoribus inuenio, scilicet sub vlcere, & sub pruritu uteri, quare mihi videtur consequens ordini nostro, vt breuiter de his tractemus hoc tempore, eò magis quod vlcera consueuerunt fieri post Gonorrhœam, & post fluorem, quia vt ferè omnes scriptores narant, iste morbus, scilicet vlcus matricis non solet aliunde fieri, quàm ex his, aut alijs præcedentibus morbis. Locus affectus vlceris, est sapissimè, vt dicit Galenus de locis affect. 8. Ceruix & collum uteri, fit tamen quandoque etiam in corpore uteri, sed rarissimè, eò quòd vlcera depascuntur carnosas partes, vterus circa ceruicem, & collum carnosus est. Hæc verò vlcera, multas habent differentias, vel enim sunt fordida, & putrida, vel sunt pura, & omni forde priuata. Rursus vel serpunt, & dicuntur Græcis *ὄνιαι*, uel non serpunt. Item fiunt cum inflammatione, & sine inflammatione.

*Causæ.*

**C**ausæ vlcerum matricis nullæ ferè sunt aliæ, quàm morbi præcedentes, aut aliæ externæ causæ, vt Archigenes, Paulus, & Aetius docuerunt. Exempli gratia, fluxus acres & erodentes, acria medicamenta tam per os accepta, quàm

*Hier. Mer. de Morb. Mul. Z vuluæ*

vulvæ infusa: Abscessus rupti, difficles partus; Quemadmodū scribit Albertus Magnus lib. de secre. mulieb. sæpe mulieres inter pariendum discindi, atque dilacerari, vt iure Medea apud Euripidem dixerit, se maluisse decies in acie pugnare, quàm semel parere. Adhæc foetus extractiones ferro factæ, foetus dissectiones: quibus omnibus causis addit Auicenna percussiones, & casum, quas siluere Græci Medici. Etenim si remritè expendamus, difficile admodū erit, & videbitur vlcera matricis fieri percussione, & casu, nisi dicamus ex percussione, & casu abscessus fieri, qui tandem rupti desinant in vlcera.

*Signa.*

**S**IGNA vlcerum partim habentur sensu, partim ratiocinio. Quoniam, vt docet Galenus 6. loco affect. 5. sæpe vlcera manu tanguntur, vel oculis inspiciuntur, præsertim si sint in summo: nā instrumento Dioptra vocato, facillè possunt Medici oculis, Vlceri Cervicis, & Colli matricis intueri. Ratiocinio comparantur signa, quia si sint in penitioribus vteri partibus, dolor percipitur circa illas partes punctorius, humores emanant ex intervallis quibusdam fanioli: dolor adest lumborum, inguinum, capitis, & præsertim Synipitis. Addit Hipp. 1. de morb. mulieb. fieri quoque delirium, hunc quoque dolores circa radices oculorum, & ligamenta, qui pertinent etiam vsque ad extremas manus. Et hoc est signum allatum ab Archigene apud Aetium lib. 6. cap. 88. Postremo utilitas percipitur ex rebus astringentibus, detrimentum ex mollientibus: hæc ferè sunt signa generica. Sunt etiam multa alia particularia, quæ de monstrant species vlcerum. Etenim si simplex fuerit excoariatio, percipitur ardor, punctio, & interdum materia quædam subtilis, & ferofa emanat. Si fuerint corrosiones in vtero, aderit dolor vehemētior, pulsatioque, atque etiam aliquis foetor. Si præter corrosionem fuerint vlcera insignia, vel erunt cum inflammatione, vel sine. Vlceracum inflammatione cognoscuntur febre, horripilatione. Humor, vt dicit Paulus, paucus est & cruentus, sed præ ceteris maximus vrget cruciatus. Si fuerint vlceracum sine inflammatione, atque ea putrida & tabida, vt dicit Auicenna, multa humiditas manat virulenta, mitior dolor vexat: propter quod Hippoc. dixit 1. de morb. mulieb. de hac specie mentionem faciens, eam lethalem esse: si putredo fuerit mala, adest præ ceteris maximus foetor: quod exit, simile est aquæ, in qua sit abluta caro. An verò malum hoc inmediate ab vtero oriatur, an aliundè, docet Hippoc. intelligere, eò quòd vbi malum est in vtero, id quod exit, compactum est, & crassum, vbi verò aliundè manat,

nat, materia quę exit, tenuior est, & magis serosa. Est scitu dignum, cur Archigenes inter alia signa vlcera vteri adnumerarit dolore circa radicem oculorum, quoniam videtur admodum remotum, vt debeant oculi compati vlceribus vteri. Huius rei puto esse causam, quod cum vterus totus sit nerueus, facile ipso affecto, compatitur principium spinalis medullę, a radice spinalis medullę oriuntur nerui optici, vt luculentissimę, his diebus monstrauit Cōstantinus Varolus. Anatomicus Bononięsis celeberrimus. Cum igitur a principio spinalis medullę oriatur, facile sit, vt læso illo principio communicetur affectus neruis opticis, qui affectus, sese mōstrat in fine corum neruorum, vt consuevit fieri in affectibus neruorum.

### *Prognostica.*



Rognostica vlcera sunt, quod omnia difficilē curentur: præsertim difficilia sunt, quę in profundis partibus sunt posita. Imò verò non defuerunt, qui existimarunt, nunquam curari posse. Auenzoar lib. 2. tract. 5. cap. 30. narrat historiam cuiusdam mulieris, quam cum ipse curare non posset, efflagitauit a patre curationem, qui tandem respondit, id malum curationem non recipere. Quod tamen intelligendum est, de vlceribus magnis, & valde putridis: eò quòd Hippoc. 1. de morbis mulieb. scribit, vlcera quę nō admodum sunt putrida: quę ve non habent inflammationem, curari posse, alia verò incurabilia esse.

### *Curatio.*



IN curandis his vlceribus duplex exoritur scopus: vnus, vt totum corpus depuretur, ne scilicet malum foueatur a malis humoribus: alter, vt vlcera ipsa per sanentur. In purgando toto corpore ante cetera, necessarium est instituire rectam victus rationem. Sit aer in passiuis siccus, in actiuis non multum excedat: Somnus bonus est, modò super latera fiat, nam iubent Medici, & iurē neque prono, neque resupino corpore dormiendum esse. Quies vtilis, motus oēs periculosi sunt, tū corporis, tū animi: vnde mœrores, & cogitationes auertendę. Vinum fugiendum, solus aquę potus conuenit: Omnia dulcia, omnia dura edulia, acria, falsa, acuta, sunt fugienda. Carnes quę conueniunt, sunt omnes carnes sicciore: & dicebat Hippocrates, ita victum institui de-

bere, vt mulier quam ficciffima euadat. Inftituto viâ, fi vlcus fit cum inflammatione, ante cetera mittendus eft fanguis è uena media, & demum purgandi funt humores, fed primum præparandi. Purgabitis bilem, & præparabitis, nec non humorē pituitofum, ut fæpè docui, ne eadem repetam. Hoc in purgatione, & præparatione femper caute, ne mifceatis ea quæ pertingunt ad vterum, propterea quod summopere cauendum eft, ne humores ad vterum ferantur. Hoc pofito, expendendum eft, an vlcera fint fine dolore, an cum dolore: fi cum dolore, fedandus eft dolor, ne ab ipfo trahantur humores, quo in cafu magnus ille Auenzoar commendat ol. viteli ouorum & iurè: poffunt etiam in hoc cafu dari ad fedandum dolorē fyrupi refrigerantes, vt de nymphæa, papauere, endiuia. Adhibentur extrinfecus linimenta cordi, quia propter confenfum follet pati: adhibentur etiam pectini, vt ol. rofaceum cum lumbricis. Lac etiam locis muliebris apponitur, & infunditur, & præfertim fi, vt dicit Rhafes, fit lac muliebre. Ego foleo in his cafibus albumina ouorum tria, vel quatuor diligenter conquaffare, & addere nūc emulfiōē feminis papaueris, modò mucilaginé fëm. pſylli. Vtor èt aqua hordei cum albumine ouorum, fucco feminis hyofciam: ad do etiam in extremis neceffitatibus opium, nec id timendum eft, propterea quòd vteri mala fæpè ad mortem mulierem deducunt, præfertim dolores. Opiata vtero infufa, poffunt quidem facere fterilitatem, Mortem nequaquam, fi prudenter adhibeantur. Quod fi dolor non adfit, uel erit fola excoriatio, vel corroſio, vel vlcus putridum. Si fimplex fuerit excoriatio, fat erit incoquere balaufia, gummi, ſpodium in aqua pluuiali, vel in aqua ſcabioſæ, uel fumi terræ, atque fæpè per metrenchytam infundere. Si præter excoriationem adfuerit altior corroſio, valentiora conueniunt adſtringentia: vt, fuccus plantaginis, cum Myrto, bolo armena, ſanguine Dragonis. Quòd fi vlcera fuerint putrida, ante cetera mundificanda funt: & ad mundanda vlcera, vtile eft decoctum hordei cum melle, & ſaccharo, decoctum caudæ equinæ, cum burfa paſtoris. Accipiantur etiam ariſtolochia rotunda, iris, matricaria, & bulliant in aqua hordei, deinde hac aqua abluatur vterus. Poſſumus etiam vti lactis ſero, quod in affectibus vteri etiam commendatum eſt à Gal. 10. ſim pl. Vbi verò emundata fuerint vlcera, deueniendum erit ad exſiccantia. Cognofcitur mundatum eſſe vterum, cum nihil amplius emanat: vel quod emanat, parum eſt, æquale, album, odoris expers. In exſiccando perpetuo obſeruandum id, quod monet Aetius, vt ſemper a leuioribus ſumatur principium, quia valde exſiccantia, & eſcharotica difficulter ſuſtinet vterus. Et quanquam Galenus dixerit, huiusmodi medicamenta debere eſſe valde exſiccantia, intelli-

git de vlceribus rebellibus, & antiquis. Itaque Pompholix lota cōuenit, crocus, aloë, quæ omnia macerantur, & eliquantur succo plātaginis, aut myrtillorum, & induntur. Habetis apud Galenum, & Aetium multa alia, vt est emplastrum azanite, quod commendatur a Galeno 5. de medicamentorum compositione, secundum genera 2. Et vt habeatis aliquod aliud exemplum, soleo ego vti hoc linimento:

℞. Lithargiri, sarcocollæ ana drach. j. thuris drach. j. s. cerussæ, sang. Draco. ana drach. s. tragacantæ infusæ in aqua plantaginis drach. ij. olei rosati vnc. j. Cere q. s. Fiat linimentum. Linimenti huius vsus est, vt si vlcera sint in summo vteri, applicetur, ut applicari solent vnguenta. Si verò vlcera fuerint in profundo, eliquatur hoc linimentum cum succo, vel myrti, vel plantaginis, & mittitur in vterum. Si maligna fuerint vlcera, hæc non sufficiunt, sed necesse est venire ad æs vstum, & squammam æris, quæ commendatur ab Hippoc. 1. de morbis muliebribus.

### *De pruritu matricis. Cap. VIII.*

**H**IC congener est alter affectus, qui dicitur pruritus matricis, ab Arabibus, dicitur Priapismus: Aetius lib. 16. cap. 82. vocauit Satyriasm. Et nihil est aliud hic affectus, nisi ardens desiderium scalpendi, & ardens cupiditas coitus cum dolore: qui a coitu potius efferatur, quam mitigetur, eò quòd ex contrectatione humores magis decurrunt ad locum affectum.

#### *Cause.*

**I**T hic morbus, vt docet Auicenna, & Aetius, ex humoribus acribus, & salis, quia cum corrosionem facere non possint, neque etiam exire, retenti in cute, pruritus efficiunt.

#### *Signa.*

**S**igna habentur relatione, sed cognoscitur etiam hic morbus, quia Mulieres creberrime admovent manus locis suis, ad hæc corpus contabescit, & excruciat.

*Prognostica.*

**S**olet huiusmodi affectus sepiſſimè ſiniri in vlcera, propter quod neceſſe eſt, & eius curationem intelligere.

*Curatio.*

**C**uratio in hoc poſita eſt, vt humores prauis corpore auferantur, & præſertim è loco affecto: vnde ante alia, cibi eſſe debent ſorbiles, minimè ſtatulenti, neque etiam debent eſſe, qui poſſint ſemen generare. In potu aquam tepidam commendat Actius & iurè, quia ſi quid eſt, quod pruritus, & intrinſecus & extrinſecus ſedet, eſt aquæ tepidæ vſus. Secunda eſt vena media, ſi omnia conſentiant, deinde vena ſaphenæ. vel cucurbitulæ ſunt adhibendæ coxis, vel crura ſcarificanda poſt præparandi humores, & præparati, expurgandi. Expurgatur verò feliciter bilis, rhabarbaro, & ſcamonea: Pituita agarico, & pillulis ſtomachicis, vt dicit Auicenna, Humor verò niger Epithymo, Sena, elleboro nigro, myrobolanis nigris & alijs, quæ conſueuerunt hos humores purgare. Poſt purgationes infundenda ſunt decocta, quæ leniant, & facultate refrigerent. Dico facultate, quia actu ſemper debent eſſe tepida: inter alia, hoc vtor emplastro:

**R.** Lentium excor. vnc. j. fol. plantag. lactucæ an. M. j. corticis Gratiæ nat. P. S. Decoquantur in vino aquoſo, & vinum infundatur colatum. Serum etiam lactis acceptum per os mirificè conſert, quia expurgat, & ducit huiusmodi humores. Soleo ego vt aqua roſarum, cui incoquo tamarindos, atque etiam ſandalos rubros, qui poſtea colati infunduntur, & mirificè prodeſt: Multi laudant ea, quæ ſemen extinguunt, quanquam calida ſint, vt eſt crocus, ruta, cuminum, ſed hæc parciffimè mea ſententia ſunt adhibenda, vel ſemper frangenda ſunt, & caſtiganda cum refrigerantibus, vt cum ſucco lactucæ, portulacæ, plantaginis. Habetis apud Auicennam libro 21. tertij, tractat. tert. capite 18. multa alia medicamenta, quæ poſſunt etiam à vobis vſurpari. Sed quæret aliquis veſtrum, cur Actius in hoc affectu mandat caput irrigari aceto roſaceo? nam videtur inutiliſſimum eſſe, perinde ac ſi quis curaturus caput, calcaneos vngat. Sed ego puto non abſque ratione commendatum ab Actio, quia ex hoc affectu vteri, ſolent mulieres interdum incurrere in furorem vterinum, de quo agam, cùm tractabo de intemperiebus vteri. Ne igitur eo furore cerebrum afficiatur, voluit



luit iurè Aetius, vt caput custodiretur, quo prauī vapores tendentes ad caput, deorsum truderentur. Atque hæc sufficiant de affectibus vteri in solutione continuitatis.

*De mala vteri temperie. Cap. IX.*

**A**Ræteus Medicus grauissimus, 2. de diuturnis passionibus cap. 11. scribit, vterum ad partum, & conceptum magnoperè cōferre, veruntamen esse veluti quoddam asylum omnium malorum. Etenim nullum ferè est morbi genus, cui vterus non subijciatur, vt iure merito hæc à nobis prouincia sit cepta omnes vteri morbos tractandi, quorum iam magna pars tractata est: supersunt aliqua non minus vtilia, quam grata cognitu, inter quæ morborum genera, vnum est circa malam temperiem, de qua etli à nobis sint aliqua tractata, breuiter tamen nonnulla alia docendi estis. Nam intemperies vteri, dum actiones sensibilibiter non lēdunt, dispositiones prauæ dicuntur: vbi uero iam insigniter actiones offendunt, verè morbi dici debent. Atque hæc intemperies, vel sunt naturales, vel accidentariæ: rursum, vel sunt simplices, vel coniunctæ, & compositæ. Non enumero intemperies simplices & compositas, quia sunt notissimæ.

*Causæ.*

**C**AUSAE naturalium intemperierum ferè omnes sunt ex vitio seminis: vt enim dicit Galenus 6. Aphorism. 28. multas fieri podagricas propter seminis vitium: ita quoque omnes intemperies naturales, ex uno semine originem trahunt, eo quod oīs constitutio corporis nostri depēdet ex semine, & sanguine menstruo. Accidentariæ intemperies causas habent, vel præcedentes morbos, vel errata aliqua in rebus sex non naturalibus. vt vel in aere, vel in cibo, aut potu, aut alijs huiusmodi.

*Signa.*

**S**IGNA Intemperiei calidæ, vt dicit Auicenna, sunt intemperies totius corporis calida, & præcipuè cordis, & iecoris, eò quòd, vt docet Gal. lib. de Arte Medica, tēperies partiū corporis, solet sequi temperiē cordis, & iecoris. Adhæc in intēperie calida, Menstrua sunt pauca,

pauca, crassa, flaua, adusta, inordicantia: pili in pectine cito nascuntur, multus adest coitus appetitus, velox seminis effusio. Frigidus verovterus similiter cognoscitur ex intemperie totius. Menfes pituitosi sunt, crassi, pauci, tardi, albi, interdum aquosi. Veneris abominatio est, aut exiguus appetitus, nulla in coitu delectatio, pectinis depilatio stupor quidam, & frigidus circa lumbos sensus. Cognoscitur humidus vterus, non solum temperie totius, verum etiam quia loca muliebria semper humida sunt, menses fluxiles & tenues, copiosi, frequenter abortiuntur, praesertim dum foetus augetur, minima in coitu adest delectatio. Signa siccitatis vteri, praeter signa muliebrium, paucitas & crassities menstruorum: appetitus coitus, qui tamen non sedatur, quia non emittunt semen. His signis, possumus addere alia duo genera, quae sunt communia, scilicet utilitatem ex remediorum contrariorum administratione: adhuc praecedentem victus rationem. Atque haec sunt signa simplicium intemperierum. Compositarum etiam ipsa signa sunt complicata, unde cognitis simplicibus cognoscuntur composita.

### *Prognostica.*



Rognostica intemperierum nulla sunt alia, quam quae tradit Hippocr. 5. Aphorism. 62. scilicet vnamquamque intemperiem, dum excedit, sterilitatem inducere. Sed praeter hoc malum etiam multa alia induci solent, & praesertim a calida intemperie, a qua furor vteri vocatus nascitur, de quo mox agam. Id tamen debetis scire, sepe casum in his intemperiebus multum operari, ut dicebat Celsus, operari in omnibus morbis & malis, eo quod sepe communicatur huiusmodi intemperies ab alijs morbis. quemadmodum scribit Auenzoar, se, cum esset sterilis, factum secundum ex febre ardente, in qua coactus fuit cibis frigidis uti, qui eius calidam intemperiem correxerunt.

### *Curatio.*



Vm igitur non parum referant intemperies, satagendum est eas curare. Quarum curatio perficitur per contraria, siue pharmaca sint, siue cibi: sed potissimum cibi, & ratione victus, quoniam, ut scribit Galenus, tantum potest recta viuendi ratio, ut non

vt non solum accidentarias intemperies, verum etiam natiuas corrigat. Remedia particularia harum intemperierum non docebo hoc loco, quia pluries intellexistis, vbi alios morbos tractarem, quomodo sint intemperies curandæ. Solum tria vos volo mone-  
re, vnum est, in curandis his intemperiebus longa opus esse perse-  
uerantia, eò quòd, vt scribit Galenus 3. sympt. vltimo, intemperies inducitur in humano corpore longo tempore, vnde etiam diutur-  
nitate temporis egent, vt possint curari. Alterum est, in quacunque  
intemperie curanda debere euitari vsum aceti, nam Hippocrates,  
& Galenus 3. Acuto. maximè damnarunt vsum aceti. Et Auenzoar  
lib. 2. tract. 5. cap. 1. narrat se in componendis medicamentis mulie-  
ribus, semper auersatum esse aceti vsum. Cur vterus offendatur  
ab aceti usu, & non ventriculus, retulit Auenzoar eo in loco, qua-  
tuor causas, quas memini me vobis alias declarasse. Tertium no-  
scendum est, si intemperies vteri, & totius corporis consentiant,  
contrarijs semper audaciùs, & copiosius vtilicere. Si dissentiant,  
vt sæpè fit, mulieres ventriculum frigidum, & vterum calidum ha-  
bere, aut contrà, tunc quæ sumuntur, omnia debent remissiora es-  
se, quam postulet gradus lapsus vteri. Hæc breuiter de intempe-  
riebus vteri.

*De furore vterino. Cap. X.*



T quia dixi a calida vteri intemperie oriri firem, locus postulat, vt eum affectum vobis tradam, quia scriptores Medici de eo etiam tractarunt. Ex Sorano apud Aetium lib. 16. cap. 74 dicitur furor vte-  
rinus: Moschio dixit Satyriasis. Sed aduertite Saty-  
riasis apud Aetium diuersum morbum esse, apud quem nihil aliud  
est, quam pruritus, & priapismus Moschionis, & Arabum. Est huius  
modi affectus, vt colligitur ex Moschione, & Arabibus, appetitus  
quidam veneris immoderatus cum vteri ardore, & delirio: sic en-  
nim videtur Soranus apud Aetium etiam declarasse. Etenim distin-  
guitur hic morbus a priapismo, & pruritu, quia in illis adest quidè  
desiderium coitus, sed sine ardore, & delirio, & cum solo pruritu:  
in hoc verò adest delirium, & ardor. Distinguitur etiam a præfoca-  
tione vteri, quia in hac mulieres manent attonitæ, sine motu, sine  
respiratione, ne dum sine sermone. In furore vterino agitantur, a-  
nhelant, obloquuntur, garrulæ sunt, & instar furiarum aguntur. Di-  
stinguitur etiam a cæteris delirijs, quia alia deliria sunt diuersa: in  
hoc furor est solum circa venerem, nihil aliud loquuntur, nihil aliud  
cogitant, si genitalia contrectentur, demulceri solent. Imò mulie-

res aliquando eò dementiæ veniunt, vt sese suspendant, vel in puteos, & fluuios præcipitent: id quod relatum habetis ab Hippocrate in fragmento de morbis virginum. Posset quis eruditus dubitare, an morbus, quo virgines Milesiæ laborarunt & Mulieres Lugdunenses, fuerit hic morbus, quoniam refert Plutarchus lib. de virtut. mulierum, interdum virgines Milesias sese cateruatim suspendisse, nec potuisse vlla vi, aut precibus impediri: quod refert à nonnullis ascriptum fuisse aeris vitio. Relatum etiam est Lugdunenses mulieres cateruatim sese in fluuios præcipitasse, atque hoc attributū fuisse defluuiio stellarum. Ego verò puto, nullum aliud morbi genus extitisse, quàm hunc morbum: primò, quia mulieres Milesiæ virgines erant. Hippocrates verò, Soranus, & alij scribunt hunc morbum peculiarem esse Virginibus, & castis. De Lugdunensibus idè dico, quæ se ipsas præcipitabant in aquam, non ob aliud, quàm ob ardorem, qui cum in nulla alia parte appareret, & puderet manifestare, idèò ruebant in aquam, tanquam remedium quærentes. Nam relatum est à Lucretio 6. de natura, in peste illa Atheniensi ægros præ ardore in fluuios se præcipitasse, ita vt verisimile sit, mulieres eam ob causam eò deuenisse. Est hic affectus Symptoma in genere actionum naturalium, & animalium læsarum: nā cū coitus appetitus deprauatur, clarum est naturalem operationem offendi, similiter cum lædatur cogitatio, & imaginatio, perspectum est animalem functionem offendi. Morbus quem sequitur hoc symptoma, nullus alius est, quàm intemperies calida vteri: Locus affectus primò est vterus, deinde Diaphragma, & Cerebrum: si quidem, vt docet Soranus, vterus dum feruet, immotus manens, vapores feruidos, & prauos in Cerebrum, & Diaphragma mittit, vel per spinalem medullam, vel per alia vasa, qui feruor communicatus cerebro omnia hæc mala facit.

*Causa.*

**I**NTERNÆ causæ huius feruoris sunt calidæ intemperies, & natiuæ vteri, & totius corporis, quæ vbi nimis augentur, nouas & accidentales intemperies inducunt: adhæc inter has causas numerantur ætas florens, Virginitas, & castimonia. Externæ causæ sunt in primis Regionēs calidæ, & aer impense calidus: vnde Hesiodus, & Aristoteles secutus Hesiodum 4. Probl. 26. prodiderunt, florente Scolymo, idest, æstate summa, maximè Mulieres incitari ad libidinem, quo tempore etiam Canes, & multa animalia, hac ratione efferrari conspiciuntur: atq; ita scriptum est ab Herodoto lib. 2. & à Strabone in Ægypto, quæ est regio feruida, Mulieres omnes esse libidinosas,

bidinosas, ita vt nullæ castæ reperiantur, atque etiam interdum cū hircis coeant. Inter causas adnumeratur coitus intempestiue factus, vnde Aristoteles de Histor. animal. i. scribit, eas mulieres fieri libidiniosiores, quæ intempestiuius incipiunt concumbere. Somnus in plumis factus, & suprà dorsum huic furori generando opitulatur. Balnea similiter, potus meraciores, cibi calidi, & flatuosi, & quæ semen gignunt, vt sunt, Tubera, testes animalium, cardui, & alia edulia, quæ ad libidinem excitandam inseruiunt. Sed quæret a me studiosus, cur potissimum virgines infestentur hoc morbo: cui respondendum id, quod Hippocrates in fragmento de morbis virginum scribit, virgines & non vtentes coitu affici hoc morbo, præsertim quando tempora mensium apparent, eo quod tunc temporis multum sanguinis ad vterum confluit, qui cum totus expelli non possit, recurrit ad Cor, & Diaphragma: quo sanguine, dicit Hippocrates, hæc uiscera fatua primum fiunt, mox stupida, postremo deliria omnia subnascuntur. Accedit etiam quod propter hunc sanguinẽ, & vterus & diaphragma inflammantur, hoc inflammato faciliẽ menses a suo statu decidunt. Scitis hoc membrum ab antiquis Phrenas dici, quia hoc læso læditur ratio. Cur potius Virgines eligant se suspendere, aut strangulare, aut in puteos præcipitare, refert causas Hippocrates, ex pressione cordis, quia dum cor premitur, imaginationem inducit, quasi totum corpus comprimendum sit, vnde strangulatio oriatur, tanquam res totum corpus comprimens. Accedit quod (vt dixi) propter ardorem amant istam miseram in aquas sese præcipitare, tanquam remedium sui ardoris quærentes: nisi dicamus ob varietatem, & prauitatem phantasinatum, eligere mortem, tanquam fugam, & remedium malorum maiorum. Plato in Timæo aliam causam videtur huius attulisse, quia in fine eius Dialogi scribit, vuluam animal esse conceptionis auidum, & ideo, cum procul a foetu detinetur, in ætatis flore egrè fert moram, indignatur, & instar animalis iracundi, modo huc, modo illuc fertur, sicque nunc spiritum intercludit, nunc varijs angustijs vexat, & (dicit ipse) omnibus malis corpus premit. Possumus addere etiam aliam rationem, scilicet, quod tempore quo menstrua debent educi, sit magnus sanguinis ad vterum confluxus, qui vbi feruet, titillat, & propterea hunc ardorem, immodicum desiderium coitus inducit: propter quod merito Arist. 7. de Hist. anim. i. præcepit, custodiendas esse hoc tpe puellas diligentissimè: quia faciliẽ præ ardore, & cupiditate res nefandas, & inhonestas committunt. Est dubitatio, qua ratione Virgines quæ nondum expertæ sunt venerem, possint ita coitum appetere, vt in furorẽ labantur. Nam D. Hierony. in Epistola ad Geruntiam, & Tertul. li. i. ad vxorẽ, probarunt facilius esse seruare virginitatem, quàm casti-

tatem, eo q̃ facilius non optare, quod nunquam est habitū, quā quod aliquando est habitum: cum igitur Virgines nunquam sint coitu vsæ, non debent hoc optare. ita vt in illas labantur. Est & altera dubitatio, an quemadmodum in mulieribus datur excessus desiderij coitus ita detur defectus; nam viri expositi sunt tam morbis in excessu, quā in defectu: ergo & mulieres deberēt esse ita expositæ, tam ad defectum, quam ad excessum. Ad primam dubitationem dico, quod Galenus 6. de locis affect. circa principium dicit de Brutis: scribit enim Galenus, bruta appetere coitum, non ob voluptatem, sed duntaxat, vt fugiant molestias ex semine retento. Sic dicendum est de Virginibus, quæ cū grauentur semine pruriente, exoptant hanc molestiam deponere: & quoniam hoc fit frictione, propterea amant frictionem hanc, vt uitent molestias seminis. Imo vero sunt mulieres quædam, quæ solummodo hanc frictionem amant, & quæ mutuo se fricant: & istæ dicuntur Tribades, id est, fricatrices: sæpè enim legetis hoc nomen apud scriptores. Ad secundum dubium dico, in mulieribus non dari morbum in defectu desiderij coitus, sed solum in viris, quia foemine nullæ, præterquam insectorum quædam, mittunt membrum in uirum, sed solum recipiunt, ita vt ex se, mulieres semper sint aptæ recipiendo, nisi tamen occludantur, de quo tractabo postmodum. Viri autem, cum exerceant hunc actum, immittendo membrum in mulierem, necessarium est, vt membrum sit rigidum, alioqui nihil fit. Et quia sæpè fit, vt viri incurrant hunc morbum, etiam qui habent pulcherrimas mulieres, vt non possint immittere, hinc fit, vt sint viri subiecti defectui.

### *Signa.*



**S**IGNA furoris vterini satis manifesta sunt, nam mulieres mente errant, semper loquuntur de Venere, vertunt oculos huc atque illuc, fricant locos sæpè manibus, & tanquam furæ quædam agitantur. Inter signa etiam reponuntur ea, quæ præcesserunt, vt est coitus abstinentia, coitu adhibito iuuamentum: ætatis flos.

### *Prognostica.*



**I**c morbus est quidem indecens, & turpis, verumtamen si Medici diligentiam adhibeant, faciliè curatur, quemadmodum si negligatur, ad extremam insaniam, & furorem deducit, & videbitis mulieres sæpè insanientes hoc furore vterino



## Curatio.



**Q**UAPROPTER satagendum est circa curationem huius affectus, quæ tota posita est in vteri refrigeratione, quare aer eligendus est frigidus & humidus: & miror, quæ ratione motus Moschus voluerit in hac curatione aerem esse calidum. Exercitationes moderate conueniunt, omnes animi motus, siue ad iram, siue ad letitiam vitandi: vitandæ etiam lectiones rerum Venerearum, semper loquendum est ipsis de rebus pertinentibus ad honestatem, & pudorem. Nam virgines illæ Milesiæ, quæ laborabant hoc morbo, curatæ sunt, vt scribit Plutarchus, promulgata lege, vt mulieres sese necantes per forum nudæ traherentur: hoc enim intellecto, præ pudore Virgines respiscere coeperunt. Balnea aquarum frigidarum conueniunt, abstinendum est a vino, a cibis calidis, carnibus, & omnibus, quæ gignunt multum sanguinem. & multum semen. Vfus herbarum refrigerantium conuenit, lactucæ, endiuicæ, nymphææ, agni casti, & usus Cicutæ hac in re probatur. Nam Basilus, qui fuit, & insignis Medicus, & Theologus, 5. Homilia supra Hexameron scribit se vidisse quasdam, quæ potione Cicutæ extinxerunt rabiosas cupiditates. Quod, tamen si intelligi potest, de appetitu ciborum, tamen magis placet, vt intelligatur de appetitu Venereo, nam relatum est sacerdotes Athenienses Cicutæ vsu libidinis incendia extinguere consueuisse. Coitus hac in re maximè laudatur ab Hipp. imo scribit se curasse multas Virgines solo coitus præcepto. Sed dicetis, quomodo hoc fieri potest, vt vtilitatem vllam adferat, nam relatum est a nobis in tractatu de pruritu vteri, quod coitus potius exasperat pruritum, quomodo igitur sanare potest? Dico, quod quanquam, vt scribit Aristot. 4. probl. 26. Virgines ex coitu fiant libidiniosiores, tamen mulcentur, & furorem amittunt. Præter vinctum, sunt & alia, quæ in vsu sunt remedia, & quia in his mulieribus, sæpè abundant humores calidi & feruidi, propterea expurgandi sunt ante cætera illi humores. Expurgantur autem facilliter, si prius præparatur: ideo necesse est prius corpus præparare, Quo vero præparatur, & euacuentur humores huiusmodi affectibus calidis, pluries docui, non est, vt hic repetam. Postquàm præparati erunt humores, vel dum præparantur, est habenda cogitatio de sanguinis missione, quia nisi quod impediatur, ab Hippocrate nullum præstantius remedium pro hoc morbo vincendo iudicatum est. Erit igitur sanguis mittendus a vena communis, & Saphena, modo vires permittant, & nihil impediatur. Præter euacuationem vniuersalem, & humorum peculiarem, est maximè vigilandum,

gilandum, vt vteri calida intemperies mitigetur : ad quod agendū sunt medicamenta intrinseca, & extrinseca. Intrinseca sunt brodia, in quibus solanum, vel cicuta sunt cocta, quibus debetis semper commiscere, quæ peculiarem habent facultatem petendi vterum. Sed efficacissima omnium habentur balnea refrigerantia, aquæ thermarum refrigerantes : & nondum agitur annus, ex quo curauimus mulierem hoc solo remedio. Igitur facta purgatione præstantissima erunt aquæ refrigerantes, aquæ virginis. Præter hæc, sunt extrinseca, quæ applicantur partim capiti, partim vtero: Capiti conueniunt irrigationes ex aqua rosarum, solani, lactucæ, nymphaeæ & tandem ex omnibus alijs, quæ caput refrigerare possunt. Vtero adhibetur pessulus, veluti est succus solani mixtus cum ruta, & adhibitus. Ceratum etiam myrthinum, ruta, & castorium commixta, quæ licet sint calida, tamen cum adest multitudo seminis, nihil præstantius ruta, quia propria quadam facultate, & etiam manifesta absomit geniturâ. Laudat Moschio radiculam panno inuolutam, & immisam, de qua narrant vermes in ipsa generari, tanquam miraculo quodam. Hactenus tractauimus morbos vteri, qui pertinent & ad temperaturam ipsius, & ad vnitatem ipsam. superest modò, vt persequamur eos, qui pertinent ad compositionem, qui morbi quatuor sunt, in numero, in via, magnitudine, in situ.

*De morbis qui sunt in compositione ipsius vteri: Et primò de lapide, vel sanguine grumoso in vtero contento. Cap. XI.*

**V**IDEAMVS primò morbos, qui sunt in numero, qui morbi quatuor sunt: lapis vteri, lumbrici, de quibus tractat Moschio, nymphea, & cauda. Quod enim in veficis mulierum gignantur calculi, & in intestinis, hoc fuit à nemine dubitatum: quod autem in vtero etiam fiant lapides, apud neminem vidi, nisi apud Aetium lib. 16. cap. 98. Sed quanquam hoc memoriæ tradiderit Aetius, verumtamen admodum dubito an verum sit, quoniam si situm vteri contemplerur, & substantiam ipsius, faciliè intelligere possumus, fieri non posse, vt in vtero colligatur materia, quæ sit apta in lapidem durari, præterquam quod vbi vterus est sine foetu, angustus valde, & in seipsum coarctatus apparet. Quòd si etiam interdum possit durari, videtur rationi consentaneum vt excurrat. Nam si semen etiã ab vtero rejicitur propter hiatus, nisi fiat conceptus, proculdubio etiam aliæ substantiæ, quæ non sunt amicæ, & familiares vtero vt semen,

semen, deberent excludi: propterea non video, quomodo in vtero possit concrefcere lapis, nisi sanguis possit grumescere, & grumi illi possint referre formam lapidis. Atque id voluisse significare Aetium verisimilius est. Verumtamen quia etiam lapides videmus fieri in qualibet corporis parte, haud penitus abnuo.

*Signa.*



QVOD autem possint concrefcere grumi sanguinis, habetis traditum in lib. de natura muliebri, sub nomine Hippocratis, ubi scribit, quod si sanguis in vtero grumescat, apparet vterus veluti muco plenus, atque id intelligitur tactu.

*Curatio.*

AD grumos sanguinis dissipandos nulla alia curandi ratio debetur, quam quæ monstrata est ab Aetio, ut scilicet attenuantia, & dissoluentia, tam intrinsecus, quam extrinsecus vtero adhibeantur.

*De lumbricis vteri. Cap. XII.*



VERICOS vtero excretos se vidisse testatus est Antonius Beniuenius in libro de occultis morborum causis. Sed quia experientia credendum est, dubitatum est, an lumbrici, qui reperiuntur in vtero, in ipso fiant, an aliunde mittantur; Priscianus & Cleopatra videntur voluisse eiusmodi lumbricos ab intestinis mitti in vterum: sed non possum videre, qua via, & ratione ab intestinis egredientes, ingrediantur in vterum, quia si hoc fieret, perforatis intestinis, & vtero, sanè sub dolore, & sub his vulneribus interirent mulieres. Quapropter magis mihi consentaneum est gigni in vtero, & eò magis, quod memini me alias docuisse, ut dicit Aristot. Albertus, & alij, vermes fieri in cerebro, & vasis spermaticis, ut non sit adeò absurdum, si etiam fiant in vtero.

*Signa.*

Ognoscuntur lumbrici existentes in vtero, vt dicit Cleopatra, pruritu, non modò ventris, verùm etiam vteri. Cognoscuntur ab humore quodam limoso decurrente, sudore denso.

*Curatio.*

VRATIO est per ea, quę necant lumbricos, & quoniam via ab ore longior est, idcirco melius est adhibere remedia intrinsecus vtero, & extrinsecus, siue per fomenta, siue per infusiones, siue per pessaria, modò tamen semper ea adhibeantur, quę vermes enecare possunt, & putantur. Quorum medicamentorum sylum non monstrabo vobis, ne transgrediar terminos nostros.

*De nymphea, & cauda. Cap. XIII.*

N vtero etiam interdum generatur caro quãdam, aut genita à natura augetur, quę duos morbos facit, prout scilicet in duobus locis hæc caro augetur, aut generatur. Si enim supra alas vteri, vbi pudenda committuntur, in quo loco est vrinarius meatus, augetur, appellatur hic morbus a Gręcis Nympha, quod vocabulũ refert Suidas fuisse Samiorum: apud Ruffum Ephesium grauissimũ Medicum, & apud Pollucem dicitur hic morbus κλητορίς, & ὑποδελϕίς Hippocrates lib. de natura Mulieb. videtur appellasse κίονα, scilicet Columellam, eò quòd hoc perinde sit, ac columella in gargarione. Albucasis Chirurgus inter Arabes illustrissimus vocauit hunc morbum Tentigenem: Auicennas appellat virgam, Moschio symptoma turpitudinis: eò quod (vt Aetius scripsit) sepe hæc caruncula ad tantam magnitudinem augetur, vt non solum deformitatem inducat, verum etiam pudorem aliquem immittat mulieribus. An verò sit carũcula musculosa, vt Paulus & Ruffus Ephesus in lib. de nominibus partium corporis nostri tradiderunt: an verò sit cutacea, & pelliculosa substantia, vt Aetius sensisse videtur, incertum. Puto ego mediam quandam substantiam esse, scilicet, inter carnem, & cutem veram, & vt hanc rem optimè intelligatis, debetis scire, vt dicit Galenus dec. quin. de vsu partium, quod naturaloço prædicto vbi committuntur pudenda, fecit carunculam quandam propter duo: tum propter ornamentum, vt etiam præputium

putium in membro virili: tūm propter tutelam a puluere, & frigore, vt in gargarione fecit illam columellam ad hoc, vt defenderet partes spirituales ab immodico externi aeris frigore. Vbi igitur hæc substantia inter proprios terminos continetur, mulier sana est, nec vllam lēſionem percipit. Vbi verò nimium excreſcit hæc caro, præter turpitudinem quā perpetuo facit, affert etiam incredibile coitus deſiderium. Et ſententia eſt omnium Medicorum, & experientia probatur huiusmodi carunculam arrigi interdum perinde ac pudendum virile. Si verò caro non gignatur circa vterum, ſed ſolummodò in orificio ipſius, fit morbus, qui dicitur a Græcis: κέρκος, & κέρκωσις, Latini uocant caudā: Moſchio & Polyxenus ſim pliciter vocant carnem: Auicenna vocat allatarum: Albucasiſ egri tudinem caudatam. Haly Rodoā in Commen. ſuper artem Medic. Gal. lib. 3. tex. 177. vocauit Hæmorrhoidam: ſed maximè deceptus fuit hic vir, quia vt ſuo loco intellexiſtis, ualde differunt morbus Hæmorrhoidaliſ vteri vocatus ab hoc, qui dicitur cauda. Nympha & cauda. ut intellexiſtis, morbi ſunt in numero & in via. Symptomata verò quæ hos morbos ſequuntur, hæc ſunt, quia in nympha, lēditur hæc operatio naturalis, ſcilicet coitus, qui deprauatus fit, cū magis deſideretur, quā par ſit: in cauda verò, impeditur ingreſſus & egreſſus ſeminiſ.

### *Cauſa.*



**A**VSÆ naturales harum affectionum ſunt luxuries ipſius naturæ in gignenda carne, atque etiam abundantia materiæ in partibus naturalibus. Auicenna 21. tertij, tract. 4. cap. 23. ſcripſit, haſ affectiones, & præſertim caudam æſtate augeri ſecundum latitudinem: Hyeme verò diminui. Et ratio huius eſt, quia propter aeris calorem, corpora magis funduntur, & dilatantur, vt propter frigus, magis condenſantur, & magis minuuntur.

### *Curatio.*



**V**RATIO huius vtriuſque affectus, tota eſt Chirurgica. propterea expurgato corpore, ſtatim veniendū eſt ad Chirurgicam operationem, eo pacto quo docuit Aetius, Paulus, Albucasiſ, Rhæſes, & Auicenna. Sed aduertendum eſt, in nymphæ curatione ſolummodo neceſſariam eſſe incisionem, vel abſciſionem potius. In cauda curanda veteres Medici duobus modis vſi ſunt: vno ligatura,

nam filo serico ligatur ea caro prope radicem, & quotidie astringitur, donec tota pars emortua decidat. Alter modus est, per abscissionem, vt de nympha diximus. Illud non est ignorandum, quod refert Haly Rodoam loco citato vltima lectione, se vidisse Reginam, quæ caudam habebat instar vnus digiti, quam curare noluit, quia nobilissima erat. Quod potest esse præceptum Medicos in curandis nobilibus debere esse cautiore, quàm in curandis ignobilibus.

*De vteri clausura. (ap. XIII).*



Is prædictis affectibus multo grauior est hic affectus, quando mulieres neque coire, neque concipere, neque purgari possunt propter vteri clausuram. Mulieres verò quæ tentantur hoc affectu, a Græcis dicuntur *ἄτρητοι*, nos Latini appellamus non perforatas. Albucasis appellauit hunc affectum Altraticum: Rhases vocat Ratham: Auicēna, seu eius interpretes vocant clausuram simpliciter. Est vero hic affectus nihil aliud quam oclusio foraminis matricis, ita vt impediatur operationes naturales vteri. Quod sit morbus in via, clarissimum est, sicut non est obscurum, locum affectum esse ipsum vterum secundum os.

*Causæ.*



Vt vs affectus causæ aliæ sunt naturales, aliæ accidentales: vbi sit a causis accidentarijs, appellatur a Galeno 9. de Comp. medicam. secund. loca 6. & a Paulo lib. 6. cap. 72. *ἄτρητοι*, & *ῥαθαι*. Causæ naturales non perforatarum, vt dicit Acrius, & Moschio, tres sunt: vel quia in labijs, vel alis vteri concreuit caro, seu membrana, ita vt obstruat foramen, Nicolaus Florentinus scribit huiusmodi mulieres dici velatas, quasi ipsarum matrix sit velo obducta, atque in hac causa (vt tradit Moschio) impeditur coitus, conceptus, & purgatio. Aut huiusmodi impedimentum, quæ est secunda causa, nascitur in sinu penitiori, atque in hoc casu impeditur coitus, & conceptus, non purgatio. Aut sit huiusmodi impedimentum in carne, aut membrana vteri, & hoc est, quod a natiuitate margines colli, & oris vteri ita conuiuent, vt vel nullum, vel exiguum foramen relinquatur: de his Moschio dicebat omnia alia impediri præter coitum. De his quoque sermonem habuit magnus Aristot. 4. de generat. animal. 1. & Auicēna. 2. 1. tertij tract. 4. cap. 1. qui Aristoteles dicebat quibusdam os vteri à natiuitate esse coalitum, & coniunctum, atque hoc non cognosci, nisi



nisi tempore menstruæ purgationis, quia hoc tempore, sponte dirumpitur hoc impedimentum, quod fit, vt dicit Albertus 10. de animal. 8. propterea quod venæ præ calore, & sanguine intumescunt, vnde tumefactę dirumpuntur, atque sic impetu quodam etiam rumpitur obstaculum. Alijs (dicit Aristot.) huiusmodi impedimentum a Medico rumpi: nonnullas verò interijisse, vel dum hæc pars frangeretur, vel dum nulla vi frangi posset. Quem Aristotelis locum dum exponeret Suesanus, dixit ex sententia Ephesij hunc affectum fuisse vocatum a Medicis Marmorem. Sed non potui hunc locum apud Ephesium inuenire: sunt enim eius commentaria quæ circumferuntur sub nomine Ioannis Philopponi supra lib. de Generat. animal. Aristotelis. Causę accidentarię huius affectus sunt, vel vlcera, quando scilicet vlceribus supercrefcit caro, quę obturat: vel sunt inflammationes induratae, vt dicit Paulus, & Aetius. Nam inflammationes, vel ignorantia, vel alio casu sepe ita induratur, vt discuti non possint, vnde obturant meatum. Idem faciunt & alij tumores, qui oriuntur in ore vteri. Nicolaus Florentinus inter causas accidentarias adnumerandam censuit siccitatem, quia propter siccitatem possunt vteri margines, & labia ita simul colligi, vt nullum relinquant foramen: atque ad id astruendum vsus est Hippoc ratis autoritate, qui lib. 5. Aphor. 54. scribit, quibus vteri os durum est, ijs conuiuere, & conclusum esse. Sed pace huius viri non mihi videtur fieri posse, vt ob siccitatem hæc clausura fiat: ratio est, quia si vnquam fieret, proculdubio id contingeret in sceminis marasmatis, in quibus consentaneum est, sicuti reliquum corpus apprimè siccatum est. pariter os vteri siccatum esse. Sed hoc falsum est, propterea non videtur vnquam fieri posse, neque etiam id Hippocrates dixit: multum enim abest, vt ex ea Hippocratis sententia possit hoc elici. Inter causas accidentarias possunt annumerari medi camenta adstringentia, id quod facere dicuntur meretrices, quæ in edicamentis adstringentibus adeò arctè constringunt os vteri, vt nullo modo, vel summa cum difficultate possit coitus exerceri: & id faciunt, vt videantur Virgines. Accedit etiam Nicolai testimonium, qui refert se vidisse mulierem, quæ post partum, cum obstetrices adhibuissent medicamenta alde adstringentia, ita clausa reddita fuit, vt non potuerit coitum exercere. Celsus libro 7. cap. 28. omnes causas huius effectus redegit in duo genera, in naturalem, scilicet, & accidentalem: naturalem vocauit membranam ori Vteri oppositam: aduentitiam carnem ex vlcere subnatam. Sed qui delectamini lectione Celsi, debetis obseruare in eius lectione, quod ferè morbos tractat, qui frequentius inuadunt rariores silentio ferè obuoluit, propterea cum frequen-

tiores sint hi duo, scilicet membrana obducta, & caro ex vlcere, idcirco horum duorum tantum meminisse visus est.

*Signa.*

**D**E signis non perforatarum Rhases scribit non posse ulla signa haberi ante tempus eruptionis menstruo-  
rum, quę sententia etiam videtur fuisse Aristot. 4. de  
generat. animal. 4. vt dixi. Verum sum ego alterius  
sententię, quod scilicet possint haberi signa, visu, &  
tactu: Visu, Dioptra instrumento Medico, quo vtuntur obstetri-  
ces, & Chirurghi ad conspicienda vteri penetralia. Tactu etiã, quia  
vt scribit Hippocrates, siue alius autor libro de natura mulierum,  
quibus os vteri conclusum est, vterus fit spissus instar ficus grossę,  
& si digito comprimatur, apparet durus & ita contractus, vt digitũ  
non intromittat, adeo vt ex his verbis possimus intelligere, licere  
nobis cognoscere hos affectus ante tempora menstruorum. Signa  
verò quę habentur tempore menstruarum purgationum sunt,  
quod menstrua non fluunt quo tempore deberent. vnde notare de-  
betis Moschionem non vera dixisse, quando scribit interdum in  
huiusmodi clausuris apparere menstruas purgationes: eo quia ta-  
met si fluat interdum sanguis, ille tamen fluit per venas, quę termi-  
nantur in vteri os. Quę venę dicuntur apud Aristotelem Hæmor-  
rhoides, Theodorus transtulit Mariscas, sed huiusmodi sanguis nō  
est menstruus, quia non emanat a venis in vteri sinum labentibus.  
Igitur non est dicendum vt Moschio fluere in his menses, quia nū-  
quam fluunt: adhuc in istis semen non suscipitur, dolet intus uen-  
ter, dolent lumbi, & ilia, imo interdum adeo uehemens est dolor,  
& sursum, & deorsum, & ad latera pertingens, vt Mulieres penē suf-  
focentur. Addit Auicenna, & Rhases in istis corpora denigrari  
propter hanc rationem, quia sanguis menstruus retentus diffundi-  
tur per uniuersum corpus est eo refuso nutriūtur membra, & quia  
sanguis ater est, inde fiunt membra nigra, dicunt isti. Sed quanquā  
ego non diffitear hoc contingere, non est tamen perpetuum, neq;  
est signum necessarium, quia sepē mulieres inuenietis, quibus sup-  
pressi sunt menses, quę pallidiores quidem euadunt, & decoloratę,  
uerum nigriores nequaquam fiunt: adhuc in istis fieri coitus non  
potest. Quod si præcesserunt vlcera, aut inflammationes, & alię cau-  
sę præter naturales, tunc intelligi potest causas esse aduentitias.

*Prognostica.*

**PROGNOSTICA** sunt, quod cuius causæ sunt externæ, & aduentitiæ, facile curari possunt. Si vero interior causa, & naturalis, non solum difficilis, verum sæpius erit impossibilis. Dicit Hippocrates, quibus conclusum est os vteri aut non concipere, aut mori in partu. Sed dicetis, ergo videtur ex hoc Hippocratis loco colligi posse interdum mulieres non perforatas concipere: quomodo hoc fieri potest? Respondet huic obiectioni Auicenna, posse fieri conceptum duobus modis. Vno, quod membrana illa obuelans sit texture rare, ita ut meatibus sit plena, per quos semen transfunditur; & transcolatur in vterum. Altero modo (inquit) potest contingere conceptus, quando in caruncula, vel membrana sit aliquod foramen, sed angustum, per quod vulua attrahit semen. Etenim ut docuit Galenus, lib. 1. de semine natura indidit vtero oblectationem quandam seminis, propter quam attrahit etiam à longinquo ipsū. Et quia potuisset quis Auicennæ obijcere, concedo tibi trahi semē ab vtero, sed illud erit perquam exiguum, nec poterit sufficere generationi. Respōdet, quanquam paucum sit, sufficere tamen, quod in ipso paucō sit posita vis formatrix, quia pro materia & generandis membris, postmodum sufficit semen ipsum muliebre. Et note, quod Auicenna dixit, hanc esse Philosophi sententiā, vnde nisi intelligatis apud Auicennam pro semine sanguinem menstruum, falso dixit Aristotelis sententiam esse, quia in disputatione nostra de semine demonstraui Aristotelem mulieribus denegasse semen.

*Curatio.*

**CURATIO** non est negligenda, sit autem solum ope Chirurgica. & dicebat Auicenna, quod non fiat hæc curatio nisi ferro Scopus est, ut id quod obturat, auferatur, aut quod partes cōnectit, separetur. Modus verò curationis, ut ego apud Medicos reperire potui, duplex est: videlicet, ut si adsit foramen aliquod angustissimū, fiat Collyrium ex spongia arida subtilissimum, atque intromittatur in illud foramen. Nam spongia illa repletur humore, vnde augetur, aucta insensibiliter dilatat: vnde quando semel dilatat foramen, augetur magnitudo collyrij, atque hæc curatio solet succedere, sed tempore. Vel si spongia uti non placet, efficitur canula plumbea, vel stannea, quæ intromittitur in foramen, & repletur

pletur pulueribus corrodentibus: illinitur etiam vnguento, quod possit carnem comprimere: & in instrumēto obseruatur, vt in dies augeatur grassities cānulæ. Quod si propter medicamēta fuerit adstrictum foramen, adhibentur Linimenta ex butyro, oleo amygdalarum dulcium, ex Oesypo. Sunt etiam Collyria, vt dicit Paulus, ex Oesypo, Nitro, Resina, Terebinthina: atque hic vnus est modus. Alter modus est, vt ferro pars abscindatur, atque hoc fit tribus modis, vnus est, vt superfluum auferatur: alter, vt vbi non est scissura, fiat: Tertius, vt prohibeatur, ne partes scissæ, & separatæ, iterum coalescant. Quæ omnia quoniam Chirurgica sunt, & modus diligentissimè demonstratus est ab Arabibus, & à Græcis, idcirco ego non declarabo. Hoc tantum hic volo vos monere, vt ad has operationes Chiruricas nunquam descēdatis, nisi prius exactè corpus fuerit purgatum, & per sanguinem euacuatum: quia corpore pleno fieret noua attractio materiæ ad vterum: Deinde curandum est semper, vt incisio fiat perfectæ, ne scilicet aliquid relinquatur, propterea, quod si incisio fieret, & relinqueretur aliquid superfluum, licet conceptus fieret, tamen in partu semper de vita periclitaretur. Postremò est etiam prouidendum, vt dum amputantur illæ partes, partes necessariæ nihil tangantur, eò quod sæpè solent fieri dolores vehementissimi, conuulsiones, & alia mala, quæ etiam contingere possunt, nisi caueantur partes curatæ a frigore aeris, & medicamentorum actuali.

*De morbis uteri in magnitudine. Cap. XV.*



MORBI uteri in magnitudine appellantur, quotiescunque uterus in molem augetur, vt lædat operationes, quoniam licet in conceptu tumeat uterus, tamen tumor ille operationes non lædit, quare neque morbus dicitur.

*Causæ.*



ORVM morborum causæ materiales sunt, vel flatus, vel humores. Si fiant à flatu, vocatur uteri inflatio: si ab humoribus, aut humores sunt aquei, & fit hydrops uteri: aut est sanguis, & fit inflammatio uteri: aut sanguis est biliosus, & fit Erysipelas, aut melancholicus, & orietur cancer: aut pituitosus, crassus, & terrestris, & fit Scirrhus: aut alia quæuis materia, & efficitur multitudo tumorum, vt sunt condylomata, Rhagades, Verrucæ, & alia genera morborum.

Omisi

Omisi Oedema, propterea quòd' tamen Arabes meminerunt tumorum fluxorum qui fiunt a pituita, isti tamen rarissimè fiunt, aut contingunt, vt docuit Auenzoar lib. 2. tract. 5. c. 2. quia substantia vteri neruea est, idcirco pituita fluida in parte neruea non facile retinetur, sed excurrit cuius contrarium contingit, in partibus carnosiss, & laxis. Sed dicetis, quomodo igitur fit Scirrhus? Respòdeo, quia eius materia est crassa, tenax, & viscida, non autem fluida; & ideo in vtero, siue in vteri substantia potest hæc materia retineri.

*De inflammatione vteri. Cap. XVI.*

**I**AM verò vteri inflatio, de qua Arabes ferè non meminerunt, est tumor ex flatu genitus vterum distendens, & operationes lædens. Locus, in quo colligitur hic flatus, vt dicit Aetius, lib. 16. cap. 78. duplex est: aut est spatium ipsius vteri, & cavitatis, aut est corpus ipsius vteri, qui flatus, vel in vtero ipso gignitur, vel aliunde missus in vterum includitur, sed potissimum gignitur hic flatus in Vtero.

*Causæ.*

**Q**UASA effectrix ipsius est calor debilis vteri: fit autem calor debilis multis de causis, aut ex frigore externo quod ingreditur vterum: aut ex abortu, vel difficili partu, aut (vt dicit Aetius) ex grumo sanguinis ori vteri impacto. Quanquam de grumo dicendum sit, potius esse causam vt retineatur flatus ne exeat, quam vt ab ipso fiat flatus: Nam vt hic fiat morbus, necessarium est semper claudis os ipsius vteri, quod clauditur modo morbosa aliqua affectione, modo grumis, modo alia ratione. Loquor tantum de illa inflatione, in qua continetur flatus in vteri spatio, non in substantia, quia vbi continetur in substantia, potest hoc fieri etiam si vteri os sit apertum.

*Signa.*

**S**IGNA huius morbi sunt, primo tumor, & dolor petinis atque imi ventris, qui dolor punctiuus est. Scitis enim ex Galeno 1. & 2. loco affect. vbi partes nervosæ dolent, speciem esse doloris punctiuu: ad hæc dolor iste modo ascendit ad sepru transversu, modo ad inguina, ilia & lumbos: modo ad hæc oia flatus ex vtero erupunt. Addit

Addit Rhases, propter hos flatu moueri vterum de loco ad locū, non quod verē moueatur, sed quia instar membrorum palpitantium, vbi tumet attollitur, vbi detumescit deprimitur, atque ita speciem cuiusdam motus ostendit. Hæc sunt signa communia inflationis. Quæ verò distinguunt flatum existentem in spatio a flatu qui continetur in substantia, hæc sunt, quod dum voluitur mulier, fit strepitus & fragor quidam, perinde ac in torminibus intestinorum, si tangatur vterus, pulsatur instar tympani. Quod si flatu in corpore vteri contineatur, dolores fiunt grauiores, curatu etiam difficiliores, neque tantus tumor adest, neque sonitus. Sed optabitis scire quomodo dignoscatur quando flatu continetur in vtero, & quando continetur in intestinis. Respondeo, quod quamuis multa sint communia, sunt tamen alia quædam particularia symptomata relata ab Hippoc. lib. de natura muliebri, quæ possunt indicare differentiam hanc: nam in inflatione vteri pedes, & caua oculorum intumescunt, color corporis foedus est, retinentur menses, non fit conceptus anhelitus adest difficultas, præsertim in ambulando, vbi mulier quid edit aut bibit, magis affligitur, tristior euadit; Addit Moschio, interdum & supprimi vrinam.

### *Prognostica.*

**E**ST hoc vitium malum, sed neque lethale, neque diuturnum, sed nisi curetur, aliorum malorum solet esse origo.

### *Curatio.*



**I**N curatione primo victus ratio, vt dicit Aetius, debet institui, quæ attenuet & flatu discutiatur, vnde non solum in aere calido, & sicco conseruanda est mulier, sed eius corpus totum conseruandum est calidum. Monet Rhases, & optime, vt aer sit plenus odoribus, quia eiusmodi aer maximè confert ad discutiendos flatu: dum accessio huius doloris instat, monet Paulus & rectè abstinendum esse ab omni cibo, & potu. Est dubitatio, an in hoc affectu missio sanguinis conueniat: Paulus, & Aetius, nisi quid prohibeat, consulunt mittendum esse sanguinem: ex aduerso, Moschio in hac curatione nullam mentionem facit missionis sanguinis, neque etiã videtur conuenire, propterea quod casu huius morbi effectrix sit calor debilis, qui proculdubio calor, fit debiliior, & infirmior missio sanguine, ita vt non videat conuenire hoc auxiliũ. Dico conuenire sectionē venę, vbi adest summa plenitudo in corpore, & vbi sit hoc malum



malum ex abortu, aut difficili partu, postquam vel puerperia, vel menstrua sunt suppressa, quo in casu conuenit missio sanguinis a Saphena. Vbi autem sit hoc malum a sola frigida causa, nequaquam conuenit hoc auxilium, & quoniam status continuo suggeruntur ab humoribus, propterea ante alia euacuandi sunt humores a corpore, & antequam euacuentur, præparandi. Nisi igitur fuerit lenita aluus, potestis ante alia lenire, vel clystere, vel hiera. Lenita aluo, sunt præparandi humores, & possunt præparari hoc syrupo:

℞. Fol. arthem. calamintæ. pulegij ana M. j. sem. anis. P. s. Fiat decoctio secundum artem: deinde

℞. Decoctionis huius vnc. iij. syr. de arthem. de bisant. ana vnc. misce. Vbi fuerint humores præparati, erunt statim expurgandi, & pro purgatione commendatur hiera ruffi, logodi. Exempli gratia:

℞. Specierum hieræ ruffi drach. ij. vel vnc. j. s. diacantha. vnc. j. misce fiat bolus. Postquam præparati, & purgati erunt humores, veniendum ad ea, quæ status discutiunt tam intrinsecus, quam extrinsecus. Intrinsecus conuenit huiusmodi puluis.

℞. Seminis fœniculi, anisi ana drach. j. fol. arthem. pulegij ana drach. s. coriandri drach. j. s. Terantur omnia diligenter, & per seccerniculum mittantur. Deinde addatur sacchari fini drach. s. vel vnc. j. Poterit ægra uti huiusmodi puluere vel loco salis, vel cum brodijs: conuenit etiam diacyminum, diaanethum, theriaca. Extrinsecus autem conueniunt emplastra ex arthemisia, fursure, oleo rutaceo, chamome. Exempli gratia:

℞. Folio. arthem. rutæ ana M. s. fursuris p. j. s. Bulliant omnia in vino, vsque ad consistentiam emplastri: deinde addantur olei rutacei vnc. ij. Fiunt & suffitus ex coriandro, aniso, arthemis. Quod si grumus sanguinis adfuerit, mandat Aerius & iure, curandum esse, ut obstetrix accipiat grumum manibus, atque dissoluat: deinde foueatur matrix ex decocto ficuum, nitri, & absinthij. Permanente, & inualecente morbo deueniendum ad validiora, quo in casu magna cucurbitula pectini, & umbilico adhibita maximam utilitatem præstat. Adhibentur interdum sinapismi, frictiones, & omnia, quæ valenter possunt calefacere, & exsiccare. Duo tamen sunt aduertenda, vnum est, ut caueatur suffitus aromatum in ijs mulieribus, in quibus caput est affectum, & ratio est ex Hippoc. auctoritate, qui dicebat aromata caput maximè offendere. Alterum aduertendum est vsum adstringentium esse aduersissimum huic Morbo.

*De hydropē vteri. Cap. XVII.*

**R**ÆTER flatum, aquam etiam colligi in vtero, explicatum est ab Hippocr. 1. de morb. mulieb. & in fine lib. 4. de Morbis: ab Aetio lib. 16. cap. 79. ab Auienna 21. tertij tract. 4. cap. 25. Ita vt non sit dubitandum, quin etiam vterus patiatur eam morbi speciem, quæ vocatur hydrops. Cæterum quanquam constet, aquam colligi in ipso vtero, dubitari tamen possit, in qua vteri parte colligatur, & quomodo generetur. Dico colligi aquam in vtero, tùm in spatio, tùm in substantia: & hæc fuit etiam sententia Aetij. Quomodo colligatur in spatio, clarissimum est, nam sicuti in spatio ventris colligitur aqua, sic etiam colligitur in vtero. Sed de substantia, non ita clarum est. vt autem intelligere possitis Aetium, debetis scire, hanc aquam colligi inter tunicam, & tunicam vteri, nõ quòd tunicæ totæ a se inuicem discindantur, & separentur, sed quia in aliquibus partibus tantum separantur, ita vt fiant in substantia vteri veluti vesiculæ aqua plenæ. Nam scribit Galenus 7. Aphor. 55. in iecore fieri sæpe huiusmodi vesicas, quando scilicet pars membranæ vestientis iecur, separatur a substantia iecoris, atque hoc inquit apparere in iugularis animantibus: & memini me vidisse hic in Anatome annis elapsis in quadam oue iecur repletum huiusmodi vesiculis. Vt igitur fit in iecore, sic etiam fit in vtero: atque hoc est, quod dicit Aetius, aliquando fieri in vtero corpuscula vesicæ fellis similia, in quibus aqua continetur. Cæterum, an in vtero semper possit contineri aqua, vt continetur in vesiculis, dubitari possit. Nam quod colligatur dictum est, sed quomodo contineatur, difficile est, propterea quod os vteri nisi infestetur aliqua ægritudine, semper apertum est, nisi in conceptu. Cum autem aqua, quæ superest, per os vteri semper exeat, licet foramen sit angustissimum, videtur debere huiusmodi aquam exire. Dico hoc verissimum esse, aquam non posse colligi in vtero, nisi prius os vteri clausum sit, vel propter aliquam ægritudinem, vel propter conceptum, quoniam fieri potest, vt conceptus fiat, & statim mortuo conceptu, aqua congregetur, & retineatur. Sed dicetis, quomodo retinetur: nam dicebat Galenus, aperiri os vteri, vbi conceptus mortuus est? Dico, propter multitudinem aquæ distendi partes vteri, & sic eius os conuiuet, & concluditur.

*Causæ.*

**C**ausæ internæ huius affectus sunt intemperies frigida vteri: externæ verò, vt dicit Hippocr. 1. de Morb. Muliebribus, sunt abortus, frigus externi aeris, potus aquæ frigida, vsus ciborum refrigerantium, infestiones factæ in rebus refrigerantibus.

*Signa.*

**S**igna hæc sunt, menses statim retinentur, conceptus nequaquam fit: nam, vt dixi, potest hydrops sequi conceptum. Sed vt præcedat conceptum, fieri non potest duplici ratione: Vna est, quia os vteri est clausum: Altera quia, vt dicebat Gal. vt plantæ non gignuntur in aqua, sic animalia in aquoso vtero gigni non possunt. Ad hæc inter alia signa hæc sunt, quod imus venter, inguina, & pedes tumescunt, Mammæ fiunt molles. Si adsit lac in mammis, vitatur omnino, & aqueum euadit, murmura in vtero percipiuntur, difficulter ambulant, excrementa alui male olent, os vteri gracile, & humidum, si tangatur, apparet: & quanto magis morbus hic progreditur, tantò sunt deteriora hæc omnia mala. Addit Moschio, his mulieribus nares fieri mucosas. Duo hoc in loco notanda sunt, vnum, quod tamen Aetius, & Moschio inter hæc signa retulerunt retentionem menstruorum, verumtamen excunt his mulieribus etiam humiditates quædam sanguinolentæ, quæ æmulantur menstruas purgationes: sed tamen differunt, vt dicit Hippoc. quia istæ purgationes prauæ sunt, diminutæ, cito finiuntur, nullum ordinem seruant, ita vt uera menstrua iurè non possint appellari. Alterum est, mulieres quæ patiuntur vteri hydropem, sæpissimè videri prægnantes: imò refert Iacobus de Part. & testatur quotidiana experientia, sæpè Medicos, & obstetrices delusos esse hoc morbo, qui cum putassent mulierem ferre in vtero. tandem emissæ aqua, delusi sunt. Vt igitur vos non illudamini, debetis diligenter dicta signa aduertere, quia vbi prædicta perlustraueritis, distinguetis an status, an aqua sit in vtero, an conceptus.

*Prognostica.*

ALVM hoc ferè lethale est quia hydropem vteri facile sequitur hydrops totius corporis, ita vt non immeritò scriptum sit ab Hippoc. si febris succedat hydropi vteri, atque vexet sitis fieri protinus splenem aquosum: quapropter erit quamprimum curatio huius morbi habenda.

*Curatio.*

ST autem curatio secundum Hippoc. hæc, vt primum si dolor vexet agram, mitigetur rebus anodynis, & laxatiuis. Huiusmodi est decoctum, & fomentum ex Althæa, Fœnugræco, Meliloto, Malua, quæ omnia decoquantur in aqua, & oleo rosarum, atque cum spongijs foueatur totus imus venter. Sedato dolore, ordo curationis secundum Hippoc. est, vt purgentur humores, tùm per interna, tùm per externa. Quapropter lenita aluo, vt intellexistis, erunt præparandi, & expurgandi, vt monstraui in inflatione. Postmodum purgatis humoribus, exhibenda sunt remedia, tùm intrinseca, tùm extrinseca, quæ possunt aquam, vel educere, vel dissipare. Et ante cætera laudantur intrinsecus brodia, quæ possunt vrinas prouocare. Exempli gratia:

℞. Folio. sabinæ, matricaria. ana M.s. asari drach. ij. rad. apij vnc. s. Bulliant in brodio, & brodij propinetur lib. s. valent etiam confessiones dialacca, diacurcuma. Extrinsecus autem conueniunt infussiones factæ ex laureola, genista, saxifragia, cucumere asinino, quæ omnia coquantur in aqua, & fiat infusus. Infunduntur quoq; quædam in vterum, quæ possunt euacuare aquam, veluti oleum irinum, cui additur ellebori drach. j. aut elaterij scrup. j. aut grani gnidij scrup. s. Fiunt etiam collyria, & pessi ex elleboro, nitro, & colocinthide. Exempli gratia:

℞. nitri. scrup. s. colocinth. ellebori ana drach. j. mellis q. s. Fiat collyrium, siue pessarium, & indatur secundum artem. Conueniunt quoque emplastra ex stercore canino, ex conchilibus, & præsertim cochleis deustis, & in puluerem redactis. Adhibentur etiam interdum Emplastris cantharides. Postquam verò his ingenijs, & alijs aqua fuerit educta, docet Aetius exercendum esse corpus, fricandum ventrem, atque tomentis, & suffumigijs calefaciendum, & siccandum vterum.

*De vteri inflammatione. Cap. XVIII.*

**I**NTER præcipuos vteri morbos, qui sunt in magnitudine, numeratur inflammatio, quæ in vtero fit, vt & in alijs nostri corporis partibus, hoc est per collectionem ipsius sanguinis: quæ collectio hanc varietatem patitur, eò quod, vel in dextra vteri parte, vel in sinistra, vel in anteriori, vel posteriori parte efficitur.

*Cause.*

**C**AUSÆ internæ inflammationis vteri tres potissimè existunt, plenitudo sanguinis totius, propter quem in vtero multiplicatus sanguis hunc tumorem facit: adhæc menstruorum retentio, quæ licet plenitudinem necessario faciat vteri, non tamen facit vniuersalem plenitudinem. Postremò sunt vlcera facta in vtero ab aliquo humore erodente. His causis internis addit Arabes alias, vt inflammationes, quæ dolorem inducunt, nec non spermatis multæ abundantiam. De externis causis conueniunt Arabes, & Græci scriptores, quod præcipuè sint, percussiones, casus, abortus, partus difficilis, multitudo coitus, sessiones in duriori sella, ambulatio longa, & intensa, frigiditates externæ, & flatuum multitudo.

*Signa.*

**S**IGNA inflammationis vteri generica sunt ardores, & dolores, quia apparent in locis muliebribus, præsertim in lumbis, pectine, & toto ventre. Adhæc, si vteri os tangatur, durum apparet, retractum, ardens, dolor fit circa lumbos, stupor quidam, & genuum frigiditas. Hippoc. 2. de morb. mulieb. quem securus est Paulus, multa alia addit signa, inter quæ hæc sunt præcipua: dolor capitis, delirium, profundus somnus, colli conuulsio, ceruix multis tenuibus venulis instar telæ arancarum variegata, venter nunc durus, nunc mollis, nunc tumidus, ita vt prægnans quodammodo videatur, vomitus, lipothymia. Atque hæc omnia sunt signa vniuersalia, præter quæ, sunt particularia, quæ ostendunt, vel partem affectam, vel tempus inflammationis. Si sit inflammatio in parte anteriori, dolor magis pectinem infestat, Urinæ supprimuntur, eò quod vesica ab inflammata parte comprimitur: si non sup-

primitur

primitur vrina, sæpè guttatim defluit. Si in posteriori parte fiat inflammatio, dolor magis lumbos infestat, ardor, retinentur fæces. Quod si latera afficiantur, dicit Hippoc. dura apparere inguina dum tanguntur, infirma crura esse, atque interdum mulieres claudicare cogi. Sin autem inflammatio in vteri ore sit posita, nullum signum euidentius, quam id quod habetur ex tactu, quia manu ipsa percipitur locus durus, rigidus, & ardens. Vbi inflammatio augetur, prædicta signa omnia adsunt vehementiora, præsertim dolores, deliria, deliquia animi, singultus, extremorum frigiditates, excrementorum retentiones, dolores capitis, & tandem omnia alia accidentia inflammationis semper, augescunt ipsa, acerbiora euadunt. Et aduertatis quod ferè semper, vt alias dixi, caput afficitur, sed potissimum in inflammatione vteri. Ratio habetur à Galeno sexto Epid. tex. 5. cont. 1. vbi dicit, in vtero venas multas, & amplas reperiri, propter quas sanguinis in ipsis fit multa putrefactio, & inflammatio. Ex inflammatione, & ebullitione, febres magnæ, & propterea copiosissimi feruntur vapores in synciput, in quod terminantur plurimæ arteriæ, per quas facillimè feruntur vapores copiosi. Quod si inflammatio ad suppurationem conuertatur, dolores fiunt, & febres multo maiores, tumor partis affectæ magis attollitur, dolor punctorius magis infestat, vrina & fæces supprimuntur. Sin verò non in suppurationem, sed in Scirrhum potius conuertenda sit inflammatio, apparet tumor, si tangatur, veluti lapideus, dolor vel exiguus, si tamen sit legitimus Scirrhus, vel nullus, si Scirrhus sit confirmatus: adhæc corpus debile, crura imbecilliora sunt, & quodammodo torpescunt. Circa hoc duo sunt ex Paulo notanda: vnum est, Scirrhum non modo consequi inflammationes vteri, verum sæpè fieri a principio in vtero. Alterum notandum est, ex genere Scirrhorum esse eam duritiem, quæ solet fieri circa cœuicem vteri, & communi nomine a Grecis vocatur *Σκίρρος*, nostri uocant duritiem, quæ est tumor, sed minus tactui renitens, & cum modico dolore. Quod si inflammatio sit Erysipelacea, docet Hippocrates 2. de morb. mulieb. quomodo sit cognoscenda, tum quia in huiusmodi inflammatione tumescunt mammae, pedes, sæpè totum corpus, tumores apparent liuidissimi, oriuntur rigores, febres ardentes, deliquia animi creberrima, deliria, spiritus difficultates, dolores ventris, capitis, pectinis, tremores sequuntur: corpus repletur pustulis, facies rubicunda fit, sicca, & aspera. Atque hæc sunt signa, ex Hippocrate inflammationis Erysipelatosa.



*Prognostica.*

**P**ROGNOSTICA huius inflammationis sunt, quod omnis inflammatio vteri, est periculosa, & lethalis. Sed eò magis periculosa, quando vel totum vterum obsedit, vel magnam eius partem: & quanquam, vt dixi, omnes inflammationes sint periculosa, verùtamen minus periculosa habetur, quæ oritur in ceruice, propterea quod pars illa carnosior est, & propterea non percipit ea symptomata, quæ pars vteri neruea infert. Scriptum est ab Hippoc. 5. Aphorism. 43. & 2. de morb. mulieb. quod si Erysipelas Vterum tentauerit, omnino mulieres pereunt, vbi sunt prægnantes, ubi uero non sunt prægnantes, paucissimæ curantur. Scirrhus vteri, solet frequentissimè in hydropem vteri finiri.

*Curatio.*

**V**O circa in curanda hac affectione laborandum, & præsertim circa institutionem rerum non naturalium, inter quas primum eligendus aer frigidus, odoratus, omnis motus auferendus & quies quærenda. Vult Auicenna, & prudenter in hac inflammatione, non esse curam gerendam multi somni, imò vero vigilandum quâtum fieri potest: & ratio est, quoniam, vt scribit Galenus sexto Epid. comm. 4. text. 17. Inflammationes internæ omnes, mirificè augentur a somno, Accidentia animi, & perturbationes sunt ablegandæ: vinum remouendum prorsus, & eius loco aqua hordeacea, vel vinum granatorum cum aqua cocta, vel etiam aqua destillata, vel aqua endiuia, acetosæ, vtendum erit. Cibus autem a principio, & præsertim primis diebus tribus, tenuissimus esse debet, ita vt non excedatis, vel panatellam, vel ptisanam liquidiorum. Post vnum diem potest addi, vel brodium parui pulli, vel vitelli ouorum: & quia vires magnopere diminuuntur hoc morbo, additur etiam caro pullorum, auicularum, interim plantago, polygonum, endiuia, borrago, & quæ incendia cordis refrenant, possunt quoque coqui cum carnibus. Instituito victu deueniendum est ad alios inflammationis scopos implendos, qui duo sunt potissimum: vnus est, vt prouideatur ne crescat inflammatio, nam si quis est morbus, qui statim augmentum capiat, est inflammatio, & præsertim vteri, quia calor, & dolor immensus vndiqueque trahunt humores ad se. Ex quo iure in  
omni

omni inflammatione, & præsertim viscerum studendum est ante alia huic scopo, vt prohibeatur ne inflammatio augeatur. Alter scopus est, vt id quod factum est tollatur, ad quæ omnia præstanda, & præcipuè ad primum scopum maximè omnium conferunt frictiones, ligaturæ, cucurbitulæ, scarificationes, sed potissimum venæ sectio. Cuius venæ sectionis hoc loco est pulcherrimâ difficilis, & utilis questio, nam Galenus libro de venæ sectio. capite 18. & 13. Method. 11. hoc videtur perpetuum præceptum tradidisse, vt in vteri inflammatione, vt & coxendicum, vesicæ, & renum semper sanguis mittendus sit ex inferioribus partibus, scilicet, vel ex poplite, vel ex malleolo: quam sententiam etiam videtur aliquo pacto insinuasse Hippoc. 2. de morb. muliebribus vbi tametsi venæ sectionis nullam faciat mentionem, verumtamen scribit in hac afectione curanda potissimum remedium esse, vt per inferiora corpus purgetur, quasi etiam hoc ipso voluerit monere euacuationes semper esse per inferiora faciendas. Contrariam videtur a Galeno sententiam sectatus Paulus, Aetius, & multi recentiores, qui Basilicam potius secandam existimarunt adducti hac ratione potissimum, quòd scopus maximus curandi inflammationes est, vt provideatur ne augeatur, iam verò provideatur optimè, si fiat retractio, quia crescit propter fluxum humorum: si retrahatur fluxus, impeditur quo minus etiam crescat. Vnus Auic. videtur varia sensisse circa hanc rem. Nam lib. 3. fen. tract. 4. cap. 12. tria ad hanc rem pertinentia tradit: primum est, quod licet Basilicæ sectio in hac inflammatione curanda videatur conferre ex vna parte: obest tamen ex alia parte, eo quia menses retrahit, vt etiam dicit Galenus, & quia trahit menses, videtur hoc nocumentum inferre, vt inducat suppressionem. Alterum ab Auicenna traditum est, quod Phlebotomia Saphænæ est conuenientior ratione communitatis, atque magis sanguinem attrahit, meliusque est in hoc casu prouocare menses, quàm retrahere, præsertim vbi malum ex mensibus suppressis sit ortum. Tertium eiusdem dictum est rectius esse, vt in principio inflammationis Basilica tundatur, quia prohibet fluxum materię ad locum inflammatum: deinde Saphenæ, vt corrigatur malum quod factum est a sectione Basilicæ, atque menses impediti prouocentur, itaque vt videre potestis, tres sunt sententiæ circa locum sectionis venę, vna Galeni, altera Pauli, & Aetij, postrema Auicennę. Altimarus vt conciliaret Galenum cum alijs, accepit Auicennę sententiam, & dicit Galenum in locis prædictis solummodo locutū esse de deriuanda materia, & euacuanda, non autem de diuertenda. Paulum autem potius respexisse diuersionem, quàm deriuationem, & euacuationem, ita vt (dicit Altimarus) si corpus fuerit ple-

num sanguine, & inflammatio magna fuerit, a principio secunda sit uena Basilica, deinde Saphæna: sin vero nulla fuerit sanguinis exuperantia, neque inflammatio magna admodum fuerit, statim mittendus est sanguis a Saphæna. Hæc ratio Altimari probanda est, quia hæc est veritas: sed non tueretur Galenum, & alios a calumnia. Non tueretur Galenum, quia Galenus cum tradit regulas curandi inflammationes vteri, proculdubio debet tradere eas, quæ conueniunt perfectæ curationi. Sed per Altimarum dedit rationem curandi transacto principio, reliquit scopum, quem dixi esse præcipuum, scilicet prohibitionem augmenti, quæ obtinetur per retractionem. Adeo ut si vera est sententia Altimari, fallax sit Galeni sententia, quia non docuit quomodo sit curanda in principio. Non tueretur alios, quia isti dimiserunt curationem inflammationis, quæ debetur ipsi transacto principio, scilicet deriuationem, & euacuationem. Quid igitur dicendum? certè locus ille difficilis est: Nam illo loco libri de venæ sectio. 18. etsi dici posset eum minime præcepisse solum missionem sanguinis inferiorum partium, eo quia, cum Galenus traderet superius regulas curandi recentes inflammationes renum, & similium partium, dixit, in recentibus mittendum esse sanguinem a superioribus, in vetustis, ab inferioribus: & cum hoc dixisset, subiungit, magis auxilium haberi ex sectione venarum inferiorum partium, quasi dicere voluerit, quod ubi recens, id est, ubi inchoat, mittendum esse sanguinem a superioribus sed tandem ab inferioribus: Locus hic sic defendi potest. Sed locus 13. Methodi 11. multo difficilior est, quia Galenus ibi de inflammationibus incipientibus sermonem habens inquit: in Angina mitti primò sanguinem à manu, deinde a lingua: in inflammatione occipitis, primò a fronte: in inflammatione iecoris a cubito dextro: in inflammatione lienis a sinistro: in inflammatione vteri a Malleolo: ita ut videatur etiam sensisse Galenus in inchoantibus inflammationibus vteri esse mittendum sanguinem non a superioribus sed inferioribus: quasi huiusmodi euacuatio possit seruire deriuationi, & euacuationi, & reuulsioni. Vnde valde miror Altimarum, qui dixit, Galen. hoc in loco solum de venæ sectione deriuatoria, & euacuatoria, non autem de reuulsoria, quæ in principijs debet fieri, sermonem habere. Quare hæc res, ut dixi, difficilis est, tamen sententia mea est hoc loco Galeni consilium esse, de ea inflammatione sermonem habere, quæ sola est citra corporis plenitudinem, quasi semper ubi non adest plenitudo, etiam si inflammatio sit in principio, semper sit sanguis mittendus ab inferioribus: & ratio est, quia ubi non adest plenitudo, hæc sectio nō solū euacuat, & deriuat, sed et reuellit.

Vbi verò adsit sanguinis abundantia, dico eo in casu primo venæ sectionem necessariam esse in cubito: nam Gal. 10. Med. local. 2. loquens de Ischiade inquit, auxilium maximum esse, si secetur vena tali, aut poplitis: deinde magis sententiam suam explicans, dixit ac plenitudine sanguinis exiliente, euacuationem primò sanguinis faciendam esse per cubitum, deinde ab inferioribus. Sed quæret aliquis vestrum, cur Galenus mentionem non fecerit huius plenitudinis. Præterea Galenus ibidem dicit, in principio cauendum omnino esse, ne menses prouocentur, quod si verum est, ergo etiã si non adsit plenitudo in principio non erit sectio facienda in inferioribus, eo quod prouocantur menses. Dico breuiter non meminisse Galenum sanguinis plenitudinis, quia ad eum, non pertinebat ibi mentionem facere. Præterea tradidit regulas vniuersales Galenus, quod semper plenitudine existente vniuersali, ante omnia alia tollenda est plenitudo per eam venam, quæ totum euacuat. Ad aliud dico, Galenum loqui de prouocatione mensium, quæ fit per medicamenta, & etiam de ea, quæ fit plenitudine existente in corpore: ita ut voluerit non esse prouocandos menses, neque per medicamenta, neque per sectionem: non negauit tamen esse prouocandos, vbi non adest plenitudo, nam etiam Auicenna, vt intellexistis, dicebat in his casibus sanguinem esse prouocandum. Secta vena igitur diligenter inuestigandum est, num sola sit inflammatio in vtero, an vero sit Erysipelacea. Si adsit Erysipelas, erit statim aluus mouenda, quo in casu Hippoc. 2. de morb. mulieb. vtebatur ad mouendam aluum lacte. Vos potestis vti decocto thamarindorû, manna, cassia, syrup. ros. solut. & sero. Sed quia, siue sit inflammatio sola, siue sit Erysipelas, semper dolor vrget ægrotantes, propterea ante alia omnia prouidendum erit, vt dolor sedetur. Conueniunt autem pro sedando dolore, oleum rosaceum, & posca, quæ modo infunduntur, modo apponuntur pectini, & locis muliebribus. Cataplasmata quoque conferunt ad sedandum dolorem, vt est istud:

℞. Lactis vaccini, lib. j. olei rosati, lib. s. Panis triti q. s. Fiat emplastrum. Quod si fuerit solum Erysipelas, pro sedando dolore, conuenit lac, decoctum polygoni, portulacæ, papaueris, nymphæ: cui de cocto miscentur modo lac, modo oleum ros. modo violaceum. Postquam sedatus, aut saltem diminutus fuerit dolor, videndum quo magis vergat inflammatio, an ad discussionem, an ad suppurationem. Si videbitis esse discutiendum, auxiliandum his remedijs, quæ discutere possunt, tum intrinsicis, tum extrinsicis, modo id seruetur, ne discutientia nimis calida adhibeantur. Quapropter instituto victu humectante, & refrigerante, similiter erit deueniendum ad ea, quæ discutiunt, vt si fiat decoctio ex chamomilla, anetho.

tho. Inūctiones ex oleo anethino, & chamomel. Emplastra ex iisdē oleis, & decoctis, cum farina hordei, aut fabarum, quæ moderatē discutere possunt. Quod si ad suppurationem magis tumor inclinet, vtendum erit suppurantibus, cuiusmodi sunt fomentationes ex oleo simplici, & aqua, ex decoctione maluarum, caricarum, & althææ. Exemplum quoque optimum fuerit eiusmodi:

℞. Rad. althææ coctarum, & cribratarum lib. j. butyri lib. s. axungię porcinae vnc. iij. fermenti vnc. ij. misce ad formam emplastri. Vbi suppuratus fuerit tumor, curandum est, vt docet Aetius libr. 16. c. 85. cum ijs quæ vlcera purgare possunt.

*De scirrho vteri. Cap. XIX.*

**R**OST inflammationem sc̃pè materia crassa, & terrestris relinquitur, ex qua generantur scirrhi: quam & scirrhi generentur in vtero etiam sine præcedēte inflammatione. Sed aduertendum, differentiam esse inter Scirrhum, & Scirrhosin, id est, inter scirrhum, & duritiem: quia quamquam vt dicit Moschio, Durities sit affectus totius vteri, & tumorem nullum ostendat, tamen, vt docet Soranus apud Actium lib. 6. cap. octuagesimo quarto, propriè durities efficitur in ceruice vteri. Paulus etiam lib. 3. cap. sexagesimo octauo, secutus Soranum, dicebat duritiem fieri circa ceruicem vteri, atque minus tactui resistere, quam scirrhum, & absque dolore prorsus esse. Ceterum scirrhus duplex est, alius qui legitimus dicitur, alius verò spurius: etenim, vt in alijs humani corporis partibus tumores gignuntur, sic etiam fiunt in ipso vtero. Legitimus scirrhus dicitur ille, qui neque sensum, neque dolorem vllum facit. Spurius verò qui vel dolorem, & sensum, vel saltem alterum horum facit.

*Causæ.*

**C**AUSA materialis nulla est alia, quam humor crassus & terrestris, & tandem potest esse causa materialis scirrhorum quidquid crassi remanet, diffatis, & dissipatis partibus subtilioribus. Causæ antecedentes sunt, vel inflammationes malè curatæ, vel retentio nes menstruorum, vel mala viuendi ratio, qua humores crassi gignuntur. Similiter percussiones, labores magni ex partu, & conceptu.

*Signa.*

**S**IGNA horum Scirrhorum sunt hæc, nam si malum in vteri fundo sit positum, semper inclinabit vterus in illam partem, in qua tumor erit positus, atque in ea parte apparebit tumor aliquis cum duritie, modo aderit dolor, in spurio scilicet; modo nullus aderit, si erit legitimus. Adhæc est in ea parte motus difficultas, grauitas non modo crurum, sed etiam totius corporis, pigrities quædam in obeundis actionibus: addit Auicennas, quandoque totum ventriculum intumescere, extenuari crura. Quod si fuerit malum in collo vteri, vt optimè notat Moschio, nullus tumor in exterioribus partibus apparebit: obstetrix cum digitum in os immiserit, percipiet duritiem, & quandam oris illius latitudinem, quia re tracto ore ipsius vteri, fit os magis patens: adhæc vbi fit coitus, dolor adest, & punctio, vbi tamen Scirrhus fuerit spurius, Scirrhus legitimus cum sit veluti callus, neque sensum, neque dolorem parit.

*Prognostica.*

**P**ROGNOSTICA huius affectus sunt, quod si durities fuerit circa collum, facile curatur, vt dicit Aetius, non quod simpliciter sit facilis curatu, sed respectu Scirrhorum, qui sunt in corpore ipsius vteri. Omnes ferè Scirrho hoc habent, vt nisi rectè curentur, soleant totum corpus vitare, hydropem inducere. Imò verò notat Auicennas, & rectè, quod nisi summa diligentia tractetur, solet in caneros desinere.

*Curatio.*

**V**APROPTER omne erit adhibendum studium, vt præsens morbus tollatur, in quo tollendo scopus præcipuus curationis est, vt humor, qui facit tumorem, dissoluatur. Sed quoniam res duræ nequaquam dissolui possunt, nisi prius emolliantur, propterea ante emolliendus erit tumor. Vnde instituta primum victus ratione, scilicet optimi succi, mediocris quantitatis, & quæ potius attenuare, quàm incrassare possit: erunt præparandi & purgandi, quod fit vt dicit Aetius, ijs, quæ crassos, & melancholicos humores ducunt. De sectione venæ multi Medici non meminerunt, Paulus, & Aetius



Actius monuerunt, si nihil obstiterit, sanguinē mitti debere, quod semper intelligendum erit vobis, vbi sunt indicia sanguinis in corpore redundantis. Quod si sanguis non possit euacuari aliqua ratione, erit, corpore purgato, veniendum ad ea, quę molliunt, vt sunt infessus ex fenugræco, meliloto, malua, lapatho, althæa, semine lini. Hęc enim omnia, vel aliqua horum coquantur in aqua, in qua sedeant mulieres: præter infessus, sunt & alia, vt est huiusmodi vnctio:

R. Oesipi, butyri an. vnc. ij. pingued. anserinæ vnc. iij. olei amygdal. dul. vnc. iij. misce diligenter: Et aduertite, vt fiant largę istę inunctiones, & sæpè iterentur. Præter inunctiones, & infessus, sunt quoque luta aliqua, quę possunt mirificè mollires, vt sunt luta bituminosa, qualia sunt, S. Bartholomæi, S. Helenæ. Post emollitionem deueniendum est ad discutientia, vt si adderemus alicui emollienti oleo, aliqua discutientia, vt sunt oleum irinum, nitrum, cymini: similiter si infessui addantur arthem. pulegium, calamentum. Additur etiam inunctionibus oxymel ipsum: infessui, acetum: potest etiam adhiberi fumus lapidis pyritis igniti, & aceto acerrimo conspersi, qui fumus maximè ab antiquis commendatus est ad dissipandos Scirrhus, quamquam aceto parcissime agendum sit, quòd utero mirum in modum aduersetur. Postremò ad tollendum prorsus morbum adhibentur ea, quę solum discutunt, inter quę sunt luta, vt lutum S. Petri, S. Helenæ, & præsertim quod est prope domum. Tandem deuenitur ad medicamenta valentiora, quę fiunt ex metallicis discutientibus lotis.

### *De cancro vteri. Cap. XX.*

**D**IXI, si rectè memoria tenetis, Scirrhus malè curatos in canculos desinere, de quo sunt vobis quædam breuiter noscenda. Nam sicut in alijs corporis partibus, sic etiam in vtero fit cancer: qui nihil aliud est, quam tumor durus, melancholicus, atque varijs veluti spiris apparentibus factus, colore liuido, & nigro.

### *Causa.*

**I**N V S canceri causa materialis nulla est alia, quam humor melancholicus: vnde temperaturæ melancholicæ, etas consistens, inter causas internas reponuntur, quę possunt tumorem hunc producere. Externa causę sunt, quęcunque humorem melancholicum, vel generant, vel in vtero cõgregare possunt, vt mœror, timor, cogitationes:

nes: potus, & cibus, qui gignunt huiusmodi humores, ut sunt, carnes salitæ, pisces saliti, vsus frequens brassicæ, vsus frequens vinorum crassorum, & calidorum. Sunt cancerorum duo genera, vnum genus est cum vlcere, aliud sine vlcere.

### *Signa.*



ON vlcerati cancri signa sunt, quod circa os vteri apparet tumor quidam renitens ad tactum, inæqualis, cognoscitur colore nigro, & rubeo mixtis, aut liuido & nigro, qui tumor uehementer dolorem facit circa inguina, pectinem, lumbos, & præsertim dolores inducit, quando vel manibus tractatur, vel medicamentis exacerbatur: ut iure dixerit Hippocrates, caneros occultos, & non vlceratos melius esse non tractare. Auicenna addit dolores, lesionisque communicari a loco affecto Diaphragmati, atque dolorem sæpe similem fieri in oculis, & temporibus. Cur autem in affectibus plerisque vteri fiant dolores oculorum, suo loco paulo ante vos docui. Signa cancri vlcerati sunt. nam præter dolores, & alia prædicta, apparent vlcera corrosa, inæqualia, eminentia plerumque. Paulus, & Actius, inter alias conditiones horum vlcerum scripserunt, quandoque albedinem apparere, seu ut ipsi dicunt, hæc vlcera esse albicantia. Sed an verum sit, quod isti dicunt, non audeo affirmare, quandoquidem color albus non apparet in ipsa cute: imo verò color cutis, aut niger, aut subliuidus, aut ex nigro, & rubro mixtus est, nunquam autem videbitis cutem albicare. Non enim potest vera esse horum sententia de materia, quia ut dicit Auicennas, materia quæ exit a cancro vteri vlcerati, ut plurimum nigra est, mali odoris, mali coloris, interdum rubea, interdum viridis, virulenta semper, rarissimè alba, adeò ut non videatur vera sententia Actij, & Pauli, de colore cutis, neque de materia exeunte a Cancro.

### *Prognostica.*

Hæc affectio incurabilis est planè, solumque leniri potest.

### *Curatio.*



ROpterea ne malum acerbius, & sæuius euadat: ante alia diligens, & assidua habenda est victus ratio, & nisi mulieres, quæ hoc infortunio tentantur, sint in victu diligentes, miserè cruciantur, & miserè vitam finiunt. Est uerò victus

viētus instituendus, quemadmodum dicit Paulus, qui humorem melancholicum attemperare possit, optimum sanguinem gignat, & a succo melancholico producendo sit alienus. Præter viētus rationem est quoque corpus diligenter vacuandum a succis crassis, & melancholicis: imò si quis est casus, in quo sit melancholię purgatio necessaria, proculdubio est cancer vteri. Et in hoc soleo ego curare, vt pharmacopola habeat paratos trochiscos de myrrha cū elleboro. Nam trochisci de myrrha propria facultate expurgant vterum, si parentur cum elleboro, expurgabunt melancholiā: vsus etiam continuus decocti myrobolanorum nigrorum accommodatus est. Præter euacuationem, sunt & alia quę possunt demulcere dolorem, vt sunt infessus facti cum scœnugręco, malua, & oleo, siue sit oleum rosatū, siue violatum, aut et oleū sinplex. Lac muliebre, cui admiscetur parum croci, accommodatum est remedium ad leniendum dolorem. Conuenit autem huiusmodi lac infusum in vterum, idem præstat oleum vitelli ouorum. Vitelli ipsi ouorum conueniunt cum succo polygoni, & plantaginis, præsertim cum fluor, & dolor vrgent. Monet Rhases, cauenda esse in canceri lenitione, omnia illa medicamenta, quę sunt acuta, quoniam vterus canceratus, neque clysteres, neque suppositoria, neque ulla alia medicamēta sustinere potest, quę aut nimis acuta, aut nimis calida existūt. Sunt præter hos tumores verrucę, thymi, condylomata, quę omnia ope chirurgica debent curari: & curantur, vt in alijs partibus, de quibus habetis Chirurgos amplissimē loquentes.

*De morbis in situ. Cap. XX I.*

**M**ORBOS eos, qui fiunt in magnitudine, sequuntur qui fiunt in situ, quando scilicet vterus a Medicis situm mutasse dicitur: non quod verē mutetur situs, sed quia constrictus, aut dilatatus locum mutare videtur. Hoc autem dictum est a me, propterea quod magnus Plato in Timęo fuit huius sententię, vterum perinde, atque animal quoddam mutare locum, & in corpore moueri de parte in partem. Quam sententiam satis copiosē refutauit Galenus 6. de locis affect. Sed antequam hanc rem fusius tractemus, debetis scire, vterum in animalibus diuersum situm a natura habuisse, vt Aristot. primo de Generatione animal. 13. & 1. de Histor. anim. c. vltimo, nos docuit. Nam animalia ouipara habent vterum prope Diaphragma in parte posteriore, prope lumbos collocatum. Animalia verō, quę pariunt viuā, vt est homo, habent vterū in alio positum

tum longè a Diaphragmate, ita vt dum supinum est corpus mulieris, sit supra intestina, & infra vesicam, quo pacto intelligenda est sententia Aristotelis alioqui obscura, quando scribit, vterum hominis esse super intestina, & infra vesicam. Fuit vterus in foemina positus longè a Diaphragmate, vt dicit Aristot. propter praefocationes: quia si proximus esset, ita vt contingere posset Diaphragma, saepissimè praefocarentur miserae mulieres. Positus est vterus in parte supra intestina, quia si positus esset in dorso, vt ouiparis, cum foetus deberet augeri, proculdubio impediretur foetus auctio. Sed duo hic pulcherrima problemata exsurgunt: vnum est, cur in foemineo sexu cuncta animalia habeant vterum intra corpus, multa vero animalia mascula habeant sua virilia extra corpus. Alterum problema est: Cur potius in ouiparis animalibus vterus positus sit in anteriori parte. Primo quaesito respondet Aristoteles 1. de generatione animalium duodecimo: quod foetus, atque embryo cum debeant augeri intra corpus humanum, vel beluinum, opus habet multo calore, & multa custodia. Hic calor vt custodiatur, natura nullum alium locum poterat machinari, quam intra corpus. Testes vero animalium, cum debeant fabricare semen, & custodire, propter salutem propria quadam ratione indigebant quodam coopertorio particulari, quod coopertorium in ijs animalibus, quae habent cutem mollem, vt homo, & animalia alia multa, melius erat, vt extra fieret, quam intra. Animalia vero, quae cutem duram habent, non poterant coopertorium habere hoc genitalem, & propterea factum est, vt in his animalibus intra corpus latitent testes, in homine, & alijs multis, extra corpus. Addo ego aliam rationem ab Aristotele non tactam, quod aues, & pisces necessario habuerunt testes intra corpus, eo quod salus horum animalium, posita est in natatu, & volatu. Si Avibus, & piscibus testes penderent extra corpus, vt in alijs multis animalibus, citra controuersiam impedirentur a natatu, & volatu. Hoc in loco volo vos docere rem quandam miram, quam scribunt illi, qui nouum orbem inuiserunt, scilicet quoddam animal reperiri, quod duos vteros habet, vnum internum, alterum externum. Interno vtitur ad generandam, & concipiendam prolem, vt alia animalia: Externo dicunt ipsi, tanquam bursa ad defendendos pullos ab alijs animalibus. Ad secundum quaesitum, Cur potius in anteriori parte quam posteriori sit constitutus. Respondendum id, quod respondet Aristot. 1. de Generatione animalium 12. scilicet ea animalia, quae habent vterum in dorso, habere etiam vterum valde tenuem, & subtilem, ita vt pressione sua non possit vlla viscera offendere. Praeterea animalia, quae habent vterum in anteriori parte, dicit Aristoteles, cum habeant meatum excrementorum

ficcorum

ficcorum in posteriori parte, nequaquam natura rectè fecisset, si vterum posuisset, vnde fœces essent excludendæ. Accedunt & aliæ rationes, quod quæ habent vterum in dorso, oua pariunt, oua incrementum magnum minimè suscipiunt, ita vt non impediatur auctio. Secus autem est in viuiparis, quorum m fœtus cum incrementum suscipiant in anteriore parte, duo habent bona: vnum vt augeri magnopere possint, alterum quòd facilius custodiantur, quæ sunt ante oculos, quam quæ sunt post oculos. Cum itaque sit huiusmodi vteri situs in fœmi na, mutare dicitur locum tripliciter: mutare inquam methaphoricè, non propriè: vno modo, quando sursum ascendit, & dicitur a Medicis ascensus vteri: alio modo, quando mutat locum ad latera, vocant hanc mutationem reclinationè, seu inclinationem vteri. Quando ad inferiores partes labitur, dicitur mutare locum tertio modo, & dicitur *προπτωσις* Græcis, Latini modò prolapsum vteri. modo procidentiam appellant. Omnes tamen mutationes a Barbaris Medicis sapissimè vocantur præcipationes, siue sint ad superiora, siue sint ad latera, siue ad inferiora. Ad superiora dicitur vterus ascendere ab Hippocr. 2. de morbis muliebribus, vel ad cor, vel ad caput, vel ad septum transversum, vel ad iecur: ad hæc enim omnia loca videbitis Hippoc. scribentem vterum mulieris sæpè ascendere. Ad latera autem dicitur vterus moueri, quando vel ad inguina, vel ad coxas, vel ad Ilia decumbit, modo in sinistram, modò in dextram partem, modò in posteriorem. Dicunt Medici descendere vterum, quando extra os vteri propendit, ita vt ouum Struthiocameli extra esse videatur: imò verò Hippoc. loco citato dixit. Vterum etiã descendere ad crura, vel ad pedes: non quod vterus verè adhæc loca moueatur, sed quia, vt videbitis, dilatatus aut constrictus, modo hanc modò partem illam magis lædere videtur. Est hic affectus morbus, & est morbus in situ, & quia morbi est proprium lædere actiones, proculdubio ab hoc morbo læduntur omnes vteri operationes, quæ, vt dicit Auerroes 3. Collec. cap. 29. quatuor sunt: Attractiua, repulsiua, retentiua, & digestiua. Appellat Auerroes digestiuiam, conseruatiuam, dicitque hanc facultatem esse propriam vtero, eo quod proprium vteri est conseruare embryonem. Nihil facit vterus, nisi vt conseruetur fœtus. Quo in loco, notate hunc etiã virum magnum negasse vtero vim vllam discretiuiam, quam posuit in alijs partibus, ductus hac sententia propria, quod vterus non nutriatur sanguine menstruo, sed puriore, ita vt non opus habeat discretionem vtilis ab inuiti, vt aliæ partes.

*Causæ.*

**C**AUSAS huius morbi loco citato reduxit Auerroes ad tria genera, scilicet ad casum, ad percussionem, & ad humiditatem lubricatiuam. Sed in his causis recensendis, fuit Auerroes valde diminutus, vt in multis alijs: & aduertite, qui vultis legere Auerroem in libro Collec. rarò percurrit omnes causas rerum, quia non erat perfectus Medicus. Causæ igitur mutationis situs in vtero aliæ sunt internæ, aliæ externæ: Causæ internæ omnes deducuntur ad duo genera summa, ad inanitionem, & repletionem, quæ videtur fuisse sententia Auicennæ 12. tertij tractat. 4. capite quarto. Nam si vteri vasa repleantur, duò contingere possunt, vt repleta hæc vasa inclinent ad latera, & ita faciant inclinationem, cum ducant secum quasi totum vterum: quod si hæc vasa coangustent os vteri, vt corpora omnia concaua dum coarctantur, longiora euadunt: ita quoque vterus dum eius os coarctatur ex plenitudine, videtur quodammodo in longum produci, quæ productio dicitur ascensus, quia elongatur fundus vteri versus partes superiores. Quidnam dicendum de inanitione? Inanitus vterus sanguine, veluti quiddam flaccidum solet prolabi, atque veluti in se ipsum extra concidere: quemadmodum etiam repletus ac veluti onerosus, & grauis factus deorsum ad os totum ruit. Vnde iurè Auicennas dicebat, apostemata omnia esse causas præcipationis ipsius vteri. Sic quoque, vbi præ humiditate vteri laxantur membranæ, quibus appensus est vterus, videtur modò in vnam partem, modò in alteram prolabi, nõ quod ligamenta disrumpantur, sed quia laxata permittunt, vt vterus situm proprium non seruet: & hæc affectio frequentissimè omnium contingit. Et propterea excusari potest Auerroes, qui inter causas internas retulit solam humiditatem lubricatiuam: Nam Moschio quoque autor grauissimus hanc præcipuam causam præcipationis dicit, scilicet humiditatem eas membranas relaxantem. Inter has causas potest recenseri temperatura humida, ætas inclinans, vt testatus est Paulus, & Aetius, qui in mulieribus perfectioribus ab humiditate excrementitia ligamenta vteri faciliter relaxari prodiderunt. Causas externas multas profert Hippocr. secundo de morbis muliebribus, & qui eum sequuntur. Nam si mulieres post partum onus aliquod graue tollant, si tumore graui opprimantur, si currant, aut magnis sternutationibus vexentur, in his scribit Hippocrates, Vterum faciliè dimoueri. Addunt alij abortus



abortus difficiles, & graues errata obstetricum in educendo foetu, vel in educendis secundinis, percussiones supra vterum factas, Consternationes animi ex malo nuntio allatas. Vnde discite custodire mulieres, ne mala nuntia ad ipsas deferantur, & praesertim ex insperato, quia magnopere offenduntur. Addit Auicennas his causis vociferationes magnas, magnos strepitus, vt sunt bombardarum. Hippocrates in huius libri de sterilibus, scripsit mulieres illas incurrere hoc malum, quae vel a puerperio laborarunt, vel in ipsa purgatione puerperij, sunt vsae venere. Summatim verum est id, quod scribit Hippocrates, Mulierem, quae alioqui debilis sit, facile incurrere praecipitationes vteri, ex qualibet occasione, ex frigore pedum, ex percussione, quia in muliere debili fieri non potest, vt vterus etiam non pessime se habeat.

*Signa.*

**S**IGNA, quibus cognoscitur hic affectus, secundum Hippocratem varia sunt: alia quae demonstrant ascensum, alia quae inclinationem, alia quae prolapsum. Rursus signorum quae demonstrant ascensum, alia demonstrant ascensum ad caput. Exempli gratia, vt dicit Hippoc. si uenae sub naso, & partes sub oculis dolore afficiantur, si mulier alto sopore detineatur, si spuma ori circumuoluatur. haec omnia sunt signa apud Hippocr. Vteri ad caput ascendentis. Vbi vero ad cor ascendit, dicit idem Hippocrates cognosci, quia aer violenter admodum attrahitur, fiunt vomitus, flatus exeunt & ab ore, & ab alijs partibus. Ascendentis vero vteri ad septum transuersum signa sunt vomitus feruidi, & acres, dolores, qui penetrant modo ad caput, modo ad collum, modo ad vtraque. Suffocantur mulieres, veluti suffocari videntur, qui veratrum biberunt. Stomachus vehementer vellicatur, recta ceruice necessario fit spiratio, interdum etiam fit vomitus acidus, os aqua impletur, & crura refrigerantur. Quod si ad iecur ascendat vterus, Mulier voce destituitur, dicit Hippocrates, dentes conseruntur, totum corpus liuescit. Hoc vero dicit Hip. contingere Virginibus vetulis, vel viduis, quae diu a coitu abstinuere, sed maxime omnium dicit accidere sterilibus, in quibus scilicet non expurgantur excrementa, neque per puerperium, neque per foetum, neque etiam per Vteri tumorem. Et aduertite, omnes ascensus Vteri, siue sint ad Caput, siue ad Cor, siue ad aliud, hoc perpetuum symptoma habere, vt praefocationes contingant, de quibus agemus in sequentibus. Signa inclinationis

vteri hæc vniuersalia ab Hippoc. 2. de morbis mulieb. traduntur, quod mulieres sub hoc tormento contrahuntur, gibbosæ fiunt steriles, menstrua non fluunt, aut si fluant, praua, aut pauca omnino sunt. Vbi ad sinistrum inclinat, in ea parte dolent lumbi, ilia, crus claudicat, & durities quædam apparet. Quod si versus dorsum magis inclinet, præter dicta accidentia, etiam facies retinetur: idem quoque existimandum est, si ad dextrum inclinet latus. Vbi verò ad coxam decumbit, præter dicta signa, coxa fit dura, solida, imus venter magnis cruciatibus torquetur. Si descendet uterus, hoc præcipuum signum habetur, quod vbi obstetrix locos muliebres tãgit, videtur ouum quoddam magnum tangere, vulua dolore torquetur, ardet, febrili quodam calore mordetur, & vrina guttatim stillat. Scribit Hippocr. hoc malum fieri, quando mulier ex partu recens laborauit, aut fatigata sit si vterum nimis imprudenter attrectarit, si coierit tempore puerperij. Ex quo Hippocr. oraculo discite, puerperas debere conseruari in summa pace, & quiete quia eo tempore errores commissi sunt irremediabiles. Si ad crura, & pedes prolabatur vterus, hæc signa sunt ex Hippocr. quod pedes secundum digitos conuelluntur, & præsertim in parte vnguibus proxima, dolent crura, & femora. Causarum externarum signa comparentur ex ægræ relatione.

### *Prognostica.*

**R**OGNOSTICA huius affectus sunt, quod omnis mutatio situs vteri grauissima est, non solum quia causa est aliorum grauium malorum, sed quia sæpe ad mortem perducit. Scribit enim Hippocr. 2. de morb. mulieb. non modò fieri steriles mulieres, vbi ad latera inclinat vterus, verum etiam sæpè interire, & paucas hoc malum effugere. Habet tamen hoc vteri procidentia, vt in florenti ætate, si ab initio adhibetur curatio, euadant, in prouectiori dicit Aetius, & rectè, non euadunt, quia tamen si restituantur vteri, recurrunt tamen iterum. Scribit Hippocr. 5. Aphorism. 4. quod si, quæ parte vterus ad coxam inclinauerit, & suppurauerit, necesse est mulierem emotam fieri, id quod etiam confirmat 2. de morb. mulieb. vbi addit eas perire, nisi quid secetur, aut vratur. Galenus in explanatione eius Aphorismi declarans quid sit apud Hippocratem emotam fieri, scribit nihil aliud esse, quàm medicatione per linimenta indigere, ita vt hæc sit sententia Hippocratis, vbi vterus ad coxam prolapsus suppuratus fuerit, necesse est curationem fieri per linimenta. Sed (pace Galeni dixerim) non est sententia digna Hippocrate.

pocrate. Quis enim ignorat, vbi suppurantur partes in corpore, quin necessarium sit linimēta adhibere, nullus est Chirurgus adeo bardus, qui id ignoret. Quæ igitur erit sententia Hippocrate digna? Sum ego huius sententiæ cum aliquibus scriptoribus modernis, qui detexerunt hunc errorem Galeni, quod emotam fieri, nihil aliud sit, quam si suppuret vterus ad coxam prolapsus, quod vlcera fiunt caua, & fistulosa, nam hæc vox emota apud Hippocratem significat rem, quæ opus habet longo penicillo, id est, vlcus cauum fieri, & fistulosum.

### *Curatio.*



**C**URATIO huius affectus posita est in hoc, vt situs vteri restituatur, & quia malus hic situs augetur, & conseruatur a mala viuendi ratione, ante cætera curandum est, vt omnes causæ externæ fouentes hunc morbum, corrigantur. Propterea primo erit danda opera, vt aer habeatur frigidus & siccus, vt ægra in summa detineatur quicte, fugiantur timores, terrores, mali nuntij, strepitus, & clamores, vociferationes, tussēs, sternutationes, abstinendū est à coitu. Quod tamen debetis intelligere de omnibus alijs, præterquam de prolapsu vteri. Nam Aristoteles 7. Histor. animal. 2. scribit, interdum mulieribus propter desiderium coitus vterum descendere, quando scilicet, vel virgines lōgo tempore fuerunt, aut saltem abstinerūt a coitu. Et cum Aristoteles dicat has mulieres curari, vbi concipiunt, argumentum est in hoc casu coitum potius prodesse, quàm nocere. Frictiones conueniunt, præsertim partium aduersarum. Exempli gratia, in prolapsu frictiones superiorum: in ascensu inferiorum: in inclinatione partium aduersarum. Alius habenda est lubrica, edendum, & bibendum moderatè: pro potu vinum mediocriter odoratum, tenue, conuenit. Aqua sola inimica est huic affectui, præsertim frigida: inò aduertite, semper edulia, & potus frigidus summopere aduersari huic affectui. Cibi humidi, frigidi, & flatulenti vitandi, vtendum ijs, qui optimi sunt succi, qui facili concoquantur, quique extenuandi aliquam vim habent. Post victum institutum debet Medicus tres scopos ante oculos habere: vnum, vt causa immediata, & interna amputetur: alterum, vt vterus in sedē pristinam reponatur: tertium, vt repositus conseruetur. Ad causam remouendum, si sit repletio, vt plerumque est, euacuatio omnino necessaria est, & quia necessario fit per pharmaca, & sanguinis missionem, si aderit aliqua plenitudo, vel vniuersalis, vel saltem particularis vteri, necessum est venam pertundere, In ascensu venam saphenæ,

saphenæ, in descensu venam brachij : in inclinatione semper per-  
tundetur vena cruris aduerti. Quod si non concedatur venam se-  
care, cucurbitulæ vsu veniunt scarificatæ, vel non scarificatæ, mo-  
dò semper habeatur ratio contrarietatis partis affectæ. Post sangui-  
nem euacuatum sunt præparandi humores : in præparatione hu-  
morum qui faciunt hos morbos, conueniunt saluia, iua, melissa,  
arthemisia, maiorana, radix asari, radix enulæ, syrup. de arthemi-  
sia, de quinque radicibus, de capillo veneris, de eupatorio. Ex his  
potestis parare syropos, & cum ijs præparare humores, qui vbi  
erunt præparati, statim erunt euacuandi. Conueniunt pro eu-  
acuatione pillulæ de colocinth. de agarico, trochisci de myrrha : vt  
est forma hæc pilularum. R. pillul. de agarico scrup. ij. pillul. colo-  
cynth. scrup. j. trochisci de myrrha drach. s. misce cum syrup. de ar-  
them. fiant pilulæ. Propono vobis potius pilulas, quàm medicamen-  
ta potulenta, quia in his casibus medicamenta debent esse ea, quæ  
multitudine, & copia (vt ita dicam) non grauent ventriculum, quia  
facile in his malis ventriculus labefactatur cum vtero. Debent ta-  
men medicamenta esse efficacia, vt sunt pilulæ. Sed dicetis, debe-  
musne in vteri prolapsu adhibere medicamenta aluum soluentia?  
Nam Hippocr. 2. de morbis muliebribus prohibet, vt alius hoc  
loco moueatur. Dico, in prolapsu vteri duplex a Medico potest  
haberi scopus, vel euacuandi humores multos, vel restituendi v-  
terum in primum situm. Si necessarium sit euacuare humores  
vteri, proculdubio necessaria est hæc euacuatio per medicamen-  
ta: sin autem non sit Medico animus euacuare, sed solum restituere,  
in hoc casu non conueniunt aluum mouentia. Et ita intelli-  
gendus est Hippocrates, eò magis, quòd cum ipse laudet vo-  
mitum parato decocto ex melle, & aceto, clarissimè colligitur  
eius mentis fuisse per vomitum reuocare, & restituere vterum.  
Postquam purgati fuerint humores, surgit secundus scopus resti-  
tuendi, ad quod agendum mulier locanda est supina, ita vt pe-  
des elatiores contineat, quo facto, habendum est vinum auste-  
rum, aut aqua, in quibus ebullierint myrthus, acacia, sanguis dra-  
conis, plantago : in hac aqua, vel hoc vino immergenda est lana,  
deinde ea apponenda est locis muliebribus, & arctè colliganda.  
Nam ratione horum medicamentorum repellitur vterus ad locū  
propriū. Interim adhibendæ sunt res odoratissimæ naribus, vt  
Moscus, Ambra. Super vmbilicum adhibenda cucurbitula, quia  
sicuti medicamenta illa attrahunt, sic cucurbitula attrahit. Sunt  
multa alia medicamenta, quæ a proprietate dicuntur restituere  
vterum, vt est lana arietis nigri suffumigata. Nicolaus Florenti-  
nus narrat se pluribus experimentis probasse, ouum antiquum in  
nido

nido conseruatum, si conquassetur, & supra paruum linteum appo-  
natur vtero, miro quodam modo eum restituere. Actius libro deci-  
mosexto cap. 76. commendat in hoc casu corium torpedinis detra-  
ctum atque appositum: similiter & aculeum pastinacie marine. Vbi  
reducta est matrix, surgit tertius scopus scilicet conseruandi resti-  
tutam matricem, id quod fit perpetuis frictionibus partium supe-  
riorum: cucurbitulæ mammis, vel sub mammis appositis. Inseffio-  
nibus, quæ fiunt ex aqua, vbi bullierint plantago, cortices nu-  
cum viridium, baccæ myrthi, cortices granatorum, & cydo-  
niorum. Præter inseffus fiunt etiam emplastra, & cerata, quæ &  
pectini, & lumbis apposita retinent vterum in suo situ, vt est  
istud ceratum.

℞. thuris, mastice, galbani, styracis, Picis siccæ an. vnc. j. Nucū  
Cupressi vnc. s. Sanguinis Draconis drach. vj. Olei Mastice myrri-  
ni an. q. s. Cere q. s. misce: secundum artem fiat Ceratum. Sed  
dicetis, si non possit vterus vlla arte reduci, quid agendum est?  
Respondeo, vterus, qui reduci non potest, necessarium est, vt vel  
durescat, vel putrescat. Nam corpora extra propriam sedem sepe  
adeo durescunt, vt etiam sine corruptione permaneant. Si igitur  
durescat vterus, mandat Hippocr. vt nihil aliud agatur, quam vt  
conseruetur locus ille calidus: quia vbi conseruatur calidus, nō  
est periculum, vt præ frigore emoriatur penitus. Sin vero putre-  
scat, excindendus est vterus, auferendus è corpore mulieris, ne-  
que deterreamini, vbi necessitas vrget ab hoc opere, nam vt mo-  
net Paulus lib. 3. cap. 72. Actius lib. 16. cap. 76. relatum est, mulie-  
res exciso vtero sanas superuixisse: id quod etiam auorum no-  
strorum temporibus se vidisse testatus est Nicolaus Florentinus.  
Atque hæc quæ hætenus diximus, ferè pertinent ad descensum  
vteri. Vbi verò non descendit, sed inclinatus sit in partem,  
quid agendum? Primo, si opus erit, secunda vena, præparan-  
di humores, & purgandi: quibus peractis, diligenter aduertend-  
um, in quam partem procumbat vterus: quod si ad sinistram  
partem, dextræ sunt adhibendæ frequentes cucurbitulæ, frictio-  
nes, ligaturæ, & super eandem partem perpetuo decumbendum  
est. Neque hoc solum sufficit, sed præcipiendum est, vt obst-  
rix inungat digitum aliquo oleo, vt oleo amygd. dulc. oleo com-  
muni dulci: deinde digitum inunctum immittat in os vteri, at-  
que paulatim conetur in aduersam partem trahere. Ita nam-  
que fit, vt continua hac contrectatione, atque alijs præsidijs re-  
stituatur in proprium situm. Atque id quod dico de una par-  
te, dictum putate de alia. Hippoc. laudat lac bubulum exhibitum  
per quadraginta dies: laudat brassicam, laudat etiam coitum. Vbi  
vterus,

uterus, non ad latera, sed sursum ascendit, potissima curatio est, ut odorata utero subijciantur, ligentur partes inferiores, scarificentur crura. naribus verò supponantur foetida. Sed quia curatio hæc eadem ferè est, quæ præfocationis vteri, idcirco quæcunque dixerò pertinentia ad præfocationem vteri, eadem accommodari poterunt curando ascensui vteri. Sed de præfocationibus vteri in sequentibus agam, quam tractationem ita afferam, ut pro postremis lectionibus mesati satisfacturum pollicear.

*De vteri præfocatione. Cap. XXXII.*

**V**LTIMUM locum tractationis muliebrium morborum seruauimus affectui, qui maximè omnium solet mulieres turbare. Dicitur hic affectus a Græcis *πνιξ ὑστερικη*: a nonnullis, ut scribit Gal. 6. locor. affec. 5. vocatus est *ἀπτης*, seu *ἀπτοια*, de quo integrū librū Heraclidem Ponticum composuisse ibidem memoriæ mandauit Galenus, Latini appellant hanc affectionem, vteri præfocationē, non quòd uterus stranguletur, sed quia in causa est, ut mulieres strangulari videantur: propterea Plinius vocat hunc affectum suffocationem mulierum. Sunt etiam inter scriptores Latinos, qui vocant mulieres ita affectas, hystericas, ut Martialis lib. 11. quo in loco olim malè Histericam, loco hystericam legebatur. Celsus lib. 4. cap. 20. cum videret Latinam linguam desiderare vocabulum huius morbi, potius ipsum circumscribere, quàm nominare voluit. Definitor hic affectus a Paulo lib. 3. cap. 7. recursus vteri ad superiora. Verum hæc Pauli definitio propter tres rationes mihi explorenda v̄. Vna est, quia ut suo loco intellexistis, non est verū, uterū ascendere ad partes superiores. Secūda, quia licet cōcedamus Paulo vterum recurrere ad superiora, nihilominus iste recursus non est affectus vteri, sed est causa affectus. Tertia ratio, quia ut nos docuit Galenus 6. loco affect. etiam fit præfocatio sine vteri recurso, ut nō videatur Pauli definitio conuenire cum definito. Moschionis autor Græcus, & antiquus alio modo definit. scilicet præfocationem esse respirationis impedimentum cum omnimoda quiete. Sed nec hæc definitio mihi probatur, eò quia etiam Apoplexia impedit respirationem, & ægrotantes videntur in summa quiete sæpe ita, ut nunquam similes mortuis sint, quòd fit, ut hæc Moschionis definitio non conueniat. Quapropter puto ego ita melius definiri hunc affectum, ut nihil aliud sit, quam magna respirationis offensio cum corporis refrigeratione ex vteri vitio. Dicitur magna anhelitus offensio, quia tametsi magnopere offendatur, nunquam tamen priorsus aufertur



aufertur respiratio. Etenim dicit Aristotel. tamdiu viuere animalia, quousque spirant, & hæc sententia confirmata ab omnibus est. Dicitur cum corporis refrigeratione, eo quod calor naturalius sub hac passione quasi stranguletur, quo calore hebetato, & diminuto, respiratio necessariò diminuitur. Et propter hoc Soranus apud Aetium appellat hanc affectionem statuofam refrigerationem. Quod autem hoc ita eueniat, habetis locupletissimum testem Auerroem, qui 3. Collect. capit. 29. scribit, hoc in affectu non solum vteri functiones lædi, verum etiam omnes corporis actiones non alia ratione, quam quod a vaporibus prauis nativus calor valde hebetatur, ut proinde corpus mulierum necessariò refrigeretur. Additum est a me postremo, vitio vteri, quoniam ut testatur Aretæus 2. acut. 11. & ut audietis suo loco, sunt alij morbi, qui in mulieribus, & viris efficiunt hæc eadem symptomata, ut in Catoche. verum non fiunt ratione vteri, & propterea distinguuntur iurè a præfocatione. Cæterum quis sit affectus præter naturam hæc præfocatio, non admodum certum est. Sunt qui existiment hunc morbum conuulsionem esse, quorum sententiam sequi non possum, quoniam multas videbitis præfocatas, quæ immobiles manent: in conuulsione corporis aliquæ partes semper conuelluntur, atque contrahuntur. Dico igitur hunc affectum nihil aliud esse nisi symptoma in genere actionum læsarum, actionum dico omnium. Audiuiſtis me ex Auerroee dicentem, in hoc morbo lædi omnes mulieris actiones. Locutus affectus nullus alius est, quam vterus, qui ut dicit Galenus cum magnam habeat communicationem cum corde, cerebro, & alijs partibus siue visceribus, ipso vehementer patiente, patiuntur & hæc viscera, cumque patiantur, faciliè fit ut earum actiones lædantur. Morbi à quibus huiusmodi symptoma oritur, sunt mala intemperies cum materia, præsertim intemperies frigida, & sicca, & frigida & humida. Est interdum morbus in situ, non propriè, sed metaphoricè. Theodorus Priscianus Methodicæ sectæ amator reduxit hoc symptoma ad laxum, & strictum morbum.

*Causa.*



SYMPTOMATIS huius causæ, aliæ sunt internæ, aliæ externæ. Causæ internæ immediatæ sunt humiditates præter naturales, & corruptæ, quæ vel replendo vasa, vel vapores prauos ex sese mittendo in cor, & in alias partes, tandem faciunt huiusmodi

iusmodi accidentia. Sed antequam vterius progrediamur, duo sunt vobis magnopere consideranda: vnum est, quomodo hæc accidentia fiant ab humiditatibus, & quæ sint illæ humiditates. Alterum, vt sicut fit præfocatio a repletionem, ita etiam fieri possit ab inanitione. Quod ad primum attinet, fuerunt aliqui, vt habetur in lib. sub Galeni nomine de Vtilitate respirationis edito, qui dixerunt, vterum repletum prauis humoribus, sursum ascendere, & ascendentem cor comprimere: corde autem compresso, hæc symptomata sequi. Sed hæc sententia falsissima est pluribus rationibus: Primo, cum vterus multis membranis corpori sit alligatus, si sua sede moueatur, ita vt necessariò ascendat, illa ligamenta, vel membranæ frangentur, vel saltem magnoperè extendentur: neutrum fieri potest sine summo cruciatu, vnde mulieres immensos dolores sustinerent; cum tamen aut nullos, aut obscuros dolores sustineant. Præterea si vterus ascenderet ad cor, ita vt comprimeretur, necessariò deberet transire situm ventriculi, iecoris, atque tangere Diaphragma, & ita tangendo cor comprimere. Sed quomodo hæc fieri possint, non est facile intelligere, nisi dicamus, esse animal, vt dicebat Plato, quod per corpus huc, atque illuc vagetur. Ergo dicendum est id, quod significauit Galenus 6. locor. affect. 5. qui scribit, vasa repleta efficere vt vterus dilateretur, atque elongetur, sine tamen insigni ligamentorum detrimento. Dilatatus vterus, & elongatus, communicat propter humorum qualitates prauas ipsi cordi, iecori, & alijs visceribus, vt videmus morsum phalangij, scorpionis, torpedinis communicare ab vna corporis parte cordi, atque toti corpori. Neque solum potest vterus hæc efficere per qualitatis prauæ communicationem, imò multo magis per humores putridos, & venenosos, ita vt ab ipsis emanantes vapores inficiant viscera, & ita coinquent, vt postmodum hæc sequantur. Cæterum humores, qui faciunt hæc mala, vt testatus est Galenus, potissimum sunt duo, sanguis menstruus, & semen retentum, qui humores si diu, & præter morem in corpore retineantur, proculdubio ita insignem contrahunt putredinem, vt veneni verè naturam emulcentur. Præter hos duos humores, sunt & alij, qui vt Galenus, & Auerroes attestantur, in corpore nostro ita possunt corrumpi, vt lethales euadant. Vnde magis existimandum, hos fieri in vtero, qui cum sit receptaculum, & cloaca quædam prauorum humorum, possunt in ipso facile quilibet humores diu retenti adeò corrumpi, & venenati effici, vt nihil differant a veneno, sicut enim falsum est semen simpliciter retentum euadere venenum, ita congruum est, si retentum valde putrescat, venenatam quandam qualita-

tem comparare. Hæ tres humiditates habent hanc communem conditionem, vt euadant aduersissimæ calori natiuo, qui quando diminuitur valde, & hebetatur, necessario corpus ipsum refrigerascit. Circa secundum, est sententia Hippocratis, vel alterius autoris in libr. de Morbis Muliebribus, præfocationes ex siccitate, seu inanitione etiam fieri, eò quod vasa vteri inanita stimulant matricem, quæ exsiccata sursum ascendit, vt humiditatem depascatur: sursum ascendens, dicit ille autor, præfocationem facit. Huic sententiæ adstipulari videtur Aristot. 1. de generatione animalium 11. vbi scribit, vteros euacuatos sursum ascendere, atque præfocationes efficere: fauet etiam huic sententiæ ratio, quia præfocatio vteri est veluti conuulsio quedam, si non perpetuò, interdum saltem. Conuulsio, vt inquit Hippocrates fit, tum a plenitudine, tum ab inanitione. Ex aduerso videtur esse Galeni sententia 2. locor. affect. qui scribit, nequaquam propter siccitatem ascendere vterum, & præfocationem facere: neque valet, quod frigidum in vtero siccitatem quandam causet, propter quam deinceps fiat hoc malum, quia frigidum facit præfocationes, non quia exsiccet, sed quia frigidum est inimicum neruis, nerui verò cum patiantur, comparitur cerebrum, & vniuersum corpus. Quid igitur dicendum? Dico, præfocationem sicut fit a repletionem, pariter fieri interdum a siccitate, non quod vterus exsiccatus sursum ascendat, quia potius deberet descendere, quia omnia neruosa exsiccata in angustius contrahuntur, sed fit a siccitate præfocatio propter aliã rationem, vt intelligetis. Et hoc modo intelligenda est autoritas Galeni, quando videtur negare præfocationem a siccitate. Fit autem præfocatio a siccitate, propter hanc rationem, quia vterus, vt scribit Alexander 2. Prob. 65. factus est maximè neruosus, vt maximam perciperet voluptatem ex seminis attractione. Cùm igitur sit maximè neruosus vterus, scimus omnes nervos oriri a cerebro, propterea exsiccato vtero, necessario comparitur cerebrum, tanquam origo neruorum. Et quod sit hoc verum, inde patet, quia mulieres in hac passione mente capiuntur. Cerebro maximè patiente, Cor in consensum trahitur, ita ut propter hanc rationem siccitas vteri, & inanitio faciant præfocationem. Inter has causas adnumerantur etiam complexio calida, humida, de qua loquens Plato, dicebat, eam assimilari arboribus nimis fœcundis, quòd scilicet in hac complexione plus seminis congregetur, congregatum semen putrescit, & hoc malum facit. Est etiam inter causas internas complexio frigida, & humida, ætas iuuenilis, de qua sermo-

nem faciens Aretæus loco citato : ait : sicut iuuenilis mens vaga, & erronea, sic etiam matrix errabunda, & instabilis est, quasi voluerit dicere hic autor, iuencularum animum in vtero esse, quod falsissimum est. Aristotel. 7. Histor. animal. capit. 2. scribit, mulieres dum menstrua apparere incipiunt, præfocari sæpè consueuisse. Quæ sententia confirmat id, quod dixi, etatem iuuenilem inter causas internas esse. Externæ causæ sunt præfocationis abstinentia coitus, propter quam viduæ, & moniales sæpè vexantur hoc morbo. Sunt enim inter has causas, omnia illa, quæ supprimunt menses, quæve nimias profusiones faciunt, Vigiliæ, Balnea, Luxus, Otium, nimia exercitatio, Cibi crassi, & melancholici : addit Moschio frequentes abortus, & crudos partus. Notare debetis illo in loco id, quod scriptum est à Rhase, mulieres dum vtero gerunt, aut dum pariunt, rarò præfocationes pati alias, quàm quæ fiunt a vaporibus prauis, ascendentibus. Sed hoc in loco pulcherrima est consideratio, quomodo inter causas externas recensentur ab omnibus odores boni naribus adhibiti, res a paucissimis considerata. Fuerunt autem qui dixerunt proprietate quadam vterum delectari bonis odoribus, & propterea cum naribus apponantur, tractum vterum iucunditate odorum, sursum ascendere, & suffocationem facere. Sed hæc opinio est explodenda, quia odor est obiectum odoratus, vterus autem non habet odoratum, non igitur delectatur odoribus : præterea, iam probauimus, non ascendere vterum, sed contrahi, & dilatari. Alexand. 1. Problem. 64. refellens eos, qui vterum animal putabant esse, dixit odoramenta si supponantur vtero, prodesse, quia facultate sua exsiccatoria humores consumunt : foetida verò si supponantur naribus obstruere, atque ita efficere, ne suffocationes fiant. Hic Alexandri discursus errores duos habet : primus est, quia Alexander solum rationem adfert cur supposita odoramenta præfocationem inducant : non autem explicat rationem, cur supposita naribus præfocationem inducant. Alter error est, quia si foetida prodesse subiecta naribus, quia obstruunt, sequeretur potius foetida ante præfocationem iuuare, quàm in ipsa præfocatione. Sed experientia contrarium ostendit, quia dum mulieres sunt occupatæ præfocatione, nullo auxilio felicius restituantur, quàm foetidis. Vt huius rei veritatem possideatis, duo debetis notare : vnum est, non omnes mulieres propter odoramenta incurrere præfocationes, sed solum illas, quibus alioqui malè affectus est vterus. Alterum notandum, huiusmodi mulieres non solum propter odores incurrere hæc symptomata, sed etiam alijs de causis etiam leuib, propter malam vteri dis-

positionem. His itaque sic constitutis, dico odores sua natura percellere caput: dicebat Hippocr. 4. Aphorism. aromata omnia maximè petere Caput, ubi ab odoribus affectum est cerebrum, statim coafficitur vterus, quia ut intellexistis, & ut dicit Galenus, maxima est communicatio inter cerebrum, & vterum. Vterus cum sit affectus malè propter compassionem cerebri, perturbatur, eo perturbato humores prauī, qui sunt in vtero agitantur, quibus agitatī, eleuantur prauī vapores ad cor, & suffocationem faciunt. Atq; hæc est ratio, cur vapores inducāt præfocationem, non quod matrix delectetur odoribus, ut vulgus credit. Sed dicet aliquis vestrum, cur non prauī vapores id faciunt etiam, cum & ipsi petant Cerebrum? Respondeo, quod, ut scribit Aristotel. 13. Problem. 4. prauī odores fundati sunt in vaporibus crudis, & crassis: crudi & crassi vapores non ita cerebrum afficiunt, ut acuti & cocti, sed propter crassitudinem potius obstruunt, & cum obstruant, nequaquam possunt acrimonia vlla cerebrum afficere & percutere. Sed cur igitur excitantur mulieres prauis odoribus, si prauī odores non offendunt cerebrum. Dico, excitari duabus rationibus: primò, quia prauī odores maximè sensus ipsos tentant, & præsertim odoratum: alia ratio est, quia prauī odores sunt maximè naturæ nostræ inimici, & ratione huius contrarietatis natura in mulieribus quanquam sopita, excitatur tamen. Et hæc est causa, cur Epileptici propter prauos odores incurrant symptomata, quia natura eorum alioqui infirma, offensa foetoribus agitat cerebrum, quo agitato humores præcipitantur in illius ventriculos, & oritur symptoma. Dixi prauos odores esse naturæ nostræ aduersissimos, quia naturæ simpliciter non sunt inimici, & probatur, quia bruta non offenduntur prauis odoribus: imò sunt multa animalia, quæ illis delectantur, ut sues & canes. Concludens igitur dico odores bonos facere præfocationes, quia percutiunt cerebrum, ipso percusso vterus coafficitur: ipso affecto humores prauī in eo existentes agitantur, & sublati vapores inducunt præfocationem. Inter causas externas præfocationis numeratur etiam tempus anni, quia ut scribunt Paulus, & Auicennas, videntur præfocationes quasdam periodos habere, & hyeme, & autumno potissimum fieri, atque tum in virginibus potissimum, & sterilibus. Sed dicetis hoc esse contra Hippoc. quia 1. de morb. mulieb. scribit, mulieres seniores magis tentari, quam alias præfocatione, propter leuitatem vteri. Dico hunc librum non esse Hippoc. & hanc sententiam esse falsam, ut multæ falsæ sunt alię eo in libro.

*Signa.*

Ignorū huius affectus tres sunt classes, alia enim sunt distinctiua, alia significatiua, alia prognostica. distinctiua sunt ea, quæ distinguunt præfocationem ab alijs similibus morbis, vt ab apoplexia, epilepsia, lethargo, lumbricis. syncope: hi namq; affectus sunt valde similes præfocationibus. Horū signorum duo sunt genera, aliud cōe. aliud particulare. Communia signa distinctiua sunt duo: vnum est, qd vt cōa Cleopatra & Moschione, præfocationes vteri semp sunt cū præcedētib; querelis vteri, alię affectiones non habēt huiusmodi vteri querelas. Secū dū signū est primò traditū ab Aetio, qd dicit præfocationes in hoc distingui ab alijs, quia præfocatę restituntur odoratis suppositis vtero: quę patiuntur alios morbos, nō restituntur odoratis. Signa distinctiua particularia sunt plurima, nā quę patiuntur epilepsiam, cognoscuntur, quia post conuulsionē cadunt in terrā, spumas plurimas emittūt, pulsum habent maiorem quā antea. Hystericę autē nullas, aut paucas spumas emittunt, pulsum vel nullum, vel exiguū habent, & quę habent, densior est valde. Addit Auicenna, & aliud, quod epilepticę semper amittunt memoriā, & valde diminuūt secundū rationē: præfocatę nō semp errant mente, imò vero interdum postquam restitutę sunt, referunt quę passę sunt: itaq; apparent nō amisisse memoriā. Imo scribit Arist. lib. de somno, & vigilia, atq; etiā usu probatur, præfocatas varijs phantasmatibus agitari, quę nō esse insomnia conuincit, sicuti etiā alijs animo deficientibus sæpe contingere solet. Rursum distinguūtur ab apoplecticis. qm̄ apoplecticę pulsum habent magnum, spirant, sed videntur sensum, & motum plane amisisse: Hystericę non videntur spirare, pulsum non habent, accedit quod in apoplexia mulieres habent faciē rubentē, venas tumidas, & qm̄ euadunt, paralyticę fiunt: Hystericę neq; rubent circa faciē, neq; fiunt paralyticę. Distinguūtur a lethargicis, quia in lethargo, & catoche febris adest, pulsus magnus, & vndosus est, in præfocatione non adest febris, non adest pulsus: nedū vndosus. Quę lūbricis infestantur, sentiunt punctiones in intestinis, pulsus habent quales sunt lumbrici laborantium: in Hystericis, nihil horū adest. Distinguuntur a syncope, quia citissimē finit syncope, præfocatio durat duabus, aut tribus horis, interdū tribus diebus, vt Raby Moyses lib. 2. directorij c. 41. scribit. Ideò lege cautum fuit, vt mulieres quę patiuntur præfocationes, non sepeliātur nisi post triduum, quia repertę sunt mulieres, quę in sepulchris surrexerunt, cū præfocatę, & non mortuę fuerint sepultę. Distinguuntur a mortuis, eo signo, qd tradit Gal. 5. loc. affec. 5. quia si lana carminata apponatur ori, viuēte muliere lana illa mouetur: si mortua



tuasit, lana est immobilis. Itidem dico de vase aqua pleno, & si vas imponatur ori ventriculi, vbi viuit, aqua effluit, vbi mortua est, aqua immobilis est. Potiora signa nō habuerūt Medici, vt distinguerent præfocatas a mortuis, quia sæpè similes sunt mortuis: & sæpè, vt dicit Aretæus, perierunt post hac passionem. Signa significatiua, alia significant futurā præfocationē, alia præsentem. Signa futuræ præfocationis hæc adducuntur a Serapione, & ab omnibus Arabibus, quāquā proximus est paroxysmus, incipit anhelitus esse difficilis, pulsus cordis minuitur, pallor faciei insurgit, oculi humectant, mēs cōfunditur & memoria, torpescunt crura, pigre fiunt admodū. Igitur vbi mulier cōsuea fuerit pati præfocationem, & hæc signa vi debitis, portendetis citò futuram præfocationem. Signa quæ significant præfocationem præsentem, alia significant esse in statu, alia verò in declinatione. Signa fientis præfocationis sunt amissio sensus, & motus, amissio anhelitus, contractio crurum, pulsus aut nullus est, aut vix percipitur, corpus frigesceat, & tandem in omnibus mulier mortuæ similis est, præterquam in colore vultus, qui sæpè rubens est. Sed dubitabit ingeniosus, quō dixerim præfocatas esse sine pulsu, & respiratione: Scriptū. n. est ab Aristotele. & ab omnibus confirmatū, non posse animal viuere sine pulsu: & tamdiu viuere, quamdiu pulsus, & anhelitus adest, quomodo igitur pōt viuere sine pulsu, & respiratione? Dico verum esse animal non posse viuere sine pulsu, neque præfocata viuunt sine pulsu, sed pulsus, & respiratio sunt ita parui, vt non deprehendātur, cuius causa est frigiditas cordis. Audiuiſtis enim, his mulieribus cor valde refrigerari propter contrariā vim vaporum, vnde dicit Arist. 1. Hist. animal. 1. posse etiam animal viuere sine respiratione. vt sunt pisces, & insecta, quæ cū sint frigida, non opus habent respiratione. Signa declinationis præfocationis sunt, quod murmur percipitur in vtero, & in testinis: humiditas ex vtero emanat, mens redit: Auicenna dicit pituitosum fieri vomitum. Quæ significant causas sunt, quod si præfocatio contingat ob retenta menstrua, signū est istud potissimū, quia plures dies præcesserūt retentiones mēstruorū. & si fuerint menses biliosi, accidentia semper sunt leuiora: si melancholici, cognoscuntur propter complexionem, cognoscuntur etiam, quia magis delirant, timent, moerent etiam post restitutionem. Si fuerint pituitosi, omnia erunt quietiora. Si a spermate retento sunt præfocationes, cognoscuntur ex diuturna coitus abſtinentia, vbi præferim complexio calida, & humida sit, & vbi mulier fuerit assuea veneri, vt sunt viduę luxuriosæ, de quibus habetis apud Galenum historiam 1. de semine 6. item de locis affect. 5. Addunt quidam in menstrualī præfocatione sensum amitti: in spermatica, sensum, & mo-

& motum. Quod quidem nulla alia ratione potest fieri, quam quia grauior est præfocatio ex semine, quam ex menstruis.

*Prognostica.*



**R**OGNOSTICA sunt, quod vterina præfocatio quæcunque sit, mala sit, tùm propter accidentium seuitiam, tùm quia mulierem interdum perducit ad mortem. Est tamen differentia quædam: nam vt scribit Galenus, ea quæ fit ex retento semine, multo grauior est, quam quæ fit ex retentis menstruis. Circa quod notare duo debetis: vnum, non esse semper verum præfocationem ex semine esse deteriore, ea, quæ fit ex mensibus, quia si menstrua retenta sint melancholica, interdum grauissima inducunt symptomata. Ad hæc, semen multo benignius est sanguine menstruo, & probauit hoc Raby Moyses, quia semen intus acceptum non offendit, sanguis verò menstruus incredibilia mala facit. Dico veram esse Galeni sententiam, propter tres causas: vna quia semen est magis perfectum, quam sanguis menstruus, quæ sunt perfectiora, vbi corrumpuntur semper deteriora euadunt, & hoc est, quod tradit Auicenna, & experientia comprobatur. Si panis corrumpatur in ventriculo, & carnes optimæ, deteriores fiunt corruptiones, quam si pisces, aut herbe corrumpantur, & ratio est, quia quæ sunt perfectæ concoctionis, vbi corrumpuntur, fiunt deteriora, & hinc fit, vt fæces brutorum minus fæteant, quam hominis, & diuites magis pestiferis morbis capiantur, quam pauperes, quia vbi perfectiores cibi corrumpuntur, fiunt multò deteriores. Altera causa est, quia semen fit ex sanguine menstruo: sanguis menstruus alioqui prauus est, ita vt semen ex ipso prauum fiat, & propterea præfocationes ex hoc semine, sunt valde prauæ, nam in viduis, licet sperma retentum noceat, magis nocet, quam in viro quia in viro fit ex perfecto sanguine, in muliere verò ex sanguine menstruo. Tertia causa est quædam proprietas, propter quam semen valde inimicum euadit mulieri, nam quod habeat hanc proprietatem dum corruptum est, hinc licet colligere, quia vbi semine integrum est, non habet hanc proprietatem, vt vitam inferat, cum vero corrumpitur, vertitur in contrariam naturam: igitur si integrum uitam dabat, corruptum mortem inferet: & hæc est proprietas, ob quam semen corruptum in mulieribus fit deterius. Scribit Hipp. 5. Aphor. 35. quod mulieri præfocata, si sternuatio superueniat bonum esse. Bonum dicit Galenus dupliciter, quia naturam excitat: secundò quod sternuatio, dicebat Aristot. est signum sanctum, & sacrum, quia significat cerebrum vbi est sedes animæ, robustum & validum.

*Curatio.*

Vratio præfocationis vteri duplex est: vna in paroxifmo, altera in paroxifmi remissione. Curatio in paroxifmo est, quæ vt mulieres maximè fatigat, & Medicos, ita etiam magis gloriosos ipfos reddit. Scopus in accessione nullus alius esse debet Medico, nisi vt naturam soporatâ, & dormiētem excitet, quoniam excitata natura, calor naturalis simul excitatur, calore excitato facilè vapores, & morbigicæ causæ euincuntur. Quæ excitant naturam sunt trium generum, quia alia excitant per sensum tactus, alia per sensum auditus, alia per sensum odoratus. Quæ per sensum tactus, sunt ligaturæ, frictiones, Cucurbitulæ infernarū partium, clysteres, & glandes, & demū omnia, quæ vtero supponuntur. Ligaturæ & frictiones in his conueniunt casibus tum infimis partibus, tum etiam supremis: Cucurbitulæ conueniūt potissimum partibus inferioribus. Et inter partes inferiores nullus locus accommodatior, quàm coxæ & crura, quæ cucurbitulæ interdū apponuntur scarificatæ, interdum leues, & non scarificatæ. Dubitare possēt aliquis, an in ipso paroxysmo, vt conueniūt cucurbitulæ scarificatæ, sic etiā cōueniat venæ sectio. Dico, cum in hac passione corpus mulieris sit valde refrigeratum, nisi summa adsit plenitudo, nequaquam in accessione conuenire posse sanguinis missionem, ratio est, quia misso sanguine refrigeratur magis corpus. Sed si adsit plenitudo, quæ morbum efficiat, ipsa sublata, vel imminuta, auferūtur morbi. Clysteres & glandes, qui conueniunt in his casibus, debent esse acres, & vehementes: ratio est, quia cū sensus omnes sint torpidi, & ligati, necessariò opus habent magnis stimulis, vt excitentur. Et vt habeatis clysteres & glandes, exempla vobis propono:

℞. Folio: centauri minoris, arthem. pulegij, maioranæ ana M.s. Fiat decoctio fm artem: deinde ℞. Dictæ decoctio. lib. j. s. hieræ archige. vnc. s. olei rutæ vnc. iij. mellis despumati vnc. ij. salis drach. j. s. misce & fiat clyster. Exemplum glandis hoc est: ℞. salis gēma, colloquin. ana gran. iij. ellebori nigri scrup. s. nitri, cymini ana gra v. mellis q. s. Fiat suppositorium. Supponuntur autem vtero ad excitandū per sensum tactus etiam res odoratæ: sed aduertite, non curare, quia sint odoratæ, sed vt dicebat Alexander 2. probl. 65. prosunt res odoratæ, quia cum sint tenues, calidæ, & acres, dissipant & exsiccant omnes vteri humores. Supponuntur autem vtero moschus, zibetum, ambra, gallia moschata mesues. Atq; tot sunt, quæ per sensum tactus excitant mulieres præfocatas. Quæ vero per sensum odoratus excitant, sunt foetida omnia, & sternutamenta, quia foetida, (vt intellexistis) sunt naturæ nostræ inimica, & spiritus animales

malis odoribus offensi, agitantur, vt repellant, atq; in hac agitatione vehementer concitant corpus, & calorem natium. Sunt aut hęc foetida, castorium, sagapenum, præsertim in aceto maceratum, lucernę extinctę, abrotanum, ruta, soleę & tustę deustę: præterea a proprietate capilli ipsius mulieris patientis deusti, & naribus suppositi, putantur mirificę excitare præfocatas. Aduertenda sunt circa res foetidas, & odoratas, duo: vnum, vt vbi odorata supponuntur vtero, semper studeatur ne ad nares perueniant, propter q̃ machinantur Medici vasa, & integumēta, quę tueantur quo minus odores ascēdant ad nares: similiter si foetida superioribus partibus adhibeantur, danda est opera, ne foetores ad vterum perueniāt, quod etiā iisdem remedijs conficitur. Alterum est circa hanc rem aduertendū, licet ferē semper laudant Medici in his casibus ea, quę sunt vehementer calida, Veruntamen interdum curandum esse frigidioribus, vel tepidioribus. Nam contingit plerumque, vt frigeant valde præfocatę, & opus habent calidis: pōtēst tamē vsu venire, vt præfocatę sint calidiores, ratione cuius necesse est temperare medicamentum. In hoc casu apprimē conueniunt rosę, cāphora, violę, & eę herbę, quę sunt frigidiores, aut tepidiores, Sternutamenta etiā, quę excitantur per odoratum, maximē commendantur. Sed circa vsum horū est aduertendum, quia si repleto capite adhibentur, imminet periculum ne ex præfocatis fiant apoplecticę, quocirca diligenter respicere debetis, an præfocatę caput plenum habeant, nec ne. Quę excitant per sensum auditus, sunt clamores vehementes, nam consuevere mulieres vocare patientes, interdum etiam bombardis, & omni genere fragoris, & tonitruum vtentes. Præter hęc remedia, quę excitant per sensus, sunt & alia, quę citra vllum sensum videntur excitare, vt sunt emplastra, & vnctiones, quę pectini adhibita, putantur excitare: vt vnctiones ex oleo chamomeli. liliaceo cum sale. Emplastrum ex cępa lilij cocta sub prunis, quę si nihil conferant, mandat Auicenna, vt obstetrix digitum vuluę immittat, atq; fricet. Nam habetis exemplum apud Galenum illius vuluę, quę cū præfocata esset, restituta fuit digito immisso ab obstetrice in vterū, & emisso semine. Puluis chrystalli bibitus putatur a proprietate excitare præfocatas, vt etiam apud Galenum commendatus est agarius in puluērem reductus, & potatus. Quod si nihil etiam hęc conferant, quid agendum? Laudant Medici, vt capiatur oleum feruens & super caput infundatur. Laudant etiam aliqui, vt caput egrę inuratur, & hoc remedij genus ego magis amplector, quia oleum candens, & bulliens, præterquam q̃ ignem diutius retinet, solet etiam caput valde deformare, quod quidem non facit ignis, si prudenter administretur. Atq; hæc est ratio subueniendi præfocatis, dum tenentur

nentur a paroxismo, in quo de victu non verba feci, quia dum sunt  
 in hac passione, non est cogitandum de victu, sed solum certatur re  
 medijs. Curatio extra paroxysmum vt rectè instituatur, ante alia  
 cogitare debetis, a qua causa facta sit præfocatio, an ex mens-  
 truis retentis, an ex semine retento: sed vtcunque sit, qm̃ hæc curatio est  
 potius præseruatoria, quam curatoria, necesse est ante alia viuendi  
 rationem proponere: vt aer sit calidus, & siccus, fugiantur nimie  
 vigiliae, motus grauiore, quia ex solo timore, & gaudio visæ sunt  
 mulieres præfocari. Similiter otium consumatum est prorsus fugi-  
 dum, corpus exerceri debet moderate horis matutinis, potius ante  
 cibū, quam a cibo, balnea fugienda, si mulier sit assueta veneri, &  
 sit fecunda, id est, calida & humida, debet aliquam rationē habere,  
 vt libidinem compescat, & refrenet. Quæ autem refrenant sunt:  
 inedia, somnus factus supra agnum castum, mandragoram, ius quia-  
 mum, cicuta bibita, vt alias docui uos, extinguit veneris incendia.  
 Circa cibum, & potum, debet esse mulieres valde solertes, quia po-  
 rus nisi sit ex vino, tenui, modicè austero potius vetusto, quam recē-  
 ti, aut ex aqua aliqua confecta cum aromatibus, profectò noxius  
 est. Cibi debent esse qui extenuent, exsiccent, calefaciāt, & nutriāt  
 moderatè: quare omnia edulia crassa, dulcia, legumina omnia in  
 his casibus sunt fugienda. Victu instituto, si ex retentis mensibus  
 malum proficiscatur, cogitandum est quamprimum de aperiendi  
 mensibus. Aperiuntur menses, vel medicamentis purgantibus, vel  
 sectione venæ saphenæ, vel medicamentis ad prouocationem ac-  
 commodatis. Pro purgatione corporis primum lenienda erit aluus  
 sequenti bolo: ℞. Elect. Indi. drach. iij. Elect. Lenit. vnc. j. misce, &  
 fiat bolus. Quo accepto præparandi sunt humores, cum rebus, quæ  
 aperiunt menses: vt, ℞. folior. arthemi. beton. cuscute an. M. j. sabi-  
 næ M. s. Fiat decoctio secundum artem: deinde, ℞. Diætæ decoctio-  
 nis vnc. iij. syrup. de duabus rad. de arthemisia an. vnc. j. misce. Vbi  
 syrupi exhibentur, nisi quid obstet, omnino est sanguis mittendus  
 per saphenam, & pro ratione virium est secanda vena. Si secari nō  
 potest, habetis cucurbitulas, scarificationes crurum, quæ si in ullo  
 casu profunt, certè iuuant in mulieribus secundum vterum laborā-  
 tibus. Postquam erunt præparati humores, expurgandi, & quanquā  
 habeatis alia remedia a me proposita, istud tamen est accommoda-  
 tissimum. ℞. agarici troch. scrup. iij. myrrhæ scrup. s. asari, mei an.  
 gran. iij. Infundantur s. a. in aqua arthemi. deinde facta expressio-  
 ne, adde prædictæ infusioni, diaphæn. drach. iij. mel. ros. sol. vnc. iij.  
 Fiat potus. Facta hac purgatione non est desistendum, quinimò au-  
 xilio enitemini menses prouocare. Habetis plurima medicamenta  
 in proprio capite proposita. Sed in his casibus duo remedia solent  
 esse

esse præstantissima, vsus thermarum tam in potu, quam in infusio-  
ne, vt sunt aquæ Apponenses, Aquarianæ: in calidioribus, aquæ di-  
ctæ Lastrenses in agro Patauino. Aliud remedium est, vsus cauterio-  
rum in cruribus, quæ præstant duo maximè bona: nã reuocant na-  
turam ad opus sibi familiare, scilicet ad euacuandum sanguinẽ per  
vias consuetas. Præterea vapores, qui sursum feruntur, beneficio il-  
lius cloacæ non eo impetu sursum feruntur, imò sæpissimè extin-  
guuntur. Si fiat ex semine retento, dubium est an conueniat venæ  
sectio: ratio dubitationis est, quia scribit Auicennas, fugiendã esse  
Phlebotomiam. Ex altera parte vbi sperma redundat, & retinetur,  
necessariò etiam abundat sanguis, si abundat sanguis, videtur con-  
uenire venę sectio, tamen Auicennas scribit cauendum esse. Mo-  
schio, & Græci nõ meminerunt. Dico verum esse, quod scribit Aui-  
cennas, non mittendum esse sanguinem in semine retento. Sed in-  
telligenda est Auicennę sententiã, de muliere, quæ est in paroxismo,  
vel paulò post: & ratio est, quia mulieres in præfocatione, propter  
inimicam illam qualitatem, quam intellexistis, magis refrigerantur,  
magis vires ipsarum deprimuntur, quare si mittas sanguinem, idẽ  
est ac si iugules. Ex aduerso cum remotæ sunt a paroxismo, cum in  
ijs abundet sanguis, dico sanguinis missionem magnopere confer-  
re, & præsertim quãdo mulieres sic affectę non possunt venere vti.  
In hoc igitur casu maximè conueniunt ea, quæ sperma extinguit,  
quæ hoc loco enumerare nolo, propterea quod habuistis ante a me  
in Capite de Gonorrhœa, quibus auxilijs, & remedijs seminis fœ-  
cunditas coercenda sit.

F I N I S.

## CONCLUSIO.

*Hic est finis tractatus nostri de Morbis Muliebribus, qui ni fallor amplissimus est, ita ut pauca in ipso quis desiderare possit. Si vobis hac re satis fecero, debetis Deo immortales gratias agere, qui me incolumem seruauit, & vires, ut hunc laborem perficerem, suppeditauit: sin serus tenuitati ingenij mei, non uoluntati, quæ nunquam vobis defuit, neque deerit unquam, adscribatũ. Valete.*

## REGISTRVM.

... ABCDEFGHIKLMNOPQRSTVXYZ.  
Aa Bb Cc Dd Ee Ff Gg.

Omnes sunt Quaterniones, præter Gg, quæ est Duernio.

VENETIIS, APVD IVNTAS. M. D. XCI.

261813



一、二、三、四、五、六、七、八、九、十、十一、十二、十三、十四、十五、十六、十七、十八、十九、二十、二十一、二十二、二十三、二十四、二十五、二十六、二十七、二十八、二十九、三十、三十一、三十二、三十三、三十四、三十五、三十六、三十七、三十八、三十九、四十、四十一、四十二、四十三、四十四、四十五、四十六、四十七、四十八、四十九、五十、五十一、五十二、五十三、五十四、五十五、五十六、五十七、五十八、五十九、六十、六十一、六十二、六十三、六十四、六十五、六十六、六十七、六十八、六十九、七十、七十一、七十二、七十三、七十四、七十五、七十六、七十七、七十八、七十九、八十、八十一、八十二、八十三、八十四、八十五、八十六、八十七、八十八、八十九、九十、九十一、九十二、九十三、九十四、九十五、九十六、九十七、九十八、九十九、一百。





